



THECA S. J.
ison Saint-Augustin
ENGHIEN

HO 309/172

6





OFFICIALIS
CURIÆ
REGULARIS.



ALFRED C

W. C.

1891

OFFICIALIS CURIÆ REGULARIS

Ad optimè defendenda suæ Religio-
nis jura in Curiâ ventilanda, satis
instructus ,

*OPUS APPRIME REGULARIBUS
NECESSARIUM.*

E L A B O R A T U M

A P. F. AUGUSTINO
MATTHÆUCCI
L U C E N S E ,

Provinciæ Observantis Romanæ, S. Theologiæ
Lectore Jubilato, & Romanæ Curiæ Ord.
Minor. Secretario Generali &c.

CUM DUPLICI INDICE.



V E N E T I I S , M . D C C I .

Apud Antonium Bortoli .

Superiorum Permissu , ac Privilegio.



Reverendissime Pater .

DE mandato P. V. Reverendissima diligenter lustravi Opusculum , *cujus titulus est -- Officialis Curie Regularis, ad suæ Religionis jura optimè defendenda satis instructus -- concinnatum ab Admodum R. P. Augustino Lucense, Ordinis nostri Lectore Jubilato, nostræque Romanæ Provinciæ Ex Diffinitore, & in hac Alma Curia Romana Secretario Generali , ac reperi non modò nihil censurabile continere, verùm etiam uberrimè præstare in medulla, quod promittit in cortice. Siquidem, ut scriba doctus, similis est Patrifamilias, què profert de Thesauro suo nova, & vetera, cùm tam antiquiora, quàm recentiora monumenta ex decretis Sacrarum Congregationum fideliter exhibeat, quibus hujusmodi Ministri commodè erudiantur. Quare, salvo meliori judicio, ac servatis servandis, fieri posse publici juris, censeo. Roma ex Araceli die 6. Aprilis Anno Jubilei Universalis 1700.*

Ego frater Jo: Antonius de Panormo Sac. Theologiæ Lector Jubilatus, ibidem studiorum Præfectus, Scriptor Ordinis, Sac. Congregationis Indicis Consultor, necnon S. R. & Universalis Inquisitionis Qualificator &c.

Opus inscriptum -- *Officialis Curiae Regularis ad suae Religionis jura optimè defendenda satis instructus* -- ab Ad. R.P.F. Augustino Lucense, Ordinis nostri Lectore Jubilato, hujus meae Provinciae Ex Diffinitore, & in hac Alma Curia Romana Secretario Generali, non sine uberrima animi voluptate, ac utilitate perlegi, ac de mandato Reverendissimi P.N. Matthæi à S. Stephano, Ministri Generalis, studiosè admodùm, atque accuratè perlegi. Authorem suum liber omninò redolet copiosissimam Sacrorum Decretorum notitiam, sanam doctrinam, indefesso labore, ac sedula officii, quod gerit, opera comporatam, opportunè ingerens. Nihil in eo Catholicæ Pietati, puritati Fidei, morumque Sanctitati repugnans, comperi; adeoque prælo dignum judico, ad omnium Regularium, eorumque præcipuè, quibus Curialia Ordinum negotia commissa fuerint, utilem instructionem; In quorum fidem &c. Dat. Romæ ex Almo Conventu Sanctæ Mariæ de Aracæli hac die 6. Aprilis, Anno Jubilei 1700.

Ita censeo, salvo meliori judicio Ego *Frater Michael Angelus de Candia SS. Congregationum Indicis, & Rituum Consultor, & Visitationis Apostolicæ Votans: Apostolicus, & Cæsareus Concionator, & Discretus perpetuus Ordinis, & actualis Minister Provincialis &c.*

Fr.

FR. MATTHÆUS A' S. STEPHANO

Sacrae Theologiae Lector Jubilatus, ac totius Ordinis S. P. N. Francisci Minister Generalis, & servus.

Cum Librum, cui Titulus est -- *Officialis Curiae Regularis, ad sua Religionis jura optimè defendenda satis instructus* - à R. P. F. Augustino Lucense, Ordinis nostri Lectore Jubilato, hujus Romanae Prov. de Observantia Ex-Diffinitore, & in hac Alma Curia Romana Secretario Generali elaboratum, duo ejusdem Ordinis nostri Theologi de mandato nostro reviderint. Nobisque scripto retulerint prælo dignum esse, utpotè nihil Catholicæ Fidei, morumque Sanctitati repugnantem, imò sanam doctrinam redolentem, omnibusque Regularibus, apprimè verò, quibus Curialia Ordinum Negotia fuerint commissa, utilem, ac necessarium omninò esse; Ided ut imprimi possit, si iis, ad quos spectat, ita videbitur, quantum nostra interest, concedimus, & indulgemus. In quorum fidem Præsentates propria manu subscriptas, ac sigillo majori Ordinis munitas dedimus. Romæ ex Araceli die 6. Aprilis 1700.

Fr. Matthæus à S. Stephano Minister Gener. &c.
Loco † Sigilli.

De Mandato S. Reverendiss. Paternitatis Fr. Sebastianus à Benevento, Secr. generalis Ord.

INDEX TITULORUM

C A P U T I.

Officialis quoad Abbatissæ electionem .

C A P. II.

Officialis quoad Absolutionem à reservatis
Episcopo .

C A P. III.

Officialis quoad approbationem ab Ordinario
pro Secularium Confessionibus.

C A P. IV.

Officialis quoad Benedictionem .

C A P. V.

Officialis quoad Bona mobilia , & immobilia .

C A P. VI.

Officialis quoad Celebrationem Missarum .

C A P. VII.

Officialis quoad Clausuram Monialium .

CA.

C A P. V I I I.

Officialis quo ad Conciones.

C A P. I X.

Officialis quo ad Confessarium Monialium.

C A P. X.

Officialis quo ad Confraternitates.

C A P. X I.

Officialis quoad Conservatores.

C A P. X I I.

Officialis quo ad Conventus.

C A P. X I I I.

Officialis quo ad Delicta.

C A P. X I V.

Officialis quo ad Diæcesanam legem.

C A P. X V.

Officialis quo ad electionem Prælatorum.

C A P. X V I.

Officialis quoad Exemptionem ab Ordinariæ
Jurisdictione.

A 5 C A P.

C A P. X V I I.

Officialis quoad Exequias.

C A P. X V I I I.

Officialis quoad Festos dies.

C A P. X I X.

Officialis quoad Indulgentias.

C A P. X X.

Officialis quoad Interdictum.

C A P. X X I.

Officialis quoad Legata.

C A P. X X I I.

Officialis quoad literas S. Penitentiariæ.

C A P. X X I I I.

Officialis quoad Ordines Sacros.

C A P. X X I V.

Officialis quoad penas Ecclesiasticas.

C A P. X X V.

Officialis quoad Privilegia.

C A P.

C A P. X X V I.

Officialis quoad Processiones.

C A P. X X V I I.

Officialis quoad Professionem.

C A P. X X V I I I.

Officialis quoad Quartam funeralem.

C A P. X X I X.

Officialis quoad Sacramentorum administrationē.

C A P. X X X.

Officialis quoad Sepulturas.

C A P. X X X I.

Officialis quoad Syndicum Apostolicum.

C A P. U L T I M U M.

Officialis quoad Tertiarios.

NOI REFORMATORI

Dello Studio di Padoa .

HA vendo veduto per attestato del Segretario nostro nel libro Stampato in Roma nell'anno 1700. intitolato *Officialis Curiae Regularis* del P. Agostino Matteucci , non esserui cos'alcuna contro Principi , e buoni costumi concediamo licenza à Antonio Bortoli , che possi esser stampato osservando gli ordini in materia di Stampe , e presentando le solite copie alle pubbliche librerie di Venetia , e di Padoa .

Data li 9. Aprile 1700.

(*Ferigo Marcello* Proc. Ref.

(*Gierolamo Venier* K. Proc. Ref.

Agostino Gadaldini Segr.

OFFICIALIS CVRIÆ REGVLARIS.

CAPUT PRIMUM.

Officialis quoad Abbatissæ Electionem.

S U M M A R I U M.

- 1 *Abbatissa eligitur per vota secreta.*
- 2 *Secreto non officit assistentia adnotantium suffragia.*
- 3 *Nulla est Electio, si unius suffragium non secreto reddatur.*
- 4 *Clausula Decreti irritantis actum contra eius tenorem factum annullat.*
- 5 *Decretum irritans, etiam ignorantes, ligat.*
- 6 *Electio non secreta per ignorantiam non sustinetur.*
- 7 *Annus quadragesimus debet esse completus.*
- 8 *Eligi potest trigenaria.*
- 9 *Potest fieri per schedulas, & oretenus.*
- 10 *Major pars Capituli sufficit.*
- 11 *Supra medietatem sat est quilibet excessus; & erit sanior.*
- 12 *Electa triennium officii non potest excedere, & triennio debet vacare. Vide num. 24.*
- 13 *Superior non suffragatur in electione.*
- 14 *Voce*

- 14 *Voce activa caret Tertia Soror, & quoad
Conversas consuetudo servatur.*
- 15 *Cum Prælato Regulari potest Ordinarius
interesse.*
- 16 *Vota recipiuntur à Superiore Regulari.*
- 17 *Non adnotantur nec ab Episcopo, Notario,
vel Cancellario.*
- 18 *Non competit Ordinario jus confirmandi
Abbatissam.*
- 19 *Nec potest publicare electionem.*
- 20 *Confirmationibus annualibus non interve-
nit.*
- 21 *Illegitima est ineligibilis : Tertia Soror,
penitentiata, & Vidua.*
- 22 *In eligenda professio tacita non sufficit.*
- 23 *Quibus professio tacita probetur.*
- 24

IN Abbatissarum electione, sicut, & cæ-
terorum Superiorum, ea in praxi sunt
observanda, quæ Tridentin. *sess. 25. cap.*
6. de Regul. expresse, ut infra disponit: --
In electione superiorum quorumcumque
&c. & Abbatissarum, ac aliarum Præpo-
sitarum, quo omnia rectè, & sine ulla frau-
de fiant, in primis Sancta Synodus districtè
præcipit omnes supradictos eligi debere per
vota secreta; ita ut singulorum eligentium
nomina nunquam publicentur: -- Et in-
frà: -- Si verò contra hujus Decreti con-
stitutionem aliquis electus fuerit, electio
irrita sit. -- Ex quibus liquet Concilium
ea statuere, quæ ad id conducunt, ut
electiones sint liberæ. Quippè liberius
quisque profert, quod in Conscientia sen-
tit, si de secreto non dubitet: & facilius
vitan.

vitantur incommoda , quæ è publicatione possent in Monasteriis , propter necessitatem simul vivendi , oriri , ex observatis ab Engel. *Colleg. universi Juris Canon. lib. I. tit. de Elect. num. 35.*

Nec secreto Electionis officit assumere duos probatos , prudentesque viros , qui
 2 eligentium suffragia audiant , & notent ; quia præterquam quod id non facit , quin electio sit ipsis Monialibus secreta , prout notat etiam Pellizarius *de Monialibus cap. 10. sess. 2. sub sect. 1. quest. 10. num. 99.* iisdem inhibetur eligentium nomina publicare . Et sunt necessario adhibendi , ut de electionis validitate sint testes , & sine fraude , & dolo contigisse sciant .

3 Officeret tamen si una ex suffragantibus voce intelligibili , & alta suffragium redderet Prædicti sic , ut quæ magis essent propinquæ , cui esset datum , audirent ; Etenim in casu secreta , nec diceretur , nec esset ; benè verò nulla . Quod , attento Decreto irritanti ibidem appposito , dubium non est . Cum clausula Decreti irritantis ipso jure actum contra ipsius tenorem gestum annullat ex Glossa in Clementina . *Cum ei de concess. præben. lib. 3. tit. 3. Verbo præsupponendum .* Et firman-
 4 tes nec vigore consuetudinis sustineri electionem aliter factam , quia , ut ipse notavit , Decretum irritans omnem tollit consuetudinem in contrarium , etiam futuram . *Vide cap. Offic. quoad electionem Prælati. num. 19.*

Imò eodem ex aliis sustinet formam substant-

stantialem induci : hinc notandum est , quod licet ex omissione eorum , quæ sunt de solemnitate non substantiali , electio ipso jure non irritetur , sed annullanda reddatur : oppositum sequitur in eorum defectu , quæ sunt de ipsius substantia .

- Nec favet electioni , quod Monialis ex errore , & Juris ignorantia (quæ per DD. tam in Muliere , quam in minori præsupponitur) votum reddiderit , quia *ex cap. quodam de præbend. in 6. lib. 3. tit. 4.* & ibi glossa , & *cap. quia Cunctis de Concess. præbend. Item in 6. eodem lib. tit. 7.* Decretum irritans etiam ignorantes ligat . Et patet ex Clausula , quæ sæpè in Pontificiis Constitutionibus apponitur , ut sequitur : -- Irritum , & inane si secus super his à quocumque quavis auctoritate scienter , vel ignoranter contigerit attentari . Et in terminis decrevit S. Congregatio Concilii apud Spirell. *loc. cit. n. 34.* ut infra : -- Electio Abbatissæ facta per vota non secreta per ignorantiam hujus Decreti , (*nempè cap. 6. sess. 25. de Regul.*) -- Non valet , nec Episcopus potest dispensare , ut valeat : Sanctissimus tamen dispensat consideratis circumstantiis .

Eligendarum qualitates , & ætas , habentur eisdem *sess. cap. 7.* -- Abbatissa , & Priorissa , & quocumque alio nomine Præfecta , vel Præposita appelletur , eligatur non minor annis quadraginta , & quæ octo annis post professionem laudabiliter vixerit .

- 7 Annus quadagesimus debet esse completus , ut firmat S. C. Conc. in una *Neapolitana*

litana sub die 24. Septembris 1678. lib. 30. Decret. fol.

Rationem affert Pignatell. tom. 10. consult. 11. n. 50. Etenim per Concil. non debet esse minor quadraginta annis, esset autem minor, nisi annum quadagesimum explevisset; nam ille est major quadraginta annis, qui quadagesimum annum complevit; esse enim majorem tali anno, dicit esse supra eundem, ipsumque excedere: & qui non excedit, nec major est; Et cum Major opponatur Minori, certè ille minor erit, qui annum quadagesimum non compleverit; Et idèd, ne sit minor, debet esse major annis quadraginta. Verùm in hoc attenduntur sententiæ, non consequentiæ.

- 8 Si verò non sit in Monasterio quadragenaria: -- Ex iis, *subdit Concil* quæ in eodem Monasterio annum trigessimum excefserint, & quinque saltem annis post professionem rectè vixerint, Episcopo, vel alio Superiore consentiente eligatur: -- Quòd si nec etiam hujus ætatis reperiretur, postulanda esset à Sede Apostolica.

- In loco patenti, & extra Clausuram fiat, *ex eodem cap.* -- is verò, qui Electioni præest, Episcopus, sive alijs Superior, Clausuram Monasterii non ingrediatur, sed ante Cancellorum Fenestellam Vota singularum audiat, vel accipiat. -- Per disjunctivam *Audiat*, vel *Accipiat*, datur libertas, ut electio fiat, vel per schedulas, quæ continentur in verbo *Accipiat*; vel oretenus, quod continetur in verbo *Audiat*.

-- In Reliquis, & caput concludit, serven-

ventur singulorum Ordinum, vel Monasteriorum Constitutiones: -- Constitutiones autem Minorum de Observantia *capit. 11. § 9. desumptæ ex Vallis 1591. tit. de Monasterii Præfecta*, plura ad casum spectantia præscribunt: -- Ut quod electiones non fiant per Schedulas, sed oretenus, & quod illa censeatur ritè, & canonicè electa, cui major pars Capituli Monialium accesserit. (Et alia.) Quod in terminis Electionis Abbatissarum Ordin. S. Claræ Nicolaus V. 9. Martii 1447. apud *Confectium collect. privileg Mendicantium Const digna reddimur*: disposuit, ut infra: -- quæ Abbatissarum Electiones, si à majori parte earum numero dumtaxat factæ fuerint, canonicæ censeantur. -- Ità quod si Moniales sint viginti, undecim debeant concurrere in personam Monialis electæ.

II Supra medietatem sufficit quilibet excessus, etiam medii voti: ita ut si sint undecim, sex sint satis per Santoro *super stat. S. Francisci cap. 8. statut. 2 pag. mibi 555.* quippè medietas cum illo excessu, verè diceretur pars major: imò & sanior, cum ex Pellizar. *num. 100.* semper major pars præsumatur sanior, si persona electa non sit indigna: adeoque iustior, & majori iustitiæ, & æquitati innixa.

Triennium Præfecturæ non debent excedere, ad tenorem Constit. Gregor. XIII. apud *Confectium ibidem, die 1. Januarii 1583. Incipit exposcit debitum &c. & infra*: -- Abbatissæ, aut aliæ Præfectæ non ampliùs perpetuæ, seu ad vitam, sed triennales tantùm, à Conventu, cujuscumque Mona-

Monasterii juxta decreta Sac. Concil. Trid. & Regularium suorum Ordinum instituta, eligantur, & præficiantur; quæ postmodum, elapso triennio, suis officiis perfunctæ, præesse desinant, omnique prorsus careant auctoritate, ac à Regimine, & administratione Monasterii per triennium, à die finitæ administrationis inchoandum, abstineant: quo elapso, servata eadem forma Concil. Trident. iterum, & pluries eligi possint.

Quod inviolabiliter, & perpetuò in futurum observari præcepit, (& iterum statuit) Sixtus V. Constit. *Et Communis cura*: Apud Roderico *Collect. privileg. pagin. 494. & regestum 2. Cismont. ab anno 1587. ad 1607. pag. 12.* ab iis curæ Fratrum Minorum de Observant. commissis, ut sequitur: -- Abbatissæ, vel aliæ Præfectæ quorumcumque Monasteriorum Monialium ipsorum Fratrum curæ commissarum, ad summum triennales sint, & suis officiis, elapso triennio, perfunctæ &c Sed saltem per integrum triennium à die finiti sui officii administrationis numerandum; nullum Abbatissatus, seu præfecturæ Monasteriorum, aut aliud officium, neque aliquam potestatem, vel auctoritatem in eis obtinere, vel exercere possint, aut debeant.

- 13 Sic Monialibus in hujusmodi Electionibus competit suffragari, ut ipsarum Superiores ad id jus non habeant, ex Sac. Cong. Conc. 23. *Maii 1621. Lantuf. verb. Abbatiss. num 4.*

- 14 Voce electiva caret tertia soror germana

na ex S.C. Ep. 26. *August. 1616. Lant. verb. Monialis* ; Et ubi est consuetudo , quod Conversæ ad vocem activam , vel passivam non admittantur , est servanda , Nicol. Flos. *verb. Conversus* ex Sac. Cong. n. 20.

- 15 Cum Præfato Regulari potest electioni Abbatissæ Monasterii exempti interesse Ordinarius per se , vel per alium , non alios , juxtà dispositionem celebris Constit. Gregor. XV. *Inscrutabili Bull. Cherub. to. 3. pag. 402.* ubi : -- Ac similiter possit Episcopus unà cum Superioribus Regularibus quarumcunque Abbatissarum , Priorissarum , Præfectarum , vel Præpositarum eorundem Monasteriorum , quocumque nomine appellentur , electionibus per se , vel per alium interesse , & præsidere . -- Ideo est Ordinarius dies electionis significandus , ipseque expectandus , si ipse expressè declaraverit , vel per se , vel per alium , vel le interesse ; adeout possit in regulares animadvertere , si ante tempus significatum ad electionem procedant ex S. Congr. Conc. ad dubia super alleg. Constit. eidem proposita , ut in Bull. *loco cit.* Et eo nolente accedere , facta , substatetur , ut valida , quia in Constitutione Gregorii non apponitur decretum irritans . Pignatell. *tom. 8. Consult. 120. Pasqual. ad Laur. de Franc. par. 1. sub num. 33.*

Cæterum illud præsidere Ordinario non confert jurisdictionem aliquam , & superioritatem in electionem , vel Moniales exemptas eligentes . Quia ex eo non habet
16 posse exquirere , aut vota Monialium recipere , sed exquirenda , & recipienda esse à
supe-

superiori regulari privativè quoad Episcopum, eodem tamen sciente, & audiente firmat S. C. C. 10. *Septembr. 1650. apud eundem Lant. num. 2.*

17 Neque adnotare vota juxta Sacr. Congr. Ep. & Reg declarationem, tenoris, qui sequitur -- Sac. Congr. inhærendo declarationi aliàs die 18. *Martii* factæ, iterum censuit, & declaravit in electionibus Abbatissarum in Monasteriis Regularibus subiectis, adnotationem suffragiorum, non pertinere neque ad Episcopum, neque ad ejus Vicarium, prout neque ad Cancellarium 19. Junii 1671.

18 Nec minus habet jus electas Abbatissas confirmandi ex S. C. C. apud Fagn. *de Privileg. cap. cum Capella pag. 63. ad dubium 5.* eidem, occasione Bullæ Greg. propositum: quo quærebatur; -- an per eandem Constitutionem in illis verbis possit Episcopus unâ cum Superioribus Regularibus quarumcunque Abbatissarum &c. Electionibus per se, vel per alium interesse, ac præsidere, jus Abbatissas confirmandi Episcopis attributum censeatur; *Respondit* jus confirmandi Abbatissas minimè fuisse Episcopis per Constitutionem attributum. -- Et, sicut cum aliis notat Layman 99. *Canon. cap. ultim. quæst. 234.* confirmanda est à superiore Regulari, utpotè Prælato immediato; & ex eo potest inferri ad eundem Ordinarium non spectare electionem publicare, verum est servanda consuetudo.

20 Quoad verò confirmationes exemptarum Abbatissarum, quæ quolibet anno à Superiore

riore Regulari , vel ejus Delegato fiunt , quoad interessentiam Ordinarii , debet observari solitum , ut disponit S. C. Episc. & Reg. *sub die 15. Maii 1671. in uno Brixien. Lantuf. supplem. verb. Elect. Abbatiss. n.3.*

Præsidere igitur in casu præter nudam præsentiam , & interessentiam , infert ordinationem , & directionem , ut electio quietè , & sine strepitu concludatur , & absque ulla violentia , vel defectu contingat , ut ex aliis notavit Sanctior. *loc. cit. pag. mibi 841.*

- 21 Est in Abbatissam ineligibilis illegitima ; ejusque electio , si absque Apostolico indulto contingat , nulla à Sac. Congr. Conc. declaratur in una *Nullius 27. Aprilis 1630. lib. 14. Decr. fol. 278.* -- Circumscriptis Privilegiis Apostolicis , si quæ fuerint Religionis concessa , censuit electionem Monialis illegitimæ in Abbatissam absque dispensatione Apostolica esse irritam . Item tertia soror germana : Sac. Congr. apud Lantuf. *ver. Monialis num. 4.* & publicè penitentiata , S. Congr. 3. Octobr. 1636. *Flesc. Nicol. verb. Abbatissa num. 8.* nisi penitentia fuerit salutaris ; ubi *num. 5. ex S. Congr. 26. April. 1652.* refert observandum esse statutum , si alicubi haberetur , quod soror non possit succedere sorori in officio Abbatissatus ; & Vidua , præterquam inter convertitas , Sac. Congr. 28. Februar. 1614. *idem verb. vidua n. 6.*

- Ad posse activè eligere non requiritur
22 expressa professio , prout est necessaria in eligenda , sed tacita sufficit , ut expressè habetur *cop. indemnitatibus de electione in 6. lib. I. tit. 6.*

Tacita

Tacita autem professio concludenter probatur ex iis; Primò, ut actus, per quos
 23 sit inducenda, fiant auctoritate, & consensu Superioris, qui Monialem ad professionem potest admittère: Secundò, ut spontanea, & libera voluntate fiant. Tertio, ut scienter fiant sic, ut ipsa sciat; dictos actus solis Professis convenire. Quartò, ut iis actibus utens verum propositum profitendi habeat. Ultimo, ut annum sextum decimum excesserit; ut tradit Sperellus *ibid.* num. 42. ex Miranda *Manual. Prælat. rom. I. quest. 24. art. 7. conclus. 2.*

24 In casu, quo duæ sint in votis æquales, nova erit electio instituenda; & tunc donec nova Abbatissa eligatur, poterit altera, quæ triennium absolverit, sub titulo Præsidentis, vel alio, Monasterium regere; ex Peliz. *cap. 8 quest. 43 num. 59.* & Mirand. *de Monial. q. 7 art. 9. concl. 2.* exponente Gregorium, & Sixtum; quorum intentio fuit perpetuitatem excludere, & ambitiosas corrigere; & ideo firmarunt nullam posse in Monasterio absoluto officio Prælaturæ aliud Officium ad triennium obtinere, nisi interstitio triennij interposito. Videatur Santor. *cap. 11. stat. 7. pag. mibi 843.*

CAPUT II.

Officialis quoad Absolutionem à reservatis
Episcopo.

SUMMARIUM.

- 1 *Quid sit casus reservare.*
- 2 *Actus reservationis est localis.*
- 3 *Possunt Regulares absolvere seculares à reservatis in alia Diocesi.*
- 4 *Non verò à Censura in ea reservata.*
- 5 *Ex vi suorum Privilegiorum non possunt absolvere à casibus reservatis Episcopo Diocesano, sine ejus licentia.*
- 6 *Neque id possunt post confirmationes suorum Privilegiorum.*
- 7 *Non possunt absolvere seculares à casibus Bullæ Cane, & Sedis Apostolicæ reservatis.*
- 8 *Numerantur casus reservati, comprehensi in Decreto Sacra Congregationis edito 1602.*
- 9 *Ligantur Regulares etiam extra Italiam.*
- 10 *In articulo mortis nulla est reservatio.*
- 11 *Quilibet Sacerdos potest in articulo mortis à reservatis absolvere.*
- 12 *Absolutus in mortis articulo à censura reservata, si evadat periculum, tenetur comparere coram Superiore, qui eam tulit.*

1 **R**eservare casus aliud non est, quàm jurisdictionem inferiorum Sacerdotum restringere, seu limitare. Accipitur utique in Sacerdotali Ordinatione potestas, seu jurisdictio absolvendi à peccatis, at solum in habitu, seu actu primo; quia

quia non dat ordinatio subditos, in quos possit collata potestas exerceri; & solum illius executio, vel jurisdictio, in actu secundo obtinetur, cum Ecclesia per suos Prælatos consignat Sacerdoti subditos, in quos judicariam exercent potestatem; & id fit, vel per collationem Parochialis beneficii, vel per approbationem ad confessiones audiendas quæ approbatio nil est aliud, quàm admissio, seu significatio consensus Prælati, ut Sacerdos in foro pœnitentiali absolvat, & quidē plenariè, nisi aliquos casus excipiat & suo judicio reservet. Unde quibus prohibetur absolvere à casibus reservatis, id fit non ex defectu potestatis Ordinis, sed ex ordinatione canonica exercitium jurisdictionis restringente.

- 2 Cum reservationis actus sit localis, & restrictus ad suam cujuscunque Episcopi Diœcesim, ex Trident. sess. 14 cap. 7. de *casuum reservatione*, non afficit Regulares, ad audiendas secularium confessiones, approbatos, existentes extra Diœcesim Episcopi reservantis; & ideo posse in ea Pœnitentem absolvere à casibus, in alia Diœcesi dumtaxat reservatis, non est dubium: imo certum, ex Const. superna Clem. X. *sub Kal. Julii* 1670. Decernentis expressè: -- Posse autem Regularem Confessorem in ea Diœcesi, in qua est approbatus, confluentes ex alia Diœcesi, à peccatis in ipsa reservatis, non autem in illa, ubi idem Confessor est approbatus, absolvere, nisi eosdem pœnitentes noverit in fraudem reservationis ad alienam Diœcesim pro absolutione obtinenda migrasse. -- Propter rationem, quod nullus Episcopus, etiam quoad suos subditos, po-
- 3

test limitare jurisdictionem Sacerdotis sibi non subditi.

- 4 Non est tamen par ratio de casu reservato, & excommunicatione reservata; ab illo potest Confessarius Regularis absolvere, quia reservatio, nec fertur in pœnitentem, nec afficit Regulares Confessarios in alia, ab ejusdem Episcopi reservantis, Diœcesi existentes; consequenter, quoad absolutionem à reservatis in ea Diœcesi, eorumdem nequit limitare jurisdictionem; excommunicatio verò fertur in personam v. g. laicam, ejusque Animam ligat, quæ in aliena Diœcesi (nec etiam ab hujus Episcopo) tolli potest; non ob defectum jurisdictionis in Confessore Regulari in ea approbrato, sed ob impedimentum in persona excommunicati repertum, quod reddit illam incapacem absolutionis à censura ab omni alio, quàm ab Episcopo, qui sententiam tulit. Fagn. *cap. Omnis de Pœnit. & Remiss. pag. 33. num. 80. & 81.*

- 5 Verùm nequeunt Regulares in aliqua Diœcesi ad Confessiones personarum secularium audiendas approbati, virtute suorum Privilegiorum, & non obtenta ad id ab Episcopo facultate, absolvere Pœnitentes à casibus, Episcopo illius Diœcesis reservatis; ut liquet ex responsione Sacræ Congr. facta Divo Carolo Borromæo *sud die 10. Septembris 1577.* hujus tenoris: -- Cum à S. C. Cardinalium, qui propositi sunt Decretis Tridentini Concil. interpretandis, Illustris. Amp. tua quæsierit, an Regulares ex privilegio à Sede Apostolica impetrato, præsertim
au

autem ex eo, quod nominant Mare magnum, possint in casibus, quos sibi Episcopus reservaverit, absolvere contentes? Hac de re ubi Congregatio accuratè egisset, deinde ad SS. D. N. retulisset, Sanctitas Sua, etiam de sententia Congregationis, censuit, ex facultatibus per hoc Mare magnum, aliave privilegia Regularibus concessa, factam eis non esse potestatem absolvendi in casibus, sibi ab Episcopo reservatis.

- Successit deinde Decretum Alex. VII. damnantis *sub die 24. Septembris 1665.* istam Propositionem: -- Mendicantes possunt absolvere à casibus Episcopo reservatis, non obtenta ad id Episcoporum facultate. -- *Et postea Constitutio citata Clem. X.* Ex facultatibus per Mare magnum, aliave privilegia Regularibus cujuscunque Ordinis, Instituti, aut Societatis, etiam Jesu, concessis, factam eis non esse potestatem absolvendi in casibus, ab Episcopo sibi reservatis; & quod hæc ipsis non suffragari jam acceptorum Privilegiorum confirmationes, per hæc verba testatur. -- Et per confirmationes dictorum Privilegiorum, quas Regulares, à Sede Apostolica post Sac. Conc. Trid. obtinuerunt, nequaquam revixisse Privilegia prius ab eodem Concilio, aut deinde, Apostolicis etiam Decretis, sublata, atque extincta, si quæ habebant, absolvendi à casibus Episcopo reservatis.
- 7 Præter casus Episcopo reservados, inhibetur Regularibus absolvere seculares à casibus Bullæ Cænæ, & Sedi Apostolicæ reservatis.

Et ut clarius appareret, quorum casuum, vigore Decreti à S. Congr. Episc. & Reg. editi 9. *Januar.* 1601. esset absolutio, tùm Secularibus, tùm Regularibus Confessariis prohibita, in alio Decreto emanato 26. *Novembris* 1602. eadem S. C. de mandato Clem. VIII. declaravit -- sub ea prohibitionem, vigore illius Decreti, illos tantùm impofterum comprehendere casus, qui in Bulla, die Cænæ Domini legi consueta, continentur; ac præterea violationis Immunitatis Ecclesiasticæ, in terminis Constitutionis *Gregorii XIII.*: Inicentium violentas manus in Clericos, juxta Canonem *si quis suadente*: Simonia realis scienter contractæ, atque confidentiæ beneficalis: Violationis clausuræ Monialium ad malum finem: Provocantium, & pugnantium in duello: & casus omnes, quos Ordinarii locorum sibi reservaverunt, vel impofterum reservabunt. -- Videas *Piascum Prax. Episc. part. 2. cap. 1. art. 3. de cas. res. num. 1.* per extensum ea Decreta referentem. Et *Donat. tom. 2. prax. Reg. tract. 11. quæst. 17.*

- Et licet ea Decreta ad solos Italos, existentes extra Urbem, videantur restricta, ut ex primo constare potest; non desunt tamen jura Regulares omnes, ubique locorum existentes, ligantia. Pro reservatis Episcopo sufficiant adducta superius; & pro aliis Bullæ Cænæ, additur etiam ejusdem tenor: *Nullus per alium, quàm per Rom. Pontificem, nisi in articulo mortis constitutus, absolvi possit.* Appositis clausulis, non obstantibus &c.
- qui-

Absolutionem à reservatis Episc. 17
quibus excludere intendit, omnes præter Pontificem.

Omnes item, ab impendenda extra articulum mortis absolutione à reservatis, tum Sanctæ Sedi, tum Episcopis, Trid. loc. cit. de reservatione in fine capitis excludit: -- extra quem articulum, ait, Sacerdotes cum nihil possint in casibus reservatis, id unum pœnitentibus persuadere narrantur, ut ad Superiores, & legitimos Judices pro beneficio absolutionis accedant. -- Et sicut ipso eodem capite statuit: In Ecclesia Dei custoditum semper fuisse, ut nulla sit reservatio in articulo mortis, atque ideo omnes Sacerdotes quoslibet Pœnitentes à quibusvis peccatis, & censuris absolvere possunt; -- Sic extra illum articulum non omnes possunt ab omnibus: sed à reservatis illi dumtaxat, quibus à Sede Apostolica, vel Ordinariis locorum respectivè, est concessa facultas.

Verum de eo in mortis articulo à reservatis, quibus esset annexa censura reservatæ excommunicationis, & à censura ipsa, absoluto, dicendum est cum Engell. lib. 5. tit. 39 §. 4. num 115. colleg. univ. Jur. can. & summ. Leand. verb. casus refer. numer. 43. quod si periculum evadat, teneatur coram Superiore censuram ferente comparere, ut 12 pro censura, & culpa patrata satisfactionem præstet, & ab eo, etiam in foro externo, absolutionem impetret; nam illa absolutio, à privato Sacerdote obtenta, valet solum pro foro animæ, & non potest juri Episcopi, & foro externo præjudicare; alioquin, si cessante periculo, Episco-

po, vel Papæ, se non præsentaret, ubi commodè posset, in censuram ipso jure reincideret.

Quid autem, quoad Sedi Apostolicæ reservata, possint Regularium Superiores in proprios subditos, alibi dicendum.

C A P U T III.

Officialis quoad approbationem ab Ordinario pro Secularium Confessionibus.

S U M M A R I U M.

- 1 *Est necessaria per Trid. Regularibus pro secularium Confessionibus approbatio Ordinarii.*
- 2 *Quod & plures Summi Pontifices decreverunt.*
- 3 *Etiam Lectores, & Magistri in Theologia debent approbari.*
- 4 *Non sufficit se presentare Episcopo.*
- 5 *Qui regulari iniuste reprobato confitetur, non satisfacit præcepto annuæ confessionis.*
- 6 *Approbatus in una Diœcesi debet in alia approbari.*
- 7 *Existens in una Diœcesi nequit Confessiones audire illorum, qui sunt subditi Episcopo alterius Diœcesis, à quo approbationem accepit, nisi in ea approbetur.*
- 8 *In Diœcesi, in qua Regulares sunt approbati, possunt omnium ad illam confluentium Confessiones audire.*
- 9 *Regulares habent jurisdictionem à Papa.*
- 10 *Generaliter idonei reperti debent sine limitatione temporis, & personarum, approbari.*

- 11 *Licentię generaliter concessa ab eodem Episcopo quomodo revocari non possint?*
- 12 *Et quid, si eas concesserint Episcopi antecessores, & Vicarii generales.*
- 13 *Ex causa revocari possunt.*
- 14 *Non tamen ab omnibus Regularibus unius Conventus sine Sanctę Sedis assensu.*
- 15 *Successor Episcopus potest examinare approbatos ab antecessore.*
- 16 *Debent saltem approbari à Vicario generali.*
- 17 *Sententia, quod facultates Regularibus concessę non possint à Capitulo revocari.*
- 18 *Probabilius est, quod possint.*
- 19 *Sine approbatione Ordinarii non possunt Regulares audire confessiones eorum, qui de tertio Ordine dicuntur.*
- 20 *Bene verò eorum, qui dicuntur eorum Commensales.*
- 21 *Non autem illorum, qui solùm Monasterio inserviunt.*
- 22 *Qui dicantur Regularium Commensales?*
- 23 *Venialia non possunt à Regulari non approbato in Confessione audiri.*
- 24 *An Regularis extra ordinem confiteri possit? Et cui?*

QUamvis, ut statuit Trid. sess. 23 cap. 15. de reform. -- Presbyteri in sua ordinatione à peccatis absovendi potestatem accipiant; decernit tamen sancta Synodus, nullum, etiam Regularem, posse Confessiones secularium, etiam Sacerdotum, audire, nec ad id idoneum reputari, nisi, aut Parochiale beneficium, aut ab Episcopis per examen, si illis videbitur esse necessarium, aut aliàs idoneus judi-

cetur, & approbationem, quæ gratis datur, obtineat; privilegiis, & consuetudine quacunque, etiam immemorabili, non obstantibus. -- Qua clausula expresse derogatur Privilegiis Regularium, quibus eis esset concessum, posse absque prævia approbatione Episcopi secularium confessiones audire.

- 2 Quod ante Trid firmavit Leo X. *sub die 9. Decembris 1516. Const. Dum intra mentis*, edita in Conc. Later. Consect. Collect. *Privil. Regul. Ord. Mend. & post Gregorius XV. Const. Inscrutabili*. Urbanus autem VIII. *sub die 12. Septembris 1628. Const. Cum sicut accepimus*, revocat quascunque facultates ad audiendas secularium confessiones Regularibus concessas, ita, ut nullis, five Superioribus, five subditis, etiam Societatis Jesu, ad id suffragari possint. *Piafæ. prax. Episcop. par. 2. cap. 1. artic. 2. & Bull. Cherubin. tomo 4.* Deinde anno 1648. *sub die 14. Maii constit. Cum sicut* Innocen. X. confirmavit Decretum Sacr. Congr. cui committebatur examen super ortis controversiis inter Episcopum Angelopolitanum, & PP. Societatis Provinciæ Mexicanæ, quæ censuit: -- Prædictos Religiosos, nequaquam posse in Civitate Angelopolitana confessiones secularium audire sine approbatione Episcopi Diocesani Bull. Cher. pag 284.

- 3 Hujusmodi ab Ordinario approbationem esse necessariam, etiam in Sacræ Theologiæ Magistris, & Lectoribus, sanxit apud Consect. cit. Pius V. *sub 8. Idus Augusti 1571. Const. Romani Pontificis*, in qua post alia hæc subdit: -- Nos super
his

his pro debito Pastoralis officii, prout tene-
mur, salubriter providere volentes, te-
nere præsentium, hac nostra Constitutio-
ne perpetua sancimus, decernimus, & de-
claramus, Decretum Concilii Tridenti-
ni de approbatione Regularium, audien-
dis Confessionibus Secularium, præposito-
rum, ab Episcopis facienda, observari
debere, etiam in omnibus Regularibus
quorumcunque Ordinum, etiam Mendi-
cantium, etiam sub Regulari disciplina vi-
ventibus, etiam si sint Lectores, aut in
Theologia, etiam de Superiorum suorum
licentia, graduati, vel promoti, vel à
suis Magistris Generalibus, vel Provincia-
libus Ministris Secularium Confessionibus
audiendis expositi --. Et cum hæc Con-
stitutio sit posterior ea, quam idem in am-
plissimum Mendicantium favorem edidit
anno 1567. eidem certè derogat, sicut
posteriores leges prioribus, quibus oppo-
nuntur, derogare solent, easque antiqua-
re Cabass. *prax. Jur. Can. lib. 1. cap. 11.*
num. 3.

4. Nec sufficit se præsentare Episcopo, ve-
rùm etiam debet quis ab ipso approbari, &
approbationem obtinere, ut in terminis
Trid. ; idque adeò necessario, ut de eo, qui
Regulari Episcopo præsentato, & ab eo non
approbato, confitetur, sit certum præcepto
annuæ confessionis non satisfacere, ut decre-
vit *Alex. VII. 14. Septembris 1665.* hanc
5. damnans Propositionem : -- Satisfacit præ-
cepto annuæ confessionis, qui confitetur Re-
gulari, Episcopo præsentato, sed ab eo iniu-
ste reprobato. --

- 6 Nequit Regularis in una Diœcesi approbatus ex vi illius approbationis, Secularium confessiones in alia Diœcesi audire, ut habet citata Constitutio *Innoc. X.* --- ad quæsitum verò, utrum Regulares quicunque, etiam Societatis Jesu, possint administrare Secularibus Sacramentum penitentiae absque licentia Episcopi Diœcesani, etiam si ipsi Regulares in aliena Diœcesi approbati sint? Respondit Sacr. Congr. Regulares, etiam Societatis Jesu, in una Diœcesi ab Episcopo approbatos ad secularium Confessiones audiendas, nequaquam posse in alia Diœcesi ejusmodi confessiones audire sine approbatione Episcopi Diœcesani.
- 7 Etiam si Penitentes essent subditi illius Episcopi, à quo fuerunt Regulares approbati, quod *Clemens X. 2. Kal. Julii 1670. Const. superna Patris familias sic decrevit* --- ad hæc Religiosos ab Episcopo ad confessiones secularium in sua Diœcesi audiendas approbatos, non posse in alia Diœcesi eas absque Episcopi Diœcesani approbatione audire, quamvis penitentes subditi sint ejus Episcopi, à quo ipsi Religiosi jam fuerant approbati.
- 8 Verùm in Diœcesi, in qua sunt approbati, possunt omnium ex aliis Diœcesibus ad eam confluentium secularium confessiones audire; & esse à Sacr. Congreg. Conc. determinatum, testatur *Fagnan. cap. Omnis de penitentia, & remissione*: cum, ut ipse scribit, Regulares habeant ex Clementina *dudum de sepulturis*, ex annotatione Glossæ, jurisdictionem à
9 Papa;

- 9 Papa ; cujus jurisdictio ad alicujus Territorii limites non restringitur *capite cum multa per mundum*, sed universus Orbis est sua Diocesis . Eorumque jurisdictio , cum antecederet ad approbationem sit per Tridentinum suspensa , approbatione accedente , & ejusdem jurisditionis potestas relaxatur : & ita , ut si Episcopus idoneum simpliciter Regularem invenerit , illum simpliciter , absque ulla temporis , loci , seu personarum limitatione indistinctè approbare , & admittere debeat . *Consect. Sum. Mat. Privileg. Ord. Mend. tit. 17. cap. 4.* Addens , quod sic admissus possit , etiam secularium aliarum Diocesium , in Diocesi , in qua est approbatus , confessiones audire ; ad quod facit *Decretum S. C. Regul. editum sub die 2. Julii 1587.* apud
- 10 ipsum : --- Regulares , qui ad confessiones audiendas idonei generaliter ab Ordinariis , eorumve Examinatoribus , reperti , & probati fuerint , generaliter quoque , & indistinctè absque aliqua limitatione temporis , certorumve locorum , aut generis personarum , admittantur in Diocesi propria ; de cæteris verò , qui non adeò idonei reperientur , si petierint se admitti , arbitrio Ordinariorum relinquitur , ipsos cum limitata facultate , prout eisdem Ordinariis magis expedire videbitur , probare , & admittere . -- Quod jam decreverat *Leo X. Const. Dum intra , citata , hac pbrasi* : -- Ipsique Fratres (scilicet ab Episcopo approbati) etiam Forensium confessiones audire valeant ; Quibus id etiam competit post *Bullam Greg. XV. Inscrutabili* ,

ut Sac. Cong. Conc. ad secundum Dubium, occasione illius inter alia propositum, prout sequitur, respondit: -- Hac in parte Constitutionem nihil novi juris induxisse, nec ullam novam auctoritatem Episcopis in Regulares attribuisse; ideoque in vim ipsius Constitutionis non posse Episcopos Regularibus præscribere, ut certis tantum in locis, ac temporibus, aut certarum personarum confessiones audiant, vel aliàs illorum Privilegia in Sacramentis administrandis restringere, aut moderari. -- *Bull. Gherub. verb. Greg. XV. Fagnan. cap. cum Cappella pag. mibi 64. & lib. 12. Decr. fol. 130.*

Et novissimè in sæpe laudata *Const. Superna Clemens X. sanxit*: -- Illos autem Religiosos, qui ad confessiones audiendas idonei generaliter reperti fuerint, ab Episcopis, generaliter quoque, & indistinctè absque aliqua limitatione temporis, certorumve locorum, aut generis Personarum, in Diocesi propria admittendos; quoad cæteros verò, qui non adeò idonei reperientur, si petierint se admitti, arbitrio Ordinarii relinqui ipsos cum limitata facultate, prout iisdem Ordinariis magis expedire videbitur, probare, & admittere. --

- 11 Licentias sic generaliter, & absque temporis limitatione concessas, nequit Episcopus, qui eas dedit, sine causa revocare; bene verò si eas concesserint, aut ipsius Vicarius, aut Prædecessores Episcopi, prout in eadem ipse Pontifex: -- Regulares verò ad ejusmodi confessiones audiendas prævio examine; simpliciter, & absque ulla temporis præfinitione ab ipsomet Episcopo, secus

cus autem ab ejus Vicario, aut Antecessoribus Episcopis, approbatus, non posse ab eodem, qui sic approbavit, iterum examinari, aut ab eisdem confessionibus audiendis, suspendi seu licentias illis concessas revocari, nisi nova superveniente causa, quæ ipsas confessiones concernat. De qua tamen haud necessarium esse, ut in actis constet; Nec eam teneri Episcopum ipsis Regularibus significare, sed Sedi Apostolicæ dumtaxat, ubi eam sibi aperiri postulaverit. --

13 Ex dispositione tamen ejusdem Pontificis, accedente rationabili causa, potest; porro, ait, -- si Regulares cum scandalo, aut aliàs inhonestè vivant, vel aliquod delictum committant, per quod rationabili Episcopi judicio videantur à confessionibus suspendendi &c. Utique eam causam ad confessionis ministerium pertinere, ac proinde nihil obstare, quominus ob eam possit Episcopus Regulares à semetipso approbatos suspendere, aut repellere à confessionibus audiendis. --

14 Et absque Sanctæ Sedis judicio, ipsius Ordinariis non conceditur posse omnes simul unius Conventus confessarios, audiendi secularium confessiones, facultate privare, ut idem Clemens ibidem firmavit: -- attamen confessiones audiendi facultatem omnibus simul unius Conventus Regularibus confessoribus adimi ab Episcopo, inconsulta Sede Apostolica, nullatenus posse. --

15 Successor Episcopus potest Regulares in Diocesi ab Antecessore approbatos, iterum examinare, & à confessionum auditione remove, per *Pium V. apud Confess. Conf.*

Ro-

Romani Pontificis : -- ab Episcopo autem successore, *statuit*, pro majori conscientiae suae quiete examinari de novo poterunt : & si minus idonei reperti fuerint , reprobari . -- Prout deinde sanxit *Urbanus VIII. die 20. Augusti 1629. Cabasut : prax. Jur. Can. lib. I. cap. 11. num. 3.* quia frustra jus haberet examinandi, si non posset Prædecessoris sui concessionem revocare.

16 Cum verò difficilis esset ad Episcopum accessus, ejusdem Vicario generali, ut approbetur, debet Regularis præsentari ; ut in terminis *Leo X. in citata Constitutione .*

-- Dum intra ; nec non Superiores eorundem Fratrum (sunt verba Bullæ) Fratres, quos ad audiendas confessiones subditorum eorundem Prælatorum (Episcoporum scilicet) pro tempore elegerint, eisdem Prælati personaliter exhibere , ac præsentare (si eos sibi exhiberi, & præsentari poterint) alioquin eorum Vicariis. --

17 Dictas tamen facultates nequeunt post Episcopi approbantis mortem , revocare , aut Capitulum, aut Vicarius Capitularis, ut resolvit Antonel. *de Regim. Eccl. lib. 4. cap. ultimo num. 79.* Mirand. *Manua. Prælat. tom. I. quæst. 45. art. 7. in fine.* Ex Privilegio *Clem. IV. apud Confess.* concessio Prædicatorum Ordini, Constitutione Exigentibus vestræ, cujus tenor est : -- Ex parte siquidem vestra fuit propositum coram Nobis, quod licet vobis à nonnullis Patriarchis, Archiepiscopis, Episcopis, & aliis Ecclesiarum Prælati, audiendi confessiones Subditorum suorum &c. licentia sit concessa ; quia tamen, ipsis Prælati decedentibus, uti licentia

tia hujusmodi, Ecclesiis sic vacantibus, dubitatis &c. vestris igitur supplicationibus inclinati, præsentium vobis auctoritate concedimus, ut in hujusmodi casu possitis uti tandiu liberè prædicta licentia (nota) donec viduatis Ecclesiis provisum fuerit de Pastore. -- Quo Privilegio uti præsertim possunt Fratres Minores ex dispositione *Sixti IV. Const. Regimini, Mare magnum nuncupata*, ubi *S. Postremo*, decernit, --- posse Fratres Minores Privilegiis Prædicatorum Ordini, & Prædicatores illis Minoribus, concessis, sine ulla differentia potiri, & gaudere, perinde ac, si quæ uni ex Ordinibus prædictis sunt concessa, utrique simul nominatim concessa fuissent, aut concederentur impofterum -- *Bull Cher. verbo Sixtus IV. & ex altera Clem. VII. dum fructus uberes*, communicantis Fratribus Min. de Obs. omnia, & singula Privilegia aliis Mendicantium, & non Mendicantium Ordinibus concessa. *Confect. coll. Priv. Regul. Mend. par. 10 pag. n. ibi 150.*

- 18 Ex iusta nihilominus causa censeo posse easdem revocare; ut etiam notat Donat. *prax. Reg. tom. 3. tract. 4. quæst. 23.* Ne dum, quia per Doctores Capitulum succedit in iis omnibus, quæ ad ordinariam Episcopi jurisdictionem spectant, nisi expressè prohibita reperiantur, Antonel. *loc. cit. §. 2. num. 11.* Id autem ei prohibitum non reperitur: sed ulterius, quia dictum Privilegium Clementis censetur revocatum per *Trid. sess. 23. cap. 15.* exigens in Regularibus necessariam approbationem ab Ordinario: propter clausulas *non obstantibus Privilegiis*

legis &c. & per Donatum, Capitulum Sede vacante venit nomine Ordinarii; imo etiam, quia ex tenore concessionis constat, Pontificem voluisse solum satisfacere petitioni, & respondere dubio, ac resolvere, quod ad Episcopi mortem, adhuc consistit facultas audiendi secularium confessiones ab eodem, prævia approbatione, obtenta; qua, etiam vacante Sede, ex vi illius approbationis uti possunt: præsertim, si non fuerit pro tempore determinato, eamque Episcopus non dederit ad tempus vitæ suæ, quia tunc certè morte extingueretur.

- 19 Requiritur in Regularibus pariter, ut ab Ordinario approbentur, ut eorum, qui de tertio Ordine vocantur, possint confessiones audire, ut *Sacr. Congr. Episc. & Regul. sub die 20. Decembris 1616.* sub istis terminis resolvit. *Sac. Cong. &c.* -- statuit juxta multas ejusdem Congregationis responsiones non posse Sacerdotes Regulares audire confessiones Sacramentales Mulierum Tertii Ordinis, quæ de Pœnitentia dicuntur, nisi ab Ordinario approbati fuerint ad confessiones secularium audiendas. -- *Peyr. de Priv. Regul. tom. 1. ad Const. 4. Sixti IV. §. 7. num. 39.*

- 20 Non verò, ut illorum confessiones audiant, qui, licet sint seculares, dicuntur tamen verè de familia, & eorundem Regularium Commensales Pignat. *tom. 10. consul. 30. num. 35. Peyr loc. cit. ad Const. 1. Julii II. §. 15. num. 12* referens *Sac. Cong. Decretum de anno 1568. 14. Augusti* hujus tenoris: -- Prælati Regulares, seu alii Religiosi confessores, non possunt audire confes-

fessiones secularium, qui deserviunt ipsorum Monasteriis, absque approbatione, vel licentia Episcopi, secus autem, si illi seculares sint verè de familia, & continui Commensales. -- Quod novissimè confirmavit *Clem. X. in cit. Const. superna per hæc verba*: -- Cæterùm in Monasteriis & etiam Collegiis, ubi juxta Regularia Instituta vivitur, posse, tam Prælatos Regulares, quàm Confessores Regularium eorundem Monasteriorum, seu Collegiorum, audire confessiones illorum secularium (intellige absque prævia Episcopi approbatione) qui inibi sunt verè de familia, & continui Commensales; non autem illorum, qui tantùm ipsis deserviunt. -- Pro istis enim decrevit necessariam ab Ordinario approbationem.

22. Verè de familia, & continui Commensales dicuntur Oblati, seu Donati S. Domini, & Tertiarii S. Francisci, qui intra Monasteriorum septa habitant, vivunt, ac dormiunt: propterea in eis contraxerunt Domicilium: habitu ejusdem coloris cum eo, quo utuntur Professi, vestiuntur: & manent sub Prælatorum obedientia: non modo religioso, & ratione voti, sed modo servili, & ratione muneris serviendi Monasterio; & obinde gaudent etiam per *Trid. sess. 24. cap. 11. de Reform* Privilegiis omnibus Religiosorum, quibus actu inserviunt, & numerantur inter seculares verè familiares; ad differentiam eorum, qui inserviunt Monasteriis, sed in eis non sunt de familia, nec domicilium contraxerunt, sed sunt ibi ad tempus, soloque stipendio, & salario eisdem inserviunt, & cum cæteris secularibus
- exte-

exteris, extra septa Monasteriorum viventibus, numerantur: pro quorum confessionibus audiendis est per *Trid.* necessaria approbatio ab Ordinario. Donat. *Prax. Reg. tom. 3. tract. 4. q. 7. num. 3.*

- 23 Sine approbatione denique non possunt Regulares in confessione audire secularium venialia, prout ex commissione *Innocentii XI. sub die 12. Februarii 1679.* Sac. Congr. Concil. disposuit ut infra: -- Non permittant, ut venialium confessio fiat simplici Sacerdoti, non approbato ab Episcopo, aut Ordinario: si Parochi, & confessarii, etiam Regulares, aut quicunque alii Sacerdotes, secusegerint, sciant D.O.M. rationem reddituros esse, neque defuturam Episcoporum, & Ordinariorum justam, ac rigorosam animadversionem in contrafacientes, etiam Regulares, etiam Societatis Jesu, facultate ipsis Episcopis, & Ordinariis per hoc Decretum per Sedem Apostolicam specialiter attributa.

Et quatenus absolvant, invalida est absolutio; cum absolutio sit sententia, & actus judicii ex *Trident. can. 9. sess. 14. de Sac. Pen.* sententia autem, in non subditum lata, nulla est, per disposita *ibid. cap. 7.* dum statuit nullius momenti esse absolutionem, *quam Sacerdos in eum profert, in quem ordinariam, aut subdelegatam non habet jurisdictionem.* Quis autem non approbato jurisdictionem confert? Quis subditos? Accipit Regularis à Papa jurisdictionem, seu potestatem ferendi sententiam in subditum, sed supposita approbatione Episcopi, quæ in casu abest; Nec ei in ordinatione confertur, neque per ordinationem

nem Iudex legitimus constituitur; aliàs nec Ecclesia poterit efficere, ut absolutio ab ipso prolata non sit valida, sicuti impedire nequit, quin validè Sacerdos consecret, si cum debita intentione supra debitam materiam, formam necessariam proferat. Nec ab Ecclesia ei datur, ut vult Bonacina; aliàs nullus Præ- latus, inferior Papa, posset illam suspendere; & quilibet Sacerdos, etiam invitis Episco- pis, posset hujusmodi confessiones audire: & en gubernium Ecclesiæ confusione turba- tum. Quilici. *Confess. manuduct. qu. 1. art. 2. nu. 2. Felix Panorm. Exam. Confess. tom. 2. disp. 4. cap. 5. de ministro Sacr. Ponit. nu. 1019. Quæ concludunt de mortalibus jam confessis.*

- 24 Peccat, ex Mirand. *tom. 1. q. 45. art. 11.* contra Superioris voluntatem Regularis ab Episcopo approbatus, si (excipio mortis arti- culum) secularium confessiones sine ipsius Superioris licentia, audiat. Cui solùm de ejusdem consensu (saltem tacito) concedi- tur extra ordinem posse Sacerdoti, siue Re- gulari, siue seculari, confiteri, aliàs absolutio- nem, utpote in non subditum, nullam esse idem notavit *tom. 2. q. 33. art. 6.* & Sacerdo- tem debere esse approbatum ab Episcopo, tradit Vasquez *cum aliis apud Tho. Tambur. lib. 5. de pen. cap. 4. §. 2. num. 17.* quod certè est tutius; & idoneum debere eligi, disposuit Innocentius VII. *Const. Provenit apud Confess. Collect. Priv. Mendic.* Idoneus autem per *Trid. sess. 23. cap. 15. de Refor.* in casu, vel paro- chiali Beneficio, vel Episcopi examine, proba- tur. Et quo ad Sacerdotem secularem du- bitari non debet.

CAPUT IV.

Officialis quoad Benedictionem :

SUMMARIUM.

- 1 Generales, Provinciales, & Guardiani Ord. Min. possunt benedicere Ecclesias, & Ca-
meteria.
- 2 Et Ecclesiastica ornamenta pro usu suarum
Ecclesiarum, in quibus Cbrisma non inter-
venit.
- 3 Et etiam pro usu Ecclesiarum Monialium, sub
eorundem regimine existentium.
- 4 Possunt pariter reconciliare Ecclesias pollutas,
aqua ab Episcopo, vel etiam per ipsos, in
aliquo casu benedicta.
- 5 In quibus unctio Sacri Cbrismatis interve-
niat?
- 6 Quid contineat aqua, qua adhibetur in recon-
ciliatione Ecclesiae?
- 7 Dieta continet 20. miliaria.
- 8 Nomine Vicarij veniunt Praesidentes.
- 9 Indultum est commune Regularibus habentibus
Privilegium communicationis.
- 10 Pro quibus rebus fit in usu.
- 11 Restrigitur usus Privilegij.
- 12 In iis, in quibus requiritur unctio Cbrismatis
est necessarium speciale Privilegium.
- 13 Quod fuit concessum Abbatibus Cisterciensibus.
- 14 In aliquo casu, & loco possunt Jesuitae Calices
benedicere.
- 15 Pixides possunt singuli, quibus est concessum
posse

posse Ornamenta Ecclesiæ benedicere .

16 *In Ord. Min. de Obs. Guardiani benedicere possunt Corporalia .*

17 *Et simplices Sacerdotes ejusdem Ordinis, si à Cap. Gen. fuerint deputati .*

18 *Hebdomada Sancta non possunt Regulares Damos benedicere .*

19 *Circa Ovorum benedictionem videtur affirmandum .*

20 *Ad benedicenda Monialium Monasteria non est licitus ingressus in Clausuram .*

1 **E**X amplissimo Sedis Apostolicæ Privilegio possunt Prælati Ordinis Min. de Obs., Generales, Provinciales, & Guardiani, Ecclesias, Cæmeteria, ac Paramenta, & Ornamenta, & alia quæcunque ad Divinum cultum, & ad suos usus, necessaria, in quibus Chrisma non intervenit, benedicere; & reconciliare Ecclesias, & Cæmeteria, quovis modo polluta, prout sub die 3. Febru. 1514. apud Confect. collect. Priv. Med. & Piascum prax Epif. part. I. cap. I. art. 4. num. 10., Constitutione, Religionis suadet, iisdem concessit Leo X. hac forma: -- Nos igitur, qui Religiosarum Personarum vota, per quæ eorum dispendiis obviatur, ac commodis, & profectibus providetur, studio charitatis libenter prosequimur, hujusmodi supplicationibus inclinati &c. ac vestri Ordinis Generalibus, Provincialibus, Vicariis, & Custodibus, ac Guardianis, pro tempore existentibus præfatis, ut omnia, & singula ejusdem Ordinis, & Observantiæ Ecclesias, Cæmeteria, & Capitula, & Oratoria, ubicunque existentia, receptas, & recepta, reci-

- recipiendas, seu recipienda: ac Paramenta, & ornamenta, ac alia quaecunque ad Divinum cultum, & usum vestrum necessaria,
- 2 in quibus Chrisma non intervenit, pro vestro usu tantum (*Miranda Man. Praef. tom. 2. q. 40. art. 1. concl. 2.* extendit ad usum etiam
- 3 pro Ecclesiis Monialium ejusdem Ordinis regimini subiectarum) -- solemni benedictione, ac etiam per Vicarium, seu Guardianos, aut alios ad hoc, à vobis in vestris Capitulis Generalibus providè deputandos, benedicere: ac illos, seu illa, & eorum qualibet sanguinis, seu seminis effusione, seu aliàs quomodolibet pollutas, seu polluta, quoties opus fuerit, aqua per vos (præsertim in locis remotis, ubi Episcopum aquam benedicientem per duas Dietas adire non poteritis) benedicta, reconciliare liberè, & licitè valeatis, authoritate Apostolica tenore præsentium concedimus non obstant, &c. *Dat. Romæ &c. --*
- 5 Sacrum Chrisma intervenit, ex Pontificali Romano, jussu Clem VIII. edito, in Consecratione Ecclesiæ, Altaris, Calicis, Patenæ, & Campanarum.
- 6 Ex eodem Aqua necessaria pro Ecclesiæ reconciliatione continet Aquam cum Sale, Cinere, & Vino,
- 7 Quælibet Dieta, ex Enriquez apud Mirandam *tom cit. q. 39 art. 8. concl. 3.* continet viginti milliaria. Ex quibus constat, quorum benedictio, & in quibus circumstantiis, sit Prælatis ejusdem ordinis prohibita.
- 8 Nomine Vicarii in terminis Constitutionis veniunt ex eodem *q. 40. ar. 2.* qui in præfatorum Ordine Præsidentes appellantur, &
Con-

Conventus ipsos in Guardianorum absentia gubernant. Simplici Sacerdoti à solo Capitulo generali præfata committuntur, ut num. 17.

- 9 Eo indulto Regulares omnes, quibus præfati Ord. Min. de Obser. sunt communicata Privilegia, uti possunt. Et esse in usu, suumque retinere vigorem, quodad recon-
- 10 ciliationem Ecclesiæ pollutæ, & Paramentorum Ecclesiæ benedictionem, testatur *Piascus prax. Episc. parte prima, cap. 3. art. 4. num. 10.* Quoad verò Oratoriorum benedictionem, substat Privilegium esse revocatum à *Tridentino sess. 22. in Dec. de observandis in celebratione Missæ*, ubi statuitur Oratoria esse designanda, & visitanda ab Ordinariis, & sub Decreto comprehendi, etiam Regulares, constat ex *textu Concilii*. Et de hoc alibi.

- 11 Restrigitur tamen usus ipsius per S. C. Decretum apud Lezz. *summ. Quæst. Regul. tom. 3 verbo Altare, nu. 3. & verbo Benedictio nu. 8.* sub istis terminis. -- Abbates, Priores, Guardiani, & alii Religionum Prælati, etiam ex Societate Jesu, habentes Privilegia benedicendi Vestes Sacras, Cæmeteria, & similia, dicto Privilegio uti non possunt, nisi in rebus, in quibus Sacra unctio non adhibetur, & pro servitio dumtaxat Monasteriorum, & Ecclesiarum propriarum. --
- 12 Pro benedictione eorum, in quibus adhibetur Sacri Chrismatis unctio, speciale requiritur Privilegium, ut sub die 6. Decembris 1631. Decrevit S. C. apud Lezzana *cit. verb. Calix nu. 3.* -- Abbas, nec etiam in locis sibi pleno jure subjectis, aut de jure Patrona-

tronatus, potest consecrare Calices, Patenas, aut similia, in quibus requiritur Sacra Unctio, nisi hoc habeat in specie sibi concessum à Sede Apostolica. --

13 Quod concessum esse ab Innocentio VIII. Abbatibus Cisterciensibus refert *Piascolor. cit. nu. 19* recepto tamen Chrismate consecrato ab aliquo Episcopo.

15 Jesuitis in locis, in quibus non adesset Episcopus, qui posset ea benedicere, concessit sub Kal. Martii 1558. per *Piascolor. cit. n. 18*. Paulus III Const. *Licet debitum*, posse benedicere Calices, & Altaria; quo Privilegio non poterunt, & cæteri Regulares gaudere, propter Privilegiorum communicationem, in ea etiam locorum circumstantia, quia ex *Pignat. t. 10. conf. 1. nu. 33*. quæ raro conceduntur, non veniunt sub generali communicatione.

15 Possunt singuli Pixides, quibus concessum est, posse quæcumque ad Divinum cultum necessaria, benedicere; præsertim, quia in earumdem benedictione Sacrum Chisma non exigitur *Rubric. Pontif. Rom. de Bened. Vascul. pro conser. SS. Euchar. pag. mibi 369*.

16 Corporalia in Ord. Min. de Obs. possunt benedicere Guardiani, quia licet, ut refert Miranda *cit. q. 40. art. 1. concl. 2*. fuerit id per Capitulum generale Meclinense ad solos Provinciales restrictum: in Cap. tamen gen. Tolet. celebrato anno 1583. ex approbatione Cæremonialis Religionis, ut ipse refert *art. 2.*, conceditur ipsi talis facultas.

17 Sic pariter in terminis Const. Leonis, facultate, præfata, aliaque Ornamenta Ecclesia-

clesiastica benedicendi , gaudent simplices Sacerdotes , si tamen ad id per Cap. gen. fuerint deputati .

- 18 Dornos non posse Regulares , quibus cura Animarum non inest Hebdomada Sancta benedicere , declaravit *Sac. Cong. Conc. sub die 2. Julii 1620.* respondendo Dubiis eidem à Parochis Civit. , Bonon. lingua vernacula , propositis : & ultimo quærebant : *Se possano (i Regolari) benedir le Case nella Diocesi la Settimana Santa , essendo questo ufficio del Curato , come si legge nel Rit. Romano ?* Resp. *Negative* ; ad nonum autem , quo quærebatur : *Se possano ricevere nelle loro Chiese le Donne alla Purificazione dopo il Porto ?* Resp. -- Regulares non prohiberi in earum Ecclesiis Mulieres post Partum ad Purificationem admittere. -- *In lib. 12. Dec ejusdem Cong. fol. 45. & apud Peyrin. de Privil. ad Const. 7. Pii V. post §. 10. nu. 11.*

- 19 Quantum verò ad Ovorum benedictionem , affirmativè videtur resolvendum Pasquali. *addit. ad quaest. 69. par. 2. contr ad Laur. de Franchis nu. 6. pag mibi 521.* Sicut enim Regulares liberè ad Purificationem recipiunt Mulieres , statutisque temporibus , Candelas , Cineres , & Palmas benedicunt , liberèque ab eisdem Populus recipit ; sic pariter prohiberi non debent , ut Ova benedicant ; ex eisque inferendum , istud non esse de reservatis Parocho , sed actum merè facultativum , ad quem non cogitur Populus : & esse propterea in facultate ipsius talem benedictionem recipere , à quo voluerit , vel à Parocho , vel à Regulari ; & præsertim , quia ad unum compellens , non adest lex : verùm habenda est consuetudinis

- 20 Ad Monasteria Monialium benedicenda Hebdomada, vel quovis alio tempore est in Clausuram prohibitus ingressus. S.C.4. Septembris 1596 Flosc. Nicol. verbo Clausura nu. 27. & apud Theatrum Regul. verb. Clausura num. 3.

C A P U T V.

Officialis quoad Bona Mobilia, &
Immobilia.

S U M M A R I U M.

- 1 Quæ Monasteria per Trident. possint bona immobilia possidere.
- 2 Protestatio Fratrum Minorum de Obs. de non admissis dispensationibus in Regula.
- 3 Nec consuetudine potest induci, ut eisdem liceat bona temporalia possidere.
- 4 Abusibus introductis Sancta Sedes providit.
- 5 Observare debent Decreta Cong. Gen. 17. Maii 1603.
- 6 Non licet ipsis habere Censuræ, & Bona immobilia.
- 7 Quid agendum sit in casu, quo ipsis Legata perpetua relinquerentur?
- 8 Facta Protestatione, possunt eleemosynas recipere.
- 9 Quid agendum sit respectivè ad Fratres particulares?
- 10 Est ipsis prohibita civilis contractatio pecunie.
- 11 Syndicus non potest in sua persona Legata annua recipere.
- 12 Non possunt facere publica Instrumenta.

13. Quare fit ex D. Bonaventura Protestatio necessaria.
14. Quando fuerint publicata Decreta?
15. Formula Protestationis.
16. Non possunt institui Hæredes.
17. Ex hæreditatibus, etiam per Syndicum, non possunt recipere valorem in fraudem Pauperum.
18. Etiam si Institutio esset sub conditione.
19. Ad quid Hæres teneatur?
20. Fratres debent vitare litigia.
21. Ipsorum, etiam Ecclesie, sunt hæreditatum incapaces.
22. Non possunt esse executores Testamentorum.
23. Est ipsis prohibita administratio omnium bonorum, quorumcumque sint.
24. Non possunt esse administratores bonorum Monasteriorum Monialium.
25. Regulares nequeunt Bona Monasterii sine solemnitate alienare.
26. Etiam quoad dominium utile.
27. Nec per viam Transactionis.
28. Limitatio ex capite Terrullas.
29. Numerantur mobilia pretiosa.
30. Refertur S.C.C. Decretum.
31. Decretum non comprehendit Theatinos, & Minores de Observantia.
32. Fratribus vendere est prohibitum.
33. Per Syndicum debent alienari.
34. Quid dicendum de Capellis, & Sepulturis.

I **M**onasteria omnia, quibus, cap. 3. sess. 25. Conc. Trid. de Regul. & Monial. non prohibetur, possunt Bona immobilia possidere; quæ autem ea sint, ex eodem constat, cum statuat: -- Concedit Sancta Synodus omnibus Monasteriis, &

Domibus, tam Virorum, quàm Mulierum, & Mendicantium, exceptis Domibus Fratrum S. Francisci Capuccinorum, & eorum, qui de Observantia vocantur, & etiam quibus, aut ex Constitutionibus suis erat prohibitum, aut ex Privilegio Apostolico non erat concessum, ut deinceps bona immobilia possidere liceat. --

- 2 Et quia ipsi Fratres de Corpore Observantiæ, sive Observantes, sive Reformati, sive Discalceati, sive Recollecti dicantur, in pluribus Capitulis generalibus, ex testimonio etiã Innoc XI. Const. *Sollicitudo Pastoralis sub die 20. Novembris 1679* Orb. Seraph. to. 4. pag. mibi 223. protestantur, & declarant, ipsum Observantiæ Corpus ullam unquam admisisse, vel admittere dispensationem in Regula, sed potius velle pro viribus, Divino favente auxilio, illam purè observare, juxta Summorum Pontificum declarationes, ideò nec consuetudine induci potest, ut eis liceat bona temporalia in particulari, vel in communi possidere; cum eisdem, & per Regulam, ac Pontificum declarationes, sit expressè prohibitum; tanta enim est eorundem Fratrum paupertas, ut semper alieno utantur, non suo: alieno vivant, non suo, & in alieno habitent, Marchant. in cap. 4. *Reg. S. Francisci tit. 1. q. 2. in fins.*
- 4 Abusibus proinde, aliàs contra prædicta introductis, olim providit S. C., à S. M. Urb. VIII. Fratrum Min. de Observ. S. Francisci Gismontanæ Familiæ consultationibus preposita, dum sub 14. Junii 1628. censuit, non esse eisdem permittendum, ut Novitios ad habitum, & Professionem recipiant, nisi prius constiterit ex ipsorum Conventibus eos

eos subſtuliffe abufus omnes, qui Regulæ S. Francifci Obſervantiæ adverſantur.

-- Ac primùm (*sunt verba Decreti*) abdicent à ſe, & eorum Conventibus, non ſolùm priſtina, ac bona immobilia, quæ alicubi contra Regulæ puritatē, & declarationes ſel. rec. Nicolai III, & Clementis V., extra, vel intra ſepta Monafteriorum detinent, ſed etiam Cēſus perpetuos, & Legata annua, ſuper quibus
5 S.C. præcipit obſervari Decretum Cong. Generalis Romę habitę die 17. Maii 1603. (*Orb. Seraph. to. 3 pag. 587.*) cujuſtenor talis eſt. --

6 §. 1. -- Cùm annuos redditus, ſicut cætera bona immobilia, habere non liceat, idē renovando ſalia generalia ſtatuta, decernimus, quod Frater non inducat Perſonam aliquam ad eleemoſynam perpetuam Ordini noſtro exhibendam, nec exhibitam à quopiam vivente ſuſcipiat; & ſi aliqua talis nobis fuerit relicta, nullo modo in iudicio exigatur: declarantes, quod ad perpetua Legata petenda, non poſſunt Fratres recurrere, niſi humiliter, & per modum eleemoſynæ, abſque allegatione alicujus debiti. --

7 §. 2. -- Decernitur præterea, ac præcipitur per Sanctam Obedientiam, quod quoties relinqui cōtingat aliqua Legata perpetua aliquibus perſonis, & Hoſpitalibus, vel alicui Reipublicæ, & aliis Domibus, ea lege, quod teneantur Fratribus præſtare ſingulis annis certam eleemoſynam, omninō gratis; ſive, ut ipſi Fratres dicant certa Officia, & Miſſas; quod Guardianus faciat proteſtationem ei, qui Teſtatoris voluntati adimplere tenetur, quod, cum ad illas eleemoſynas nullum juſ habeant ex vi Legati, non poſſunt obligari ad illa Officia, & Miſſas. --

- 8 §. 3. -- Si tamen, facta ista protestatione Hæres, ex sua libera voluntate voluerit dare eleemosynas illas, & committere Fratribus dicta Officia, & Missas; tunc Fratres tuto conscientia possunt eleemosynas hujusmodi recipere. --
- 9 §. 4. -- Quod totum, & multò fortius in relictis Legatis singularibus Fratribus simili modo faciendum esse decernimus. -- Quoad hæc praxis esse debet, ut non nisi in necessitatibus, & cum licentia Prælatorum ea acceptent, & ad ea recurrant; à quibus, ut notat Roderico *resol.* 88. *num.* 10. *in fine*, non est permittendum praticari, nisi raro, cum maxima cautela, & à paucis, nè inde scandalum Secularibus præbeatur, & aditus relaxationi aperiatur; & ita, ut sciant, quod -- quævis contrectatio pecuniæ, *ex cit. Inn. XI. Const.*, seu denariorum, quæ non sit purè naturalis, seu quæ sit quovis modo politica, cujuscunque Domini sint denarii, seu pecunia, Fratribus Min. Observantibus, seu de Observantia, est omninò prohibita. --
- 11 §. 5. -- Inhibemus autem, ne Syndicus in sua persona hujusmodi annuos redditus recipiat, distribuendos ipsis Fratribus. --
- 12 §. 6. -- Item statuitur, ut deinceps nulla instrumenta publica fiant à Fratribus capitulariter congregatis, nec quocunque alio modo se habentibus, in quibus transferatur dominium, & proprietas alicujus Cappellæ, sive sepulturæ, cum hoc omninò sit contra Regulam, & nostro repugnet instituto; nam quomodo aliquis dat, quod non habet? Si tamen occasio se obtulerit, in qua oporteat satisfacere devotæ fidelium voluntat

tati, id fiat per modos nostræ Regulæ, & Instituto congruentes. --

13 §. 7. -- Est autem protestatio necessaria, ne, ut ait D. Bonaventura, ab ignorantibus nostrum Institutum Regulæ nostræ transgressores judicentur. --

14 Lecta, & publicata fuere præfata Decreta die 15. Junii 1628. in Cong. Generali Fratrum Min. de Obs. (celebrata 10. ejusdem mensis) in præsentia Eminentissimi Cardinalis Gipsii, Præsidentis ejusdem Congregationis. Ex quibus aliqua hic in paragraphos distincta transcripsi; cæterum per extensum videri possunt in *Reg. 8. Curie Cism. ab anno 1627. ad 1631. Bull. Cherub. tom. 4. pag. 100. Fagna. cap. nimis prava pag. 106. Orb. Seraph. pag. 12. tom. 4. in quo ex errore notatur, Congregationem illam celebratam esse anno 1629. , cum ex regeſto aliter sit.*

FORMULA PROTESTATIONIS.

15 -- Nos Frater N., Guardianus Conventus N., & discreti ejusdem, dicimus ad nostram notitiam pervenisse, quod N. certam eleemosynam huic Conventui distribuendam, perpetuò gratis, vel forsan pro aliquibus Missis, & officiis celebrandis, legasse; cumque legata hujusmodi, nisi per simplicem eleemosynam, ex nostra Regula nobis acceptare non liceat, per præſentes protestamur in Domino, quod legatum prædictum, tamquam incapaces, ex vi legati recipere nolumus, nec intendimus: si tamen hæres, aut executor testamentarius dictam quantitatem, per viam simplicis eleemosynæ, omni obligatione, dominio, & pro-

prietate, penitus cessantibus, Nobis liberè conferre voluerit, illam simpliciter accipiemus, & piæ testatoris voluntati, quantum in Nobis fuerit, plenè, & fideliter satisfaciemus &c. -- Quæ, à Guardiano, & Discretis, ac sigillo Conventus firmata, est adnotanda in libris ejusdem Conventus, & danda deinde executori Testamenti.

16 Sicut eisdem bona possidere non licet, sic nec permittere debent se hæredes institui, cum hæreditas ex Marcant. *cit. in cap. 6. test. 2. tit. unico, quest. 1. dub. 1.* Jus quoddam dicat; & ulterius, quia ad id ex Regulæ instituto sunt incapaces ex Clementina. *Exivi S. Cupientes*, ubi expressè legitur: -- Quia igitur in successione transiit non solum usus rei, sed & dominium suo tempore in hæredes, Fratres autem præfati nihil sibi in speciali acquirere, vel eorum Ordini, possunt, etiam in communi: declarando, dicimus quod successione hujusmodi, quæ etiam ex sui natura indifferenter ad pecuniam, & etiam ad alia mobilia se extendunt (considerata sui puritate voti) nullatenus sunt capaces: --

17 Nec valent recipere ex hæreditatibus valorem, vel etiam per Syndicum, eam pecuniarum summam, quæ mendicitati repugnat & altissimæ paupertati adversatur, *eadem* his verbis: -- Nec licet eis valorem hæreditatum talium, vel tantam earum partem, quod præsumi posset hoc in fraudem fieri, quasi sub modo, & forma legati dimitti sibi facere, vel sic dimissa recipere, quin potius ista sic fieri ab ipsis simpliciter prohibemus.

18 Etiam si instituerentur hæredes sub conditione, ut bona scilicet hæreditatis venderent,

- rent, & pretium erogarent in usum Fabricæ, vel Sacristiæ, eorumque necessitates; quia licet institutio ad effectum vendendi, forte non repugnet Regulæ in his, quæ spectant ad rerum dominium, & possessionem: tamen considerandum est, Fratres sic institutos, nunquam definere esse hæredes, & in eos transire jura, actionesque activè, & passivè; quia hæres tenetur de facto, de contractu, & delicto Defuncti: potest conveniri actione personali, quatenus non possideat: conscientiamque tenetur exonerare Defuncti, & ad plura alia, per Fagnanum *capite nimis prava de excess. Prælat. pag. mibi 22. n. 38*. Fratribus autem ipsis hujusmodi se implicare litigiis repugnat, ut ipsa Clementina habet: -- Nullo modo debent hujusmodi voti, & Regulæ Professores, se talibus curiis, & litigiosis actibus immiscere; & ut testimonium habeant ab his, qui foris sunt, & puritati satisficiant voti sui, ac evitent per hoc scandalum Proximorum. -- Quæ etiam pro ipsorum Ecclesiis, videntur incapacitatem cōcludere.
- 22 Eisdem deputari non posse Executores testamentorum, firmat ipsa Clementina §. *Verum*, his verbis: -- Quin potius (considerata sui puritate status) debent sibi scire interdictum, quod hujusmodi executionibus, & dispositionibus se exponant; cum hæc igitur sæpius absque litigio, & contrectatione, vel administratione pecuniæ nequeant expediri. --
- 23 Quibus pariter est administratio bonorum, cujusunque sint, prohibita, prout in citata Constitutione per hæc Innocent. XI. statuit: -- Demum, ut omnis occasio transgrediendi præceptum de non contractandis

denariis, seu pecuniis, auferatur, omnibus, & singulis dicti Ordinis Prælati, sive Superioribus, in virtute Sanctæ Obedientiæ, ac sub pœna privationis suorum officiorum, injungimus, ut nulli Religioso ejusdem Ordinis permittant administrationem fundorum, reddituum, aut quarumcumque aliarum rerum, & bonorum mobilium, vel immobilium, cujuscumque Domini illa sint; & signanter, ut nulli Religiosorum Ordinis hujusmodi permittatur administratio bonorum temporalium alicujus Monasterii Monialium sub quovis prætextu, aut nomine, nempe Administratoris, Syndici, Factoris, Coloni, Superintendentis, Villici, aut alio quovis imaginabili.

Alia vide C. Offic. quoad Legata.

- 25 Etiam Regularibus, sine Sedis Apostolicæ assensu, est per *Extravag. Pauli II. Ambitiosè* (quæ habetur & in *Bull. Cherub. tom. 1. pag. 400.*) interdictum, Ecclesiæ, & Monasteriorum bona immobilia, & mobilia pretiosa alienare. Ideò, ut alienatio subsistat, & excommunicationis pœnam, aliasque contravenientibus impositas non incurrant, debent ea alienare duobus copulativè observatis; cum justa nimirum causa, pia, necessaria, vel ad distrahendum utili: & juris solemnitate; de consensu scilicet Superioris, & majoris partis Capituli, ac Apostolicæ Sedis; cujus in casu est principalior, & maximè necessaria solemnitas, ut notavit Piasculus *prax. Epis. parte 2. cap. 5. art. ult. num. 16.* adeout, nullus sit alienationis contractus si absque Apostolico beneplacito celebretur. *Sperell. decis. 155. num. 5.* & facit caput *dudum de rebus Ecclesiæ non alienan.*

nan. in 6. lib. 3. tit. 9. §. quia etiam.

26 Et non solum directum dominium ex Piafeco *num. 6.* alienari prohibetur, & sic donare, vendere, permutare, & hujusmodi alia, per quæ transfertur dominium; sed etiam utile; idè eis bona Ecclesiæ pignora non licet, ut tradit Engel. *Colleg. Univer. Juris Canon. lib. 3. tit. 13. nu. 11.* Et facit Clementina *prima de rebus Ecclesiæ non alienan.*

27 Etiam per viam transactionis, præsertim si Ecclesia esset in possessione rei litigiosæ, ut idem observat *num. 10. & lib. 1. tit. 36. nu. 6.*

28 Limitatur apud Fagnanum *cap. nulli de rebus Ecclesiæ non alienan. nu. 25.* si res immobilis sit exigui valoris: *ex cap. Terrulas causa 12. quæst. 2. pag. mibi 324.* ubi datur licentia Episcopo, ut Terrulas, & vineolas, minus Ecclesiæ utiles, sine Capituli consensu distrahat.

Et in dubio, an per Constitut. Pauli præfato fuerit derogatum? refert Sac. Congr. Decretum tenoris, qui sequitur *Sac. Cong. &c. die 11. Januarii 1596. censuit neque Const. Pauli, neque Concilii Trident. decretum, derogasse dispositioni dicti cap. Terrulas 12. quæst. 2.*

Verùm ad id tria copulativè debent concurrere, ut patet ex Textu.

Primo, ut res sint exigui valoris: Secundo, ut Ecclesiæ sint minus utiles: Tertiò, ut adsit alienandi necessitas.

Et die 14. Decemb. 1613. eadem Sac. Cong. respondens Archiep. Messanen. petenti, declarari, ad quam usque quantitatem sibi liceret parva legata absque beneplacito Apostolico alienare: *Censuit G. Terrulas 12.*

quæst. 2. non fuisse sublatum per Extravag. Pauli II. quæ incipit ambitiosè . Cæterùm , ad quam usque quantitatem liceat Episcopo alienare , pendendum esse à Jure communi : quod ibidem Fagnan. notat , adhuc jus commune non definisse , quæ Terrulæ , & Vineolæ exigui dicantur valoris . Et glos. in allegato cap. Terrulas , verbo exiguas , dicit Textum fortè res exiguas vocare non valentes ultra viginti solidos ; Qui apud Donat. praxis regul. tom. 1. par. 2. quæst. 37. constituunt summam scutorum viginti septem monetæ Romanæ .

Cæterùm , quia glossa per appositionem dictionis *fortè* , dubitativè loquitur , id esse Judicis arbitrio remittendum , scribit Fagnan. *num. 26. , qui juxta conditionem Ecclesiæ , temporum , locorum , & rerum qualitates judicare debet .*

Inter bona Ecclesiæ , & Mōnasterii numerantur , etiam census perpetui , redditus , jura , actiones , sylvæ , præsepia armentorum , & hujusmodi alia , respectivè videnda apud Piafec. *nu. 9. Donat. quæst. 57. Antonell. de regim. Eccles. lib. 1. cap. 4. num. 3. .*

- 29 Et inter mobilia pretiosa apud Engel. *allegato lib. 3. tit. 13 num. 5. sunt ea , quæ ad thesaurum Ecclesiæ spectant : Sacræ Reliquiæ , Calices , Vasa , vestes pretiosæ , gemmæ , picturæ &c. quæ ad decorem , & splendorem Ecclesiæ , vel ob antiquitatem , artem , & singularitatem conducunt . Et quamvis mobilia , quia tamen servando servantur , quoad alienationem ; rebus immobilibus per Piafec *num. 10. æquiparantur ; & idè , solemnitatibus omissis , alienari non possunt .**

Possunt tamen res , quæ non durant triennio ,

nio, nec servando commodè servantur, vel usu consumuntur (& idè mobiles dictæ) ut vinum, frumentum, animalia gregis superflua, vestes attritæ, non pretiosæ, & cætera alia, quæ sine detrimento servari non possunt.

Etiam, cum sufficienti causa, per solum Prælatum sine consensu Conventus; nisi per regulam, & Ordinis statuta aliud reperiatur prescriptum ex *annorat. à Peyrin. de privileg. tom 1. ad Const. 9. Julii II. num. 10. & Engel. num. 6.* ampliat ex locorum consuetudine ad veteres Calices, & ornamenta, non æquè utilia, eo fine, ut loco ipsorum nova, & æquè bona ad Ecclesiæ servitium acquirantur; ubi etiam inspiciendæ sunt leges municipales Religiosorum.

- 30 Refert Piasacus *num. 37.* nec Monasteria incapacia retinendi, & possidendi bona stabilia, etiam in communi, posse ea sine solemnitate alienare; & si quæ ad id habuerint privilegia, modo esse revocata nemo ex sequentibus dubitat.

-- Sac. Congr. Card. Conc. Trident. Interpretum rerum experimento edocta, quantum Religionem accipiant detrimenti ex bonorum immobilium, & pretiosorum mobilium distractionibus, quas crebrò faciunt Regulares, Apostolicis privilegiis innixi, ac proindè operæ pretium putans, illorum facilitatem aliqua ratione compescere: speciali S. D. N. jussu, Generalibus, & Provincialibus Capitulis, vel Congregationibus, Abbatibus, Generalibus, & quibuscumque aliis Superioribus Regularibus cujusvis Ordinis, Cong. Societatis, vel Instituti, intra fines Europæ existentibus, omnium rerum, & bonorum immobilium, ac

pretiosorum mobilium alienationem, omneque pactum, per quod ipsorum dominium transfertur, census perpetuos, seu vitalitios, hypotecam, locationem, & conductionem ultra triennium, concessionem in fœdum, vel emphyteusim, præterquam in casibus à jure permissis, fieri perpetuò prohibet, atque interdicit, absque ipsius Congreg. Concilii expressa licentia in scriptis, & gratis concedenda, sub pœna privationis omnium officiorum, quæ tunc obtinebunt, vocisque activæ, & passivæ, ac perpetuæ inhabilitatis ad illa imposterum obtinenda, quam ipso facto absque alia declaratione incurrant; sublata etiam Generali, & Protectori illam moderandi, aut relaxandi facultate, pœnis nihilominus Apostolicarum Constitutionum, & præsertim fœl. record. Pauli II., quæ incipit *Ambitiosæ*, in suo robore permanfuris. Alienationes verò, pacta, census, hypotecas, locationes, conductiones, & concessionem quascunque contra hujusmodi prohibitionem faciendas, Sanct. Sux auctoritate ipso jure nullas, atque irritas decernit.

Non obstantibus Constitutionibus, & Ordinationibus Apostolicis in favorem quarumcumque personarum, atque Ordinum, tam Mendicantium, quam non Mendicantium, Militarium, etiam Sancti Joannis Hierosolymit., Congregationum, Societatum, ac cujusvis alterius Instituti, etiam necessariò, & in individuo exprimendi, Monasteriorum, Conventuum, Collegiorum, domorum, ac locorum Regularium quorumcumque, nec non illorum, etiam juramento, confirmatione Apostolica, vel quavis firmitate alia, roba-

roboratis, statutis, vel consuetudinibus, etiam immemorabilibus, exemptionibus quoque, indultis, & privilegiis sub quibuscumque tenoribus, & formis, & cum quibusvis etiam derogatoriis derogatoriis, aliisque efficacioribus, & insolitis clausulis; nec non irritantibus decretis, etiam motu proprio, & ex certa scientia, ac de Apostolicæ potestatis plenitudine, aut aliàs quomodolibet, etiam per viam communicationis, seu extensionis concelsis, & iteratis vicibus approbatis, & innovatis, etiam si, pro illorum sufficienti derogatione, de illis, eorumque totis tenoribus, ac formis, specialis, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, & aliqua alia exquisita forma servanda esset: tenores hujusmodi præsentibus pro expressis habentes, quibus quoad ea, quæ præsentis decreto, ac prohibitioni adverlantur, illis aliàs in suo robore permanfuris, specialiter, & expressè Sanctitatis Sux auctoritate derogat; Cæterisque contrariis quibuscumque. Datum *Romæ die 7. Septembris 1624.* --

Verum, disposita per decretum ad præfata Monasteria non ampliari, observant Donat. *quest. 62. Nicolio lucubrationes lib. 2. tit. 1. de alienan. bon. Ecclesiæ sub. num. 20.* & in favorem Theatinorum referunt ejusdem Sac. Cong. decretum: prout sequitur: *Sac. Congr. Concilii censuit religionem Clericorum regularium Theatinorum, quamdiù institutum superius propositum retineat* (nempe non possidendi immobilia, neque illa accipiendo, nisi ad finem quantò citiùs vendendi quocumque

cumque pretio) quoad bona immobilia non comprehendi in prohibitione , nuper edita , de rebus Regularium non alienandis .

A quo item decreto per adnotata ab eodem Nicolio ipsa Sac. Cong recessit sub die 12. Aprilis 1625. dum censuit Fratres Minorum de Observantia non comprehendi sub prohibitione alienandi immobilia , census , & annuos redditus .

Et aliàs, apud Fagnan. num. 28. respondit: valere legatum immobilium Fratribus Minoribus sub modo licito, nempe, ut vendant , & pretium convertant in usum Fabricæ , vel Sacristiæ, & idem si factum fuit simpliciter , quia sub modo licito factum intelligitur , ut cap. exiit , qui seminat §. ad hæc quia Fratribus, de verborum significatione in 6. Hinc concludit ibidem , in alienatione immobilium opus non esse solemnitate , dum sit ex præscripto Regulæ , ut in Ordine Minorum de Observantia . Quod item observat Antonellus loco allegato §. 3. num. 6.

- 32 Non debent tamen Fratres hujusmodi Regulæ ea per se ipsos alienare , utpotè incapaces vendendi ex Marcanth. in Regulam S. Francisci cap. 6. tit. 3. quest. 1. prout vendere significat contractum , quo rerum dominium , accepto pecuniarum pretio , in alium transfertur ; Etenim contractus instituere nequeunt : ut dominia alteri cedant , est impossibile ; (quia nemo dat , quod non habet :) eisque negatur contrectare pecunias , quatenus sunt quædam metalla auctoritate Principum instituta , ut sint formale instrumentum emptionis (quod non est ipsas contrectare purè materialiter , & naturaliter ,)
- 33 sed alienatio facienda est à Syndico Apostolico ,

co, non nomine Fratrum, sed Romanæ Ecclesiæ, ad quam res ipsis Fratribus relictæ, spectant.

Sed dubitatur, an Regulares possint alienare Capellas; & Sepulturas sine assensu Apostolico?

- 34 Et resolvitur negativè cum Donato q. 68. præsertim quoad Laicos, utpotè incapaces possidendi jura spiritualia; adeoque ipsis sunt invendibilia loca Religiosa, sacra, & pia; Idèd *quest. 79. num. 11.* docet jus sepulturæ alienari non posse, nisi servata forma. *Extravagant; & decreti;* maximè si venditio habeat adjunctam privativam de aliis ibi non sepeliendis; quia sic, sine justa causa, Ecclesiæ servitus imponitur, ejusque libertas restringitur, & jura alienantur, quod sine Papæ consensu non licet.

Concedere tamen possunt, sine ullo venditionis titulo, propriæ Ecclesiæ Capellam Benefactori ad usum sepulturæ pro illo, & suis, & ut eam sumptibus ampliet, augeat, & ornet; cum hoc sit potius Ecclesiæ acquirere, quam alienare.

Addit Engel. *lib. 3. tit. 28. sub num. 16.* quod cum honor, & præeminentia specialis sepulturæ (dummodo illa præeminentia sit propter respectum aliquem temporalem, vel quia est in loco sublimiori, & magis patente) sit pretio æstimabilis, possit in casu pro eo accipi pecunia.

CAPUT VI.

Officialis quoad celebrationem Missarum.

SUMMARIUM.

- 1 *Possunt Regulares Missas celebrare, tempore etiam, quo celebratur in parochiali.*
- 2 *Die Sabbati Sancti nequeunt Campanas pulsare, priusquam pulsaverint illæ Matricis.*
- 3 *Celebrare possunt priusquam Parochus.*
- 4 *Fideles satisfaciunt Præcepto audiendi Missas apud eos.*
- 5 *Non potest quis cogi ad audiendam Missam in Parochiali.*
- 6 *Sacerdos non potest anticipatè celebrare pro eo, qui primò stipendium dederit.*
- 7 *Ponuntur penæ contra non promotos celebrantes.*
- 8 *Presbyteri seculares benignè à Regularibus recipiendi, & plura quoad externos, & alia &c.*
- 9 *Constitutio de Celebr. Missarum edita ab Innoc. XII.*
- 10 *Reductio Missarum fit per Sedem Apostolicam.*
- 11 *Missæ celebrandæ ad proportionem stipendii recepti.*
- 12 *Retineri non potest pars stipendii, committendo alteri Missam celebrandam.*
- 13 *Interdicitur Regularibus, ne sine Superiorum licentia onera Missarum recipiant.*
- 14 *Recognoscenda bona, census, redditus &c. Conventuum.*
- 15 *Numerus familiarum non augendus.*

16 Con-

Celebrationem Missarum. §

- 16 *Conventus non recipiantur, nisi duodecim Religiosi valeant sustentari.*
- 17 *Proponuntur Sac. Congr. Concil. dubia.*
- 18 *Dubiis respondetur.*
- 19 *Præscribitur clausula apponenda in literis reductionis Missarum.*
- 20 *Eleemosynæ, Missæ, & adimplementa ipsarum annotanda.*
- 21 *Eleemosynæ Missarum reponantur in capsâ sub duabus clavibus.*
- 22 *Pœnæ in transgressores.*
- 23 *Decreta legantur his in anno.*
- 24 *Præcipitur decretorum executio.*
- 25 *Jurata attestatio de adimplemento Missarum exhibeatur à Superioribus localibus.*
- 26 *Voce activa, & passiva carent Provinciales, & alii, & qua ratione?*
- 27 *Privilegia celebrandi in Altari portatili revocantur à Tridentino.*
- 28 *Etiâ si sint clausa in corpore juris.*
- 29 *Jesuitis usus illius datur à Gregorio XIII.*
- 30 *Regulares, nec in Claustro, in eo possunt celebrare.*
- 31 *Benè verò in fixo.*

NEqueunt Regulares impediri, quin Missas in propriis, & alienis Ecclesiis celebrent, Pius V. Const. *Et s. Mendicantium* 17. Kal. Junii 1567. Bull. *Che-*
rub tom 2. pag 227.

§. 8. -- Volumus, quod Fratribus Mendicantibus hujusmodi non solum prohiberi non possit, ne Missas, & alia Divina Officia faciant in eorum Ecclesiis, verum etiam in quibuscunque aliis, ubi celebrari Missas solitum est, etiam ipsis non vocatis, sed ad id requisitis, celebrare valeant -- hoc ultimum

num intelligas de Rectorum, & eorum, ad quos spectat, assensu.

Etiam tempore, quo Parochi ipsi in suis Ecclesiis celebrant, ut ipse §. 22. -- Prohibemus insuper eisdem Ordinariis, ac aliis quibuscunque personis, ne impendant ipsos Fratres, quando eis placuerit, tam in diebus Dominicis, seu festivis, aut aliis totius anni temporibus, Campanas pulsare, & etiam tempore, quo ipsi celebraverint, Missas celebrare. --

Quoad Campanarum pulsationem observandum est, quod statuit Leo X. *Constit. Dum intra Bull. Cherub. tom. 1. pag. 586. § 14.* -- Et, ut debitus honor Matrici Ecclesiae reddatur, tam ipsi Fratres, quam alii Clerici Seculares, etiam super hoc Apostolicæ Sedis Privilegio muniti, die Sabbati Majoris Hebdomadæ, antequam Campana Cathedralis, vel Matricis Ecclesiae pulsaverit, Campanam in Ecclesiis suis pulsare minime possint; -- & post indultum Pii adest Decretum S.C. Regul. 10. Octobris 1586., statuentis: -- Ordinarii non impendant Fratres pulsare Campanas ad Matutinum, ad Horas, & ad Missam antequam pulsetur Campana majoris Ecclesiae, præterquam in die Sabbati Sancti. -- *Confect. Coll. Priv. Mend. part. 1. pag. 225.*

Imò priusquam Parochi celebrent, ex eodem § 8. Pii: -- necnon Missas, ait, & Divina Officia hujusmodi, etiam in diebus Dominicis, vel festivis, etiam antequam Rector Parochialis Ecclesiae celebraverit, celebrare, & facere, quando eis videtur; -- quod, cum die 20. Julii 1620. fuisset à Parochis Bononiensibus sub istis terminis Sa-
cræ

cræ Cong. Conc propositum: *Se possano celebrare la prima Messa nella loro Chiesa, avanti quella del Curato*: -- Sac Cong ad V. resp. Prohiberi non posse, quominus Missa in Ecclesiis Regularium celebretur ante Missam Parochialis Ecclesiæ. --

Nec sunt impediendi Fideles, quin diebus Dominicis, & festivis ad Regularium Ecclesias, Divinorum Officiorum temporum, atque ad audiendas in eis Missas, accedant. Neque dicendum, de Missis diebus audiendis, præcepto eosdem non satisfacere; oppositum enim idem Pius citato §. exprimit sic: -- Ac etiam quicumque utriusque sexus Christi Fideles totius Anni tempore illas, & illa in Ecclesiis Fratrum hujusmodi audire possint. Ipsi Christi Fideles ullatenus desuper molestari, aut impediri per Locorum Ordinarios, seu Rectores Parochialium Ecclesiarum, aut alios quoscunque ullo pacto, causa, vel occasione, non valeant, seu debeant, sed præfati Christi Fideles audiendo Missas, & alia Divina Officia in Ecclesia Fratrum hujusmodi diebus Dominicis, aut festivis, præcepto Ecclesiæ de illis audiendis satisfecisse censeantur. -- Cujus Const. non est revocata quo ad hoc à Greg. XIII. *ut cap. Officialis quoad 4. fun.*

Hoc ultimum sub 13. Novembris 1517. sanxit Leo X Const. tenoris, qui sequitur: -- Intelleximus quosdam in dubium revocare, & perinde timoratis conscientiiis scrupulum iniicere, si Christi Fideles, qui Dominicis, & festis diebus extra Ecclesias suas Parochiales, Missas audiunt in Ecclesiis Fratrum Ordinum Mendicantium, Ecclesiæ præcepto de Missa audienda satisfaciant.

Nos

Nos enim ambiguitatem huiusmodi penitus tollere volentes, ut cum sinceriori conscientia Fideles quique Deo, Creatori suo serviant, autoritate Apostolica, tenore præsentium notum facimus, omnes Christi Fideles utriusque sexus, qui (non contempto proprio Sacerdote Parochiali) in Ecclesiis Fratrum Ordinum Mendicantium, Dominicis, & Festis diebus, Missas audiant, satisfacere præcepto Ecclesiæ de Missa audienda, nec in aliquam labem mortalis peccat, penamvè incurrere. In contrarium facientibus non obstantibus quibuscunque. -- *Confect. cit. pag. 125.*

Quod observavit Piaſec. *prax. Epif. par. 2. cap. 3. art. 3. num. 21.* notans obligari Parochum ex *Trid. ſeſſ. 22. in Decr. de Obſer. & evitan. in celeb. Miſſ.* ad monendum Populum, 5 ipſumque de præcepto audiendæ Miſſæ diebus feſtivis ſub peccato mortali inſtruendum: cogere tamen non poſſe quempiam ad eam in Parochiali Eccleſia audiendam, quia *Conc. loc. cit. verb.* Dumtaxat moneant, & non alio, utitur.

Omnibus, & ſingulis Sacerdotibus, tam Secularibus, quàm Regularibus prohibitum eſt, Miſſas anticipatè celebrare pro eo, qui primo ſtipendium dederit, & Deus videt daturum; vel ſub conditione in futurum contingente, v. g. -- intendo celebrare pro eo, qui proximè mihi eleemoſynam largitus fuerit -- Sum Leand. *verb. Miſſæ ſtipend. nu. 39.* Layman. *Theo. mor. de Sacrificio Miſſæ lib. 5. tract. 5. cap. 2. nu. 13.*, & reperitur tanquam periculolum, & ſcandalolum juffu Clem. VIII., & per Pauli V. Decretum, prohibi- 6 tum à S. C. C. quod per extenſum referunt

Barbosa 2. *part. de Offic. & potest. Episcopi alleg.* 24. num. 12., & Lezzana *Summ Quæst. Regul. tom. 4. verb. Missa num. 51.* ; quod evenisse sub die 15. Novembris 1605., testantur.

Prohibitionis ratio esse potuit, vel quia hujusmodi turpis anticipatio lucri quamdam, quovis titulo Sacerdotibus indignam, rerum Sacrarum mercaturam importet; vel etiam, quia ex eo homines ab eleemosynis in futurum tradendis pro Missarum celebratione retrahi potuissent; si enim Sacerdos offerenti eleemosynam responderet: -- applico tibi Missas, quas diebus præteritis celebra- vi: -- suspicari semper possent, quod tra- dendo stipendia Missas non sint celebraturi, & dumtaxat applicaturi celebratas, quasi in eorum esset potestate fructus Sacrificii pro suo libito suspendere.

Sacrilega aliquorum ad Sacrum Presbyteratus Ordinem non promotorum in celebrandis Missis audacia, Sancta Sedes sæpius repressit, & post Gregorium XIII., & Six- tum V., Clemens VIII. Const. *Et si alias* 7 *Bull. Cherub. tom. 3. pag. 125*, contra eoldem statuit: -- Ut quicumque non promotus ad Sacrum Presbyteratus Ordinem, repertus fuerit Missarum celebrationem usurpare, vel Sacramentalem Confessionem audivisse, à Judicibus Inquisitionis, vel locorum Ordinariis, tamquam Ecclesiæ misericordia indignus, à Foro Ecclesiastico abjiciatur, & ab Ordinibus Ecclesiasticis, si quos habue- rit, ritè degradatus, statim Curiae Seculari tradatur, per Judices Seculares debitis pœ- nis plectendus.

Quia verò plures, spretis Apostolicis Con- stitutionibus, statutis pœnis, beneficio mi-
noris

noris ætatis, nequaquam subiacere afferebant, in eisdem Urbanus VIII. *Const. Apostolatus Officium. Bull Cherub tom. 4. pag. 137.* sic decrevit: -- Nos detestantes &c. hac nostra perpetua valitura constitutione, statuimus, & decernimus, ut de cætero perpetuis futuris temporibus, qui imposterum ad S. Presbyteratus Ordinem non promotus, Missam celebrare, aut Sacramentalem Confessionem audire præsumperit, ætate minori annis viginti quinque, non excusetur, quominus eidem Clementis Constitutioni subji- ciatur, dummodo vigesimum suæ ætatis annum compleverit. Ipseque non promotus, sic delinquens, nulla habita consideratione præfatæ ætatis, sive Laicus, sive Clericus Secularis, aut cujusvis Ordinis, Congregationis &c. tradatur Curiae Seculari debitis pœnis plectendus. --

Is verò, qui præfatas pœnas evaderet, aut cujus delictum ad Forum non deducere- tur, irregularis remaneret, quia actum Ordinis, quem non habet, exercuisset. Pasq, *add ad quæst. 42. Laur. de Franc. par 1. n. 372.* præsertim si esset Clericus, secus dicendum de Laico apud Laym. *de Irregul. lib. 1. tract. 5. p. 5. cap. 3. nu. 2.*

Cùm Seculares Presbyteri in Ecclesiis Regularium ex propria devotione voluerint, celebrare possint, & benignè recipiantur juxta dispositionem Leonis X. *Const. Dum intra sæpius cit.* -- ac tam Prælati, quàm Presbyteri Seculares, qui vinculo excommunicationis ligati non fuerint, Missas in Ecclesiis domorum eorundem, devotionis causa celebrare volentes, celebrare possint. Ipsique Fratres tales cele-
brare

brare volentes, libenter recipere debent.

Exteri autem, & peregrini à Regularibus admitti non debent ad celebrandum in propriis Ecclesiis, nisi servata forma sequentis Decreti. -- Die 11. Augusti 1649. in Congregatione Sancti Officii Eminentissimi R.R. Cardinales Inquisitores mandarunt intimari Superioribus Religionum, quod mandent suis subditis Monasteriorum, & Conventuum Superioribus; ne admittant ad celebrandum in eorum Ecclesiis, eorum, vel alterius Religionis, externos, vagos, seu peregrinos, nisi examinatis diligenter literis obedientiæ, seu assignationis eorum Superiorum, & testimonialibus promotionis ad Sacerdotium; quo verò ad Sacerdotes Seculares, nisi visis literis testimonialibus subscriptis à Vicario Generali, seu Foraneo Episcopi loci &c. -- Ut refert *Nicolio praxis totius Juris Can. lib. 3 tit. 31. de Regularibus nu. 15.* Et sæpè id decrevisse circa Sacerdotes Seculares Sacram Episcop. & Regul. Cong. testatur.

Ubi tradit Regulares teneri ad consensum dandum, & commodum, Presbytero Seculari, qui aliquo titulo tenetur ad celebrandum certis diebus in ipsorum Ecclesiis, per disposita à Sacra Congregatione *sexto Septembris 1625.* cum onere tamen, ut Presbyter celebraturus sibi suis sumptibus de supplectilibus, cera, cæteroque apparatu Ecclesiastico ad id necessario, provideat.

Cum ex dispositione Testatoris deberent in Ecclesiis v. g. Fratrum Minorum, celebrari Missæ à Presbyteris sive Secularibus, sive Regularibus ad Hæredum arbitrium, & Fratres Minores nollent consentire; S. C. C. censuit; -- dum Regulares non consentiunt

Missas à Testatore relictas, per Seculares in Regularium Ecclesia celebrandas, ibidem celebrari, posse alibi celebrari de licentia Ordinarii, ut in una Venetiarum 24. *Septembris* 1639. idem loc. cit.

Et cum Testator non exprimat Missas à se relictas in Ecclesiis præfatis, etiam per seculares Presbyteros, debere celebrari, interdicitur hæredibus posse pro suo libito pro hujusmodi celebratione deputare Sacerdotes Seculares, vel alios Regulares; prout sequitur; Sacr. Congr. &c. attentis narratis --- censuit præfatos hæredes non posse pro suo libito Oratoribus invitare deputare pro prædicta celebratione Missarum in eorum Ecclesia Sacerdotes Seculares, seu alios cujuscunque Ordinis Regulares; sed omnibus præferendos esse eosdem Oratores, quatenus ipsi præmissis satisfacere non recusent, quibuscunque non obstantibus 16. *Novembris* 1657. *Domenicani*, *Nicolio loco citato*.

Alia ad Missarum celebrationem necessaria apud Summistas possunt videri, & interim quæ Sacr. Congr. Concilii disposuit, & à SS. D. N. Innocentio XII. Auctoritate Apostolica sunt confirmata, observentur, ut sequitur.

INNOCENTIUS EPISCOPUS

SERVUS SERVORUM DEI

Ad perpetuam rei memoriam.

9 **N**uper à Congregatione Venerabilium Fratrum nostrorum S. R. E. Cardinalium Concilii Tridentini Interpretum prodierunt Decreta tenoris infra scripti, videlicet.

Aliàs super celebratione Missarum, ac prohibitionem illas moderandi, seu reducendi absque Sedis Apostolicæ licentia, nec non super earundem oneribus perpetuis suscipiendis, & Religiosorum numero, ultra redditus, & consuetas eleemosynas locorum Regularium, non habendo, emanarunt ab hac Sac. Congregatione S. R. E. Cardinalium Concilii Tridentini Interpretum, auctoritate per fel. rec. Urbanum Papam VIII. illi specialiter attributa, quamplura Decreta tenoris sequentis.

Cùm sæpe contingat in quibusdam Ecclesiis tam magnum Missarum celebrandarum numerum, ex variis Defunctorum relictis, aut piorum eleemosynis impositum esse, ut illis pro singulis diebus præscriptis nequeat satisfieri, & tamen nova onera Missarum in dies suscipiantur: indeque fiat, ut depereant piæ Testantium voluntates, obstricta Benefactoribus fides violetur, Defunctorum animæ suffragiis priventur, Ecclesiis debitus subtrahatur cultus, ac Christifideles gravi scandalo affecti, plerumque à similibus charitatis operibus retrahantur: Cùmque his

malis maximum inter cætera fomentum præbeat, ut quod ii, qui Missas supra vires celebrandas suscipiunt, sperent illas, brevi ad pauciorum numerum à Superioribus reductum iri: aut quòd Ecclesijs, forte pecuniarum absumpta, plerumque nuda remaneant onera Missarum, absque ullo emolumento, aut quòd eleemosyna pro illis celebrandis sit adeò tenuis, ut non facilè, inveniantur, qui velint huic se muneri subiicere, & redditus Ecclesiæ, aut Monasterii adeò exigui, ut Sacerdos pro necessaria sua sustentatione novis se oneribus obstringere compellatur. Sacra Congregatio Cardinalium Concilii Tridentini Interpretum animadvertens facturam ferem Deo gratissimam, charitativæ, ac justitiæ maximè consentaneam, si pro viribus satagant, hunc teterrimum abusum, è Christiana Republica convellere atque eradicare. Sanctissimi D. N. Urbani Divina providentia Papæ VIII. auctoritate sibi specialiter attributa, infrascripta Decreta edidit.

- 10 Ac primò districtè prohibet, atque interdicat, ne Episcopi in Diæcesana Synodo, aut Generales in Capitulis generalibus, vel aliàs quoquomodo reducant onera ulla Missarum celebrandarum, aut post idem Concilium imposita, aut in limine foundationis, sed pro his omnibus reducendis, aut moderandis, vel commutandis ad Apostolicam Sedem recurratur, quæ, re diligenter perspecta, id statuet, quod magis in Domino expediri arbitritur: alioquin reductiones, moderationes, & commutationes hujusmodi, si quas contra hujus prohibitionis formam fieri contigerit, omnino nullas, atque inanes decernit.

De-

Deinde ubi pro pluribus Missis , etiam ejusdem qualitatis celebrandis , stipendia , quantumcumque incongrua , & exigua , si-
ve ab una , si-ve à pluribus personis collata fuerunt , aut conferentur in futurum Sacerdotibus , Ecclesiis , Capitulis , Collegiis , Hospitalibus , Societatibus , Monasteriis , Conventibus , Congregationibus , Domibus , ac Locis Piis quibuscumque , tam Secularibus , quàm Regularibus : Sacra Congregatio sub obtestatione Divini Judicii mandat , ac præcipit , ut absolutè tot Missæ celebrentur , quot ad rationem attributæ eleemosynæ præscriptæ fuerint , ita ut alioquin ii , ad quos pertinet , suæ obligationi non satisfaciant : quinimmo graviter peccent , & ad restitutionem teneantur .

Id verò , ut deinceps observetur exactiùs , Sac. Congregatio eadem auctoritate , revocat Privilegia , & indulta omnia quibusvis personis , Ecclesiis , ac Locis Piis , tam Secularibus , quàm Regularibus cujuscumque Ordinis , Congregationis , & Instituti , quamcumque ob causam concessa , quibus indulgetur , ut certarum Missarum , vel Anniversariorum celebratione , aut aliquibus Collectis , seu Orationibus plurium Missarum oneribus in futurum suscipiendis satisfiat .

Ac similiter omne damnabile lucrum ab Ecclesia remove volens , prohibet Sacerdoti , qui Missam suscepit celebrandam cum certa eleemosyna , ne eandem Missam alteri parte ejusdem eleemosynæ sibi retenta , celebrandam committat .

Prætereà , ne in Ecclesiis , in quibus one-

ra Missarum in perpetuum imposita sunt, Sacerdotes in eis, ut par est, adimplendis eò tepidiores, ac segniores reddantur, quòd onera hujusmodi cum nulla, aut parva sint utilitate conjuncta: statuit, atque decernit, ut pecuniæ, ac bona mobilia Ecclesiis, Capitulis, Collegiis, Hospitalibus, Societatibus, Congregationibus, Monasteriis, Conventibus, ac Locis omnibus, tam Secularibus, quàm Regularibus, atque illorum personis in futurum simpliciter acquirenda cum onere perpetuo Missarum celebrandarum ab iis, ad quos pertinet, sub pœna interdicti ab ingressu Ecclesiæ ipso facto incurrenda à die realis acquisitionis, statim deponi debeant penes Ædem Sacram, vel personam fide, & facultatibus idoneam, ad effectum illa, seu illorum pretium quàm primùm investiendi in bonis immobilibus fructiferis cum expressa, & individua mentione oneris, quod illis annexum reperitur.

Ac si eadem bona immobilia auctoritate Apostolica deinceps alienari contigerit, eorumdem pretium, sub eadem pœna, ut supra, deponi, atque in aliis bonis stabilibus itidem fructiferis cum ejusdem oneris repetitione, atque annexione converti debeat.

Ad hæc Sac. Congregatio quibusvis Capitulis, Collegiis, Societatibus, & Congregationibus, necnon omnibus, & singulis Ecclesiarum, ac piorum Locorum, tam Secularium, quàm Regularium Superioribus, vel aliis, ad quos pertinet, districtè prohibet, ne imposterum onera perpetua suscipiant Missarum celebrandarum, Seculares, quidem sine Episcopi, vel ejus Generalis Vicarii, Regulares verò sine Generalis, vel Provincialis

con-

consensu, & licentia in scriptis, & gratis concedenda: alioquin Secularis, qui hujus prohibitionis transgressor extiterit, ab ingressu Ecclesiæ interdictus sit eo ipso: Regularis verò penam privationis omnium Officiorum, quæ tunc obtinebit, ac perpetuæ inhabilitatis ad alia de cætero obtinenda, vocisquæ activæ, ac passivæ, absque alia declaratione incurrat.

Eleemosynas verò manuales, & quotidianas pro Missis celebrandis ita demum iidem accipere possint, si oneribus antea impositis ita satisfecerint, ut nova quoque onera suscipere valeant: alioquin omninò abstineant ab hujusmodi eleemosynis, etiam spontè oblati, in futurum recipiendis, & capsulas auferant ab Ecclesiis cum inscriptione illa: *Eleemosyna pro Missis*, vel alia simili, sub jisdem penis ipso facto incurrendis, ne Fideles hac ratione frustrentur.

Episcopus verò, seu ejus Vicarius, aut Generalis, vel Provincialis, ubi de licentia pro perpetuis oneribus fuerint requisiti, in singulis casibus diligenter inquirent, de singulis Missarum celebrandarum obligationibus, cuique Ecclesiæ, Monasterio, aut Loco pio incumbentibus: nec antea assensum hujusmodi, aut licentiam præbeant, quàm eis legitime constiterit, illius Sacerdotes, tam novo oneri suscipiendo, quàm antiquis jam susceptis satisfacere posse, præcipuamque rationem habeant, ut redditus, qui Ecclesiis, & Locis piis relinquuntur, omninò respondeant oneribus adjunctis secundum morem cujusque Civitatis, vel Provinciæ, intelligantque, si in re tanti momenti desides, aut negligentes fuerint, in novissimo

die se hujus prætermisſi muneris rationem eſſe reddituros.

Postremò Illuſtriſſimi Patres non ſine gravi animi dolore intelligentes, mala ferè omnia, quæ Regularem diſciplinam evertunt, ac præcipuè nimiam hanc facilitatem fovēt, in oneribus Miſſarum ſupra vires ſuſcipiendis, veluti ex infecta radice, pullulare ex majori Regularium numero, quàm ſerant redditus, & eleemoſynæ cujuſque Monafterii: inhærentes Summorum Pontificum, ac Sacri Tridentini Concilii Decretis, hac de re editis; Sanctiſſimi Domini Noſtri auctoritate, præcipiunt, ac mandant omnibus, & ſingulis Generalibus, Provincialibus, Commiſſariis, Miniſtris, Præſidentibus, Abbatibus, Prioribus, Præpoſitis, Guardianis, Vicariis, & quibuſcumque aliis ſuperioribus Monafteriorum, Conventuum, ac Domorum Regularium, bona immobilia poſſidentium, vel non poſſidentium, cujuſcumque Ord. Congr. & Inſtituti, exiſtentium inera fines Italiæ, & Inſularum adjacentium, ut ſinguli, ad quos pertinet in qualibet Provincia, adhibitis duobus, aut tribus Regularibus ſui Ordinis, vel Congregationis probatoribus, & rerum uſu peritiſſimis, bona immobilia, census, redditus, & proventus omnes, conſuetas item eleemoſynas, & obventiones, tam communes Monafteriorum, Conventuum, & Domorum ejusdem Provinciæ, quàm etiam ſingularibus perſonis Religioſis assignatas, ſeu permiſſas, in communem uſum deinceps conferendas, decem annorum immediatè præcedentium habita ratione, diligenter & maturè recognoſcant, iis omnibus de.

detractis, quæ reparationes, præstationes, grandines, sterilitates, aliave cujuslibet generis onera consueverunt absorbere.

Eaque omnia scripto fideliter exarata, idē Superior, cujus interest, in proximo Capitulo, seu Congregatione generali, vel Provinciali coram tribus Judicibus ab ipsomet Capitulo, seu Congregatione deligendis proponat, qui computatis hujusmodi redditibus, eleemosynis, & obventionibus universis, & oneribus, ut supra detractis sedulò examinent, quot Religiosi homines, connumeratis etiam laicis, aliisque necessariis servientibus, in unoquoque Monasterio, Conventu, & Domo Regulari juxtà regionis, & proprii Instituti morem, victum, & vestitum, & medicinalia in communi habentes, competenter valeant sustentari. Tum eorumdem bonorum, reddituum, eleemosynarum, & onerum præcisam notam ipsimet Capitulo, seu Congregationi exhibeant, ut in illo diligenter omnibus discussis, cujusque Familiæ Monasterii, Conventus, ac Domus Regularis in singula quaque Provincia certus earum tantum personarum numerus, Patrum capitularium voto præfigatur, quæ redditibus, eleemosynis, & obventionibus, ut superius, sufficienter ali possint.

Ne verò Superiores, qui id præstare debent, serius, aut remissiùs, quàm par est, suo muneri satisfaciant: mandat Sacra Congregatio, ut infra annum, post proximum Capitulum Generale, vel Provinciale computandum, omnia hoc de genere capitulariter gesta, in authenticam formam redacta, ad Sacram ipsam Congregationem Concilii singuli mittant.

Numerumque familiæ , singulorumque
Conventuum , Monasteriorum , & Domo-
rum hujusmodi Regularium , Capituli, seu
Congregationis generalis , vel Provincialis
sententia , & auctoritate præfinitum, jidem
Superiores, tam Generales, & Provinciales
omnes, quàm Locales perpetuò servare om-
ninò teneantur, nec possint illum quoquo-
modo augere, etiam prætextu augmenti reddi-
tuum absque Sacræ ipsius Congregationis li-
centia : Superiores autem hujusmodi , qui
prædicta omnia in præfixo termino non præ-
stiterint, vel numerum, ut supra præscri-
ptum , quovis modo augere præsumpserint,
privationis omnium Officiorum, quæ tunc
temporis obtinebant, vocisque activæ ; ac
passivæ , & ad omnia suæ Religionis Officia,
& gradus , inhabilitatis perpetuam pœnam
eo ipso incurrere, atque aliis, etiam gravio-
ribus , à Sede Apostolica infligendis pœnis
Sacra Congregatio subjacere voluit , & de-
claravit.

Deinceps verò Monasterium , Conventus,
Domus , Congregatio , vel Societas Reli-
giosorum , seu Regularium nullibi recipia-
tur, nisi præter alia ad id requisita : in sin-
gulis hujusmodi locis duodecim saltem Fra-
tres, aut Monaci, seu Religiosi degere, &
ex redditibus , & consuetis , eleemosynis
detractis omnibus , ut supra detrahendis,
competenter sustentari valeant, ad præscri-
ptum decreti felicitis recordationis Gregorii
XV. hac de re editi : Alioquin Monasteria ,
& loca hujusmodi posthac recipienda, in qui-
bus duodecim Religiosi, ut supra sustentari,
atque inhabitare non poterunt, & actu non
inhabitaverint , Ordinarii loci visitationi ,
corre-

correctioni, atque omnimodæ Jurisdictioni subiecta esse intelligantur.

Porro, ne ullo unquam tempore hæc in oblivionem, seu defuetudinem abeant, Superiores locales cujusque Monasterii, Conventus, ac Domus Regularis curare, atque efficere teneantur, sub pœna privationis Officii, vocisque activæ, & passivæ ipso facto incurrenda, ut in perpetuum, sexto quoque mense, idest feria secunda post primam Dominicam Adventus, & feria sexta post Octavam Corporis Christi, præsentis ordinationes in publica Mensa perlegantur.

Omnibus tam Ecclesiasticis personis cujuscumque sint Ordinis, conditionis, & gradus, quàm Laicis quocumque honore, & potestate præditis, præsentia Decreta declarandi, vel interpretandi facultate penitus interdicta.

Non obstantibus, quoad superscripta omnia, & singula in præsentibus decretis contenta, Constitutionibus, & Ordinationibus Apostolicis in favorem quarumcumque personarum, atque Ordinum tam Mendicantium, quàm non Mendicantium, Militiarum etiam Sancti Joannis Hierosolymitani, Congregationum, Societatum, ac cujuslibet alterius Instituti, etiam necessariò, & individuo exprimendi, Ecclesiarum, Monasteriorum, Conventuum, Collegiorum, Capitulorum, Hospitalium, Confraternitatum, & aliorum quorumcumque tam Secularium, quàm Regularium Locorum, necnon illorum, etiam juramento, confirmatione Apostolica, vel quavis firmitate alia roboratis, statutis, & consuetudinibus, etiam immemorabilibus, Privilegiis quoque, Indultis,

& literis Apostolicis, etiam Mari magno, seu Bulla aurea, aut aliàs nuncupatis, sub quibuscumque tenoribus, & formis, ac cum quibuscvis etiam derogatoriis derogatoriis, aliisque efficacioribus, & insolitis clausulis, necnon irritantibus decretis, etiam motu proprio, & ex certa scientia, ac de Apostolicæ potestatis plenitudine, aut aliàs quomodolibet, etiam per viam communicationis, seu extensionis concessis, & iteratis vicibus approbatis, & innovatis, etiam si pro illorum sufficienti derogatione de illis, eorumque totis tenoribus, & formis specialibus, & individua, ac de verbo ad verbum, non autem per clausulas generales, mentio; seu quævis alia expressio habenda, aut aliqua alia exquisita forma servanda esset, tenores huiusmodi, ac si de verbo ad verbum, nihil penitus omisso, & forma in illis tradita observata, inserti forent, præsentibus pro expressis habens, quibus quoad ea, quæ præsentibus adversantur, illis aliàs in suo robore permansuris, Sacra Congregatio Sanctitatis Sux auctoritate specialiter, & expresse derogat, cæterisque contrariis quibuscumque.

Et ne præmissorum ignorantia à quoquam prætendi possit, voluit eadem Sacra Congregatio, ut præsentis ordinationes in Valvis Basilicarum S. Joannis Lateranensis, & Principis Apostolorum de Urbe, ac in Acie Campi Floræ, ut moris est, affixæ omnes, ad quos pertinet, ita ardent, & afficiant, ac si unicuique personaliter intimatæ fuissent.

Utque earundem præsentium transumptis, etiam impressis manualicujus Notarii publici subscriptis, & sigillo personæ in Dignitate

gmitate Ecclesiastica constitutæ munitis ,
eadem prorsus fides adhibeatur , quæ præ-
sentibus adhiberetur , si forent exhibitæ ,
vel ostensæ . Datum Romæ die 21. Ju-
ni 1625.

Cosmus Card. de Torres.

Prosper Fagnanus S. Congreg. Secr.

Excitatis autem super præmissorum de-
cretorum intelligentia , seu interpretatione
infra scriptis dubiis , prodierunt à memorata
Congregatione simili auctoritate illi à præ-
fato Urbano Papa Octavo specialiter attribu-
ta responsiones , seu declarationes inferius
apponendæ .

Super primo Sacræ Congregationis decre-
to , de celebratione Missarum , quo prohi-
betur , ne Episcopi in Diæcesana Synodo ,
aut Generales in Capitulis Generalibus , vel
aliàs quoquomodo , reducant onera ulla Mis-
sarum celebrandarum , aut post idem Con-
cilium imposita , aut in limine foundationis .
17 Quæritur , quid si legatum sit ita tenue ,
ut non sit , qui velit onus illi injunctum sub-
ire , etsi recurrendum sit ad Sedem Aposto-
licam pro moderatione oneris , totum , aut
ferè totum insumendum sit pro expensis ad
id necessariis ?

Et quid , si permittatur Episcopo in fun-
datione , ut possit hujusmodi onera mode-
rari ?

Secundò , super secundo ejusdem Congre-
gationis decreto , quo cavetur , ut celebren-
tur tot Missæ , quot ad rationem tributæ
eleemosynæ præscriptæ fuerint .

Quæ-

Quæritur, an verba illa (præscriptæ fuerint) intelligenda sint de præscriptione facta ab Offerente, vel ab Ordinario?

Tertiò, an cum Ordinarius præscripserit eleemosynam congruam juxta qualitatem loci, personarum, ac temporum, Sacerdotes accipientes stipendium minus congruo, teneantur Missas illis ab Offerente præscriptas celebrare?

Quartò, an Sacerdotes, qui tenentur Missas celebrare ratione Beneficii, seu Capellæ, legati, aut salarii, possint etiam manualement eleemosynam, pro Missis votivis, aut Defunctorum recipere, & unico Missæ Sacrificio utrique oneri satisfacere?

Quintò, posito, quòd Testator relinquat, ut celebrentur pro ejus Anima centum Missæ, absque ulla præscriptione eleemosynæ.

Quæritur, an liberum sit hæredibus, eleemosynam sibi benè visam præscribere, an verò eadem eleemosyna præscribenda sit ab Ordinario.

Sextò, super tertio Congregationis decreto, in quo eadem Congregatio revocat privilegia, quibus indulgetur, ut certarum Missarum, vel Anniversariorum celebratione, aut aliquibus collectis, seu Orationibus, plurium Missarum oneribus in futurum suscipiendis satisfiat.

Quæritur, an verba (in futurum suscipiendis) intelligenda sint de oneribus suscipiendis post Privilegium?

Septimò, super quarto ejusdem in Congregationis Decreto, qui prohibetur Sacerdoti, qui suscepit Missam celebrandam cum certa eleemosyna, ne eandem Missam alteri, parte ejusdem eleemosynæ sibi retenta,

tenta, celebrandam committat.

Quæritur, an permittendum sit administratoribus Ecclesiarum, ut retineant aliquam eleemosynarum portionem, pro expensis manutentionis Ecclesiæ, Altarium, Infervientium, paramentorum, luminum, Vini, Hostiæ, & similibus?

Octavò, an hoc decretum habeat locum in beneficiis, quæ conferuntur in titulum, idest an Rector Beneficii, qui potest per alium celebrare, teneatur Sacerdoti celebranti dare stipendium, ad rationem reddituum Beneficii?

Decimò, an Sacerdotes, quibus aliquando offertur eleemosyna, major solita, pro celebratione Missæ, debeant dare eandem integram eleemosynam iis, quibus Missas celebrandas committunt; An verò satis sit, ut dent celebrantibus eleemosynam consuetam?

Undecimò, super quinto ejusdem Congregationis decreto, qui inter cætera statuitur in hæc verba (eleemosynas verò manuales, & quotidianas pro Missis celebrandis) ita demum iidem accipere possint, si oneribus antea impositis ita satisfecerint, ut nova quoque onera obire valeant: Alioquin omninò abstineant ab hujusmodi eleemosynis, etiam spontè oblati in futurum recipiendis, & capsulas auferant, &c.

Quæritur, an hoc decretum prohibeat absolute, quo minùs accipiant novas eleemosynas ii, qui acceptis non satisfecerunt, & quid, si congruo tempore possint omnibus satisfacere?

Duodecimò, quid, si offerens eleemosynas, audito impedimento consentiat, ut

Sa.

Sacerdos Missam celebret, cum primum poterit?

Decimotertiò : an pœna interdicti, & aliæ appositæ in eodem decreto afficiant tam eos, qui accipiunt eleemosynas contra formam ibi præscriptam, quàm eos, qui non auferunt capsulas ab Ecclesiis, ut ibidem præcipitur?

Decimoquartò, an in hoc Decreto comprehendantur illæ capsulæ, quæ apponi solent Ecclesiis, in die commemorationis omnium Sanctorum, & vulgò dicuntur (*Casse de Morti*?)

Decimoquintò, an Administratores Ecclesiæ, magnæ devotionis, & concursus, possint eleemosynas pro Missis celebrandis accipere, si iisdem Missis, non nisi post longum tempus satisfacere valent, ne aliàs cultus Ecclesiæ, & devotio, ac concursus Fidelium, ut ajunt, minuantur?

Decimosexto, quia prohibitio dicti decreti videtur aliquibus directâ solis Capitulis, Collegiis, Societatibus, Congregationibus, nec non omnibus, & singulis Ecclesiarum, & piorum Locorum, tam Secularium, quàm Regularium Superioribus, de quibus sit expressa mentio, non autem privatis Sacerdotibus, qui tamen comprehendi videntur sub clausula generali (*& aliis ad quos pertinet*) supplicatur pro opportuna declaratione?

Decimoseptimò, super septimo, ejusdem Sacræ Congregationis decreto, quo cavetur, ut in singulis Monasteriis Religiosorum præfigatur numerus, qui ex consuetis redditibus, aut eleemosynis commodè possint sustentari.

Quæritur, an ubi hæc præfixio facta jam fuit

fuit in vim similis decreti sanctæ memoriæ Pauli V. absque tamen computatione reddituum, cujusque Religiosi, sit denuò facienda, nec nè?

Decimo octavò, an Novitii, ad habitum regularem admissi, possint admitti ad professionem in Monasteriis, in quibus habita, ut suprà, præfixione numeri, commodè ali non possunt?

Decimo nonò, super ultimo, quæ cavetur, ut nullibi recipiantur Conventus Regularium, nisi præter alia ad id requisita, duodecim saltem Fratres in eis degere, & competenter sustentari valeant, ita ut alioquin subsint jurisdictioni ordinariæ.

Queritur, an hoc decretum, quod videtur editum in ordine ad celebrationem Missarum, comprehendat eas Religiones, quæ non consueverunt onera Missarum recipere, ut sunt Religiones Capuccinorum, ac Societatis Jesu.

Ultimò, an idem decretum, ubi disponit, ut nullibi recipiantur Monasteria, nisi &c. habeat locum in Italia, dumtaxat ad quam est restrictum decretum proximè antecedens, an verò etiam extrà Italiam.

Declarationes, seu Responsiones ad supradicta Dubia.

Sacra Congregatio Cardinalium Concilii Tridentini Interpretum, auctoritate sibi à Sanctissimo Domino Nostro attributa, ad singula Dubia superius proposita, ad hunc modum respondit, videlicet.

r8 Ad primum, etsi legatum sit adeò tenue, nihilominus pro reductione oneris, ut suprà

suprà impositi, ab iis, ad quos pertinet, Sedem Apostolicam esse adeundam, quæ absque ulla impensa id statuet, quod magis in Domino è re esse judicaverit: Verumtamen si in ipsa Beneficii erectione expressè cautum fuerit, ut liceat Episcopo injunctum onus reducere, ac moderari legem hanc fundationis, quàm decreta hac de re edita non sustulerunt, esse validam, & observandam.

Ad secundum, esse intelligenda de præscriptione facta ab eo, qui eleemosynam tribuit, non autem ab Ordinario: Quòd si tribuens eleemosynam numerum Missarum celebrandarum non præscripserit, tunc tot Missas celebrari debere, quot præscripserit Ordinarius secundùm morem Civitatis, vel Provinciæ.

Ad tertium teneri.

Ad quartum Sacerdotes, quibus diebus tenentur Missas celebrare ratione Beneficii, seu Cappellæ, Legati, aut Salarii, si eleemosynas pro aliis etiam Missis celebrandis susceperint, non posse eadem Missa utrique obligationi satisfacere.

Ad quintum censuit, ubi nullam certam eleemosynam testator reliquit, esse ab Episcopo præscribendam eleemosynam congruam, quæ respondeat oneribus Missarum celebrandarum, secundùm morem Civitatis, vel Provinciæ.

Ad sextum, ita esse intelligenda.

Ad septimum respondit, permittendum non esse, ut Ecclesiæ, ac loca pia, seu illorum Administratores, ex eleemosynis Missarum celebrandarum ullam, utcumque minimam portionem retineant ratione expensarum, quas subeunt in Missarum celebratione,

tione, nisi cum Ecclesiæ, & Loca pia alios non habent redditus, quos in usum earundem expensarum erogare licite possint, & tunc quam portionem retinebunt, nullatenus debere excedere valorem expensarum, quæ pro ipsomet tantum Missæ Sacrificio necessariæ sunt subeundæ, & nihilominus eo etiam casu curandum esse, ut ex pecuniis, quæ supersunt, expensis, ut supra deductis, absolute tot Missæ celebrentur, quot præscriptæ fuerint ab offerentibus eleemosynas.

Ad octavum, non habere locum, sed satis esse, ut Rector Beneficii, qui potest Missam per alium celebrare, tribuat Sacerdoti celebranti eleemosynam congruam, secundum morem Civitatis, vel Provinciæ, nisi in fundatione ipsius Beneficii aliud cautum fuerit.

Ad decimum, debere absolute integram eleemosynam tribuere Sacerdoti celebranti, nec ullam illius partem sibi retinere posse.

Ad undecimum, respondit, non prohibere absolute: Ac propterea, etsi oneribus jam susceptis non satisfecerint, posse tamen nova etiam onera suscipere Missarum celebrandarum, dummodò infra modicum tempus possint omnibus satisfacere.

Ad duodecimum, quamvis onera suscepta infra modicum tempus adimpleri nequeant, si tamen tribuens eleemosynam pro aliarum Missarum celebratione id sciat, & consentiat, ut illæ tunc demum celebrentur, cum susceptis oneribus satisfactum fuerit, decretum non prohibere, quò minus eo casu eleemosyna accipiatur pro iisdem Missis juxta Be-

Benefactoris consensum celebrandis.

Ad decimum tertium, has penas non habere locum, nisi in suscepturis onera perpetua Missarum celebrandarum sine licentia Episcopi, vel ejus Generalis Vicarii, aut Generalis, vel Provincialis.

Ad decimum quartum, comprehendit.

Ad decimum quintum. Non posse, nisi de consensu eorum qui eleemosynas tribuunt, ut supra in responsione ad duodecimum.

Ad decimum sextum, comprehendit etiam privatos Sacerdotes.

Ad decimum septimum, numeri præfixionem esse iterum faciendam, servata forma ultimi decreti hac de re editi.

Ad decimum octavum, esse admittendos ad professionem, si aliàs habiles existant, ac deinde in aliquo alio Monasterio ejusdem Religionis esse collocandos, ubi commodè ali possint.

Ad decimum nonum, censuit comprehendere.

Ad ultimum, habere locum extra Italiam.

Cosmus Card. de Torres.

Prosper Fagnanus S. Cong. Secretarius.

Cum autem super præmissis diversi irrep-
ferint abusus, illorumque occasione, quàm-
phures querelæ, & recursus ad Apostolicam
Sedem pervenerint: Cupiens eadem Congre-
gatio Cardinalium Concilii Tridentini In-
terpretum hujusmodi detestabiles abusus è
Christiana Republica pro viribus evellere,
ac opportunè providere, ut sublatis fraudi-
bus, ac emendata negligentia piæ dispen-
tium,

tium, seu benefactorum voluntati fides illibata fervetur, Defunctorum animabus integra, & prompta præstentur suffragia, itidemque Deo major gloria, & Ecclesiis præstantior cultus reddatur, prævia auctoritate per SS D. N. Innocentium Divina Providentia Papæ XII. ei specialiter attributa infra scripta decreta, prius in particulari nonnullorum ex præfatis Cardinalibus per Sanctitatem Suam deputata, & postea in generali hujusmodi Cardinalium Congregatione maturè, & accuratè discussa, recognita, & examinata edidit.

In primis, præinserta decreta cum præmissis illorum declarationibus plenissimè, & amplissimè approbat, confirmat, & innovat, omniaque, & singula ibidem contenta, & expressa iterum omni meliori modo decernit, statuit, ac ab omnibus, & singulis etiam speciali, & individuali nota, seu expressione dignis penitus observari, & omnimodæ executioni demandari decernit, sancit, & præcipit.

Insuper, ut in re tanti momenti consultius, ac majori, ut par est, circumspeditione procedatur: Si qui forsan fuerint, vel sint, qui suis pravis, & erroneis intentionibus, seu opinionibus blandiri volentes Missarum celebrationem omittunt sub malitiosa, vel irrationabili spe earumdem condonationem, vel reductionem à Sede Apostolica, vel compositionem à Reverenda Fabrica Sancti Petri de Urbe obtinendi: Congregatio præfata tum eosdem, tum quoscumque alios, qui posthac in adeò detestabiles abusus ausi fuerint ostendere, certiores fieri, & monitos, esse voluit, præfatas condonationes, & reductiones ab eadem Sede, non nisi ex rationabili causa,

causa, seu æqua commiseratione, compositiones verò à dicta Fabrica utente suis facultatibus, & privilegiis, non nisi ex causa pariter rationabili, & cum clausulis opportunis, & præsertim cum illa: *dummodo malitiosè non omiserint animo habendi compositionem, aliàs gratia nullo modo suffragetur*, admitti consuevisse, & solere: quapropter ut locus omnis impofterum hisce prætextibus præcludatur, memorata Congregatio tales intentiones, opiniones, seu spes ac elemosynarum, siue in toto, siue in parte versiones in alium, quàm præfatarum Missarum usum, seu satisfactionem, & quascumque alias directas, vel indirectas, immediatas, vel mediatas contraventiones, seu circumventiones declarat prorsus irrationabiles, injustas, & illicitas, illasque omninò reprobatur, damnatur, & interdicat.

Cumque hujusmodi absurda ex eo plerumque proveniat, quod onera Missarum supra vires suscipiantur: caveant omnes, & singuli Rectores, Superiores, & Ministri quarumcumque tum secularium, tum Regularium Ecclesiarum, seu illarum Capitula, ne onera, seu Missas tum perpetuas, tum temporales, tum etiam manuales, quarum satisfactioni impares fuerint, quoquomodo suscipiant, utque id ipsum quoad fieri poterit, pateat, teneantur iidem conficere, semperque in loco magis patenti, & obvio retinere Tabellam onerum perpetuorum, & temporalium literis perspicuis, & intelligibilibus descriptorum, quorum impedimento, si moraliter, & intra præscriptum, seu breve tempus satisfacere non posse, seu illa dumtaxat, & non ulteriora adimplere posse credide-

diderint, seu credere debuerint, alias Missas, sive perpetuas, sive temporales, sive manuales, per se, vel per interpositas personas quoquomodo recipere, seu acceptare omninò desistant, seu abstineant, & ulterius tali casu in eadem Tabella similiter exprimant sese, propterea aliis missis acceptandis, & celebrandis impares esse.

Idemque teneantur pariter in Sacrario duos libros retinere, ac in eorum altero singula onera perpetua, & temporalia: in altero autem Missas manuales, & tam illorum, quàm istarum adimplementum, & eleemosynas distinctè diligenter annotare, & annotandas, seu annotanda curare singulisque annis de supradictis adimplementis, eleemosynis, & oneribus pariter exactam rationem suis Superioribus reddere, ac omnes, & singulas rationes hujusmodi in præfatis respectivè libris simili distinctione, & diligentia, tam præfati, à quibus rationes debent reddi, quàm Superiores, quibus reddendæ erunt, describere, seu annotare, sive describendas, vel annotandas respectivè curare.

Quibus semper salvis, debeant ulterius Regulares prædicti, omnes, & qualcumque eleemosynas tùm manualium, tùm perpetuarum, & temporalium Missarum reponere in capsâ particulari sub duabus clavibus; quarum una penes Superiorem localem, altera verò penes alium à Capitulo Conventuali deputandum retineatur, ac de iisdem eleemosynis, & celebratione Missarum coram Patribus Discretis, seu Consiliariis, vel alio simili modo nuncupatis singulis mensibus districtam rationem exigere, & respectivè reddere.

Quòd

Quodd si prædicti, ad quos cura Tabellæ caplæ, & librorum præfatorum respectivè pertinet, seu pertinere debet, suam operam præmissis, ut præfertur, minimè navaverint, & Superiores, tùm Secularium, tùm Regularium Ecclesiarum rationem prædictam non exegerint, seu non invigilaverint, quod præfati, qui in curam Tabellarum, & librorum incumbunt suo muneri, ut præfer-
 20 tur, satisfaciant, in singulis respectivè casibus, Seculares pœnam suspensionis: incurrant: Regulares verò voce activæ, & passivæ, ac gradibus, & officiis, quæ obtinent ipso facto, & absque alia declaratione privati sint, & intelligantur, necnon ad hujusmodi gradus, & officia obtinenda similiter inhabilitentur, & inhabilitati sint, & intelligantur.

Porro, ne ullo unquam tempore omnia, & singula decreta prædicta in oblivionem, seu desuetudinem abeant, Rectores, Superiores, seu Capitula Ecclesiarum Secularium
 23 illa retineant publicè exposita in eorum Sacratio: Superiores verò locales cujuscumque Monasterii, Conventus, ac domus Regularis curare, & efficere teneantur sub pœna privationis officiorum, quæ obtinent, vocisque activæ, & passivæ ipso facto incurrenda, ut in perpetuum sexto quoque mense, idest feria secunda post primam Dominicam Adventus, & feria sexta post octavam Corporis Christi omnes, & singulæ præmissæ tum insertæ, seu confirmatæ, tùm in præsens factæ Ordinationes unà cum dictis declarationibus in publica Mensa perlegantur.

Meminerint igitur, & satagant Ordinarii, ut à personis, & in Ecclesiis quomodo
 etiam

etiam in vim decretorum Concilii Tridentini sibi subjectis, missæ ea, qua par est fide, & diligentia celebrentur, & cuncta, & singula decreta hujusmodi omnimodæ executioni demandentur, nedum justitiam recurrentibus, seu instantibus reddentes, sed ex officio tùm in Visitationibus, tùm in aliis actibus, & modis, quos expedire, & convenire toties, quoties iudicaverint inquirentes, ne aliquid committatur, pervertatur, differatur, vel omittatur, quod his omnibus, & singulis decretis adversetur.

Caveant etiam respectivè omnes Regulares, tùm Subditi, tùm Superiores quicumque, nedum Locales, sed etiam Provinciales, & Generales, ne missarum celebratio, & omnium decretorum præmissorum executio, cum pernicie propriarum animarum, cum præjudicio illarum, quibus missæ sunt applicandæ, & cum magno Christi fidelium scandalo quoquomodo omittantur, differantur, negligantur, seu pervertantur, alioquin ultrà propriæ conscientiæ onerationem, penam privationis vocis activæ, & passivæ, ac graduum, & officiorum, quæ obtinent, necnon inhabilitationis ad hujusmodi gradus, & officia obtinenda, prorsus incurrant.

Curent proptereà præfati Superiores Regulares in omnes, & singulos contravenientes debitis pœnis diligenter, & promptè etiam per inquisitionem animadvertere, & insuper teneantur omnes, & singuli Superiores Locales in Provincialibus Capitulis, seu Congregationibus exhibere attestatio-

25 nem, seu fidem ab omnibus Sacerdotibus Conventus, Monasterii, seu cujuscumque

E

do-

domus Regularis subscriptam, & juratam, quòd omnibus, & singulis, tùm perpetuis, tùm manualibus Missarum oneribus, seu obligationibus ad limites, & tenorem præsentium decretorum tempore eorum regiminis fuerit omninò, & integraliter satisfactum, vel deficiente aliqua modica satisfactione, possit, etiam hujusmodi residuarii implemento Missarum distinctè referendarum, intra breve tempus moraliter satisfieri, ea adjecta, & omninò adimplenda conditione, quòd antè præfatæ attestationis exhibitionem quicumque Superiores Locales prædicti vocem activam, seu passivam in memoratis Capitulis, seu Congregationibus omninò habere non valeant.

Præterea Provinciales, Vicarii, & Visitatores Provinciarum, seu Congregationum debebunt in fine eorum regiminis Superioribus generalibus in forma probante ostendere, quòd executioni præsentium decretorum sedulò invigilaverint, & ad eorum tenorem in omnibus, & singulis Conventibus, seu Monasteriis, vel domibus Regularibus Provinciæ, seu Congregationis, de omnibus, & singulis oneribus, & obligationibus, ac insimul satisfactionibus Missarum exactam, & diligentem rationem exegerint, ac contra delinquentes ad declarationem, & executionem respectivè penarum in decretis contentarum processerint, & de adimplemento circa ea, quæ in præmissis ad ipsos spectant legitimè docuerint, aliàs ad vocem activam, & passivam in Capitulis Generalibus nullatenus admittuntur.

Cæterum, quia etiam ad quamplures
 Archi-

Archiconfraternitates , Confraternitates , Societates , Congregationes , Hospitalia , Altaria , Capellas , Oratoria , & Ecclesias ; ac alia loca , & opera pia , quomodolibet nuncupata , quæ cuicumque curæ , seu regi-
mini , aut administrationi , vel directioni laicorum cujuslibet gradus , status , condi-
tionis , & præeminentiae , etiam speciali , & individuali nota dignorum dumtaxat , vel quorumcumque Ecclesiasticorum , & Lai-
corum hujusmodi mixtim commendata , an-
nexa , seu quomodocumque commissa , vel attributa sunt , onusi , seu cura celebrationis Missarum , sive manualium , sive ad tempus , vel in perpetuum pertinet : Hinc salvis sem-
per iis , quæ in præinsertis decretis conti-
nentur omnes , & quicumque hujusmodi Ar-
chiconfraternitatum , Societatum , Con-
gregationum , Hospitalium , Altarium , Ca-
pellarum , & Oratoriorum , & Ecclesia-
rum , ac aliorum locorum , & operum pio-
rum Rectores , seu Administratores , vel Directores , & alii hujusmodi Officiales , nec-
non ii , ad quos Cura Tabellæ , & librorum in præmissis spectat , Tabellam , libros , & hæc decreta respectivè juxta modos superius expressos , similiter retinere , nec non de oneribus , ac celebrationibus , & eleemo-
synis dictarum Missarum singulis annis ra-
tionem exigere , & respectivè iis , ad quos pertinet , reddere sub pænis arbitrio : & in subsidium excommunicationis tenean-
tur .

Postremò omnibus , & quibuscumque , tam Ecclesiasticis personis cujuscumque Or-
dinis , Status , gradus , regulæ , Congrega-
tionis , Societatis , conditionis , & dignitatis

existant, quàm Laicis quæcumque honore, ac potestate prædictis omnia, & singula præmissa decreta interpretandi, nec non Ecclesiasticis prædictis penas in huiusmodi decretis relaxandi, sub quoquo modo circa præmissa dispensandi, omnis, & quæcumque facultas sit penitus interdicta.

Non obstantibus quoad superscripta omnia, & singula in huiusmodi decretis contenta, Constitutionibus, & Ordinationibus Apostolicis in favorem quarumcumque personarum, atque Ordinum tam Mendicantium, quàm non Mendicantium, Militiarum, etiam S. Joannis Hierosolymitani, Congregationum, Societatum, ac cujuslibet alterius Instituti, etiam necessario, & in individuo exprimendi, Ecclesiarum, Monasteriorum, Conventuum, Collegiorum, Capitulorum, Hospitalium, Confraternitatum, & aliorum quorumcumque, tam Seculare, quàm Regularium locorum, nec non illorum etiam juramento, confirmatione Apostolica, vel quavis firmitate alia roboratis statutis, & consuetudinibus, etiam immemorabilibus privilegiis quoque, indulgentiis, & literis Apostolicis, etiam Mari magno, seu bulla aurea, aut aliàs nuncupatis, sub quibuscumque tenoribus, & formis, ac cum quibusvis etiã derogatoriis etiam derogatarum derogatoriis, aliisque efficacioribus, & insolitis clausulis, nec non irritantibus decretis, etiã Motu proprio, & ex certa scientia, ac de Apostolicæ potestatis plenitudine, aut aliàs quomodolibet etiam per viam communicationis, seu extensionis concessis, & iteratis vicibus approbatis, & innovatis, etiam si pro illorum sufficienti derogatione de illis,

eo-

eorumque totis tenoribus , & formis specialis , & individua , ac de verbo ad verbum , non autem per clausulas generales , mentio , seu quævis alia expressio habenda , aut aliqua alia exquisita forma servanda esset , tenores hujusmodi , ac si de verbo ad verbum , nihil penitus omisso , & forma in illis tradita observata , inserti forent , præsentibus pro expressis habens , quibus quoad ea , quæ præsentibus averfantur illis aliàs in suo robore permanfuris , Sac. Congregatio Sanctitatis Suæ auctoritate specialiter , & expressè derogat , cæterisque contrariis quibuscumque. Datum Romæ die 23. Novembris 1697.

Joseph Card. Sacripantes Præfectus.

Ferdinandus Nuptius S. Cong. Secr.

Quocircà , cum Dilectus Filius noster Joseph tituli Sanctæ Mariæ Transpontinæ S. R. E. Presbyter Cardinalis Sacripantes , memoratæ Congregationis Præfectus , præfata decreta Nobis retulerit , Nos considerantes eadem omnia , & singula decreta , ea quæ decet maturitate digesta , & examinata , ac in vim Apostolicæ auctoritatis , eidem Congregationi specialiter , ut præfertur , attributæ peracta , perutilia fore censentes , illaque propterea perpetuè , & inviolabiliter observari , nec non constitutionis nostræ munimine roborare volentes , Motu proprio , non ad cujusdam Nobis super hoc oblatæ petitionis instantiam , sed ex certa scientia , & matura deliberatione , deque

Apostolicæ potestatis plenitudine præinserta decreta, omniaque, & singula in eis contenta tenore præsentium auctoritate Apostolica confirmamus, & approbamus, illisque inviolabilis, & irrefragabilis Apostolicæ firmitatis robur, & efficaciam adiicimus, quinimò motu, scientia, deliberatione, ac potestatis plenitudine similibus, omnia, & singula in supradictis decretis contenta, de novo statuimus, decernimus, & ordinamus, ac ab omnibus, & quibuscumque, etiam speciali, & individua nota dignis, omnino exactè, & perpetuo servari volumus, sancimus, & mandamus.

Decernentes præsentis literas, cum omnibus, & singulis inibi contentis semper firmas, validas, & efficaces existere, & fore, suosque plenarios, & integros effectus sortiri, & obtinere debere: & ab omnibus, ad quos spectat, & pro tempore quodcumque, & quomodocumque spectabit in omnibus, & per omnia plenissimè, & inviolabiliter observari, sicque, & non aliter per quoscumque Iudices Ordinarios, & Delegatos, quavis auctoritate præeminentia, aut potestate fungentes, & functuros, etiam causarum Palatii Apostolici Auditores, ac ejusdem S.R.E. Cardinales, etiam de latere Legatos, & Sedis Apostolicæ Nuncios sublata eis, & eorum cuilibet quavis aliter judicandi, & interpretandi facultate judicari, & definiri debere: Ac irritum, & inane, si secùs super his à quoquam, quavis auctoritate scienter, vel ignoranter contigerit attentari.

Non obstantibus omnibus, & singulis, quæ præfata Congregatio, auctoritate per ejusdem

dem recordationis Urbanum Papam V III. & respectivè per Nos illi specialiter attributa, decrevit non obstare, quæ pariter, & iterum Nos tenore præsentium non obstare decernimus, & mandamus, quibus omnibus quoad ea, quæ præsentibus adversantur, illis, aliàs in suo robore permanfuris, etiam harum serie plenissimè, specialiter, & expressè derogamus, cæterisque contrariis quibuscumque.

Volumus autem, ut præsentès literæ in valuis Ecclesiæ Lateranensis, ac Basilicæ Principis Apostolorum, necnon Cancellariæ Apostolicæ, Curiaque generalis in Monte Citorio, ac in acie Campi Floræ de Urbe, ut moris est, publicentur, & affigantur, sicque publicatæ, & affixæ, omnes, & singulos, quos illæ concernunt perinde arctent, & afficiant, ac si unicuique eorum personaliter intimatæ fuissent.

Pariterque, ut earumdem præsentium transumptis impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis, eadem prorsus fides adhibeatur, quæ præsentibus adhiberetur, si forent exhibitæ, vel offensæ.

Nulli ergo omninò hominum liceat, paginam hanc nostrarum Confirmationis, Approbationis, Statuti, Decretorum, Ordinationis, Voluntatis, Sanctionis, Mandatorum, & Derogationis, infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam
Majorem anno Incarnationis Dominicæ mil-
lesimo sexcentesimo nonagesimo septimo.
Decimo Kal. Januar. Pontificatus Nostri An-
no septimo .

B. Cardinalis Prodat.

I. P. Card. Albanus.

Visa de Curia I. Ciampinus.

I. Catallus.

Registrata in Secretaria Brevium.

Anno à Nativitate Domini Nostri **JESU**
Christi millesimo sexcentesimo nonagesimo octavo
Indictione sexta, die vero tertia Januarii,
Pontificatus autem Sanctissimi in Christo Pa-
tris, & Domini Nostri, Domini INNOCEN-
TII Divina Providentia Papæ Duodecimi,
Anno Septimo; Supradicta Constitutio affixa,
& publicata fuit ad valvas Ecclesiæ S. Joan-
nis Lateranensis, Basilicæ Principis Apostolo-
rum, Curia Innocentianæ, Cancellariæ Aposto-
lica, in acie Campi Floræ, & in aliis locis soli-
tis, & consuetis Urbis, per me Joannem Bapti-
stam de Cappellis ejusdem Sanctissimi Domini
Nostri Papæ Curforem.

Franciscus Antonius Simoncellus
Mag. Curf.

- 27 Privilegia celebrandi in Altari portatili,
Viatico, seu mobili (quod ad hunc effectum
transfertur in itinere de uno ad alium locum)
Ordinibus Prædicatorum, & Minorum olim

concessa, esse revocata à *Trid. sess. 22. in Decreto de Observandis, & Evitandis in celebratione Missæ*; Tradit Miranda *Manual. Prælat. q. 40. art. 9 conclus. 4. Confectius Summar. privil. Ord. Medic. tit. 19 cap. 2. Piasec. prax. Episc. p. 2. cap. 3. art. 3. Fagnan. cap. in his de privileg.* Et facit expresse Textus Concilii: -- Neve patiantur (*scilicet Episcopi*) privatis in domibus, atque omnino extra Ecclesiam, & ad Divinum tantum cultum dedicata Oratoria, ab iisdem Ordinariis designanda, & visitanda Sanctum hoc Sacrificium à secularibus, & Regularibus quibuscumque peragi; *Et inferius*: ipsi pro data sibi à Sacrosancta Synodo potestate, ac etiam ut delegati Sedis Apostolicæ, prohibeant, mandent, corrigant, statuunt, atque ad ea inviolatè servanda censuris Ecclesiasticis, aliisque penis, quæ illorum arbitrio constituuntur, Fidelem Populum compellant: non obstantibus privilegiis, exemptionibus, appellationibus, ac consuetudinibus quibuscumque. -- Quibus certè sustulit privilegia celebrandi extra Ecclesiam; adeoque in Altari portatili.

28. Etiam si sint clausa in corpore Juris, prout continetur illud præfatis Ordinibus ab Honorio III. *cap. in his*, datum, cum ex adnotatis à Fagnan. *num. 12.* quotiescumque Trident. privilegia revocat, derogatio ad inserta, etiam in corpore Juris, ampliatur: tametsi illa non nominet; Etenim cum Concilium generaliter derogat privilegiis, hujusmodi insertionis expressionem tacet: sic *sess. 5. cap. 2., & cap. 15. sess. 23.* sustulit indulta Regularium, inserta in *Clement. Dudum de Sepul.*, & exigit ad concionandum necessariam benedictionem, seu li-

centiam Episcopi; ejusdemque approbationem, ut secularium confessiones excipiant.

- 29 Et habetur expressè ex narrativis *Constit. Gregorii XIII. Bullarum Cherub. tom. 2.* indulgentis PP. Jesuitis usum Altaris portatilis in locis Missionum, ubi: -- Usus Altaris Viatici Societati Vestræ à fel. recor. Paulo Papa III. concessum, deinde à Concilio Trident. universè sublatum (*Nota*) Vobis &c. -- Et inde subsistere non videtur dictum Roderici *tom. 1. qq. Regul. q. 43. art. 5.* asserentis, posse Regulares celebrare in Altari portatili, si Episcopi non contradixerint: Etenim asserit Concilium privilegia eis data non abrogare; sed solum Episcopis præcipere, ut non obstantibus privilegiis, non patiantur Regulares id exequi; Nam ex allegato Gregorio constat, id esse falsum; adeoque præcipere Episcopis, ut id non permittant, quia privilegia sunt revocata.

- 30 Nec in Claustro Monasterii possunt in Altari portatili celebrare; nec ad id Episcopi licentiam tribuere; Etenim *Concil. §. Neve patiantur*: Primò prohibet, ne Episcopi permittant, ut Missa celebretur in privatis domibus; Secundò, ne id fieri permittant in locis, quæ sunt omninò extra Oratoria ad Divinum tantum cultum dedicata; Tertiò præcipit, ut Oratoria priùs designentur, & visitentur ab Ordinario. Et licèt Clastrum non sit domus privata, quia tamen verè non est in Ecclesia, & Altare portatile Oratorium ad Divinum cultum dedicatum appellari non possit; cadit sub prohibitione de non celebrando in locis extra Ecclesiam, & extra Oratoria ad Divinum cultum dedicata.

- 31 Verum, cum in Claustro, non super Altari portatili, sed fixo, in Oratorio, Divino cultui dedicato, celebrare voluerint, id eis poterit ab Ordinariis concedi, dummodo locum prius visiterint, ac ad id aptum, & decentem esse noverint, quod certè est ad formam Concilii. Quidquid alii sentiant.

C A P U T V I L

Officialis quoad Clausuram Monialium.

S U M M A R I U M.

- 1 Moniales omnes in concernentibus Clausuram Ordinariis subduntur.
- 2 Superioribus Regularium, causa solùm visitationis localis, permittitur ingressus in Clausuram.
- 3 Debent unica die visitationem Clausura absolvere.
- 4 Refectionem in Monasterio sumere nequeunt.
- 5 Generalis potest secùm duos Socios assumere: ceteri ipso inferiores unicum.
- 6 Visitatio personalis fit ad Crates.
- 7 Potest Episcopus visitare Moniales sine interuentu Regularium: & quando?
- 8 Et ejusdem Vicarius.
- 9 Sententia Roderici, reprobata à S. C. C.
- 10 Sine mandato Episcopi non conceditur ipsius Vicario licentias dare pro ingressu in Clausuram.
- 11 Dubia S. C. C. proposita.
- 12 Dubiis Respondetur.
- 13 Casus, & quomodo Monialium Confessariis permittatur ingressus in Clausuram.

- 14 *Qua dicatur Ætas matura.*
- 15 *Sine licentia nullus potest Clausuram ingredi.*
- 16 *Facultas eas concedendi non competit Regularibus privativè quoad Episcopum.*
- 17 *Pœna licentiis abutentium, & ingredientium extra casus permisso.*
- 18 *Locus esorcizandi Energumenum.*
- 19 *Quid Clausura contineat.*
- 20 *Quando Monialis Clausuram violet.*
- 21 *Ex quo in casu parvitas materia desumatur.*
- 22 *Tectum sub Clausura continetur.*

QUoad Clausuram omnes Moniales indifferenter subiiciuntur Episcopo, etiam illæ, quæ à Regularibus reguntur, prout *Conc. Trid. sess. 25. de Regul., & Monial. cap. 5.* statuit — Bonifacii VIII. Const. quæ incipit Periculoso renovans Sancta Synodus universis Episcopis sub obtestatione Divini Judicii, & interminatione maledictionis æternæ, præcipit, ut in omnibus Monasteriis, sibi subjectis, ordinaria, in aliis verò Sedis Apostolicæ autoritate, Clausuram Sanctimonialium, ubi violata fuerit, diligenter restitui: & ubi inviolata est, conservari maximè procurent. —

Verùm jurisdictio circa Clausuram Monasteriorum Regularibus subjectorum competit Episcopo cumulativè quoad Superiores Regulares, non autem privativè: aded ut, quæ ad eam spectant, possint Regularem Prælati, quæ opportuna judicaverint, decernere, ex *Sacr. Congr. Conc. 1608., ut in lib. 11. Dec. fol. 31.* Et in una *Fossanen. 31. Augusti 1658. ad sextum Nicol. Plosc. verb. Clausura num. 12.* Ad id exequi debent in terminis à S. Sede eisdem præfixis, & non aliter; quia

quã est certum, quoad eam Regularium Superiorum jurisdictionem per Decreta Apostolica restringi, & limitari, modumque in locali Monasteriorum, & Monialium personali visitatione observandum præscribi; prout Const. fel. Alexan. VII. 10. *Kal. Novembris 1664. ex Arte Gandulfi apud Pignat. tom. primo conf. 162.* statuitur, ut infra.

§. 1. -- Præsentibus perpetuò valituris sancimus, ut imposterum infra fines Italiæ, & Insularum adjacentium Generalibus, Provincialibus, Abbatibus, & quibuscunque aliis Superioribus Regularibus, quibus alioqui cura, & regimen Monasteriorum Sanctimonialium quovis modo incumbit, intra septa eorundem Monasteriorum, nullatenus ingredi liceat, nisi ex causa visitationis localis, & hoc semel tantum in Anno; itaut in eo Anno, in quo unus ex memoratis Superioribus visitaverit, alius Superior à visitatione hujusmodi se omninò abstineat. --

§. 2. -- Quod si ob Clausuram, quæ à Sacra Trid. Synodo, etiam in Monasteriis exemptis, curæ, & vigilantie Episcopi in primis committitur, aut ob aliam urgentem, ac necessariam causam oportuerit Superiorem Regularem eodem Anno pluries ingredi septa Monasterii, tunc non aliter ingrediatur, quàm cum præsentia Episcopi Diocesani, vel alterius personæ Ecclesiasticæ secularis, boni exempli, ac maturæ ætatis, ab ipso Episcopo ad hoc specialiter deputatæ. --

§. 3. -- Visitet autem Superior Regul. interiori Clausuram per se ipsum, non autem per alium, etiam si fuerit legitime impeditus, quo

quo casu differatur visitatio in aliud tempus, quo cessaverit impedimentum, & visitationem celeriter, & unica die, debita tamen cum diligentia, absolvat, nec ante ortum Solis, eam incipiat, nec post occasum protrahat. --

- 4 §. 4. -- Neque ipse Visitator, neque ejus Socii ullam sumant in Monasterio refectio-
nem. --

- §. 5. -- Porro si visitet Generalis, possit secum habere duos Socios sui Ordinis: si alius
5 à Generali, unum tantum, exclusis omnibus aliis, etiam ratione officii. --

§. 6. -- Qui quidem Socii assumantur exemplares, & maturæ ætatis, & in actu visitationis à Visitatore nunquam separentur, sed eum aspicere, & ab ipso aspici semper possint. --

- Statuto deinde modo observando à Monialibus, visitatione durante, subdit -- visita-
tio verò personalis fiat ad Crates, & omnino
6 extra Clausuram Monasterii, & per ipsummet Superiorem dumtaxat, ut supra dictum est de visitatione interiori Clausuræ. --

In fine Constitutionis apponuntur contra Transgressores penæ sub istis terminis. -- Si quis verò prædictorum Regularium aliquid contra præsentium tenorem facere, vel moliri præsumpserit, aut adimplere neglexerit, ipso facto penam excommunicationis, & privationis omnium officiorum, quæ obtinet, ac perpetuæ inhabilitatis ad illa, vel alia impo-
posterum obtinenda, vocisque activæ, & passivæ absque alia declaratione incurrat; & nihilominus nullis Privilegiis, & exemptionibus tueri se possit, quo minus ab Episcopo loci, tamquam ad hoc Sedis Apostolicæ de-
legato,

legato, quoties, & quando opus fuerit, corrigi, & puniri valeat. --

7 Quia Episcopis ex tenore Constitutionis, & per Tridentinum est in primis commissum, ut procurent in singulis Monialium Monasteriis, etiam exemptis, inviolatè Clausuram servari, idè S.C.C. censuit *die 24. Septembris 1622.* -- licere Episcopo visitare Monasteria Monialium Regularibus subiectarum, & singulas Moniales absque interventu Regularium alloqui in concernentibus Clausuram. -- *lib. 12. Dec. fol. 111* Et aliàs in una *Recinen. 1638 lib. 11. Dec. fol. 31. ad septimam censuit.* -- Posse Episcopum ingredi Clausuram saltem duobus honestis, & gravibus Viris comitatum: -- Et in una *Viterbien. die 26. Junii 1627. censuit* -- Episcopum ad Clausuram custodiendam, etiam in Monasteriis Regularibus subiectis, posse excommunicationis latæ sententiæ pœnam sibi reservatæ imponere circa aperitionem Ostii Clausuræ extra casus indigentiae, nec non circa accessus, & colloquia cum Monialibus: ac dictam excommunicationem ligare, nedum Regulares accedentes, verum etiam Moniales, si de ipsis mentio fiat: adeout Superior Regularis ab eadem excommunicatione absolvere nequeat. -- Nicol. Lumbrat. *lib. 3. tit. 1. nu 3.*

Et nedum per se ipsum, sed etiam per suum Vicarium, potest, imò debet, in respicientibus Clausuram eadem visitare, ut notat Sperel. *decis. 98.* præsertim cum ad id habet Vicarius speciale mandatum; ubi *nu. 27* testatur se super hoc favorabilem obtinuisse à S.C.C. resolutionem tenoris, qui sequitur: -- S.C. Cardinalium Concilii Tridentini

tini Interpretum ad utrumque dubium respondit, non solum Episcopo, sed etiam generali eius Vicario, ad hoc speciale mandatum habenti, licere pro Clausuræ visitatione ingredi septa Monasteriorum Monialium Regularibus subiectorum, tametsi nulla rationabilis violatæ Clausuræ suspicio irrepperit, & acriter reprehendit Rodericum, quod hac de re tam audacter loquutus fuerit.

Sententia Roderici 99. *Reg. ro. 19.47. ar. 10* est, -- Tridentinum eo decreto quinto sessionis 25. non concedere Episcopis licentiam ingrediendi Monasteria Monialium subiecta etiam Regularibus, ut videant, si Clausura est inviolata, sed tantum concedere, ut postquam sciverint esse violatam, procurent juxta terminos Juris ipsam restitui, & restaurari, monendo Prælatos dictorum Monasteriorum, ut Clausura restauretur: quod si admoniti intra sex menses, hoc emendare neglexerint, tum iidem Episcopi, etiam, ut Legati Sedis Apostolicæ, eorum defectum auctoritate Apostolica possunt supplere. -- Hæc ille ibidem, sed nimis laxo calamo, ideo à Congregatione reprehenditur.

Tale mandatum est in Vicario necessarium, ut licentias ingrediendi Monasteria concedere valeat, prout in una *Mediolanensi lib. 2. Dec. fol. 174.* eadem S. C. firmavit.

Cæterum in visitatione Monialium Regularibus subiectarum sunt ab Ordinariis observandæ Responsiones Sacræ Congregationis ad dubia, eidem super ea re proposita à P. Francisco de Monelia Min. de Observ. Procuratore Generali.

I. An Episcopus visitaturus Clausuram Monialium Regularibus subiectarum teneatur

tur ante accessum , ejusdem Monialibus præfinire diem, & horam visitationis?

II. An in Ecclesiis earundem Monialium, non curatis, visitare possit Sanctissimum Sacramentum, Oleum Infirmorum, Confessionalia, Sepulturas, ac Reliquias inibi existentes, & quatenus affirmativè?

III. An in casu resistentiæ Monialium possit Fores Ecclesiæ frangere, Tabernaculum violenter aperire, Ecclesiam interdicerè, & Eucharistiæ Sacramentum ad aliam Ecclesiam transferre?

IV. An Episcopo Monasteriorum Clausuram visitare volenti, dictæ Moniales teneantur erigere in Ecclesiæ exteriori, vel interiori Sedem cum Baldachino, vel solummodò sufficiat illi stratum præparare in utraque Ecclesia?

V. An Episcopus dictam Clausuram visitaturus præterquam Convitatores, possit pro suo libito secum ducere intus Monasterium alias personas, sive Ecclesiasticas, sive Seculares, indeterminatè, vel incertè, & præfixo numero?

VI. An Episcopum dictorum Monasteriorum Clausuram visitaturum teneantur Moniales omnes excipere personaliter cum Cruce, & Cantico Benedictus?

VII. An dictæ Moniales teneantur in ipso Clausuræ ingressu adornare stratum, ibique genuflectenti Episcopo, Monialis aliqua porrigere debeat Crucem deosculandam?

VIII. An Episcopus Clausuram ingressus possit pro suo libito convocare dictas Moniales omnes in Choro interiori, aut in alio loco, & ad eas sermonem habere?

IX. An

IX. An absolute, & indifferenter visitare possit Cellas dictarum Monialium, etiam quoad non pertinentia ad Clausuram.

2. Ad quæ die 19. Januarii 1686. Sacra Cong. S. R. E. Card. Conc. Trid. Interpretum respondit.

Ad I. Negative.

Ad II. Censuit dandum esse Decretum in Florentina Juris visitandi tenoris infra scripti -- An Archiepiscopus, seu de ejus mandato, Vicarius generalis, possit visitare Sanctissimum Sacramentum, Olea Sacra, Confessionalia, & Sepulturas in Ecclesiis Monialium Regularibus subjectarum? -- die 29. Julii 1684. S. C. C. Resp. negative, nisi in his, quæ concernunt observantiam Clausuræ, & quatenus non adsit legitima consuetudo in contrarium.

Ad III. Negative, nisi in casibus specialibus ad Clausuram.

Ad IV. Sufficere præparationem strati.

Ad V. Servandas esse Constitut. Apostolicas -- Greg. XIII. Dubiis, quæ emergunt -- Nos omnem hesitationis materiam tollere, & viam scandali præcidere, ac Sanctimonialium quieti consulere volentes, harum tenore auctoritate Apostolica declaramus, Prælatos omnes, tam seculares, quàm Regulares, quibus cura, & regimen Monasteriorum Monialium quovis modo incumbit, facultate sibi ex officio attributa ingrediendi Monasteria prædicta, ita demum uti posse, si id faciant in casibus necessariis, & à paucis, iisque senioribus, ac Religiosis personis, comitati.

Ad VI. Negative.

Ad VII. Itidem negative.

Ad

Ad VIII. Posse.

Ad IX. Negativè.

Non est in potestate Confessarii Monialium Clausuram, quoties sibi placuerit, ingredi, sed solum in casibus, pro quibusei permittitur. *Alex. VII. Constit. superius cit. his*
 13 *verbis*: - Ad hæc Confessor Sanctimonialium, tam ordinarius, quàm extraordinarius, minimè ingrediatur septa Monasterii, nisi ad Sacramenta Pœnitentiæ, Eucharistiæ, & Extremæ Unctionis ministranda Monialibus, vel aliis personis infirmis, ibi degentibus, nec non ad commendandam Animam Agonizantium; nec unquam ingrediatur, nisi cum Socio, qui sit probatæ vitæ, & maturæ ætatis, & semper maneat in ea parte Monasterii, qua Confessorem videre, & ab ipso videri possit. -

Semper tamen debet cum Cocta, & Stola ingredi S.C. 29. *Januarii* 1627. Nicol. Flasc. *verb. Clausura num.* 30. Non potest ingredi ad celebrandam Missam, eadem 2. *Januar.* 1601. *ibid. n.* 38. in quo corrigendus Lantusca *verb. Clausura num.* 8., neque ad benedicenda Sabbato Sancto, vel alio tempore, Monasterium, & Monialium Cellas S.C. 4. *Septembris* 1596. *ibid nu.* 26.

Colligitur, Socium Confessarii, aliosque assumendos à Superioribus Regularibus, tempore visitationis Clausuræ, debere esse ætatis quadraginta annorum, quia hujusmodi præsumitur ætas matura in sensu Constitutionis; sicut aliàs S. C. super statu Regularium (licet ad alium effectum) declaravit id intelligi per ætatem maturam Lantusc. *verb. Conventus sub nu.* 14. *ad* 21.; & pro Sociis Confessariorum Monialium Ordini Min.
 de

de Obs. subjectarum statuunt Constitutiones generales Sambuc. *cap. II. §. 17. n. 2.*

Pro facultate concedendi licentias ingrediendi Clausuram Monialium Trid. utitur disjunctiva *vel*: -- Ingressi autem intra septa Monasterii nemini liceat cujuscunque generis sexus, vel ætatis fuerit sine Episcopi, vel Superioris licentia, in scriptis obtenta, sub excommunicationis pœna ipso facto incurrenda. -- Ex quibus inferri potest ad licitum ingressum sufficere obtinuisse illam, vel ab Episcopo, vel à Superiore Regulari.

Verùm, ubi consuetudine legitimè præscripta introductum esset, quod à solo Episcopo concederentur, vel conjunctim ab Episcopo, & Superiore Regulari, esse consuetudinem servandam, censuit S. C. C. 7. *Julii 1557. Theatr. Reg. verb. Clausura num. 13.*, & non esse à Superioribus Regularibus petendas in locis, in quibus adest consuetudo, ut ab Episcopis tantum concedantur, refert Pignat. *tom 6 consil. cit num. 3. sub die 21. Maii 1630.* Urbanum VIII. id declarasse, ac revocanda dubia, quæ oriri potuissent occasione Decreti ab eadem Sac. Congreg. *sub die 13. Novembr. 1610.* editi, quo decreverat, -- ut deinceps intra hujusmodi septa nemini ingredi, nec alloqui liceat, nisi licentiæ concedendæ in casibus necessariis, quæ Moniales respiciant, nedùm à Superioribus Regularibus dictorum Monasteriorum, sed etiam à locorum Ordinariis obtentæ fuerint.

Ex quibus liquet facultatem ipsas concedendi non competere Regularibus privative quoad Episcopum; inspectis etiam privilegiis iisdem, quoad hæc, aliàs concessis,
cum

cum eodem Decreto revocentur per clausulam *non obstantibus*, &c.

Qui autem ab Episcopo, vel alio Superioriore licentiam ingrediendi in casibus necessariis obtinuerint, si præter ipsos, vel quando necessitas cessaverit, ingrediantur, & licentiis abutantur, in excommunicationem Papæ reservatam incurrunt, ex Constitutione *Ubi gratia* Gregor. XIII. sub *Idibus Junii* 1575. Bull. *Cerberus*. tom. 2. pag. 393. ubi: -- Quin etiam sub eisdem pœnis (excommunicationis scilicet Papæ reservatæ Beneficiorum, & Officiorum suorum, ac inhabilitatis ad illa, & alia, de quibus superius) ipso facto incurrendis prohibemus, atque interdiciamus omnibus, & quibuscunque personis Ecclesiasticis, & secularibus, ac etiam Ordinum quorumcunque, etiam Mendicantium, Regularibus, ne prætextu licentiarum ab Episcopis, vel Superioribus, quibus illas concedendi in casibus necessariis tantum ex Decr. Concil. Trident. tribuitur, nè Monasteria ipsa Monialium pro libito, sed necessitatibus urgentibus dumtaxat, ingredi, neve Moniales sub eisdem pœnis illos aliter admittere præsumant.

Ad quæ notat Fagnanus *cap. nuper de sentent. excomm.* pag 168. num. 17. & aliis, ingredientibus septa Monasteriorum, & non sub prætextu licentiarum, sed propria auctoritate, non incurrere in excommunicationem, ex vi Constitutionis prædictæ, Sedi Apostolicæ reservatam; & ita esse ab eodem Gregorio declaratum testatur, num. *trigesimo sexto*.

Tamen, si ingressus propria auctoritate factus

factus sit ad malum finem, casus erit Sanctæ Sedi reservatus juxta decretum Sac. Congr. Episc. Clem. VIII. jussu editum super abolutione à casibus reservatis sub die 26. Novembris 1602. de quo superius cap. offic. quoad reservata.

Si verò non ad malum finem, habet locum poena excommunicationis per Trid. loc. cit.

Etiam Prælati, aliisque Monasteriorum Monialium curam habentibus, extra casus necessarios, idem Gregorius *Const. dubiis, quæ emergunt* 23. Septembris 1581. *Bull. Cherub.* tom. 2. pag. 323. prohibet ingressum, statuens contra ingredientem, non servata forma in Constitutione præscripta; penas prout sequitur: -- quod si contrafecerint &c. decernimus, qui Pontificalis Dignitatis fuerint, eos pro prima vice, qua contrafecerint, ab ingressu Ecclesiæ interdictos, pro secunda à munere Pontificali, & à divinis suspensos, ac deinceps ipso facto absque ulla declaratione excommunicatos existere: Regulares verò omni officio, ac ministerio privatos excommunicationi similiter subjacere: -- nec ex verbis Constitutionis constat eam Sanctæ Sedi reservasse, ut ibidem num. 39. idem notat Fagnanus.

Reservatur tamen Sedi Apostolicæ excommunicatio, quam Moniales, exeuntes extra casus permisos à Monasteriis, omnesque alii concedentes licentiam, comitantes, & recipientes, incurrunt ex Constitut. Pii V. *Decori Kal. Septembris 1569. Confectus Coll. Privil. Mend.* pag. 192.

Super quo notetur Decretum Sac. Congr. apud Lezzana. *Summ. qq. Reg. tom. 3. v. Clausura num. 13.* -- Monialibus licentiam con-

cedere exeundi à Clausura, non licet Ordinariis in aliis, quantumvis gravibus, casibus in Constitut. Pii V. non contentis, nisi in casu lepræ, magni incendii, & epidemiæ. -- In aliis propterea est ad Apostolicam Sedem recurrendum.

De Moniali Energumena, sic apud eundem *num. 28.* Sac. Congreg. disponit: -- Monialis nulla energumena infra Monasterii septa à quocunque Presbytero Sæculari, vel
 18 Regulari, etiam Confessario, exorcizetur, sed ad Ecclesiam exteriorẽ ejusdem Monasterii, obtenta prius à Sac. Congreg. licentia, ea de causa deducatur, vel transferatur.

In casu per Clausuram venit illud spatium,
 19 quod intra januam Monasterii continetur, ad quod secularibus est prohibitus ingressus, & extra quod Moniales non possunt egredi, quin leges clausuræ transgrediantur, quod Gregor. XIII. *Const. Deo sacris* apud *Bull. Cherub. tom 2. pag. 368. §. 6.* declaravit his verbis: -- Declaramus præterea nullis Monialibus, etiam Tertiariis, licere habere ostium, per quod ex Monasterio introiri possit ipsam Monialium Ecclesiam exteriorẽ, in quam secularibus ad Missas, & Divina Officia patere solet accessus, sed omninò muro obstruendum, neque itidem licere Monialibus, etiam Tertiariis, egredi à janua Monasterii, quæ est pro Clausura ipsius Monasterii, etiam ad claudendam aliam ulteriorem januam, qua parte solet aditus secularibus venientibus, vel ad Rotam, vel ad crates, seu loca colloquiis destinata, quæ vulgò Parlateria vocantur, vel ad pulsandum ipsam januam Clausuræ: quæ loca, cum saltem pro causis prædictis, patere soleant secularibus, ex-

tra Clausuram censerī debent , etiam quō tempore clausa sunt .

Ex quibus sequitur toties Clausuram violari , quoties ex Monialibus aliqua toto corpore se ponit extra Clausuræ terminum , quia de ipsa verificatur , quod sit egressa contra dispositionem Gregorii , qui utitur verbis : *Nullis liceat egredi* , etiam si egrediatur ad breve tempus , quod per Trident. *sess. 25. de Reg. & Mon. cap. 5.* expresse interdicatur .

In quo parvitas materiæ , quæ excuset à peccato violatæ Clausuræ , consideratur per Donatum *Prax. Regul. tom. 4. tract. 4. q. 25.*
 21 ex parte actus Monialis , perfecti vel imperfecti . Et quia respectu personæ non est actus completus , & perfectus , sed incompletus , extensio brachii , vel pedis extra Clausuram , ideo eo casu Clausura non violatur ; sicut violatur , cum Monialis toto corpore extra terminum illius se ponat , licet in Rota , & per eam ad partem exteriorē , ad quam est secularibus liber accessus , se transferat , quamquam ex ipsa non descendat .

An verò Tectum sub Clausura contineatur ? affirmativè resolvitur cum Sac. Congr. 1609. *die 18. Septembr. Flos. Nicol. verb. Monialis num. 35.* quæ absolvi commisit quasdam Moniales , quæ supra Tectum bona fide ascenderunt , cum speciali prohibitionē illuc ultra ascendendi , propter quamcunque causam .

CAPUT VIII.

Officialis quoad Conciones.

SUMMARIUM.

- 1 Approbatio, & licentia Superioris est necessaria in Regularibus ad concionandum.
- 2 Peti debet benedictio ab Ordinario.
- 3 Si Episcopus contradicat, nec in propriis Ecclesiis predicare possunt.
- 4 Omnes unius Conventus suspendere nequit.
- 5 Necessitas benedictionis petenda, quos casus, & loca comprehendat?
- 6 Cum Episcopus predicat, Regulares taceant, si ipse velit.
- 7 Possunt prohiberi, ne predicent, cum predicatur in Parochiali.
- 8 Ad prædicandum in Ecclesiis, non suorum Ordinum, egent etiam licentia Episcopi.
- 9 Potest Episcopus examinare Regulares prædicaturos in Ecclesiis alienis.
- 10 Ex privilegio Provincialis Minorum possunt concionatores approbare.
- 11 Stipendia concionatoribus debentur, & à quibus?
- 12 Regulares non sibi, sed Monasterio, ea acquirunt.
- 13 Fratres de corpore Observantiæ pecunias concionum recipere nequeunt.
- 14 Collatio stipendii pro concionibus non est simoniaca.
- 16 Disposita ab Alexandro VII. pro concionatoribus Monialium, præsertim Urbis.

Nulli Regularium concionari, etiam in sui Ordinis Ecclesiis conceditur, quin prius per ejusdem Superiores, prævio

F

mo.

morum, & scientiæ examine, ad exequendum munus approbetur, & licentiam obtineant, prout in terminis decrevit Trid. *sess. 5.*

- 1 *cap. 2. de ref.* -- Regulares verò cujuscumque Ordinis, nisi à suis Superioribus de vita, moribus, & scientia examinati, & approbati fuerint, ac de eorum licentia, etiam in Ecclesiis suorum Ordinum, prædicare non possint. --

- 2 At, id non sufficere, sed ulterius Ordinarii benedictionem esse petendam, subdit, -- cum qua licentia personaliter se coram Episcopis præsentare, & ab eis benedictionem petere teueantur, antequam prædicare incipiant. --

Quod sub anno 1622. *nonis Februarii Const. Inscrutabili Bull. Cherub. tom. 3.* Gregorius XV. & deinde Clem. X. 10. *Julii 1670 Const. Superna magni*, confirmarunt.

Neque est necesse quod petens eam obtineat, ut per hæc ipse Clemens decrevit: -- Regulares, qui in Ecclesiis sui Ordinis prædicare voluerint teneri ab Episcopo Diœcesano benedictionem petere, prædicare tamen posse, quamvis illam non obtinuerit.

- 3 Intelligitur tamen, si Episcopus non prohibuerit; quia in casu Pontifex ibidem (sed prius Trid. *sess. 24 cap. 4.*) clarè exprimit non licere; -- quod si Episcopus benedictionem, nedum concesserit, sed etiam contradixerit, nec in prædictis quidem Ecclesiis licere Regularibus prædicare. Et statim subdit: Episcopum tamen absque justa, & rationabili causa contradicere non debere. --

Quam non teneri Regularibus significare, cum aliis testatur Antonellus *de regim. Eccles. lib. 7. cap. 13. sub num 6.*

Et videtur esse juxta tenorem Constitutionis,

nis, in qua §. *Et eos*, statuitur Episcopum non teneri significare Regularibus causas, ob quas, Confessarios à se simpliciter approbatos ad Confessiones secularium, ab iisdem audiendis suspendat.

-- Non posse tamen Episcopum generatim prohibere Regularibus, quin in Ecclesiis suorum Ordinum prædicent: Idem Clemens 4 subjungit. Propterea ad tempus potest in eisdem officium prædicationis, per aliquos Religiosos exercendum, interdiceret, at non pro semper, & cum singulorum exclusione.

5 Necessitatem benedictionis petendæ ibidem extendit Pontifex, etiam ad alios casus, & loca his verbis: -- Et huiusmodi benedictionem teneri, etiam Regulares petere, si in quibuscumque Oratoriis sui Ordinis sermonem coram populo, vel in Ecclesiis, aut ad crates Monasteriorum sanctimonialium eorum jurisdictioni subjectarum, licet clausis januis, & nullus secularis ibi intersit, habere voluerint. --

Unde apparet Pontificem loqui, tam de prædicatione, quæ habeat tractum successivum, in qua scilicet possit assignari principium, medium, & finis; ut potest in ea ad longum tempus, Quadragesimæ scilicet, Adventus, & per annum; quam de illa, quæ unico absolvitur actu; ut evenit in Sanctorum festis, in quibus ab uno, vel altero habetur sermo ad populum. Ut in una Vescellen. resoluit S. Cong. Conc. 31. Martii 1643. Pignatel. tom. 1. Consul. 268.

Verum non est necesse, quod pro singulis concionibus quadragesimæ, & ad aliud longum tempus continuatis, singulis diebus petatur

tur benedictio, sed sat est petere in principio, & obtinere. Quod certè est juxta mentem *Trid. sess. 5. cap. 2.* in illis, *antequam prædicare incipiant.*

Hora, qua, vel ipse Episcopus prædicare, vel ab alio solemniter, & non privatè, concionem audire velit, debent Regulares à concionibus in Ecclesiis propriis cessare; si sic ipse disposuerit, & clarè habetur in Clementina *Dudum de sepult. in 6. lib. 3. tit. 7. §. nos autem &c.* — Ordinamus, ut dictorum Ordinum (Prædicatorum, scilicet, & Minorum) Fratres in Ecclesiis, & locis eorum, ac in plateis communibus, liberè valeant Clero, & Populo prædicare, ac proponere Verbum Dei: hora illa dumtaxat excepta, in qua locorum Prælati prædicare voluerint, vel coram se facere solemniter prædicari. --

Imò prohibere potest, nè in suis prædicent tempore, quo in Ecclesia Parochiali prædicatur: & hunc esse sensum *Trid. sess. 24. cap. 4.* constat ex textu: — Moneat (Episcopus) populum diligenter teneri unumquemque Parochiæ suæ interesse, ubi commodè id fieri potest, ad audiendum Verbum Dei; nullus autem Secularis, sive Regularis (eo tempore) etiam in Ecclesiis suorum Ordinum, contradicente Episcopo, prædicare præsumat. --

-- In Ecclesiis verò (sequitur *Trid. cap. 2. cit.*) quæ suorum Ordinum non sunt, ultra licentiam suorum Superiorum, etiam Episcopi licentiam habere teneantur; sine qua in ipsis Ecclesiis non suorum Ordinum, nullo modo prædicare possint; ipsam autem licentiam gratis Episcopi concedant. --

Quod

Quod confirmat Greg. X V. *Const. Injunctabili.*

Non solum pro Ecclesiis non suis egent licentia, sed etiam si in plateis, aliisque locis prædicare velint, ut habetur in *Trid. sess. 5. cap. 2. & sess. 24. cap. 4.* ubi utitur adverbio *etiam*, quod ampliat præfata decreta ad sensum, ut nulli Regularium liceat prædicare in aliquo loco, quicumque sit, sine benedictione, vel licentia Episcopi, aut Episcopo contradicente; *etiam si* in Ecclesiis proprii Ordinis esset concionaturus. Donat. *Præx. Reg. tom. 3. tract. 6. quæst. 19.*

Et quia non sumus in iis, quæ spectent ad Ordinem, sed ad jurisdictionem, nomine Episcopi venit quilibet Ordinarius, quamquam Episcopus non sit.

Ab Episcopo facultatem concedente, item examinari possunt, Clem. X. ibidem: -- Possent autem Episcopum licentiam concessurum Regularibus, in Ecclesiis, quæ suorum Ordinum non sunt, prædicare volentibus, illos quamvis ab Universitatibus, aut Magistratibus laicis nominatos, etiam si Episcopi antecessores per tempus immemorabile hanc licentiam absque examine concedere consueverint, quoad doctrinam examinare: si ita ipsius arbitrio, quod moderatum, & discretum esse debet, visum fuerit. Et licentiam prædicandi semel iisdem concessam ob rationabiles causas, licet occultas, prædicationem tamen concernentes, suspendere.

In Ordine Fratrum Minorum ex vi Regulæ solus Generalis potest Prædicatores approbare, ex Privilegio tamen Clementis IV. *Const. Virtute conspicuos §. 6. Bulla.*

Cbrub. tom. 1. conceditur Provincialibus, & Definitoribus in Capitulis Provincialibus congregatis; sub quibus veniunt etiam Congregationes intermediæ, vim Capituli habentes Marcant. *in cap. 9. Regulæ S. Francisci tit. unico q. 1. Concl. 2.*

Quantum ad alimenta, & stipendia Concionatoribus debita *Trid. sess. 24. cap. 4.* per hęc modum præscribit: -- In Ecclesia sua mandet, ut ipse (Episcopus) per se; in aliis auctoritatem Ecclesiæ per Parochos (scilicet prædicent) sive iis impeditis, per alios ab Episcopo, impensis eorum, qui eas præstare, vel tenentur, vel solent, deputandos. --

Tenentur autem, qui Prædicatores nominant, & eligunt, alique, qui quamquam eundem non eligant, consueverunt tamen eidem stipendia præstare. Si consuetudo non adsit, obligari Parochum de redditibus Beneficii, firmat Sperellus *decis. 70 num. 15.*; & si non sufficiant, cogendus est Populus in subsidium, nisi aliunde certi reperiantur redditus, ad id relictis.

Sibi tamen Concionatores, si sint Regulares, tale stipendium non acquirunt, sed immediatè Monasterio Donat. *Prax. Regul. tom. 1 part. 2. tract. 11. quæst. 3. num. 1.* & in terminis *cap. exiit in sexto lib. 5. de verborum significatione tit. 12. §. ne talium:* -- Monachus res sibi oblatas, concessas, vel donatas Monasterio acquirit. -- *Et Trid. sess. 25 de Regul. & Monial. cap. 2.* -- Nemini igitur Regularium, ait, tam virorum, quàm mulierum liceat bona immobilia, vel mobilia, cujuscunque qualitatis fuerint, etiam quovis modo ab eis acquisita, tamquam propria, aut etiam nomine Conventus possidere, vel tene-

tenere, sed statim ea Superiori tradantur, & Conventui incorporentur. -- *Vid. Const. Urb. VIII. Nullus Bull. Cherub. pag. 6r. tom. 4.*

Pro illis de corpore Observantiæ, siue sint Observantes, siue Reformati, Discalceati, & Recollecti (quibus ex Regula, & Constit. Nicolai III. Clem. V. & Innoc. XI. est prohibita quælibet civilis receptio, & contractatio pecuniæ) Capit. Generale Tolet. 1633. tit. de Prædicatoribus, cujus statuta olim confirmata fuere ab Urbano VIII. Orb. Seraph. tom. 4. tit. de Prædicatoribus, sic statuit: -- Prædicatores quicunque eleemosynas Prædicationis prætextu oblatas penitus non recipiant; nec de illis sub quovis prætextu, vel quæsito colore, disponere, aut quomodolibet tractare præsumant, & audeant, sed, si absoluta Prædicatione, vel ante contigerit fieri à quovis genere Personarum, Prædicatoribus ipsis eleemosynarum oblationem, respondeant; Syndicis Conventuum dumtaxat liberè, & integrè transmittendam, & consignandam fore. Addit contra transgressores penas. Quod si constiterit quempiam Prædicatorum per se, aut per alios pecuniam recipere, vel recepisse, proprietatis pena omnino puniatur, & actibus legitimis per sexennium privetur: quam penam etiam Guardiani subeant, si eorum culpa, vel negligentia contraheri contigerit. -- Quod totum in forma specifica *Const. exponi nobis sub die 16. Octobris 1685.* confirmavit Innocentius XI. *Directorium Trium Ordinum Const. 6.* eandem per extensum referens.

Neque excusatur quis ab onere præstandi

Concionatori, præter alimenta, stipendium, ex capite, quod talis consuetudo, vel pactio de mercede sit nutritiva peccati, utpote simoniaca; quia esset verum, quando daretur pro ipsa concione, ut actio spiritualis est: pro qua certe merces minimè datur; sed confertur dumtaxat pro servitio, laboribus extrinsecis per accidens adjunctis, præviis, vel comitantibus ipsam actionem sacram; ut est, se conferre de loco ad locum, locare suam libertatem, ac ea se privare, se obligando ad prædicandum in tali loco, & pro tanto tempore, Quadragesimæ, Adventus, vel aliò: ad quæ gratis præstanda quis non obligatur; quæ omnia sunt quid temporale, & pretio extimabile, adeoque digna mercede, quæ sine labe simoniaca conferri potest, ut cum aliis tenet Engell. *Collect. Univ. Jur. Can. lib. 5. tit. 3. §. 3. num. 15.*

Ex quo plures volunt posse Concionatorem, quin simoniacus censeatur, quærere Concionem, in qua pinguioribus colligantur eleemosynæ; qui licet in casu ex dictis, à simonia, non tamen ab avaritia spirituali, excusatur, cum potius quærenda sint loca ad Deo fructificandum aptiora, quàm ad sibi temporalia lucranda. Sperell. *decis. 70. num. 14.*

16 Pro Concionatoribus in Ecclesiis Monialium, præsertim Urbis Alex. VII. *Const. Sacrosancti sub die 20. Februarii 1657. §. 4.* decrevit, ut infra: -- Confessores quoque, & Concionatores nihil omninò quovis prætextu à Monialibus accipere possint sub eisdem penis (ibidem superius enumeratis) præter duos Julios monetæ prædictæ in pecunia

nia enumerata, si per Institutum regulare licuerit; pro quotidianis eorum alimentis ad tempus servitii præstiti, & non ultra, Procuratori Conventus respectivè solvendos; sin minus equivalentem vini, frumentique portionem Syndicis consignandam.

C A P U T IX.

Officialis quoad Confessarios
Monialium.

S U M M A R I U M.

- 1 *Moniales quolibet Mense Confessionem faciant.*
- 2 *Confessarii, etiam Esemptarum, ab Ordinario approbandi.*
- 3 *Non sufficit esse approbatos ad Confessiones Secularium.*
- 4 *Approbatus pro uno Monasterio, non censetur pro alio.*
- 5 *Approbatio Confessariis extraordinariis necessaria, & quoties.*
- 6 *Colloquia prohibita cum Monialibus, & Pœna.*
- 7 *Prohibitio commorandi propè Monialium Monasteria.*
- 8 *Modus observandus ab Ordinariis in approbatione Confessorum Monialium.*
- 9 *Triennium præscribitur Confessariis Ordinariis.*
- 10 *Quadragesimus Annus est in eis necessarius.*
- 11 *Confessarii tempore Jubilei debent approbari ab Ordinario.*
- 12 *Nomine Prælati intelliguntur etiam Episcopi,*

DE rigore præcepti obligantis sub mortali, (nisi per propria Monasteriorum statuta, aliter sit provisum,) non tenentur Moniales, nisi ad annuam confessionem, sicut cæteri Fideles; nihilominus Sacrum Conc. Trid. saltem quolibet mense, semel confiteri desiderat, & ideo *sess. 25. Reg. , & Mon. cap. 10.* sic disponit:

1. Attendant diligenter Episcopi, & cæteri Superiores Monasteriorum Sancti-Monialium, ut in Constitutionibus earum, admoneantur sanctimoniales, ut saltem semel singulis mensibus, confessionem peccatorum faciant.

2. Quarum Confessarii debent esse ab Ordinario loci approbati, etiam pro illis, quæ Regularium gubernio subsunt: at pro istis eorundem præsentatio, & deputatio à Superioribus Regularium fieri debet, ut constare potest ex Constitutione *Inscrutabili* Gregorii XV.: -- Confessores verò, siue Regulares, siue Seculares quomodocumque exempti, tam Ordinarii, quàm extraordinarii ad confessiones Monialium, etiam Regularibus subiectarum, audiendas, nullatenus deputari (scilicet per Regulares) valeant, nisi prius ab Episcopo Diocesano idonei judicentur, & approbationem, quæ gratis concedatur, obtineant. --

Quod ex Tridentino loc. cit. item liquet: -- Præter Ordinarium autem Confessorem, alius extraordinarius ab Episcopo, & aliis Superioribus bis, aut ter in anno offeratur.

3. Nec sufficit eosdem approbatos esse ad Secularium confessiones, sed est necessaria specifica approbatio pro Monialibus, in terminis

nis Constitutionis *Superna* Clem. X. *alibi cit.* -- Et generaliter (Religiosos scilicet) approbatos ab Episcopo ad personarum Secularium confessiones audiendas, nequaquam censi approbatos ad audiendas confessiones Monialium, sibi subiectarum, sed egere quoad hoc speciali Episcopi approbatione. --

Qua item eget approbatus pro uno, cum non censeatur pro aliis approbatus, quia subdit, -- atque approbatos pro audiendis confessionibus Monialium unius Monasterii, minimè posse audire confessiones Monialium alterius Monasterii.

Ubi pro Confessoribus extraordinariis addit: -- itidemque Confessores extraordinarios semel deputatos, atque approbatos ab Episcopo ad Monialium confessiones pro una vice audiendas, haud posse, expleta deputatione, in vim approbationis hujusmodi illarum confessiones audire; sed toties ab Episcopo esse approbandos, quoties casus deputationis contigerit. --

Utrique extra actum confessionis sub non levibus pœnis interdicuntur cum Monialibus colloquia, ab Alex. VII. Constitutione *Sancti* 20. *Februarii* 1657., in qua §. 2. ex verbis narrativis constat, aliàs id per Sanctam Sedem fuisse decretum; quod & ipse §. 3. innovat, & confirmat, (& præsertim pro Monialibus Urbis) & §. 4. addit: -- Prætereà interdicimus omnibus, & singulis prædictis sub eisdem pariter pœnis, colloquia quæcunque cum Sanctimonialibus prædictorum Monasteriorum (comprehensis etiam Abbatissis, Priorissis, & Officialibus) extra actum confessionum, Concionum, aut visitationum hujusmodi. --

Pæna autem, quam §. 5. in Transgressores apponit, est illa privationis vocis activæ, & passivæ, ac officiorum: reintegratione sibi, & Successoribus Romanis Pontificibus, reservata.

Et Constitutione *Felici* 13. Kal. Novembris 1664. plura pro iisdem idem disponit prout sequitur : -- Insuper districtè præcipimus memoratis Superioribus Regularibus, ut infra terminum duorum mensium, à publicatione præsentis Constitutionis computandorum, revocent ad Claustra Confessores, eorumque Socios, Concionatores, & alios quoscumque Regulares apud Monasteria Sanctimonialium, vel assiduè, vel ad tempus
7 quocunque titulo pernoctare solitos, neve permittant eosdem, seù alios Regulares intra, seù prope septa Monasteriorum hujusmodi habitare, vel commorari. -- Et inferiùs præscribit modum observandum, quodad Monasteria existentia extra Civitates, vel Oppida.

Modus autem in Ordinariorum Confessorum approbatione ab Episcopis observandus sequenti epistola Ordinario Catanen. à Sacr. Cong. Episcoporum, & Reg. sub die 4. Maii
8 1696. directà, continetur, ut infra : *Referito in Sacra Congregatione dall'Eminentissimo d'Adda tutto ciò, che V. S. hà rappresentato in ordine all'approvazione fatta da lei per un sol anno del Confessore ordinario, deputato dal Provinciale della Provincia Osservante di Sicilia per le Monache del Monastero di Santa Chiara d'Aderuò di cotesta Diocesi, soggetto all'Ordine de' Minori Osservanti di San Francesco, questi Eminentissimi miei Signori sono stati di senso, ch' Ella, ò ammetta il Confessor deputato*
10

to à compire il Triennio, d' assolutamente lo rigetti; e che in avvenire debba così osservarsi dal principio dell'approvazione di simili Confessori. Glielo significo, & il Sig. Dio la prosperi.

Triennio dumtaxat à die obtentæ Patentis Confessarii ordinarii durant; eoque elapso, sub pœna suspensionis ab audiendis confessionibus non posse amplius in eodem Monasterio per aliud triennium confessiones audire, pluries reperitur à Sac. Cong. dispositum.

9 Flosc. Nicol. verb. Monialis num. 43. & verb. Confessarius num. 36. & pro assumptis de Ordine Min. de Obs. Const. Sambucana cap. II. §. 17. num. 5. sic disponunt: -- Confessores, & Vicarii Monialium non possunt durare ultra triennium in eodem Conventu, nec denuò institui possunt, nisi triennio vacaverint. -- Et exigunt quadragesimum ætatis annum numer. 1. quod extendi etiam debet ad Confessores extraordinarios; & pro Reformatis declaravit

10 Sac. Cong. Concil. in una Casentina sub die 26. Novembris 1689. lib. 39. Decr. fol. 340. à tergo.

Vigore Jubilei nequeunt Moniales eligere in Confessorem Sacerdotem, ad illarum confessiones audiendas non approbatum, juxta textum Const. Gregorii, & Clementis; præsertim etiam, quia non approbatus in specie pro Monialibus, idoneus ad illas non judicatur, sicut approbatus restrictè pro viris, non censetur idoneus pro feminis.

11

At dubium potest esse de approbato pro uno Monasterio: an vigore Jubilei possit eligi à Monialibus Monasterii distincti? Et resolvendum est negativè ex verbis Clementis, qui

qui absolute, & simpliciter statuit, -- approbatus pro audiendis confessiones Monialium unius Monasterii, minimè posse audire Confessiones Monialium alterius Monasterii.

Et in aliis terminis, reperitur dispositum ab Urbano VIII. *Const. In specula* 19. *Junii* ; 630. *Bull. Cherub. tom. 4. pag. 165* declarante Bullam Cruciatæ, & cætera indulta Regularibus, & Monialibus non suffragari, quantum ad illum articulum eligendi Confessarium independenter à suis Superioribus Prælati; Nomine autem Prælati in re ad Confessionem spectante, in casu veniunt, & ipsimet Episcopi; sine quorum licentia nullus, etiam Confessarius, aliàs approbatus, excepto actualiter deputato, potest ad Monasterium Monialium accedere. Quæ sententia videtur securior, & quoad praxim communior; adeout, qui sine hujusmodi Ordinarii deputatione id exequi non timeret, præter mortale peccatum, ob gravitatem materiæ, posset ab eodem, uti Sedis Apostolicæ Delegato, tamquam Apostolicarum Constitutionum transgressor, & Episcopalis jurisdictionis perturbator, puniri.

C A P U T X.

Officialis quoad Confraternitates.

S U M M A R I U M.

- 1 *Quid Confraternitas?*
- 2 *Disposita à Clemente VIII. super Confraternitatum erectionibus.*

3 *Non*

- 3 Non limitantur erectiones Confraternitatum SS. Sacramenti.
- 4 Possunt Episcopi visitare Confraternitates erectas in Ecclesiis Regularium.
- 5 Super quibus?
- 6 Quibus Causis Altaria ipsarum?
- 7 Patres Conventuales possunt Confraternitates Cordigerorum ubique locorum erigere.
- 8 Ubi Conventuales non sunt, Observantes.
- 9 Facultas eas erigendi præfatis convenit privative quoad alios quoscunque.
- 10 Distinctio Confraternitatis Cordigerorum à Tertio Ordine S. Francisci.
- 11 Confraternitates Rosarii erigunt Superiores Generales Ordinis Prædicatorum.
- 12 Constitutio Innocentii XI. erectionibus favorabilis.

Domine Confraternitatum (desumpta denominatione à Confratribus, hoc est, à quasi Fratribus simul in pace, & charitate, sub certis legibus, respectibus divinum cultum, unitis) veniunt Collegia Personarum liberè ad exercitia pietatis exequenda congregatarum.

Quarum, ut una esset apud omnes erectionis, & aggregationis forma, Clemens VIII. sub die 24. Decembris 1604. Constitutionem edidit, incip. *Quæcumque à Sede*, Bull. Cherub. tom. 3. pag 160. in qua plura, quoad hoc observanda præscribit, quæ summarie hùc transfero.

I. Statuit unicam tantum Confraternitatem ejusdem Instituti, & generis posse in Ecclesiis locorum, & Regularium institui, & aggregari.

II. Quid

II. Quod id fiat de consensu Ordinarii, & cum litteris testimonialibus ejusmodi.

III. Quod Instituentes, vel Aggregantes Confraternitatem, eidem expresse, & in specie communicent Privilegia, Indulgentias &c. Ordini instituenti, vel aggreganti nominatim concessa, non verò ea, quibus per Privilegium communicationis gaudet.

IV. Quod statuta Confraternitatum examinentur, & approbentur ab Ordinario loci.

V. Quod in aggregandis, & instituendis Confraternitatibus servetur formula ab eodem Pontifice approbata.

VI. Quod Gratiae, & Indulgentiae Confraternitati communicatae, praevia cognitione Ordinarii dumtaxat, promulgentur.

VII. Quod Confraternitas eleemosynas, & alia charitatis subsidia excipiat juxta formam per Ordinarium praescribendam.

VIII. Quod dictae eleemosynae pro arbitrio Ordinarii in utilitatem Ecclesiae, alioque pios usus erogentur.

IX. Quod Confessarii Confraternitatum sint ab Ordinario approbati.

X. Quod, si sint Regulares, à propriis etiam Praelatis, approbentur; & absolvant Confratres juxta Privilegia eisdem concessa, dummodo sint in usu, nec Conc. Trident., cæterisque Pontificum Constitutionibus adversentur.

XI. Quod Confratres non possint absolvi à casibus.

1 Contentis in litteris Bullae Cænæ.

2 Violationis Immunitatis Ecclesiasticae.

3 Violationis Clausurae Monasteriorum Monialium: si ingressus fuerit sine urgenti causa, & absque Superioris licentia, vel cum istius abusu.

4 Inie-

4 Iniectionis manus violentæ in Clericum.

5 Singularis certaminis, seu Duelli.

6 Et ab aliis Sedi Apostolicæ, & Ordinario loci respectivè reservatis, & pro tempore reservandis.

7 Nec non à quavis excommunicatione ab homine lata.

8 Neque super irregularitatibus valeant dispensari.

XII. Quod literæ erectionis, & aggregationis gratis dentur.

Ultimò apponit penas contra transgressores.

Et quamvis firmet unicam tantum institui debere: tamen, quantum ad illam Sanctissimi Sacramenti, sub die 7. Februarii 1607. cum approbatione Pauli V., S. Cong. Indulgentiarum declaravit, prout sequitur. *Ma nell'istituire nuove Confraternità, vogliono le Signorie Illustrissime, che una sola se ne possa fare in qualunque Città, Terre, ò luogo, eccettuando però la Compagnia del Santissimo Sacramento, quale concedono, anzi desiderano, che sia eretta in ogni Chiesa Parocchiale, non ostante, che ei si trovi eretta prima qualsivoglia altra Confraternità. -- Laurentius de Franchis Contr. inter Episc. & Regul. l.p. num. 231. Lantusc. verb. Confraternitas n. 9.*

Disponit Trid. sess. 22. c. 8. de reform. habere Episcopos, etiam tamquam Sedis Apostolicæ Delegatos, jus visitandi Confraternitates Laicorum, dummodò sub immediata Regum protectione non sint: & cum, exceptio firmet Regulam in contrarium, sequitur eorundem visitationi omnes alias existentes etiam in Ecclesiis Regularium, subiaci.

Ideo

Ideò possunt, etiam istas in iis, quæ ad bonorum, ac reddituum administrationem spectant visitare; easque ad reddenda computa compellere; & ab iisdem documenta exigere, quæ concludenter probent fuisse Missarum onera, (si quæ sint) & alia pietatis opera, adimpleta. In quo Doctores conveniunt, & plura super hoc edidit Sancta Sedes Decreta.

At dubitatur, an iisdem liceat Capellas, & Altaria Confraternitatum in iisdem Regularium Ecclesiis, & Claustris existentium, visitare?

- Aliquibus resolvendum videtur negativè, & inferunt ex ipsomet textu Concilii, tribuentis Ordinariis facultatem visitandi Confraternitates; quæ secundum Doctores a Capellis, & Altaribus distinguuntur: & cum in odiosis non fiat extensio: limitantur ex consequenti ad solas Confraternitates. Præsertim etiam, quia Altaria, & Capellæ sunt, ut supponitur, in locis exemptis, quæ integraliter constituunt; ideò si Ecclesia, & Claustra censentur exempta, idem dicendum de partibus.

Verùm, etsi hæc probent de Capellis, & Altaribus nudè sumptis, aliter tamen de eisdem ex adjunctis circumstantiis est dicendum; Si enim à Fidelium pietate fuerint

6 Confraternitatibus relicta Legata ad effectum, ut annui redditus in ornamentum Capellæ, & Altaris, eorumque reparationem, & subsistentiam per Confratres erogentur, tunc certè iisdem conceditur ea invisere. Quod ex Bulla Clem. cit. §. 8. est facile inferre, & videtur expressè decretum à Sacr. Congr. Episc. & Reg. in Epistola *sub die 14. Novembr. 1698.* directæ Episcopo Giracen., prout

prout sequitur. Questi Eminentissimi miei Signori m'hanno comandato di significarle, che da questa Sac. Congr. de' Vescovi, e Regolari è stato più volte risoluto, che gli Ordinarii possono visitare le Confraternità de' Laici, erette nelle Chiese de' Regolari, e d'altre persone esenti, non solo in quanto à gli beni, & entrate loro, con riveder i conti, mà anche le Cappelle stesse in quanto à quello, che riguarda l'amministrazione, & altri obblighi personali, che spettano alla Compagnia, e Confrascritti à quella, cioè in riconoscere, se l'entrate, & elemosine, che si danno per adornare, e mantenimento della Cappella, per accrescer ivi il culto Divino, e devozione del Popolo, siano spese fedelmente, e con effetto si impiegano ad utilità, & in beneficio della stessa Cappella, e non in altri usi; non toccando però il restante, che spetta alla cura, e total amministrazion de' Frati, e Regolari, che son padroni di tutto il Corpo della Chiesa, dove sono dette Cappelle, e Confraternità, come gli Altari, Imagini, & altre cose materiali affisse, & utensili sacri applicati à quelle, sopra dei quali nè i Vescovi, nè altri Ordinarii hanno da ingerirsi, nè usar alcuna giurisdizione o soprintendenza; à segno tale, che non l'è permesso usar alcun atto giurisdizionale nelle sudette Chiese de' Regolari, fuora di quanto s'è detto di sopra. Onde V. S. dovrà governarsi in questa conformità, che tale è sempre stato il senso della S. Congregazione.

Quomodo autem potest Ordinarius inspicere, an fidelitate sint erogatæ eleemosynæ juxta Testatorum voluntatem, nisi ad ipsa loca accedat, id visurus, & inspecturus? A quibus si præscindas annexis eisdem non
licere

licere; jam liquet: quod aliis verbis, sed non sensu, significat Lezzan. *Summ. qq. Regular. tom. 2. cap. 15. n. 27.*

- 7 Confraternitatem Cordigerorum possunt ubique in propriis Ecclesiis erigere Patres Conventuales ex concessione Sixti V. *Const. Ex superna dispositionis apud Confect. Coll. Priv. vil. Mend. par. 1.* Qui eorundem Archiconfraternitatem in Ecclesia S. P. Francisci Asten. ipse primò instituit: cui ex tunc omnes aliàs Cordigerorum Confraternitates posterum erigendas, aggregavit.

- 8 In locis verò, in quibus, Fratres Min. de Obs., & non ipsi Conventuales, existunt, ab eodem Sixto *Const. Divinae Charitatis apud eundem*, easdem, in suis tantùm Ecclesiis, illis erigere conceditur; quod etiam deinde acceperunt à Paulo V. *Const. Nuper Archiconfraternitati 25. Septembris 1607. Lantuse. verb. Confraternitas num 3.* Postremò præfata confirmavit, nuper concessit, & ad partes etiam Indiarum Orientis, & Occidentis extendit Clem. X. *sub die 13. Julii 1673. Constit. Dudum felicitis*, in qua circa medium sic habetur: -- Nos igitur ipsos Franciscum Mariam Procuratorem Generalem, ac Ministrum, & Commissarium Generales specialibus favoribus &c. hujusmodi supplicationibus inclinati, facultatem erigendi, & instituendi Confraternitates Cordigerorum Sancti Francisci utriusque sexus in Ecclesiis Fratrum Minorum ejusdem Sancti Francisci de Observantia à memorato Paulo prædecessore concessam, ut præfertur, expediatque desuper ipsius Pauli prædecessoris literas prædictas, cum omnibus, & singulis in eis contentis, auctoritate Apostolica, teno-

tenorem præsentium perpetuò confirmamus, & approbamus, ac innovamus, illisque inviolabilis Apostolicæ firmitatis robur abicimus, ac eisdem Ministro, & Commissario Generalibus, eorumve cuilibet, ejusmodi Confraternitates Cordigerorum Sancti Francisci in Ecclesiis eorum Ordinis tantum, ubicunque, etiam in Indiis, tam Orientalibus, quam Occidentalibus, consistentibus, in locis tamen, ubi non sint Ecclesiæ, vel Conventus prædicti Ordinis Minorum S. Francisci Conventualium, erigere, & instituere, illisque omnes, & singulas Indulgentias, & peccatorum remissiones, & pœnitentiarum relaxationes, aliasque gratias spirituales præfatas, servata tamen dictarum Constitutionum Sixti, & Clementis, ac literarum Pauli prædecessorum prædictorum forma, & dispositione, communicare licuisse, & deinceps perpetuis futuris temporibus licere autoritate, & tenore præsentium, declaramus &c. Regestum 22. *Curia Cismontana Ordinis Min. de Observ. ab anno 1670. usque ad 1674.*

Ex quibus potest constare facultatem ejusdem erigendæ Confraternitatis Ordini Minorum competere privativè quoad alios quoscunque, quia idem Sixtus *Const. Ex supernæ* vult Cordam, quam Confratres gerunt, debere prius esse à Superioribus Ordinis benedictam: imò & cinctam, ac susceptam *Constit. Supernæ charitatis*. Quod per hæc confirmat Paulus V. *Const. cit.* -- Omnibus utriusque sexus Christi Fidelibus, qui in memoriam ejusdem Sancti Francisci Cordam benedictam ab ejusdem Ordinis Superioribus suscipientes prædictam

etiam Archiconfraternitatem de cætero ingredientur.

Formulam in erectione servandam refert *Lantusca verb. Confraternitas*. Quæ ad Confratrum Sepulturam spectant, *Cap. Officialis quoad Sepulturas* videri possunt.

- 10 Cordigerorum Societatem à Tertio ejusdem S. P. Francisci Ordine, qui *de Pœnitentia* nuncupatur, distinguimus; ne dum, quia iste ab ipsomet S. P. Francisco sub ann. 1221. originem habuit *Orb. Seraph. tom. 2. lib. 12. c. 1. pag. mibi 785. num. 2.* illam verò, ejusdem Seraphici Patris filius, Sixtus V. sub ann. 1585. primò instituit *Confect. loc. cit.*; sed etiam, quia Cordigeri fune, dumtaxat à Superioribus benedicta, cinguntur, & quibusdam solis statutis ab Ordinario, & non aliqua Regula ex illis à S. Sede approbatis, reguntur; cum ex opposito Tertiarii hujusmodi Regula gubernentur; & præter Cordam (quam eis expressè concedunt statuta *cap. 3. à Paulo III. Const. Ad fructus 5. Nonas Julii 1547.* confirmata *Direct. Trium Ord. pag. 28. num. 16.* & alia desumpta ex *Speculo Seraphico, apposta ad cap. 3. Regula Nicolai IV. ibid. pag. 61.* & approbata ab *Innoc. XI. Const. Ecclesie Catholice die 28. Junii 1686 loco cit. const. 2. pag. 151.* utantur etiam habitu distincto, vel saltem amplo scapulari iuxta locorum consuetudinem: & professionem emittant, *Lezzani loc. cit. par. 2. ver. Tertiarii cap. 14.* ad quam solummodò debent recipi per habentem à Ministro Gener. facultatem recipiendi ad hunc Tertium statum; ut idem Paulus c. 2. de quo alibi plura.

- 11 Confraternitates Sanctissimi Rosarii erigunt, & instituunt Sacri Ordinis Prædicatores.

torum Magistri, vel Vicarii Generales, & per eos deputati Fratres, etiam in secularibus Ecclesiis prout Sixtus V. *Constitutione Dum ineffabilia sub 30. Januarii 1586. Bull. Cherub. scilicet. 2. pag. 520.* ubi ipse Pontifex confirmat, & innovat privilegia, & Indulgentias à Prædecessoribus Pontificibus, Confraternitatibus Rosarii concessa.

Cæterum in erectione, & institutione similium Confraternitatum est servanda locorum distantia per Constitutiones Apostolicas taxata, & forma Clementis VIII., prout disponit Innocentius XI. ut infra. -- Exponi nobis nuper fecit dilectus filius Antoninus Clochè Magister Generalis Ordinis Prædicatorum, quod licet multæ in dicti Ordinis, aliisque Ecclesiis, seu Oratoriis, existant Confraternitates utriusque sexus Christi Fidelium, sub titulo Sanctissimi Rosarii, quæ suas functiones ad instar similium Confraternitatum obeunt, multaque pietatis opera exercent, de aliquarum tamen ex illis canonica ab initio Institutione, forma non constat &c. Nobis propterea dictus Antoninus humiliter supplicari fecit, ut de benignitate Apostolica indulgere dignaremur. Nos igitur &c. ipsum Antoninum speciali favore gratiæ prosequi volentes, à quibusvis excommunicationis, suspensionis &c. omnes, & singulas Confraternitates prædictas sub titulo SS. Rosarii, in quibusvis locorum positas, & existentes, tametsi de earum canonica ab initio Erectione, & Institutione non appareat, auctoritate Apostolica, tenore præsentium, confirmamus, & validamus, easque in statu valido esse, & fore decernimus in omnibus &c. ac si illas canonicè erectas, & institutas fuisse &c.

om^a

omnesque, & singulos Juris & facti defectus, qui propter præmissa desuper intervenerunt, supplemus, & lanamus, & quatenus opus sit ipsas Confraternitates omnes, & singulas, servata tamen cæteroquin Constitutionum & Decretorum hujus S. Sedis, præsertim circa distantiam Locorum in Ereptione Confraternitatum similis Instituti servandam, emanatorum forma, & dispositione, de novo erigimus & instituimus. Cæterum in Ereptione & Institutione similium Confraternitatum de cætero faciendis formam Clementis Prædecessoris adamussim servari volumus &c. alioquin Ereptiones hujusmodi nullius sint roboris, & momenti, decernentes easdem præsentis literas semper firmas fore &c. Non obstantibus quibusvis Constitutionibus &c. Dat. Romæ apud S. Petrum die 15. Junii 1679. Pontificatus Nostri anno 3. —

C A P U T XI.

Officialis quoad Conservatores.

S U M M A R I U M.

- 1 *Conservatores sunt Judices à Summo Pontifice delegati.*
- 2 *Eligendi debent esse constituti in dignitate Ecclesiastica, & Judices Electi.*
- 3 *Differentia inter Delegatum Pontificis, & alterius.*
- 4 *Canonici Collegiati sunt ineligibiles.*
- 5 *Et Regulares.*
- 6 *Pana eligentium conservatores non servatur forma Gregorii XV.*

7 *Pos.*

- 7 Possunt etiam eligi non Judices, & quando?
- 8 In Conservatoribus est necessaria doctrina.
- 9 Electionis testimonium relinquendum penes acta Curia Episcopalis.
- 10 Quinquennio durant.
- 11 Jurisdictio Conservatorum.
- 12 De manifestis injuriis judicant, & ab eis defendunt.
- 13 Manifesta quæ sint?
- 14 Quando possint Regulares Judicem à Secularibus Magistratibus petere?

Conservatores sunt particulares Judices à Summo Pontifice delegati, ad quos spectat eos, quibus sunt concessi, à molestiis, & injuriis sibi illatis tueri, & in propriarum rerum, & jurium possessione conservare. Qui, ut notat Pignat. *to. 10. conf. 96. n. 8.* Regularibus dantur (de quibus loquimur) ad tuendum eorum personas, bona, & jura: sub quibus eorumdem continentur Privilegia, exemptiones, & immunitates; à quo munere *Conservatores Privilegiorum* solent nuncupari.

Horum meminit Tridentin. *sess. 14. cap. 5.* modumque in eorum electione servandum, & eligendorum qualitates tradit Gregorius XV. *Constit. Sanctissimus in Christo Pater Bull. Cherub. tom. 3. pag. 392.* Ex qua ad hæc necessaria hic adnotantur.

I. Statuit, & decrevit, ut - Judices Conservatores hujusmodi, sive principales, sive subrogati eligi, nominari, aut deputari non possint, nisi, non solum habeant qualitates requisitas, & rescriptas in Constitutione similis recordationis Bonifacii Papæ VIII. *etiam Prædecessoris sui, qua incipit Statu-*

G

tum

tum (*cap. 11. in sexto de rescriptis lib. 1. tit. 3.*) itaut, vel dignitate Ecclesiastica præditi, vel personatum obtinentes, vel Ecclesiarum Cathedralium Canonici existant, sed etiam in Conciliis Provincialibus; aut Diocesanis juxta Decretum Concilii prædicti (*scilicet Trid. sess. 25 de Reform. c. 10.*) Judices electi, seu designati sint.

Unde colligitur notabilis differentia inter Delegatum Pontificis, & alterius: Pontifex enim, ut notat *Engell. Colleg. 3. jur. Can. lib. 1. tit. 29 num. 11.* non solet causas aliis personis delegare, quàm in Dignitate Ecclesiastica constitutis, & Ecclesiarum Cathedralium Canonicis. Et id per *Sperellum decis. 167. n. 16.* ob Apostolicæ Sedis decus & dignitatem. Propterea Gregorius ea Constitutione vult in Conservatores non posse eligi, nisi ex illis aliquem: aded ut electio sit ad eos restricta privativè quoad alios.

- 4 Etiam si essent Ecclesiæ Collegiatæ Canonici, & eximii Doctores, quia eisdem semper deficerent qualitates necessariæ, juxta Constitutionem Bonifacii VIII. *cap. statutum loco superius cit.* ubi decernitur: ~ quod nullis, nisi dignitate præditis, aut personatum obtinentibus, seu Ecclesiarum Cathedralium Canonicis, causæ, autoritate literarum Sedis Apostolicæ, vel Legatorum ejusdem, de cætero committantur.

Et ad id non esse idoneos firmavit S. Congreg. Conc. apud *Sperell. cit. sub n. 6.* Et esse ineligibilem quemlibet Regularem, quamvis dignitate fulgentem, resolvit in terminis S. C. Epif. & Reg. 6. *Septembr. 1617. Pignat. tom. 6. const. cit. num. 9.*

Additur, quod Innocentius X. Constitut.

Cum

Cum sicut accepimus 14. Maii 1648. Bull. Cherub. tom. 4. pag. 284. ad 5. n. 5. confirmavit Conservatores esse eligendos ad præscriptum Constitutionis Gregorii XV. non obstantibus quibuscumque Privilegiis, utpotè reductis ad terminos ipsius Constitutionis.

6 II. -- Ut quisecus, quam juxta formam superius præscriptum Conservatores hujusmodi cum effectu eligere, nominare, seu deputare, aut electis, nominatis, seu deputatis uti, ausi fuerint, Regulares quidem voce activa, & passiva sint ipso jure privati, adeò ut habilitationem à nemine, præterquam à Romano Pontifice consequi valeant: & prædictorum omnium Conventus, Monasteria, & loca hujusmodi, eorumque personæ, ac bona careant Conservatore ad annum, ita ut illorum causæ interea coram locorum Ordinariis dumtaxat cognosci, ac definiri debeant. --

Verùm dicendum dispositionem Pontificis valere in casu, quo in Diœcesi sint Iudices in Provinciali, aut Diœcesana Synodo designati: cum alias in eorum defectu possint, non Iudices, à Regularibus assumi, ut sæpius censuit S. C. C. *Direct. trium Ord.* pag. 400. n. 50. & Cong. Episc. & Reg. die 4. Decembr. 1671. decrevit dandam esse infra-scriptam Declarationem, aliàs editam, tenoris qui sequitur: nimirum S. C. C. -- censuit Episcopos quamprimum Diœcesanam Synodum omninò celebrare teneri; & interim in Civitatibus, & Diœcesibus, in quibus nulli Iudices extant in Concilio Provinciali, aut Diœcesano designati, licere Regularibus, servata in reliquis forma Constitutionis fel. rec. Gregorii Papæ XV. hac

de re editæ, Conservatores nominare habentes qualitates à jure requisitas; quorum tamen Conservatorum facultas eo ipso expiret, cum primum hujusmodi Synodus celebrata, in eaque Judices designati, extiterint. --

Quam declarationem à Clemente X. Concl. *Inter opera* 18. *Januarii* 1672. confirmari, ibidem legitur *num.* 49.

III. -- Ut in Synodis Provincialibus, aut Diæcesanis quamplures personas ex habentibus qualitates in prædicta Constitutione ejusdem Bonifacii Prædecessoris, contentas, & alioquin ad id aptas designari (scilicet Ordinarii procurent: & si aliquem interim ex designatis mori contigerit, substituatur Ordinarius loci, cum Consilio Capituli alium in ejus locum, usque ad futuram Provinciam, aut Diæcesanam Synodum. -- Quod prius decreverat Trid. *sess.* 25. *c.* 10 *de refor.*

Et observandum per ea verba, & *alioquin ad id aptas*, quæ ex Trident. cit. desumuntur, significari in iudiciis Synodali-
8 bus præter qualitates ex capite *statutum* necessarias, requiri etiam doctrinam, ut sic causæ ex intentione Tridentini, committantur personis idoneis.

IV. -- Ut electionis, seu assumptionis documentum debeant penes acta Curiae Ordinariorum exhibere, & dimittere teneantur, adeout, nisi infra præfinitum tempus exhibuerint, ac dimiserint coram Ordinario loci debeant Regulares conveniri. Prout Sac. Congr. ab Innocentio X. deputata, loc. cit. videnda.

Et intelligendum, ad id sub pœna nullitatis actuum teneri, Conservatores à Regularibus

laribus nominatos, & electos, antè exercitium suæ jurisdictionis; prout ead. Congr. ad XIII. firmavit, & idem Innocentius approbavit.

V. -- Ut Conservatores semel legitime deputati, nisi ex legitima causa à Sede Apostolica, aut locorum Ordinariis, prout iisdem Regularibus, aut aliis supradictis libuerit, approbanda, durante quinquennio à die deputationis, amoveri, aut mutari nullatenus possint, & valeant. Et ultra quinquennium non posse durare, decrevit Trident. *sess. 14. c. 5. de Reform.*

VI. -- Ut coram ipsis Conservatoribus Regulares, ac Personæ suprascriptæ conveniri quidem, aut trahi debeant, sed alios convenire, aut trahere non possint; ita ut memorati Conservatores, in quibus Regulares, & alii, actores fuerint, prorsus nullam jurisdictionem habeant, sed in iis tantum, in quibus rei extiterint. --

Nec per hoc Conservatores privantur, quin possint etiam à manifestis injuriis, & violentiis Regulares defendere, dum suis juribus uti, & bonis frui, impedirentur; ac contra eos procedere, qui eorum Privilegia infringunt, ut in terminis firmavit S. C. Conc. Dum censuit, illis verbis: -- minimè sublatam fuisse facultatem, quam habent Conservatores defendendi Regulares à manifestis injuriis, ac violentiis, dummodò observent formam præscriptam in Constitutionibus Innocentii IV. & Bonifacii VIII. relatis -- c. 1. & finali de Offic. Deleg. in 6. Bull. Cherub. Calicem ad Const. Gregorii XV.

Et tam Innocentius cap. Statuimus I., quàm Bonifacius, cap. Hanc Constitutionem 15. tit. 14. lib. 1. in sexto cit. volunt, Conser-

vatorum potestatem extendi ad defendendos eos, quibus dantur, à manifestis injuriis, & violentiis; & Innocentius addit: *nec ad alia, quæ Iudicalem indaginem exigunt, suam extendere possunt potestatem*. Ubi ex annotatione Glossæ in caput *statuimus*, si injuria non sit manifesta, sed requirat plenam causæ cognitionem, Conservatores nequeunt procedere; nisi in Privilegiis eorum quibus sunt dati, aliud diceretur, nimirum, quod possent cognoscere de injuriis, & aliis causis, etiam si requirerent judicalem indaginem, quod observavit Confectius *Summar. Privileg. Mendic. cap. 8. tit. 4. ex Clementina sapè de verborum significatione lib. 5. tit. 11. cap. 2.*

- 13 De manifestis ergo solummodo possunt cognoscere. Et per manifesta veniunt ea, quæ notoria sunt, & ita patentia, ut nulla probabili tergiversatione celari possint. In casu autem, quo offensa notoria negetur, & ex negatione res sub dubio exponatur, tunc poterit Conservator, ex Glossa ibidem, probationes de notorietate facti recipere ad videndum, an suæ sint jurisdictionis; & ubi repererit factum notorium, procedat; alias desistat, quia non habet potestatem defendendi utcumque injuriam, sed qualificatam notorietate, & in terminis notorietatis recusari non potest Peyerin. *de Privileg. tom. 2. ad Const. 5. Greg. 15. §. 7. n. 59.* præsertim, si pœna fuerit ab jure imposita. Et in casu recusationis, quid sit agendum, tradit Sperell. *dec. 93. n. 12* posse nimirum recusatum compellere recusantes ad eligendos arbitros, coram quibus causa recusationis probetur, & decidatur v. C. *Offic. quoad penas Eccl. n. 12.*

Tan-

Tandem, restricta Conservatorum jurisdictione ad Civitates, & Diœceses, in quibus fuerint deputati, & appositâ dispositione quoad ea, quæ possent inter ipsos, & Ordinarios oriri super competentia jurisdictionis; penisque Conservatoribus, qui quovis modo limites suæ jurisdictionis exceßerint, 14 statutis, subdit: -- Per hoc tamen non intendit Sanctitas Sua prohibere, quominus Regulares, & alii supradicti, in casibus à jure permissis, petant Judicem non suspectum à Principibus, seu Magistratibus secularibus, dum tamen hæc tria copulativè concurrant: videlicet, ut Regulares, & alii prædicti, sint actores, non autem rei: utque agant contra Laicum, non autem contra Ecclesiasticum, vel alias à Jurisdictione seculari exemptum: atque, ut causa, in qua Judex deputatur, fuerit profana, non autem Ecclesiastica, & in ea juxta Sacrorum Canonum dispositionem, Laicus, ut præfertur, eligendus, Judex competens existat.

An autem ad Syndicos Fratrum Minorum de Observantia Conservatorum Jurisdictio extendatur? Resolvendum affirmativè ex Clemente VII. de quo *cap. Officiali, quoad Syndicum*.

C A P U T XII.

Officialis quoad Conventus.

S U M M A R I U M.

1 *Monasterium, Conventus, & Canobium idem significant.*

- 2 In nova eorum erectione, observanda Constitutiones Clementis VIII. Gregorii XV. Urbani VIII. & Innoc. X.
- 3 Conventus non recipiantur, nisi sint capaces duodecim religiosorum.
- 4 Praxis Sacrae Congreg. Episcoporum in concedendis facultatibus pro erectione.
- 5 Audiendi semper sunt Regulares praeesistentes.
- 6 Ex actibus facultativis praedictum potest inferri.
- 7 Quando vocandi distantes, plusquam per quatuor milliaria?
- 8 Hospitia à Conventibus debent distingui.
- 9 Etiam in translatione Conventus, potest praedictum inferri.
- 10 Quando Conventus formatas censetur.
- 11 Excommunicantur feminae ingredientes Monasteria Virorum.
- 12 Pœna in regulares eas admittentes.
- 13 Tempore Processionum, possunt mulieres Clausura Conventuum ingredi.
- 14 Revocatio Oraculorum, de quibus intelligatur.
- 15 Praxis Urbis.
- 16 Pœna in Fratres Minores de Observantia admittentes Seculares ad pernoctandum in Conventibus.
- 17 Quos Clericos Seculares Decretum comprehendat.
- 18 Syndici Apostolici non comprehenduntur.
- 19 Septa à quo dicantur.
- 20 Quae loca sub Clausura contineantur.
- 21 Sacristia quando?
- 22 Et Grangiae, Infirmariae, & Ospitia, & quae?
- 23 Numerus Religiosorum alendorum in Conventibus non suppressis.
- 24 Gratia restitutionis Conventus suppressi, quando sit nulla?

25. *An in restitutione suppressi requiratur consensus Cleri, & Regularium.*
 26. *Declarationes super subjectione aliquorum Conventuum.*
 27. *Ordo quaestuandi inter Conventus.*

QUamquam Monasterium, Conventus, & Cenobium, in nomine sint diversa, in re tamen significata conveniunt: cum ex eis quodlibet quedam loca, & aedificia significet, in quibus ad Deo serviendum Religiosi congregantur, & convivunt.

In his de novo construendis sunt observandae Constitutiones Clem. VIII. *Quoniam ad instir. Bull. Cherub. to. 3. pag. 142.* statuentis, vocandos, & audiendos esse Regulares, aliosque interesse habentes, existentes in locis, & Civitatibus, in quibus nova sunt aedificanda Monasteria, & Gregorii XV. *Const. cum alias eod. pag. 427.* extendentis ad alios existentes in locis per quatuor milliaria distantibus ad effectum, ut consensum praestent, dum eis constiterit, ex nova Conventus erectione non esse reportaturos detrimentum: & aliam Urbani VIII. *Incipit Romanus Pontif. pag. 62. to. 4.*, prohibentis novorum Conventuum erectiones sine expressa Ordinariorum licentia, & non servata forma, contenta in Const. Clem. & Greg. & alteram Innocentii X. *ibid. pag. 281. Incipit Instaurandae*, innovantis Praedecessorum Pontificum literas super erectione novorum Conventuum editas, eisq; addentis, & prohibentis: - §. 5. ne deinceps aliquis Regularium Ordinis Mendicantium, vel non Mendicantium, Congregationis, Societatis, & cujuscvis alterius Instituti, etiam Societas.

Jesu, in aliqua Civitate, Castro, Villa, seu loco, ad habitandum domos, vel loca, quæcunque de novo recipere, seu Monasteria, Conventus, vel Collegia incipere, vel fundare præsumant, absque Sedis Apostolicæ licentia speciali, plenam, & expressam faciente de prohibitione hujusmodi mentionem, in scriptis, & gratis concedenda, prævia examinatione Congregationis negotiis Episcoporum, & Regularium præpositæ; si secus egerint, eo ipso incurrant penas privationis, & inhabilitatis, ut supra, inflictas: & nihilominus receptiones, fundationes, & erectiones sint ipso jure nullæ, & invalidæ: & domus, ac loca ipsa, & personæ in eis degentes omnimodæ jurisdictioni, visitationi, & correctioni Ordinarii loci plenè in omnibus subiaceant.

Examen præfatæ Congregationis eo tendit, ut constet, si alii Regulares ex nova fundatione detrimentum recipiant: aut præjudicium juribus Parochialibus ex eo inferatur: & tandem, ut servetur Decretum S. C. Conc. alias auctoritate Urbani VIII. editum, tenoris qui sequitur: -- Deinceps verò Monasterium, Conventus, Domus, Congregatio, vel societas Religiosorum, seu Regularium nullibi recipiatur, nisi præter alia ad id requisita, in singulis hujusmodi locis duodecim saltem Fratres, aut Monachi, seu Religiosi, degere, & ex redditibus, & consuetis eleemosynis, detractis omnibus ut supra detrahendis, competenter sustentari valeant, ad præscriptum decreti fel. rec. Gregorii XV., hac de re editi; alioquin Monasteria, & loca hujusmodi posthac recipienda, in quibus duodecim Religiosi,

giosi , ut supra, sustentari , atque inhabitare non poterunt, & actu non inhabitaverint, Ordinarii loci visitationi , correctioni, atque omnimodè jurisdictioni subiecta esse intelligantur .

Quod novissimè cum aliis relatis *Capitul. Official. quoad celebrationem Missarum* , ab eadem emanatis, confirmavit, & approbavit, ac ab omnibus exactè , & perpetuò servari voluit , & mandavit Innocentius XII. *Const. Nuper prout loc. cit.*

Præfatorum observantiam Sacra Congr. Episc. & Reg. ad praxim deducit, quippè erigendi novi Conventus unquam facultatem concedit, quin priùs Ordinario loci negotium committat, & sensum ipsius, tam;
 4 quoad commodam sustentationem Religiosorum de novo introducendorum in numero duodeno, absque ullo cæterorum præexistentium Regularium præjudicio, quam quoad istorum consensum, ac jurium Parochialium indemnitatem, audiat.

5 Audiendi essent præexistentes Regulares, in casu etiam, quo alii de novo introducendi, essent Clerici Regulares, quia Constitutiones comprehendunt quodcunque Institutum; imò etiam si haberent congruam dotem pro victu, & vestitu Religiosorum, in numero ab Apostolicis Constitutionibus præfixo; quia fortè, eo non obstante, possent antiqui, & præsertim Mendicantes (quibus victum tribuit incerta mendicitas) præjudicium ex eo recipere; si nimirum post consummatam Conventus fabricam administrent Sacramenta, stipendia pro celebrandis Missis recipiant, Defunctos Sepulturæ tradant, & similia. Ex quibus cer-

tè minuitur ad præexistentium Regularium Ecclesias fidelium concursus, & inde ad minus indirectè, sequitur eleemosynarum diminutio, & divisio. Undè quia finis legis, antiquorum nimirum præjudicium, in casu non abesset, etiam tunc, dispositio legis de vocandis interessè habentibus servanda.

- Nec obstat dicere, quod enumerata spectent ad lineam actus facultativi, quatenus est in potestate cujuslibet pia opera facere, sepulturam eligere, & pro Missis celebrandis eleemosynas tradere, ubi, & quibus, velit; quippè ad summum concluditur ex nova erectione, in casu, de quo agitur, non fore alios reportaturos præjudicium, consideratum in sensu stricto, ut scilicet læsionem justitiæ importet; secus verò, si sumatur pro quocunque damno, sive qualibet alimento-
 6 rum, & eleemosynarum diminutione.
- 7 Potest etiam finis legis habere locum, etiamsi Conventus erigendus sit in loco, plusquam per quatuor milliaria distans ab eo, in quo alius prius ædificatus reperitur; maximè si huic, loca existentia intra limites distantiae per Gregorium necessariae, non sufficiant ad ministranda victualia, quoad numerum Religiosorum per Apostolica decreta expressum. Tunc certè vocandi, & audiendi sunt, existentes, etiam extra allegatam distantiam, quia ea dispositione legis, nil aliud significare intenditur, quam occurrere damno, quo cæteri possent gravari: unde si in distantia majori allegata non esset præfato provisum, præsumendum est in casu, eam voluisse Pontificem sub sua dispositione comprehendere.

Præinde S. Cong. Episc. & Reg. in terminis erectionis Conventus in Insula Corsicæ, ob circumstantiam inopiæ Regionis, majorem præfata, unius loci ab altero, per alios Religiosos acquirendo, distantiam exigit, prout sequitur: -- S. Cong. &c. Decrevit &c. ac impostero in dictæ Corsicæ Insula pro hujusmodi foundationibus, tam ab Observantibus, quàm à Reformatis, & Capuccinis respectivè servandam esse dictam distantiam duodecim milliariorum, mensuræ illarum partium. -- Quod Clemens X. Const. *Nuper sub die 20. Maii 1673.* confirmavit; & refert *sub anno 1661* in provinciis Burgen., Granaten, & Aragoniæ ad quindecim extendisse. *Reg. 22. Cis montanum pag. 101. à tergo.*

- 8 Item sub earundem Constitutionum dispositione, dubium non debet esse, ea loca venire, quæ aliàs solent dici *Hospitia*; Verum in nullo, præterquam in nomine, à Monasteriis differunt; cum sicut ista, Ecclesias cum Campanis habeant, in eis Religiosi habitent, Missarum stipendia recipiant, eleemosynas ostiatim quærant, divina celebrent, & Sacramenta administrent. Ideo quo ad illorum erectionem subintrat causa finalis, in præfatis literis expressa, de evitando nimirum præjudicio præexistentium Regularium; consequenter earundem litterarum dispositio: juxta satis commune, quod ubi eadem ratio militat legis, ibi ejusdem legis debet dispositio militare; adeoque præscriptarum solemnitatum in hujusmodi erectionibus observantia.

Secus dicendum de Hospitiis in sensu stricto, causa dumtaxat itinerantium, & quæstantium Religiosorum absque alio præjudicio.

dicio erectis Engell. *Colleg. univers. jur. Can. lib. 3. tit. 36. sub num. 4.* & in quibus non administrantur Sacramenta, nec ibi continuò sunt Religiosi permanentes, nisi infirmi, & eis inservientes; nec habent sepulturam, nisi expressè concedatur Nicol. Flosc. *verb. Hospitium num. 1.* ubi plura S. C. decreta citat.

- 9 Non sic de translatione, & mutatione Conventus de loco non sano, seu minus commo-
modo, ad sanio-rem, & magis commodum;
nedum, quia sæpe ex Conventuum vicini-
tate solent jurgia oriri, æmulationes, & ri-
xæ; verum etiam, quia in translatione Con-
ventus militare potest ratio motiva Consti-
tutionum, quæ ex dictis est providere, ne
Regularibus præexistentibus præjudicium
inferatur. Quod certè inferretur, quippè
ad ipsorum Ecclesias Populi minueretur con-
cursus, & ad eas aliorum frequentius, vel
ob amenitatem, & commoditatem loci, aut
aeris salubritatem, conflueret; ex quo uti-
que major, & minor dependet eleemosyna-
rum collectio. Et ideo translatio adeò dam-
nosa, debet per Sedem Apostolicam exami-
nari, de cujus licentia est facienda. Et col-
ligi potest ex verbis Innocentii *de novo recipere, vel incipere, vel fundare*; ubi ponitur di-
ctio, *vel*, quæ tamquam alternativa cadit
inter diversa, & casus disiungit, Pignatelli.
tom. 10. Conf. 32. num. 5 consequenter disposi-
tionem Constitutionis extendit, tum ad lo-
ca, quæ recipiuntur in locis de novo, tum
ad Conventus, qui in locis de novo ex capite
translationis, debent fundari, & Privilegia,
quo ad hoc aliàs concessa, esse extincta affir-
mat Donatus *Prax. tom. 1. par. 2 tract. 1. q. 26.*
num. 10. Ampliatio autem Conventus in eo-
dem

dem loco facienda sub dispositione legis non venit per Engell. *ibid.*

Dum Conventus est in fieri, & ibi solum aliqui Religiosi pro servitio, & cura fabricæ commorantur, in eum non reperitur Mulieribus interdictus ingressus, Antonell. *de Regim. Eccles. lib. 7. cap. 6. sub num. 22.* bene verò, si Conventus sit formatus, Flos. Nicol. *verb. Claustrum nu. 2.* & formatus censetur, quoad

IO incurrendas pœnas appositas, tam contra ingredientiæ Mulieres, quàm eas admittentes, si Religiosis, qui in eo sunt de familia, præsit Superior, ut in terminis Sac. Cong. Episc. & Reg. 13. *Septemb. 1583.* decrevit apud Theat. *Reg. verb. Clausura Conventuum sub nu. 1.*

II Excommunicationem Papæ reservatam in fœminas ingrediētes Virorum Monasteria, sub licentiarum prætextu, tulit *Pius V. Const. Regul. personarum Bull. Cher. tom. 2. pag. 198.* & *Greg. XIII. Const. ubi gratia ibid pag 368.*, & hic extendit etiam ad Monasteriorum Superiores, & Subditos, eisdem hujusmodi ingressum permittentes, & addit privationem officiorum, & inhabilitatem ad ea.

Quam pœnam excommunicationis incurrun t fœminæ ingredientiæ, etiam propria auctoritate; & non licentiarum vigore, ut idem Pius. -- *Decet Romanum Pontificem* per hæc propriam mentem aperuit. Cum aliàs à Nobis emanaverint quædam literæ in simili forma Brevis, sub die 24. Octobris 1566. &c. Apostolica auctoritate tenore presentium dicimus, & declaramus fuisse, & esse mentem, & intentionem nostram, quod dictæ nostræ literæ non solum comprehenderent, & comprehendant mulieres habentes, & habere prætendentes, facultatem,

& Ii-

& Indulta ingrediendi Monasteria, sed etiam omnes, & quascumque mulieres alias, tam in genere, quàm in specie. -- *Confect. collect. privileg. Mendicant. pag. 182. Bullar. Clerub. tom. 2 pag. 198.*

- 12 Et cùm Constitutio Pii *Regularium*, in Regulares admittentes eas, sub licentiarum prætectu, penas apposuerit, prout sequitur: -- Prohibentes mulieribus quidem prædictas facultates, & licentias prætendenti-
bus, sub excommunicationis latæ sententiæ pena, à qua non possit, nisi à nobis, aut à Romano Pontifice, qui pro tempore fuerit, absolvi, præterquam in mortis articulo, ne-
dictas Domos, & Monasteria ingredi au-
deant. Ipsi vero Monasteriorum, & Con-
ventuum, Abbatibus, Præpositis, Priori-
bus, & aliis Præsidentibus, quocumque no-
mine vocentur, & eorum Monachis, Ca-
nonicis, & Fratribus sive Mendicantibus,
sive non Mendicantibus, sub privationis Of-
ficiorum, quæ in præsentì obtinent, & inha-
bilitatis, impofterum ad illa, & alia omnia,
& suspensionis à Divinis, ipso facto, sine alia
declaratione, incurrendis penis, ne eas in-
troducere, & admittere præsumant; -- In-
fertur certè ex terminis ejusdem declaratio-
nis, *Decet*, voluisse hujusmodi pœnis sub-
esse Regulares intra Monasterium septa, &
Clausuræ limites, admittentes alias quas-
cunque.

Et licèt ex tenore ipsarum Constitutionum Pii constet, penam excommunicationis in præfatos Regulares latam non esse, & solùm ex vi Constitutionis Gregorii Inno-
centii ii, qui eas sub licentiarum prætectu
ingredi permitterent (quod certè non obser-
vavit.

vavit *Lantusca verbo Clausurum num. 1.*) tamen sub excommunicationis pœna Sedi Apostolicæ reservatæ, esse Regularibus interdictum feminas quascunque ; etiam sine licentiarum prætextu , in Monasteria recipere , earumque permittere ingressum , patet ex Decreto S. Cong. Ep. & Reg. cit. nu. 10. Cujus tenor fuit à Card. Matthæjo Ord. Min. Profect. transmissus Com. Generali Min: de Obser. & ei significavit, *che i SS. Card. della Congreg. de' Vescovi, e Regolari hanno deciso, e determinato, che dove è il Guardiano, con la Famiglia, etiamdio, che il luogo non sia affatto compito, nè circondato di muri, fossi, ò siepe, ò che sia aperto, ivi sia Clausura, siccome bà deciso la fel. mem. di Papa Pio., & entrandovi le Donne siano scommunicate, e li Frati, così Prelati, come sudditi, introducendole, incorrano nella stessa scomunica, riservata al Papa, restando ipso facto privi dell' officio loro, & inhabili in futurum.*

Quas pœnas, dicendum non incurri, nec à mulieribus ingredientibus, nec à Regularibus eas intra claustra, tempore processionum, admittentibus; cum enim Pius V. allegata Constitutione: *Decet Romanum* declaraverit, & significaverit se non intellexisse, quod mulieribus præcluderetur, aut præcludatur
 13 aditus ad Monasteria, & loca Regularia Congregationis Montis Virginis, ac eorum claustra, quando in eis processionibus fiunt, sequitur, habentes communicationis privilegium eodem indulto gaudere.

Quo quidem gaudent Minores de Observantia, quibus Clemens VII. Const. *Dum fructus uberes* 30. Maji 1522. Confect. Cest. Privil. Regul. pag. 150. concessit -- posse

omnibus gratiis, indultis, privilegiis &c. aliis Ordinibus Mendicantium, & non Mendicantium, quomodolibet concessis, & concedendis, uti, frui, & gaudere debere in omnibus, & per omnia, perinde ac si eis concessa specialiter fuissent. --

Imò Cardinalis Cribellum apud Donatum *tom 3 par. 2. tract. 4. quæst. 3.* refert super hoc ejusdem Pii, sibi factum, vivæ vocis Oraculum, quod per extensum ipse Donatus ibidem exhibet; ex quo hîc sequentia notamus: -- Significans nihilominus idem Sanctissimus D.N., eodem vivæ vocis Oraculo Nobis facto, quod propter hoc, & per dictas suas litteras non intelligit, quod mulieribus præcludatur aditus accedendi ad Monasteria, & loca Regularia, ac eorum Claustra, quando in eis Missæ, & alia Divina Officia celebrantur, ac quando processiones fiunt, sed liberè concessit, & concedit eisdem omnibus mulieribus facultatem, ut ad illa loca, in quibus pia opera exercentur, cum aliis Catholicis personis accedere, liberè, & licitè possint, & valeant &c. --

- 14 Nec dicendum Oracula fuisse per Sedem Apostolicam revocata; quia Gregorius XV. *Const. Roman. Pontifex 2. Julii 1622.*, à sua revocatione excepit ea, facta S.R.E. Cardinalibus; & quamquam Urbanus VIII. *Const. Alias, Bull. Cherub. tom. 4. pag. 181.* extendat præfatam Gregorii ad ea, etiam ipsis Cardinalibus facta, idem tamen *Const. Alias, felicis ibidem pag 205.* declarat: Oracula Officialibus Papæ facta adhuc vivere, prout sequitur -- Motu proprio, certa que scientia, ac matura deliberatione nostris, deque Apostolicæ potestatis plenitudine, **Officiales, seu Mini-**

Ministros prædictos, quibus, aliàs ante emanatas prædictas Constitutiones, ex officiorum suorum auctoritate, & prærogativa de Oraculo, per eos à Romanis Pontificibus pro tempore existentibus, habito, fides haberi solebat: quo ad ea, quæ ut præfertur, ad cujuslibet eorum officiorum, seu munus, quo funguntur, pertinent, in literis, etiam nostris prædictis, super revocatione Oraculorum hujusmodi emanatis, minimè comprehensos fuisse, nec esse, nec comprehendere declaramus, & decernimus; & ad abundantiore cautelam eosdem Officiales, seu Ministros adversus easdem Constitutiones, quatenus opus sit, restituimus, & plenariè reintegramus in omnibus, & per omnia, perinde ac si, quoad illos, prædictæ Constitutiones non emanassent.

Cardinalis autem Alexander Cribellus erat tunc Officialis Domini Papæ; quod, quando aliundè non constaret, satis liquet ex clausulis illis: — Datum Romæ in Palatio Apostolico in Ædibus nostræ solitæ residentiae sub anno à Nativitate Domini 1568., indictione 11. die verò 28. mensis Januarii, Pontificatus prælibati SS. D.N. Pii V. anno 3.

Unde inferendum decretum relatum à Lantusca verb. *Claustum num. 2.* exigens expressam licentiam Sedis Apostolicæ, quòd feminae licitè possint comitari processiones per claustra Regularium, posse, tamquam subreptitium, nullius valoris censeri; quia petitio exhibita ab Episcopo Oriolen. Sacrae Congregationi Rituum nullum verbum facit, aut de declaratione Pii V. *Const. Decret.*, aut de nova concessione facta Mulieribus vivæ vocis Oraculo per præfatum Emi-

nen-

nentissimum Cribellum relato.

- 15 Additur praxis communis, & præsertim Urbis, cui nullum adversari constat Donat. *som. 1. part. 2. tract. 4. quæst. 19.* Quamvis sit certum præfatum Privilegium, quoad ingressum Mulierum in claustra Regularium, non esse in usu, nisi pro tempore, quo processiones fiunt.

Secularibus non est ad eorum claustra aditus absolutè interdictus: verùm quibusdam eos recipere, & admittere in certis circumstantiis, prohibetur. Et sub *die 1. Decembris 1679. S. Cong. Ep. & Reg.* illis Minorum de Observantia injunxit, ejusque dispositio reperitur confirmata à san. mem. Innoc. XI. *die 20. Septembris 1685. Director. trium Ord. Const. 8. pag. 249.* prout sequitur. -- Emanavit aliàs, & infra, decretum tenoris, qui sequitur: Videlicet, S. Cong. &c. Religiosæ quieti, & tranquillitati Fratrum Minorum S. Francisci de Observantia benignè consulens, injungendum censuit, prout præsentis decreti tenore injungit omnibus, & singulis dicti Ordinis Superioribus, Provincialibus, Loca-
 16 libus, eorumque subditis, sub pœna privationis officiorum Ordinis, immediatè incurrendâ, nè ullo unquam tempore, quovis prætextu, vel quæsito colore, permittant, aut consentiant seculares quoscumque ingredi septa suorum Conventuum, deferendo per silvas, hortos, & prata sclopos ad venandum, sive alia armorum genera, vel illa apud Fratres, tam Superiores, quàm subditos deponere, pariterque ludere quomodolibet per claustra, aliaque loca publica, vel privata ipsorum Conventuum, & convivere, ac pernoctare in eis ultra triduum, tantùm piæ
 hospi-

hospitalitatis titulo; & sic servari mandat; non obstantibus &c. Decernentes easdem præsentem litteras semper firmas, validas, & efficaces existere, & fore, suosque plenarios, & integro effectus sortiri, & obtinere, ac ab illis, ad quos spectat, & pro tempore spectabit inviolabiliter servari &c. Non obstantibus &c.

- 17 Sub qua legis dispositione comprehenduntur etiam Clerici, nisi sint bonæ vitæ, ut *sub die 10. Maii 1680.* eadem S. C. in terminis firmavit, ut infra. S. C. &c. Referente Eminentissimo Casanate censuit superscriptam prohibitionem extendendam esse, etiam ad Clericos, exceptis tamen Clericis, qui exemplarem vitam ducunt.
- 18 Non verò Syndici Apostolici Conventuum præfatorum Fratrum, ex ejusdem ibidem S. Congregationis responso ad dubium, eidem super ea re per Patrem Fratrem Joannem Baptistam ab Atina, Procurat. Generalem Ordinis propositum, *An scilicet dicti Syndici comprehenderentur in Decreto emanato die 1. Decemb. 1679.* quæ respondit infra. S. C. &c. audito Patre Ministro Generali Ordinis, & attentis narratis, censuit, ac declaravit præfatos Syndicos Apostolicos Conventuum ejusdem Ordinis, non comprehendi in enunciato Decreto. Romæ 4. Decembris 1669. -- G Card. Carpineus -- Joseph Emygdus Ferrus Pro-Secretarius --
- 19 Apponitur in Decreto substantivum *septa*, quod ex adnotatione Glossæ in Clementina *Ne in Agro v. septa de statu Monachorum lib. 3. tit. 10. à sepio sepiis* dicitur, & Clausuram significat, ut sit certum Eminentissimos Patres sub eo Decreto voluisse comprehen-

prehendere quicquid ad Clausuram spectat.

- 20 Cujus nomine veniunt loca illa intra septa Monasterii contenta, iisdem muris cincta; sive sint Horti, Sylvæ, & Prata, vel alia *Lezz. Sum. q. Reg. tom. 3. verb. Clausura num. 3.* ex quibus nulli, quin ut Apostata puniendus existat, absque Superioris licentia exire permittitur.

Quod satis constat ex Decreto Clementis VIII., edito super casuum reservatione, ab omnibus Regularium Superioribus observando; quorum secundus est; -- Apostasia à Religione, sive habitu dimisso, sive retento, quando eo pervenerit, ut extra septa Monasterii, seu Conventus fiat egressio -- *Bull. Cherub. tom. 3.*

- 21 Sub Clausura continentur Sacristiæ, ad quas duplici porta, altera in Claustro, alia in Ecclesia, existente, patet aditus: & censetur pars Monasterii, ut notavit Bonacina *tom. 1. de Clausura q. 5. punct. 1. pag. mibi 656. sub num. 4.* Secus de illis Ecclesiæ conjunctis, unico solum pariete divisis, qui non ponitur ad eas ab Ecclesia separandas, sed ad ibi reposita custodienda: & ad quas per Ecclesiam dumtaxat patet accessus; quia sic censentur pars Ecclesiæ, & ejusdem, & non Conventus officina. *Donat. tract. 4. tom. 1. q. 12.* Nisi aliter per Superiores Regulares disponatur; ad quos, ut Judices ordinarios Religiosorum, spectat Clausuræ terminos designare. *Ibid. Lezzan. Consect. Summ. Privil. Mendicant. tit. 21. cap. 8.*

- 22 Item Granciæ, Infirmariæ, & Hospitia, quamquam à Conventibus distantia; dummodo in eis sit Ecclesia cum Campanis, & Divina celebrentur Officia; secus si sint lo-

capurè secularia, & ad Divinum cultum non destinata; Donat. *ibid. tract. 3 q. 8.* Et domum, in qua unus, vel duo Regulares tantum commorantur, non gaudere privilegio Conventus firmavit *Inn. X. Const. Cum sicut Bullar. Cherub. tom. 4. pag. 285. ad 15.*

- 23 Conventus non suppressi, in quibus sex saltem Religiosi (quorum ad minus quatuor debent esse Sacerdotes maturæ ætatis) non aluntur, correctioni, visitationi, & omnimodæ jurisdictioni Ordinarii loci subduntur ad formam Decreti Innocentii X. ut in *parvis apud Lantusc. verb. Conventus nu. 14.*
- 24 Ubi, nulla item declaratur gratia restitutionis, & concessione, si in prius suppresso, & nuper postea Religioni restituto, enunciatus Religiosorum numerus re ipsa non sit.

- 25 Cum Conventus suppressi, iterum restituantur Religioni, cujus prius fuerant, non videtur necessarius novus consensus vel Cleri, vel Religiosorum, si qui in eodem loco ante suppressionem præexisterant, cum in prima eorum fundatione illum exhibuerint, & non simus in casu acquirendi novum jus, sed antiquum exercitè possidendi.

Limitarem, nisi Religiosi præexistentes concludenter ex restitutione probarent, sibi præjudicium inferri; adeò ut nec in proprio, nec in Monasterio restituto posset, aut ex redditibus, aut ex eleemosynis numerus Religiosorum, per Constitutiones Apostolicas requisitus, commodè sustentari. In casu enim subsisterent motiva jam factæ suppressionis.

In concessione Conventus suppressi, diversæ Religioni facienda, non est dubium

id exigi; & si præexistentes Regulares contradicant, esse denegandam, est certum, ut videri potest apud Supplem. *Lantuf. verb. Hospitium ex S.C. Ep. & Reg. 26. Martii 1677.*

- 26 Declarationes editas à S.C. super statu Regularium, & ab Alex. VII. approbatas super nonnullorum Conventuum subjectione jurisdictioni Ordinarii, refert Lant. *verb. Conventus num. 15.*

- 27 Ubi plures Religiosorum Conventus in eodem districtu reperiuntur, in colligendis per quæstuationes eleemosynis, ordo antiquitatis, & foundationis servatur; & ubi in diversis sunt, prohibetur ad quæstuandum egredi suos districtus: prout disposuit S.C. *Epif. & Regul. 22. Junii 1674.* ad instantiam Ministri Provinciæ Observantis Corsicæ contra Capuccinos ejusdem Insulæ. S.C. &c. -- referente Eminentiss. Sancta-Crucio declaravit, atque decrevit, ne impofterum præfatorum Ordinum Conventus proprios suos districtus ad quæstuandum egrediantur, sed intra suos limites se contineant, ut ab his, quibus inserviunt, sustentari faciliùs possint. Nec non, ut ubi plures inveniuntur Conventus in eodem districtu, inter eosdem ratio antiquitatis, & foundationis rationabiliter habeatur. Sicque omnino servare mandavit.

C A P U T XIII.

Officialis quoad delicta.

S U M M A R I U M.

- 1 Regularis degens, & delinquens in Monasterio à Superiore Regulari punitur.
- 2 Constitutio Pauli V. quoad causas civiles.
- 3 Quando conveniendus coram Ordinario?
- 4 In casu notorii delicti servatur Decretum Tridentini.
- 5 Constitutio Clementis VIII. plura præscribens.
- 6 Quando Regularis ad carceres Episcopales duci possit?
- 7 Episcopus de delicto informationem capit absque mora.
- 8 Dictio statim moraliter intelligenda.
- 9 Quid de Regulari intra Ecclesiam delinquente?
- 10 An de punitione sit Episcopus docendus?
- 11 Quid de Regulari extra Clausura degente, & delinquente?
- 12 Licentia Superioris liberat ab Apostasia.
- 13 Vagi ab Episcopo puniri possunt.
- 14 Quando Regularis Parochus?
- 15 Quando Novitii?
- 16 Regulares, in concernentibus Fidem Catholicam, subsunt Sancto Officio.
- 17 Contra prædicantes hereses Ordinarii procedit.
- 18 Alloquentes Moniales sine licentia puniuntur.

1 **E**Xamen capitis eo tendit, ut de competente Delinquentium Regularium Judice, & Foro, quid S. Sedes decreverit,

verit, & firment Doctores, constet:

I. Et sciendum quoad Regularem in Claustris degentem, si intra Monasterii septa deliquerit Innocentium I V. *Capite volentes de Priv. in 6. lib. 5. tit. 7. verb. Dummodo* statuisse, non posse coram Ordinariis conveniri; adeoque neque ab iisdem puniri, sed ejusdem punitio Superiori Monasterii relinquatur *Sperel. dec. 38. nu. 11.*

- 2 In causis civilibus attendenda est *Constitutio Religiosorum Pauli V. Bull. Cherub. tom. 3. pag. 222.* quæ, cum sit ad praxim Regularibus utilis, hic transcripta exhibetur: Religiosorum, & infra.

§. 1. -- Cum itaque nomine Dilecti filii Basilii Procuratoris Generalis Ordinis Fratrum Carmelitarum in Cong. Ven. Fratrum nostrorum S. R. E. Cardinalium Conc. Trid. Interpretum expositum fuerit, in Hispaniarum Regnis quosdam Ordinarios locorum contendere Religiosos intra Claustra degentes, coram ipsis Ordinariis conveniri debere in causis civilibus, *Capite volentes de Privilegiis in 6. comprehensis*; propter illius innovationem à *Conc. Trid. sess. 7. cap. 14.*, quo præfatos Religiosos, eorum Privilegiis abrogatis, defendunt comprehendi. --

§. 2. -- Præterea eosdem locorum Ordinarios pariter contendere eosdem Religiosos intra Claustra degentes in prima instantia coram ipsis conveniri debere, -- ex Decreto ejusdem *Conc. Trid. sess. 24. cap. 20. de Reformatione.*

§. 3. -- Cum ab eodem Basilio, Procuratore Generali in eadem Cong. supplicatum fuerit, ut super utraque re responsa daret; ab eadem verò Congregatione fuerit responsum: Neque Constitutione in generali Concilio Lugdu-

Lugdunensi edita, quæ incipit *volentes*: neque Decreta *Conc. Trid. sess. 14. cap. 7.* comprehendendi Regulares; ideoque eos juxta eorum Privilegia coram suis Superioribus, vel Conservatoribus esse conveniendos: --

§. 4. -- Nec non Decretum ejusdem *Conc. Trid. loco dicto cap. 20. sess. 24.* ad Regulares non pertinere, nec eorum Conservatorias minuere, nec, quoad primam illarum instantiam, aliquid novi inducere; ipseque Basilius &c. --

§. 5. -- Nos illius supplicationibus hujusmodi inclinati, omnibus, & singulis locorum Ordinariis in virtute S. Obedientiæ, per præsentés, districtè præcipiendo, mandamus, ne Fratres, & Religiosos dicti Ordinis contra dispositionem, & declarationem prædictarum perturbare, vel inquietare quoquomodo audeant, vel præsumant. Nō obstantibus &c. --

3 Unde in illis coram propriis Conservatoribus sunt conveniendi; dummodo ipsos juxta Constitutionum Apostolicarum præscriptum nominaverint; aliàs coram Ordinariis: ut in terminis S. Congregatio ab Innocentio X. præposita controversiis inter Episcopum Angelopolitanum, & PP. Societatis in responsione ad sextum, quo præfatus Episcopus petiit -- an Regulares prædicti gravati esse alieno, vel ad ratiocinia, vel testamentorum executores, possint conveniri coram Ordinario, si Conservatores non nominaverint intra tempus habile ab Ordinario præscriptum? & *Congregatio respondit*: Regulares in causis præfatis coram Ordinario loci esse conveniendos, si ad præscriptum Constitutionis S. M. Gregor. XV. Conservatores non elegerint: -- *vid. C. off. quoad Conservatores.*

- 4 II. In casu notorii delicti, à Regulari intra Claustra degente, extra Claustra verò commissi, observanda est dispositio *Trid. sess. 25 cap. 14. de Regul.* statuentis, ut infra: -- Regularis non subditus Episcopo, qui intra Claustra Monasterii degit, & extra ea ita notoriè deliquerit, ut Populo scandalo sit, Episcopo instante à suo Superiore intra tempus ab Episcopo præfigendum, severè puniatur, ac de punitione Episcopum certiore faciat; sin minùs à suo Superiore officio privetur, & delinquens ab Episcopo puniri possit. --

Ad cujus Decreti observantiam emanavit Constitutio Clem. VIII. incipit *Suscepti muneris &c. Bull. Cherub. tom. 3.* in qua propè medium Pontifex subdit.

- 5 §. I. -- Motu proprio, & ex certa scientia, nostris, ac de Apostolicæ potestatis plenitudine, hac nostra perpetuò valitura Constitutione, omnibus, & singulis cujuscunque Ordinis, & Instituti Regularium, etiam Mendicantium, Superioribus, in virtute S. Obedientiæ, & sub indignationis nostræ, ac privationis dignitatum, & officiorum per eos obtentorum, eo ipso incurrendis pœnis, præcipimus, & mandamus, ut juxta prædictum Decretum quilibet ipsorum, Regularem non subditum Episcopo, intra Claustru degentem, & extra ea ita notoriè delinquentem, ut Populo scandalo sit, Episcopo instante infra tempus ab Episcopo præfigendū, severè puniat, ac deumpunitione Episcopum certiore faciat, & aliàs Decretum ipsum in omnibus, & per omnia exequatur. --

§. 2. -- Cæterum, si Superior in Regulari
rem

rem delinquentem non animadverterit, quinimo, si illum impunitum ad alia suorum Ordinum loca extra Diocesim, ut præfertur, transmiserit, volumus, & simili motu, atque authoritatè decernimus, ut Superior, instante Episcopo, intra terminum ab Episcopo præfigendum, & sub eisdem indignationis nostræ, ac privationis dignitatum, & officiorum obtentorum, necnon & sub inhabilitatis ad illa, & alia impofterum obtinenda; ac ulteriùs privationis activæ, & passivæ vocis, ad quas à nemine, præterquam à Nobis, & Romano Pontifice pro tempore existenti restitui possit; ipso facto similiter incurrendis pœnis, ipsum Regularem delinquentem à loco, ad quem transmissus fuit, revocare, & in quo deliquit constituere, seu sistere teneatur. --

§. 3. -- Quod si hoc etiam facere prætermiserit, per præsentés similiter statuimus, ut Ordinarius loci, ad quem Regularis delinquens transmissus fuerit, super præmissis ab ipso Ordinario loci, in quo deliquit, similiter requisitus, vel aliàs de illius delicto informatus, ut præfertur, tamquam Sedis Apostolicæ Delegatus, prædictum Concilii Decretum omninò exequi, & in Regularem delinquentem severè animadvertere possit, & debeat &c. Non obstantibus &c.

- 6 Regularem in delicto comprehensum, ubi timetur de fuga, posse ad carceres Episcopales duci, decrevit *Trid. sess. 25 cap. 6. de Reformatione*; & de quolibet in casibus ab iure permissis firmant *Doctores Antonell. de Regimen. Eccles. lib. 7. cap. 18. num. 3. Sperell. decis. cit. nu. 13. Piafecus Prax. Epis. part. 2. cap. 3. art. 6. sub num. 23.* Nec alia ratione, nisi, vel, ut Episcopus,

pus, qui ex Decreto Concilii potest, & ex Constitutione Clementis debet, in defectum Superiorum, delinquentem punire, de qualitate delicti, saltem Summariè, informetur, ut secundum jura in casu animadversionis, per ipsum in delinquentem exequendæ, procedere valeat: vel, ut eam ad Superiorem cum præfixione competentis termini ad puniendum, transmittat; ex dispositione *S. Congr. per Barbosam relata, apud Donat. prax. Reg. tom. 1 part. 2. tract. 13. q. 54. num. 11.*; quæ ad dubium: -- an Episcopus statim habita notitia delictorum possit capere informationem, & illam ad Superiorem delinquentis remittere, ut nequeat de illo delicto ignorantiam præsumere? *Respondit* Possè. --

7. Informatio absque mora est sumenda, & quamprimùm detentus, in Monasterio custodiendus, etiam nemine instante, remitti debet. Ex provisione *S. C. apud Donat. num. 7.* dubium sibi propositum, tenoris sequentis: -- Quando Regularis extra Clausura notoriè delinquit, an detinendus sit in carceribus ab Episcopo, donec Processus in Curia Episcopali conficiatur; eoque compilato instante Superiore, remittendus sit ad Superiorem, unà cum his probationibus, quæ habentur? *Sacra Congregatio respondit*: Statim remittendum esse, etiam posito, quod Superior nullam instantiam faceret. --

8. Ubi, dictio *statim*, non est physicè, sed moraliter intelligenda, quæ, ut observat Sperellus ibidem, cum refertur ad actum executivum; temporis intervallum significat; propterea *Piassec. loco allegato num. 24.* Tempus remissionis restringit ad viginti horas;

ras; & ipse Sperellus cum communi Docto-
rum, ad duos dies limitat. Et diutius per
Piascum, aliosque apud Antonell. *num. 4.*
detinens Regularem, non suspectum de fu-
ga, vel in casu à jure non permissio, in ex-
communicationem incidit, ex adnotatione
*Glossæ in Clementina Frequens, de excess. Pra-
lat. verb. Cupiunt lib. 5. tit. 6.*

9. Decretum Trid. *cap. 14. num. 4. cit.* lo-
cum habet etiam si Regularis in propria Ec-
clesia notoriè, & cum scandalo Populi deli-
querit; cum tunc per Sperell. *num. 5.* cen-
seatur extra Claustra delinquere, quod te-
net Donat. *loc. cit. quest. 56. num. 4.* & An-
tonell. *num. 7. ex Decreto S. C. C. apud Sperel-
lum ibidem*, quæ interrogata: -- An Re-
gularis delinquens notoriè in Ecclesia, seu
Monasterio sui Ordinis, in quo degit, itaut
scandalo sit, dicatur delinquere extra Clau-
stra, ut locus sit dispositioni Concilii *cap. 14.*
*sess. 25. Regul. ? Congregatio censuit delinquer-
e extra Claustra, si in Ecclesia Monasterii*
deliquit: nisi clausis portis Ecclesiæ, &
solis Regularibus in ea existentibus, fuerit
commissum delictum. Si verò intra Clau-
stra Monasterii, vel Ecclesiæ interioris de-
lictum sit commissum, ex verbis Concilii
non videri procedere d. cap. 14., quod ex-
pressè dicit extra Claustra; tamen, si scan-
dalum sit notorium Populo, ex identitate
rationis idem videtur. Ideò referendum San-
ctissimo: Sanctitas Sua, dixit: Rescri-
bendum Episcopo, ut individuo exprimat
casum, prout contigit, ut sciatur melius
locus delicti commissi, & an Populo scanda-
lum ob notorietatem generet.

10. Doceri debet Episcopus de punitione per

Regulares juxta tenorē responſi *S. Congregationis apud Barboſ. relat. à Donat. quaſt. 60.* nimirum: -- Non ſufficere ut Superior Regularis ſententiam, aut etiam acta, ad Episcopum tranſmittat, ſed opus eſt, ut de punitione ipſa, & ſententiæ executione, Episcopum certiore faciat. --

II III. Cùm autem Regularis delinquens extra Clauſtra degit, ex *textu Trid. ſeſſ. 6. cap. 3. de Reſor.* ſubditur Episcopo, à quo, ſi Sedis Apoſtolicæ delegato, corrigi, & puniri poteſt; -- Eccleſiarum Prælati, *textus habet,* ad corrigendum ſubditorum exceſſus prudenter, ac diligenter intendant: & nemo ſecularis Clericus, vel Regularis extra Monasterium degens, etiam ſui Ordinis Privilegiū prætextu, tutus cenſeatur, quominus, ſi deliquerit, ab Ordinario loci, tamquam ſuper hoc à Sede Apoſtolica delegato, ſecundum canonicas ſanctiones viſitari, puniri, & corrigi valeat.

Etiam ſi Regularis ſit extra Clauſtra ſtudiorum cauſa *Trid. ſeſſ. 25. cap. 4. de Regul.*, vel alio quovis modo, etiam ad erectionem Monasterii, de ſui Superioris licentia, extra ſui Ordinis Monasterium habitet, Piaſec. *ſit. ſub num. 15. verb. eoſdem Regulares*; cum licentia Superioris, ut notat Sperel. *num. 19.* operetur dumtaxat, ne committatur Apoſtaſia, non verò, quin ab Ordinario pro exceſſibus poſſit puniri, Pignatell. *tom. 10. Conſt. 153. num. 6.*, ac ex Genuenſi refert Piaſec. *ibid.* fuiſſe à Sac. Congreg. declaratum hiſ verbiſ: -- Regularis manens extra clauſtra de licentia Superioris, tam in domo deputata ad erectionem Monasterii, niſi in dicta domo ſit Regularis obſervantia, ut ſaltem vivat

ſub

sub Superiore conventualiter, potest puniri ab Ordinario.

13. Quod quidem à fortiori extenditur ad vagos Religiosos, qui cum absque obedientialibus literis à propriis Conventibus recedant, possunt, tamquam sui instituti desertores, ab Ordinario puniri, prout eidem in terminis concedit Trid. allegato *cap. 4.* etiam per conjectionem in carceres, sive habitum deferant, sive non, Antonell. *cap. 19. nu 3.*
14. Item ad Regularem degentem extra Monasterium in domo Parochiæ Monasterio unitæ, dummodo delictum sit in concernentibus Animarum curam, & Sacramentorum administrationem, tunc enim ex dispositione Greg. XV. *Const. Inscrutabili* ad Episcopum eundem punire spectat. Peyrin. *de Privil. tom. 1. ad 1. Const. Sixti IV. §. 11. num 27.*
15. Et ad Novitios in casu fugæ à Conventu; & posse Ordinarium ad eorumdem capturam per suos Ministros procedere, ob delictum in seculo patratum, cum præsumatur in fraudem Religionem intrasse, tradit Roderico *tom. 2. questionum Regul. quest. 63. art. 7. & Donat. cit. quest. 62.*; Non verò extra casus ab jure permisos, aliàs excommunicationem Canonis non evaderent ex *cap. Religioso, de sententia excommunicationis in 6. lib. 5. tit. 11. verb. Quamvis.*
16. Regulares, quomodocumque privilegiati, comprehenduntur sub dispositione Constitutionum Apostolicarum in concernentibus fidem Catholicam, ejusque propagationem, ac S. Inquisitionis Officium, hætenus per Sedem Apostolicam editarum, & de cætero edendarum Urb. VIII. *Const.*

Cum sicut accepimus Bull. Cbeurb. tom. 4. pag. 180.

Quorum item, quomodolibet privilegiorum, de hæresi culpabilium, posse Inquisitores hæreticæ pravitatis causas cognoscere, eosque punire, voluit Pius IV. *Const. Pastoris idem Bull. tom. 2. pag. 65.* & Paulus V. *Const. Romanus Pontifex tom. 3. pag. 209.* revocavit quascunque facultates Superioribus concessas cognoscendi causas suorum subditorum ad Officium Inquisitionis quoquomodo pertinentes.

- 17 Nec possunt se privilegiis tuèri, quin in eos, si hæreses prædicaverint valeant locorum Ordinarii, uti Sedis Apostolicæ Delegati, procedere. *Trid. sess. 5. cap. 2. de Refor.*

Cum etiam absque licentia alloquuntur Moniales ex provisione Sac. Conc. Conc. ad dubium: -- An Regularis absque legitima licentia accedens ad Monasteria Monialium Regularibus subjectarum, ibique in loco colloquiis destinato, cum Moniali colloquens, à Diæcesano Episcopo, tamquam à Sede Apostolica Delegato, coerceri, & puniri possit? -- & censuit: *Posse. Bull. Cher. tom. 3. pag. 404. ad Const. Inscrutabilis Gregorii XV.* Cui ab eadem Congr. ibidem in vim alleg. Const. conceditur posse punire Regulares procedentes ad Abbatissæ electionem, vel eadem non prænunciato electionis die, vel ante tempus significatum. Ex dictis *cap. Offic. quoad Abbatissæ electionem.* Et in responsione ad tertium decimum ibidem declarat: *Constitutionem habere locum in omnibus delictis, (à Regularibus, nimirum, commissis circa Claustrum, aut personas intra septa Monasteriorum*

rum Monialium degentes) *non autem in notoriss tantum, & cum Populi scandalo.*

Verum, siue ab Episcopo, siue ab eorumdem Superiore, Regularium delinquentium corrigantur, & puniantur excessus, id prudenter, & diligenter juxta Tridentini monitum *cap. 3. sess. 6.* exequi debet; & in casu ad praxim deduci, quæ *cap. 1. de Refor sess. 13.* proutili Animarum regimine tradit Superioribus necessaria; -- quos illud primum admonendos censet, ut se Pastores, non Percussores esse meminerint, atque ita præesse sibi subditis oportere, ut non in eis dominentur, sed illos tamquam filios, & Patres diligant; elaborentque, ut hortando, & monendo ab illicitis deterreant; ne ubi deliquerint, eos penis coercere cogantur; quos tamen si quid per humanam fragilitatem peccare contigerit, illa Apostoli est ab eis servanda præceptio: ut illos arguant, obsecrent, increpent in omni bonitate, in patientia; cum sæpe plus erga corrigendos agat benevolentia, quam austeritas: plus exhortatio, quam comminatio: plus charitas, quam potestas.

-- Si autem ob delicti gravitatem virga opus fuerit, tunc cum mansuetudine rigor, cum misericordia judicium, cum lenitate severitas adhibenda est; ut sine asperitate disciplina populis salutaris, ac necessaria conservetur: & qui correcti fuerint, emendantur: aut si resipiscere noluerint, cæteri salubri in eos animadversionis exemplo à vitiis deterreantur; cum sit diligentis, & pii simul Pastoris officium, morbis ovium lenia primum adhibere fomenta: post, ubi morbi gravitas ita postulet, ad acriora, & graviora remedia descendere.

Vide Offic. quoad exemptionem ab Ordinariæ jurisdictione.

C A P U T XIV.

Officialis quoad Diœcesanam legem.

S U M M A R I U M.

- 1^a Concilia Diœcesana quolibet anno celebranda.
- 2^a Ad ea tenentur accedere Regulares habentes curam Animarum.
- 3^a Causa, cur debeant accedere?
- 4^a Possunt per Ecclesiasticas censuras compelli.
- 5^a Ceteri Regulares non tenentur.
- 6^a Qualibet lex ad bonum publicum ordinatur.
- 7^a Lex extra Territorium statuentis non ligat.
- 8^a Constitutiones Synodales, an ligent Regulares?
- 9^a Regulares tenentur ad jejunia ab illis inducenda.
- 10^a Observare debent festa, & censuras Episcopales.
- 11^a Synodus servanda quoad tempus humationis cadaverum.
- 12^a Solos Regulares habentes curam Animarum possunt Episcopi cogere ad interessendum lectioni casuum conscientiae.
- 13^a Quid propriè importet suspensio lata in Synodo contra Confessarios Regulares non accedentes ad casuum conscientiae conferentias.
- 14^a Divisio potestatis jurisdictionis.
- 15^a Episcopus potestatem Ordinis exercet, in quos jurisdictionem habet.
- 16^a Nulla est lex jurisdictionis Episc. propriè, quæ non sit Diœcesana.
- 17^a Ab utraque sunt Regulares exempti.
- 18^a Loca aliqua sunt de Diœcesi, & in Diœcesi: & alia in Diœcesi, sed non de Diœcesi.

- 19 *Regulares non tenentur ad solvendum Synodaticum, nec Cathedraliticum.*
 20 *Nec ad charitativum subsidium.*
 21 *Regulares tenentur ad solutionem decimarum pro bonis de novo acquisitis.*
 22 *Eas non solvunt non possidentes stabilia.*
 23 *Etiam Moniales ad id sunt adstrictæ.*
 24 *Quibus immunitas à solvendis decimis obtinetur?*
 25 *Bona fides ad præscribendum est necessaria.*

Singulis annis ex dispositione Trid. sess. 24. cap. 3. de Reform. sunt per Episcopos celebranda Diæcesana Concilia, in quibus ea statuuntur, quæ ad moderandos mores, corrigendos excessus, & controversias componendas conducant, quod observant Pignat. tom. 1. Consul. 178. num. 7. & Engel. Colleg. univer. jur. Canon. lib. I tit. 33. § 4. nu. 47. Propterea leges, & Constitutiones ad præfatos effectus condere valent; eaque item sancire, quæ pro recta administratione curæ animarum censent necessaria.

Ad quæ, vel Synodos, vocantur omnes, qui de jure interesse debent; & accedere tenentur etiam Regulares ad Animarum curam deputati. Piafec. prax. Episc. part. 2. cap. 1. art. 1. nu. 3. & cap. 3. art. 6. sub num. 36. §. iidem, extendit etiam, si cura animarum sit in ipsis Regularium Ecclesiis.

Quod his verbis Trid. loc. cit. statuit: -- Synodi quoque Diæcesanæ quotannis celebrantur, ad quos exempti, etiam omnes, qui aliàs, cessante exemptione, interesse deberent, nec Capitulis generalibus subduntur, accedere teneantur. -- Et est certum, quod si Regulares curati non essent exempti, interesse tene-

tenerentur, ratione curæ Parochialis, ut ex iis, quæ ibi subdit, liquet, -- ratione tamen Parochialium, aut aliarum secularium Ecclesiarum, etiam annexarum, debeant ii, qui illarum curam gerunt, quicumque illi sint, Synodo interesse. --

Et id, ut per accessum ad Synodum, de iis, quæ fuerint in Synodo decreta, informetur, ut ea noscant, quæ sui muneris sunt, & possint rationem suæ administrationis Episcopo visitaturo reddere. Cujus jurisdictioni, visitationi, & correctioni in iis, quæ dictam curam, & Sacramentorum administrationem respiciunt, per Trid. sess. 25. cap. 11. de Reg. & Const. Greg. XV. Inscrutabili subiiciuntur. Et posse Ecclesiasticis censuris per Episcopos ad accessum compelli, tradit Peyrin. de Priv. ad Const. Julii II. §. 25 n. 65.

Cæteri verò Regulares exempti, sive Prælati, sive subditi, non tenentur per Tridentinum ad Synodum accedere; quia, Capitulis generalibus subduntur. Quod item notavit Piasecus eadem part. 2 cap. 1 art. I. nam. 3. præsertim de exemptis Mendicantibus. Nec compelli ab Episcopo possunt, prout Julius II. Const. Virtute conspicuos apud Peyr. loc. cit. concessit Minimis; & Clemens IV. Const. Virtute conspicuos Minoribus Bull. Cberub. tom. 2. pag. 162. §. 25.

Possent aliqui opinari, Regulares legibus, & Constitutionibus Synodalibus ligari, eo quia ad obligationem legis in non subditum inducendum, sufficiat publica utilitas; verum id ad concludenter probandum, nec sufficit, nec efficax censetur; aliàs, ut notat Sperell. dec. 188. num. 77. tota Ecclesiastica exemptio subverteretur; cum quælibet lex
 natura

natura sua ad bonum publicum ordinari sit necesse, nè inutilis sit.

Nec tamen est absolutè resolvendum Synodalem Constitutionem omni vi carere ad obligandos exemptos; ex quo lex extra Territorium statuentis non liget, ut idem *decis.* 88. tradit; & Regulares extra Territorium Synodi censentur, cum eorundem Superior non sit.

Sed distinguendum inter Constitutiones: Si ad Clericorum mores reformandos, & moderandos sint institutæ, his non ligari Regulares, firman; Peyrin. *loc. cit. nu.* 77. Lezzan: *summ. quæst. Reg. tom. I. cap. I. num.* 13 Lantusc. *verb. constitutio num.* 5. Hasbens. *sum. select. quæst. verb. constitutio num.* III. aliique. Si verò, actiones communes, devotionem totius populi respiciant, & Regulari Observantiæ non adversentur; inter quæ quædam numerantur jejunia, festa, & alia, Religiosos quoque ligant; non quidem debito obedientiæ, sed jure naturali; quia cum & illi sint partes, & membra illius populi, toti corpori, per citatos ibidem, se conformare tenentur.

Verùm quicquid sit, an jejuniis per Synodales, vel Episcopi leges inductis ex sola decencia, & ad vitandum in populis scandalum adstringantur, vult ut Hasbensis, vel vi tantum directiva, & ut se conforment cæteris, ut Donatus *Prax. Regul. tom. I. part. 2. tract.* 15. *quæst.* 25. *num.* 4, id est certum, stricto obedientiæ debito iisdem, quoad ea, quæ rectam Sacramentorum administrationem concernunt, aliaque in Constitutione *Inscrutabili* Greg. XV. & *Superna* Clem. X. contenta, parere debere.

Et ad se conformandum secularibus in obfer-

observatione censurarum Episcopaliū, & fessorum Diœcesis, præcipit Trid. *sess. 25 cap. 12.* prout sequitur: -- Censuræ, & interdicta, ne dum à Sede Apostolica emanata, sed etiam ab Ordinariis promulgata, mandante Episcopo, à Regularibus in eorum Ecclesiis publicentur, atque servantur. Dies etiam festi, quos in Diœcesi sua servandos idem Episcopus præceperit, ab exemptis omnibus, etiam Regularibus servantur, -- quod notavit etiam Engell. *Colleg. jur. Can. lib. 2. tit. 9 §. 2. num. 8.*

- 11 Est item servanda synodus quoad tempus humationis cadaverum, ex responsione S. C. Rituum *in una Senogallien. sub die 22. Junii 1675. ad Primum supplem. Theatr. Reg. verb. associatio num. 5.*

Ad casuum autem conscientiae interessendum lectioni nequeunt Regulares, nisi sint Parochi, & curam animarum habeant, de jure, per leges synodales, & Episcopi cogi, ut tradit Pignatel. *tom. 1. consult. 418.* & Donat. *Prax. Regul. tom. 1. tract. 13. quæst. 25 nu. 5.* & in terminis firmavit ipsa S. C. C. *sub die 3. Septembris 1630. in una Forosemprenien. lib. decr. 19. fol. 76.*

- Adeo ut suspensio à confessione lata in Synodo contra Confessarios Regulares ad eam non accedentes, non sit per Donatum. *loc. cit. num. 7.* propriè suspensio, & censura; cum
13 *cap. ut Animarum de Constit. in 6. lib. 1. tit. 2.* statuta Episcopi non obligent, nisi subditos, eosque dumtaxat censuris ligari valeant; Præfati verò Regulares propter exemptionis privilegium, Episcopo non subduntur; sed est dumtaxat ex causa rationabilis approbationis revocatio. Unde.

de loc. cit. Donat. notat, quod quamquam contravenientes à munere audiendi Confessiones ob accessus omissionum suspendantur, si eo non obstante, adhuc administrent, irregulares non fiunt licet peccent, & invalidè absolvant.

Sunt Regulares exempti à lege jurisdictionis Episcopalis, prout hæc est restricta ad significanda ea, quæ ad potestatem jurisdictionis referuntur ut sunt citare, absolvere, punire, &c. quia si ad legem jurisdictionis reducantur etiam, quæ ad Ordinis potestatem spectant, ut sunt confirmare, dare Ordines, consecrare, & hujusmodi, ea parte, quæ ista comprehenderet, eos lex jurisdictionis ligaret, cum ex Engel. de Privileg. monast. privileg. 3. Episcopus potestatem Ordinis exercere non possit, nisi in quos jurisdictionem habet.

Et cum Pignatell. tom. 10. Consultat. 105. n. 18. Nulla sit lex jurisdictionis, accepto vocabulo propriè, quæ non sit Diæcesana, nec lex Diæcesana detur, quæ non sit jurisdictionis: sive lex Diæcesana statuatur de iis, quæ sunt conferenda Episcopo, & ab ipso recipienda, uti sunt quarta mortuorum, & decimarum, & alia temporalia subsidia, quæ ipsi ratione sui muneris debentur; sive de aliis, quæ tangant mores Cleri, in casibus, in quibus Monasteria per Apostolicas literas à Diæcesana eximuntur, ab ea item jurisdictione exempta esse censentur; cum hæc item ad loca extendatur, quæ sunt in Diæcesi, & de Diæcesi verò ad ea, quæ licet in Diæcesi existant, intra nimirum ipsius limites, tamen propter exemptionem de Diæcesi non sunt: per ea, quæ tradit Fagnan. cap.

pastoralis de his, quæ fiunt à Prælato nu. 34.
 & Engel. *lib. 5. tit. 33. §. 4. n. 23.*

Et sic à Diæcesana sunt exempti, ut si ab Episcopo aliqua exigantur, quæ ad eam pertineant, ad ea præstanda non teneantur, nisi contrarium reperiatur expressè statutum, propterea Piafecus *praxis Episcopalis p. 2 c. 2. art. 2. n. 12.* notat Regulares propter particulares exemptiones non teneri ad Synodaticum, seu cathedraticum solvendum Episcopo, dum à Clero ipse exigit, quod in signum subjectionis, & honorem Cathedralis debet iste præstare.

19 Nec tenetur ad charitativum subsidium, quod Episcopi ab Ecclesiasticis, iuxta ex causa, & de consensu Cleri, & Capituli pro necessitate, vel utilitate Diæcesis petere possunt: Etenim Charitativum subsidium legi Diæcesanæ accessentur, ut tradit Engel. *loc. cit. n. 5. de privil. Monasterior.*

20 Tenentur ad solvendas Curatis decimas prædiales de bonis ab ipsis noviter acquisitis, nisi obtinuerint à Sancta Sede speciale privilegium eos expressè eximens, prout pluries firmavit Sac. Congr. &c. apud Nicolio *prax. Juris Can. lib. 3. tit. 30. & specificè in una Civitatis plebis 24. Novembr. 1657. & in una Camerinen. 15. Novemb. 1659.* Ut sequitur, Sac. C. C. censuit -- Bona; & prædia, quæ, dum à Laicis possidebantur, decimarum solutioni erant obnoxia, ad Regularem Monasteria cum suo onere transiere, ac propterea Regulares teneri illasolvere, quemadmodum tenebantur Laici, priusquam Bona ipsa in Monasterium transfuissent, dictisque Regularibus non suffragari allegata privilegia, sed requiri speciale privilegium

gium posterius Sacro Conc. Trid. cum individua derogatione -- *C. Nuper* 34. de decimis. Ubi expressè disponitur decimas esse solvendas de prædiis, bonis, & terris, quæ per religiosos de novo acquiruntur, & ea, vel propriis manibus, vel sumptibus excolunt, dum antea erant decimis obstricta, vide *Decretalem lib. 5. tit. 3. de Decimis*.

Ad quas, & Papales, ut idem refert, non tenentur Regulares non possidentes stabilia, qui de eleemosynis vivunt, ut item S. Congr. 22 sub die 27. *Octobr.* 1625 in specie pro observantibus disposuit.

23 Moniales verò tenentur prout eadem Sac. Congr. Conc. 1. *Septembr.* 1629. ejusdem testimonio decrevit, ut infra Sac. Congr. censuit ea, quæ supra dicta sunt de Regularibus, procedere etiam in Monialibus, scilicet, quod Moniales tenentur ad decimas prædiales, ratione prædiorum noviter acquisitorum, quæ, dum à Laicis possidebantur, decimarum solutioni erant obnoxia, & ideò transierunt cum onere suo: nec posse Monialibus suffragari prætensam, quasi possessionem, nisi esset immemorabilis cum fama privilegii. --

24 Immunitas à solvendis decimis obtinetur, ne dum privilegio specificè exemptivo, sed etiam consuetudine, & præscriptione, ut optimè observat Engel. *lib. 3. tit. 30. § 3. n. 46. & seqq.* & ad præscribendum contra Ecclesiam Parochialem, tradit, cum titulo requiri spatium quadraginta annorum, & sine titulo, ut temporis solutionis non existat memoria, ex *cap. Episcopum de præscriptionibus in 6. lib. 2. tit. 13.* in hac tamen, sicut in quavis alia præscriptione, est semper, ex *cap. 2. titulo*

25 *cir.* necessaria bona fides, ut scilicet quis
fine

176. *Officialis quoad*
sine contumacia , dolo , & fraude , sed
iusto errore fuerit in possessione non solven-
di , aliàs mala fides cum præscriptione ei
non prodesset , prout notat Glossa in alleg.
cap. Episc. cit. verb. nisi istud .

C A P U T X V.

Officialis quoad Electionem Præla-
torum .

S U M M A R I U M .

1. *Electio à collatione distinguitur .*
2. *Contemptus potest irritare Electionem .*
3. *Confirmantur Electiones legitime .*
4. *Tempus ad opponendum præfixum .*
5. *Etiam absentes sunt vocandi .*
6. *Dies certa Electionis significanda .*
7. *Assignato termino , possunt ceteri ad Ele-*
ctionem procedere .
8. *Absentium vota per Procuratorem non sup-*
plentur .
9. *Non instituuntur vocales Titulares .*
10. *Leges subrogandi subsistunt .*
11. *Vota alternativa , conditionata , & incerta ,*
reprobantur .
12. *Prælati eliguntur per vota secreta .*
13. *Clausula Decreti irritantis actum secus ge-*
stum annullat .
14. *Publicatio unius voti electionem cassat .*
15. *Etiam si fieret privatè .*
16. *Et si contingeret per errorem .*
17. *Ignorantia excusat à pœna .*
18. *Quo tempore publicatio facta noceat ?*
19. *Limitatur .*
20. *Electio per publicam acclamationem nõ valet .*

- 21 *An suffragia debeant dari in scriptis ?*
- 22 *Immissio scheda alba in urnam electiōnem non irritat .*
- 23 *Sine libertate non stat electio .*
- 24 *Restricta ad tres , vel quatuor , est nulla .*
- 25 *Quid si restringitur ad Lectores , Magistros , &c .*
- 26 *Libertas quid importet ?*
- 27 *Præsidii non creditur , si aliquem excludat .*
- 28 *Per subornationem libertas leditur .*
- 29 *Mutuo eligentium pacto libertas offenditur .*
- 30 *Pœne contra subornantes per Clementē VIII .*
- 31 *Aliæ per Pium V .*
- 32 *Facultas absolvendi ab excommunicatione .*
- 33 *Tractatus consultiōis electiōib . præmittatur .*
- 34 *Juramentum de eligendo magis dignum .*
- 35 *Causa jurandi , qualis ?*
- 36 *Quis sit dignior ad Prælaturam ?*
- 37 *Non positivus , sed comparativus eligendus .*
- 38 *Ineligibiles in Ordine Minorū de Observantia .*
- 39 *Constitutio declaratoria Innocentii XII .*
- 40 *An Prælatuæ Regulares dicantur beneficia Ecclesiastica ?*
- 41 *Munus , vel à manu , à lingua , vel obsequio , simoniam inducit .*
- 42 *Simoniacè electus debet renunciare .*
- 43 *Etiamsi Simonia fuerit occulta .*
- 44 *Verba Extravagantis : cum detestabile , extenduntur .*
- 45 *Enumeratur aliqui casus electiōis simoniacæ .*
- 46 *Pactum de re spirituali Simoniam inducit .*
- 47 *Quid de Paupere de commodo electiōis ?*
- 48 *Vota respectu quorum debeant esse majora ?*
- 49 *Ad Electiōnem canonicam sufficit major pars Ex Clementina Exvii .*
- 50 *Majoritas numerum , & sanitas zelum , respicit .*
- 51 *Electus ante cōfirmationem non administrat .*

- 52 *A quibus electiones confirmantur.*
- 53 *Quando inhabilis vitiet electionem.*
- 54 *Præses non privat aliquem voce activa, vel passiva.*
- 55 *Tempus electionis.*
- 56 *Regule quorundam eligendorum apud Minores de Observantia.*
- 57 *Votum decisivum in paritate votorum habet aliquando Provincialis.*
- 58 *Procurator Generalis, & Commissarius Curia Ordinis Minorum de Observantia eliguntur de sexennio in sexennium.*
- 59 *In casu vacantia recurritur ad Sedem Apostolicam.*
- 60 *Eorum Electiones fiunt per ballottationem.*
- 61 *Electio Procuratoris Generalis Reformatorum pari modo fit.*
- 62 *Ministri Generales Ordinis Minorum prærogativis fruuntur, etiam non expleto sexennio.*
- 63 *Suffragia Monialium ægotantium in Electione Abbatissæ, an recipienda.*
- 64 *In Electione Abbatissæ non potest interesse Notarius, & sine eo facta, subsistit.*

Potissima vis electionis, ejusque ratio, ut à collatione, institutione, & deputatione secernitur, in votis Capitularium, seu Eligentium consistit, ut tradit Engel *Colleg. univ. Jur. Can. lib. 1. tit. 5. cui subscribens Ameno præct. crim. tit. 2. §. 1. n. 32. pag. 78. addit*: Electionem canonicam exigere essentialiter, quod sit facta à Collegio, sic, ut si ab uno dumtaxat habente facultatem eligendi, eamque confirmandi, sit facta, creatio, & collatio, non verò electio, dicatur.

- 2 Ideò ad electiōnem sunt vocandi , quotquot habent de jure jus suffragandi , ut tenent Doctores communiter ; ex *cap. Quia propter de Elect. lib.1. tit.6.* & ibi videnda *Glossa ver. qui debent* ; adeò ut, si vel unus, qui de jure, aut consuetudine vocari debuisset, vocatus non sit, possit agere de contemptu, & electiōnem irritare, ex notatis per Engel. *ibidem §.1. n.11.* nisi ob bonum pacis velit electiōni consentire, & non contradicere.

Propterea, ut habet Hasbenfis *Summ. qq. select. verb. electio num.174.* dicendum, quod, licet electio taliter facta non sit ipso jure nulla, est tamen annullanda, si opponat de contemptu ; quamquam unius tantum contemptus sit, cum ex adnotatis à Pignateli. *tom.10. Consul.19. n.11.*, plus obsit contemptus unius, quàm contradictio multorum.

- 3 Etiam postquam fuerit confirmata, per Laym. *qq Canon. de Præl. elect. cap.4. q.40.* quia confirmantur electiōnes, non quęcunq; , sed legitimè. Limitatur tamen si contemptus ante confirmationem, sciens electiōnem factam, nihil opponat ; cum in casu censeatur tacitè approbare, & juri suo renunciare, ut postea non sit audiendus. Imò contemptus ratam potest habere electiōnem, quę non est cassanda, si ipse taceat, & ratam habeat, ut tradit Passerin. *de elect. cap.11. n.119.* & Spere. *decis 181. n.43. addens, num.47.*, modo electio, habito respectu ad contemptos, fuerit facta à majori parte, aliàs remaneret nulla.

- 4 Tempus ad opponendum per appellatiōnem disponitur capite *Concertationi de Appellationibus in 6. lib.2 tit.15.* ad decem dies. Et forma, ab jure statuta, servanda ad opponen-

ponendum electioni, habetur, ut notavit Pignatell. ibi *conf. 42. n. 3. c. apite ut circa de electione in 6. lib. 1. tit. 6.* ubi in terminis: -- Appellantes in instrumento publico, seu literis super appellatione confectis, omnia, & singula exprimant, quæ in forma intendunt obijcere, vel personas coram personis authenticis, aut persona, quæ supra hoc testimonium perhibeant veritati, corporali præstito juramento, quod credunt ea, quæ sic exprimunt esse vera, & se posse probare.

Dici non potest contemptus, & nulla injuria irrogatur ei, qui manens in Conventu, ad effectum Capituli electo, si ad locum electionis cum aliis non accesserit, utpote, sicut cæteri, & ipse per sonum Campanæ vocetur Pignatell. *num. 17.*

- 5 Etiam absentes esse citandos, nisi sint valde remoti, & possint commodè interesse, tradunt cum aliis Laym. *cir. q. 36.* & Engel. *num. 11. & cap. cit. quia propter;* exprimendo ad effectum electionis vocari, ut sic vocati, vel gressus accelerent, vel de impedimento doceant; cum præfixione temporis pro electione determinati, & sufficientis, ex notatis à Pignatell. *Consul. 58 n. 4.*

- 6 Aliàs si dies certa electionis in citatione ommitteretur, singula post eam gesta, vitio nullitatis subjacerent; cum talis sint generis ea, quæ prævia citatione certam diem non continente, exequuntur. Et tempus non debet esse ita breve, ut impossibile sit in eo comparere; alioquin pro non facta citatione letetur, ut tradit Bonifacius VIII. *extravagant. Rem non novam de dolo, & contumacia lib. 2.* Et non solum tribus diebus sunt expectandi, sed quot erunt pro itinere necessarii,

farii, nisi esset in dolosa mora, quia juxta regulam 26. in 6. *mora sua cuilibet est nociva*, & notavit Sanctior *super statuta S. Francisci c. 8. stat. 36. pag. mibi 641.*

7 Assignato termino ad eligendum præfixo, & ad comparandum sufficiente, possunt cæteri ad electionem procedere, quamquam alii non accesserint; cum propter eorum absentiam suo jure non priventur. Imò si idè esset electio retardanda, posset id sæpè propter aliquorum malitiam, in certum Religionis damnum contingere, ut ibidem *stat. 19. pag. mibi 582.* idem observavit Sanctior: Et Hasbenf. *num. 176.* extendens etiam ad casum, quo aliqui in loco electionis, cum cæteris congregati, ex eo irrationabiliter exeunt. Tunc enim cum Electoribus amplius non computantur per Roderic. *resolut. 58. verb. de Electiōne Prælatorum num. 13.* & remanentes jure suo uti possunt, & ad electionem procedere, quod præter ipsum docet Layman. *quæst. 36.* apud quos, ex Engel, *num. 12.* totum jus eligendi residet; & universam Religionem repræsentant, Sanct *allegato, stat. 19.*

8 Absentium vota per Procuratorem suppleri non possunt, ut censuit Sac. Cong. Concil. in una *Bulgarie die 3. Decembr. 1644 ad cap. 6. sess. 25. de Regul.* apud Pignatell. *to. 1. Consul. 285.* in terminis Regularis ob paupertatem impotentis se transferre ad locum Capituli; & eadem Sacr. Congr. *censuit cavendum, ne deinceps Titulares constituantur ad effectum electionis faciendæ, aut voces, & suffragia absentium suppleantur. lib. 12. decret. fol. 149.*

9 Et cum Trident. *sess. 25. cap. 6. de Reg.* id
I etiam

etiam prohibeat, intelligendum est ex Pignatell. 10. 10. Consul. 77. n. 16. id esse interdictum Præsidi Electionis, vel Capitulo, sic, ut nequeant propria autoritate Vocales Titulares, aliosve ad effectum electionis instituire, & simili modo absentium supplere vota, cum hujus generis electiones, nec secundum Deum sint, & in Religionum perniciem sæpius contingant.

- 10 Nec sequitur tolli Constitutiones Ordinum de subrogatione (præsertim per Sedem Apostolicam approbatas) cum in casu vota non suppleantur autoritate Præsidis, cui sit voluntarium, aliquos sibi benè visos in fraudem electionis assumere, sed necessitate legis, taxantis sub rogandorum qualitates, & genus.

- 11 Vota alternativa, ut *eligo Petrum, vel Paulum*: & conditionata, si conditio sit de futuro suspendens actum, ut; *Eligo Petrum, si in eum major pars Capituli consenserit*: & incerta, ut *illum eligo quem Paulus eligit*, pro non datis habentur, & reprobantur capite in *Electionib. de Elect. in 6. lib. 1. tit. 6. & notat ibi Glossa*, ea esse ipso jure nulla, sic, ut tota potestas eligendi apud eos sit, qui purè, & absolute elegerunt.

- 12 Prælatorum electiones per vota secreta debent fieri; & sic, ut nomina eligentium nunquam publicentur, per disposita; allegato cap. *Quia propter*, & à *Trid. loc. cit.* eo fine, ut omnia rectè, & sine ulla fraude fiant: &, ut significaret id ad formam substantialem electionis pertinere apposuit, (sed prius eo allegat cap.) clausulam Decreti irritantis: irritam declarando quamcumque electionem aliter factam, prout notavit Spirell.

rell. *decif.* 161. n. 8. & 181. n. 13. ibidem cum
 13 aliis notans ejusdem Decreti clausulam ip-
 so jure actum secus gestum annullare ; ad-
 dens num. 15. omnem in contrarium tollere
 consuetudinem , quia non datur locus con-
 suetudini contra Decretum irritum , Do-
 nat. tom. 1. tract. 1. q. 11. n. 3. Ne dum in præ-
 teritum , sed etiam in futurum , prout Has-
 benis *loco cit.* n. 184. & Rota coram Rojas *de-*
cif. 618. num. 24. tom. 2. p. 5. *decif. Revent.*

14 Quare , electio facta cum publicatione vo-
 ti unius dumtaxat Electoris , ut certò inde
 sciri possit , cui suffragium dederit , statim
 corruiat , & ipso jure est nulla : ex non ser-
 vata forma ejus substantiali in præfato vo-
 to , ut firmanr Doctores , Sanct. *cit. capit.*
stat. 4. Pignatell. *Consul.* 77. Habens , ibidem
 Sperell. *decif.* 161. *referens* num. 21. Vasquez
 rationem , quod res perfecta non est , si aliqua
 ex parte forma desit , per quam constituitur ,
 cum perfectum id sit , quod omnibus suis par-
 tibus constat .

Quod intelligendum , ne dum , si totum
 Capitulum consentiat , vel unicum votum
 permittat manifestari ; sed etiam , si quis
 15 privatè , & sine consensu Capituli , suam
 schedulam publicet ; quia defectus formæ
 substantialis , ex Sperell. n. 22. , inficit abso-
 lutè electiōnem , undecumque proveniat .
 Et utrumque videtur esse contra dispositio-
 nem Conciliarem , non distinguentem pu-
 blicè , vel privatim , & exigens vota debere
 esse secreta , & sicut ex Glos. *in cap. Quia pro-*
pter non valet depositio testis , nisi secretò
 deponat ; (& hoc exigitur , ut liberius veri-
 tatem dicat) sic in casu .

16 Etiam si manifestatio contingat ignoran-

ter, & per errorem, quia Decretum irritans, etiam ignorantes ligat *cap. Dudum de præbendis in 6. §. Et quia Decretum lib. 3. tit. 4. & cap. Quodam ibidem*; & ex clausula, quod apponi solet in *Constitut. Pontif.* prout sequitur: -- ac irritum, & inane, si secus super his à quoquam quavis autoritate scienter, vel ignoranter contigerit attentari. -- Et apud Sperell. *num. 31. allegat. decis. 161.*

- 17 Ignorantia ad summum facit, quod publicans, penas statutas non incurrat, ex *Gloss. ad Text. Clement. Nolentes de Hæreticis verb. ex nunc.*
- 18 Publicatio voti, ut concludat electionis nullitatem per notata à Pignatell. *num. 15.* & Hasbens. *n. cit.* debet esse, vel in ipso electionis actu, vel priusquam publicetur, aut inclusivè ante confirmationem. Unde si post istam contingat, electioni, per Sanctoro, non nocet, cum jam sit canonicè facta, & in rem judicatam transierit. Noceret tamen, si in literis electionis nomina Eligentium exprimerentur, quamquam in scrutinio fuerint secreta. Pignatell. *num. 13.*
- 19 Limitatur ab iisdem, & Sperell. *num. 13.* Roderic. *tom. 2. q. 51. art. 9.* in casu, quo quis in fraudem electionis, & ad eam infringendam, suum votum publicat; etenim tunc electio substat, ne fraus, & dolus præfatto patrocinetur, & in potestate cujuslibet sit electiones, ad præscriptum Canonum celebratas, propria malitia vitare. Quod significat Passerin. *de elect. Canon. c. 17. de secreto elect. n. 13.*

Item dum quis, aut per errorem, aut malitiam alteri secretò suam schedulam ostendit;

dit; dummodò hujusmodi manifestatio, nec verè sit, nec præsumatur causa, cur potius iste, quam alter sit electus ex Sperell. *n.* 36.

20 Non sustinetur tamen electio facta ab Electoribus ad scrutinium congregatis, per publicam acclamationem, ob defectum formæ substantialis non servatæ.

21 Ubi electiones fiunt per schedulās, non officit electionis secretò, quod quis suum votum ex ignorantia non scribat, & ad scrutatores accedens, ore, secretò tamen, & sic, ut à cæteris de Capitulo non audiat, dicat: *Eligo in Provincialem, &c.* sicut secretæ, canonicæ & validæ apud omnes sunt electiones per Moniales oretenus factæ. Ideò non est necesse, ut suffragia dentur in scriptis, ita obsignata, ut nec Scrutatoribus innotescat nomen Suffragatoris; nisi aliter ex notatis à Pignatell. *num.* 13. *per Const.* vel Apostolicas, vel particulares Religionum, sit dispositum. Ut videtur esse apud Minores de Observantia ex *Const. Sixti V. incipit. Et communis cura editi* 29. *Julii* 1587. apud Roderico *Coll. Privil. Apost.* pag. mibi 494. præscribentis electiones semper faciendas esse per schedulas obsignatas, cum appositione Decreti irritantis: Etenim notat Passerinus *loc. cit.* non esse contra secretum electionis, nec contra formam Tridentin., quod Scrutatores sciant Eligentium nomina, cum in scrutinio auriculari Scrutatores nomina Eligentium sciant; limitat tamen, ut non verificetur, si cum Decreto irritanti præcipiatur eligere per schedulas omninò obsignatas sic, ut nec Scrutatoribus innotescat nomen Eligentium.

22 Non irritatur electio, si quis per errorem,

vel malitiam schedulam albam mittat in urnam, ut docet Lezz. *Sum. qq. Regul. tom. 1. cap. 15. de electionibus num. 18.* Rodes. *resolus. & num. cit.* Hasbenf. *num. 186.* quia censetur tunc suo juri renunciare, & nolle ea in electione vocem activam habere, sicut necesse de numero Electorum.

23. Irrita, & nulla est electio, cum ab Electoribus libertas suffragandi tollitur ex Cabazut. Theor. *juris Canon. lib. 2. cap. 24. num. 7.* nam in omnium sententia, libertas est de essentia, & substantia electionis, sine qua subsistere nequit; & expressè habetur, *cap. ubi Periculum de elect. in 6. lib. 1. tit. 6. §. capitulum*, ubi: *Cessat electio, dum libertas adimitur eligendi.*

24. Ideò nulla est electio sine autoritate Apostolica restricta, & limitata ad tres, vel quatuor, exclusis cæteris ex adnotatis à Roderico *resol. 58.* Hasben. *num. 185.* Mirand. *Prelat. quæst. 10. tom. 2. art. 22. concl. 2.* Pignatel. *conf. 77. num. 9.* Cabazut. *ibid. num. 9.* Peyr. *tom. 3. de Privilegiis, additam. ad Constit. Clem. VIII cap. 9. num. 19* refert Sacræ Congregationis Concilii responsum ad Dubium: -- An stante libertate electionis liceat Prælato Regulari proponere duos, vel tres, ex quibus necessariò eligatur unus? S. C. censuit non licere. -- *lib. 12. Decret. fol. 136.*

25. Et quamquam per DD. & Roder. *ibi, cit.* non dicatur restricta, si limitetur ad aliquod genus personarum, ut ad Magistros, Lectores, &c. vel ad certam Nationem; & valeat ex Donat. *quæst. 10.* sicut illa Pontificis, qui de Collegio Cardinalium assumitur; intelligendum tamen per *Sanctor. stat.*

stat. 14. dum arctatio particulares personas non respicit; nam si ex Natione, unusdumtaxat esset dignus eligi, electio non esset assumptio unius ex pluribus, nec Electores dicerentur liberè eligere; cum libertas sine in-
 26 differentia non sit; & hæc duo ad minus requirant, ut ad unum magis, quàm ad alterum determinetur per Pignatel. *tom. & consul. cit.*
Donat. tom 2. p. 1 tract 1. q. 9.

Ex quo ibidem notat Sanctior. Mortaliter Præsidentem peccare, si electiones arctet; cui credendum non est, si aliquem, juris ordine
 27 non servato, excludat, asserendo esse indignum Prælatum, prout tradit Ameno *pract. crim. tit. 12. q. 5. n. 29.* ejusdemque electio ex eodem *ibid.* & alterius à Præsidente non nominati, si contingat, valet, ex Roderic. Non sustinetur tamen illius à Præsidente nominatio, si nominatio fuerit causa, cur ipse sit electus, ut *stat.* 36 Sanctior. notavit.

28 Læditur electionis libertas, cum aliqui per subornationem, toto conatu, & viribus, Suffragatores moraliter cogunt ad ferenda Suffragia pro uno determinato, aliis relictis, ut optimè notavit, aliis cumulatis, Pignatel. *n. 7.* Sive id minis, & contumeliis obtineant, sive promissis, & donis extorqueant, sive importunis, & assiduis precibus, cæterisque aptis ad quorumlibet constantes movendos animos, lucrentur: aut metu, etiam reverentiali, aliove modo interdicto assequuntur; etenim non est dubium id per subornationem obtineri, consequenter libertati adversari, ut cum aliis docet Lezz. *cit. n. 21.*

29 Item, cum quidam ante electionem mutuo paciscuntur: *Elige me in Generalem, & ego eligam te in Provincialem,* quia in casu sus-

fragia, non liberè, sed ex obligatione pacti, per Pignat. *cit. tom. conf. 44. n. 30.* darentur.

Contra Subornatores, *Constit. Nullus omnino Bull. Cher. tom. 3. pag. 79.* pœnas Cle-
 30 mens VIII. apposuit, ut infra: -- Ut omnis officiorum ambitus occasio præcludatur, caveant omnes à directâ, vel indirectâ vocum, seu suffragiorum procuratione, tam pro se ipsis, quàm pro aliis, tum in Capitulis locorum, tum in cæteris, præsertim generalibus Capitulis, aut Congregationibus, seu alibi. Quicumque secus fecerint, præter alias pœnas, & censuras, hætenus contra hujusmodi ambientes inflictas, quas in suo robore permanere volumus, in pœnam privationis officiorum, quæ obtinent eo ipso incidant, & ad futura quæcumque pariter inhabiles habeantur, super quo cum eis dispensari à nemine possit, nisi à Nobis, vel Successoribus Nostreis, & pro qualitate culparum, gravius etiam plectantur. Por-
 rò supradictas omnes pœnas ad Complices, ac simpliciter scientes, & non revelantes extendimus.

Et Pius V. Subornatoribus, in Ordine Min. de Observ. alias addit, ut in *Constitut. Pastoralis Bull. Cherub. tom. 2. pag. 338.* vbi
 31 §. 4. disponitur. -- Qui verò in electionibus omnibus, vel ante eas per sex menses pro se, vel pro alio, subornaverit, excommunicationis sententiam ipso facto incurrat, à qua, nisi à Romano Pontifice, pro tempore existente, præterquam in mortis articulo absolvi non possit, ac voce activa, & passiva perpetuò careat; Subornatus, vel alius, etiam pro quo subornatio fiet, qui Subornantem non detulerit, eandem

pēnam incurrere censeatur.

Cui accessit Constitutio declaratoria Gregorii XIII. *Consuevit Romanus Pontifex, ibid. pag. 373.* tribuentis §.6. Ministro, & Commissario Generalibus facultatem absol- vendi ab ea excommunicatione, quando de ipsis non agitur; Et revocantis dispositio- nem Pii, eam pēnam extendentis ad Subor- natum, & alios, qui Subornantem non re- velaverint.

- 33 Cæterum electionibus præire, & præ- mitti debent tractatus Consultorii, in qui- bus discutiantur merita, partes, & qualita- tes Eligendorum, & ita necessariò, ut ele- ctio aliter facta, non valeat ex dispositione. *Cap. Cum in veteri de elect. lib. 1. tit. 6.* & ibi Glossa verbo in tractatu, ait: tractatus debe- re haberi ante electionem; &, si non præ- mittantur, electio cassatur; & textus non di- citelectionem esse ipso facto nullam; *sed ele- ctionis vitio duximus irritandam.* Et Trid. *sess. 24. cap. 1. de Reform.*, habentes jus in electionibus suffragandi, sic hortatur, -- ut, in primis meminerint nihil se ad Dei glo- riam, & Populorum salutem, utilius pos- se facere, quam si bonos Pastores, & Eccle- siæ gubernandæ idoneos promoveri studeant; eosque alienis peccatis communicantes, mortaliter peccare, nisi quos digniores, & Ecclesiæ magis utiles ipsi judicaverint: non quidem precibus, vel humano affectu, aut ambientium suggestionibus, sed eorum exi- gētibus meritis, præfici diligēter curaverint.

Ad quod respiciens Clemens VIII. *loc. cit.*

- 34 §. 23., habet: -- Jurentque Electores, secun- dum veritatem cujusque conscientiæ pro- biores, & magis idoneos, se electuros: --

Quod expresse injunctum reperitur Minoribus de Observ. per *Statuta Cap gen. 1676* specificè confirmata à S. M. Innocentio XI. *Const. Militantis Ord. Seraph. 10. 4. pag. 217.* -- ut sub pœna non suffragandi, antequam ad electionem Ministri, Custodis, Diffinitorum, & Guardianorum, procedant, sigillatim juramentum præstent Coram Ven. Crucifixi Imagine, præsentè Præsidente, se eum electuros, in quolibet prædictorum Officiorum respectivè, quem in conscientia, & omnibus æqualitate libratæ, digniorem judicabunt.

Abque autem examine, & prævio Eligendorum scrutinio qualitatæ, impossibile est, quempiam secundum propriam conscientiam certò affirmare, unum alio Prælatum digniorem. Et si id juramento firmet, à gravi non liberatur peccato, propter gravem irreverentiam Deo irrogatam; qui non est temerè in testimonium adducendus, sed cum justitia, veritate, & judicio per DD. *apud Summ. Leand. verb. Juramentum, num. 4.* Sic, scilicet, ut causa jurandi necessaria sit, sive utilis, sive pia; & jurans advertat, seù bona fide putet, verum esse, quod jurejurando firmat, ut advertit Tambur. *explic. Deal. lib. 2. cap. 1. de Juramento § 4. pag. 78.* Nullus enim hucusque dixerit de incognito juramentum licere; unde tractatu præciso, electio non esset rationabilis, sed casualis, & Electores mortaliter peccarent. Sanctior. *de penis par. 2. cap. 15. pag. mibi 156.*

36 Dignior in ordine ad electionem, ex notatis ab Hasbenfi *num. 162.* ille censetur, qui, cæteris consideratis, & perpensis, aptior ad regendum judicatur; Et quamquam alius

eo doctior, & sanctior reperiatur, tamen, quia in cæteris ministerio erit ineptior, ideo relinquendus iste, assumendus ille; cum in hoc non sit absolute attendendum ad majores qualitates morum, & Doctrinæ, sed ad illas, quæ præfato muneri magis proficiuæ, & utiliores judicantur: Dummodo eligendus sit aliàs idoneus, vita, moribus, & doctrina, juxta sensum Tridentini.

Nec subsistere censeo, assertum Hasbensis *num. 161.* posse aliquem pro bono pacis suffragari minus digno, si cæteri omnes illum eligere vellent, captivando intellectum proprium in obsequium singulorum, quod dignior sit: si aliàs, ita non esse noverit; & id ex circumstantia juramenti, de eo eligendo, qui sit dignior, non aliorum judicio, sed proprio. Ideo si Electores sine culpa esse ve-
37 lint, non positivum, sed comparativum eligant: non dignum, sed digniorem.

In Ordine Minorum de Corpore Observantiæ ad Prælaturas Religionis sunt intelligibiles, quotquot comprehenduntur sub
38 dispositione Innocent. XI *Constit. Sollicitudo. Orb. Seraph. tom. 4. pag. 233.*, in qua in terminis electionis habet: -- Statuimus pariter neminem eligi posse in Prælatum, siue Superiorem in Ordine prædicto, qui vitam communem observantiæ non sequatur, hoc est, qui frequenter equitet, seu infirmitatem, qua ab obligatione pedibus incedendi excusetur, habeat: qui indusiis, seu camisiis, aut lineis utatur apud se, vel in lecto: qui calceatus incedat; qui jejunia Ecclesiæ, & Regulæ non observet: qui aliquando visus sit contrectare pecunias, nisi jam, per triennium saltem, emendatus sit: qui nota-

biliter defectuosus sit in assistendo communitatibus Chori, Refectorij, & aliis, prout sibi in Constitutionibus præscribitur. Porro electio illius, qui in omnibus præmissis vitam communem non sequatur, irritanda sit à Prælato, sive Superiore Generali, capta informatione extra judiciali, pro sua conscientia, sine strepitu iudicii, cum consilio tamen, & tamen assensu trium Fratrum, qui Ministri Provinciales, vel saltem Diffinitores Provinciales sint, vel fuerint; ipsorum autem conscientias, nè, aut ille expellatur, qui vitam communem sequatur, aut ille confirmetur, qui eam non observet, oneramus. --

- 39 Quibus accessit Constitutio declaratoria Innocentii XII. incipit: *Alias à fel. rec. Collectio Bull. Innoc. XII. pag. mibi 188.* declarantis -- Religiosos omnes præfati Ordinis, qui vitam communem observantiæ in præinsertis Innocentii, Prædecessoris literis præscriptam, verè, & cum effectu sequi non solent, etiam si, id ex infirmitate, seu alia quavis necessitate, & absque ipsorum causa accadat, in Prælatos, seu Superiores ejusdem Ordinis eligi non posse, eorumque electionem, si quando fiat, tametsi aliàs canonica foret, à Prælato, sive Superiore Generali dicti Ordinis, servata quoad hoc eorundem literarum forma, irritandam esse; illos verò, qui in prædictis observantiæ communis exercitiis, seu in eorum aliquo culpabiliter deficere consueverunt, non modo, ut supra ineligibiles esse; sed insuper penis Constitutionum ipsius Ordinis subiacere auctoritate Apostolica, tenore præsentium declaramus, ac etiam & ordinamus. --

40 Regulares Prælaturæ, et stricta, & propria significatione beneficia Ecclesiastica nuncupari non possint, ex non adjuncta utilitate reddituum Ecclesiasticorum, tamen, non improprie per Cabasut. *Thor. Jur. Can. lib. 1. cap. 8.* inter ea Beneficia computantur; vel, ut observat Lezzan. *num. 32.* Hasbens. *num 85.* sunt quasi beneficia, & res spirituales, propter spirituales jurisdictionem in subditos, & plures curam Animarum habentes annexam per Donat. *loc. cit q. 27. nu. 2.* Ideò simili modo discurrendum de illis, ac de Beneficiis, & considerandum posse in earum collatione itidem committi simoniam.

41 Idcirco Electores, gratis debent suffragari, adeò ut si illicio muneris, vel à manu, ut *pecunia*, aut rei pecunia vendibilis: vel ab ossequio ut *servitii*, famulatus, cujuscumque sit generis: vel à lingua, ut *laudis*, *precum*, vel *vituperii*, moveantur (quodlibet enim ex illis simoniam inducit ex Glossa in *cap. Ordinari. caus. 1. quæst. 1. pag mibi 183.*) electio sit simoniaca, consequenter nulla; & qui Prælaturas per simoniam sit adeptus, sub Animæ suæ periculo, adstrictus sit, ad eas dimittendas, ut uno ore tradunt Doctores; & disponitur *cap. Cum detestabile lib. 3. Extravagant. com.* ubi: -- per electiones verò postulationes, confirmationes, provisiones, seu qualvis alias dispositiones, quas simoniaca contigerit labe fieri, & quæ viribus omnino carent in Ecclesiis, Monasteriis, Dignitatibus, Personatibus, Officiis Ecclesiasticis, & quibusvis Beneficiis, aut aliquo eorum, cuiquam nullatenus acquiratur: nec inde faciat aliquis fructus suos: sed ad illorum omnium, quæ

quæ percepit restitutionem, sub Animæ suæ periculo sit adstrictus. -- Et ulterius statuitur pœna excommunicationis Sedi Apostolicæ reservata in omnes, -- qui quomolibet dando, vel recipiendo simoniam commiserit, aut quod illa fiat, mediatores extiterint, seu procuraverint.

Et ibi disposita locum etiam habent, si simonia fuerit occulta, ut expressè textus:
 43 -- Et eorum quemlibet, tam manifestum, vel occultum, quas ipso facto eas incurrere volumus. --

Verba *Extravag. officiis Ecclesiasticis* extendunt dispositionem Constitutionis; unde tradit *Lezz. num. 28*. Simoniam committi
 44 posse, nedùm in electione Abbatum, Generalium, Provincialium, Procuratorum Ordinis, Diffinitorum, Guardianorum &c. sed etiam in concedendis facultatibus audiendi confessiones, prædicandi, recipiendi Ordines &c.

45 Si ab eligendo detur, vel promittatur pecunia, simoniacè eligitur, ex *Can. Presbyter caus. 1. quest. 1. pag. mibi 163. à terg. & Can. Si quis prebendam, vel Prioratum eadem causa quest. 4. pag. 90*. Et colligitur ex *Lateranensi 3 cap 7. de simonia vitanda, apud Bail summ. Conc tom. 1. pag. 406 lit. C.*

Etiam si absque illa essent Electores parati illum eligere: siue eisdem conferatur, siue eorum amicis, & consanguineis, ut docet *Pyer. tom. 3. additamentum ad Const. Clem. VIII. cap. 9. num. 8.*

Si verò pecuniam non ipse, sed alter, uni electorum amico conferat, distinguendum est: si erant Electores aliàs eum determinatè electuri, electio subsistit, quia inter eos,
 & ele-

& electum, nullum præcessit pactum, & conventio, quæ, ut simoniam inducant, antecedere debent, ex Pignatel. *conf.* 44. *num.* 4. Nec ipsa pecunia est in re medium, & pretium ad electionem. Licet propter scandalum, & malam consequentiam; & neco prætextu palliatis simoniis aditus pateat, nec id Electores, & eligendus, permittere debent.

Si autem illum electuri non erant, est certum, non valere, ut ibid. advertit. Peyr.

Sicut, nec ea sustinetur, in qua unus ex Electoribus dumtaxat, aliàs ad unum determinatè assumendum promptus, labe non timeat sedari simoniæ, ut in terminis tradit. Donat. *tom.* 2. *tract.* 1. *q.* 22. *nu.* 9.

Neque illius, cujus amici, ipso etiam ignorante, pecuniam Electoribus pollicentur; nisi concludenter probetur, & constet eam in fraudem electi promitti: vel eo contra protestante, ex Engel. *cit.* *lib.* 5. *tit.* 3. *§.* 1. *nu.* 9 Et Natali Alexandro *tom.* 6. *Theol. Dogm. & moral.* *lib.* 2. *de simon.* *Regul.* 24.

Corruit tamquam simoniaca electio, si invicem Electores conveniant, & pacifcantur: -- Elige tu illum, & ego eligam, quem tu mihi proposueris: vel, concedas mihi tuum suffragium in hoc Capitulo, & ego tibi dabo meum in futuro; -- quia quodlibet pactum, quod est medium ad assequendam dignitatem, simoniam inducere notavit Piafec. *præx. Epif.* *part.* 2. *cap.* 5. *art.* 3. *n.* 57.

46 Etiam si id fuerit de re spirituali pro spirituali; quandoquidem simonia, ex eodem Piafec. *ibid.* concluditur, etiam ob rem spirituales, si hæc reducat in pactum, & gratis non detur, contra textum Evangelii Mat-

Matthæi 10. *Gratis accepistis, gratis date*; ob id in spiritualibus pactiones sunt interdictæ, & fugiendæ, ex Cabal. *lib. 5. cap. 4. num. 16.* Circa quæ testatur Pignatel. *num. 30.* quodcumque, ut illicitum damnari pactum; & ex eo præcipuam eis irrogari injuriam, & irreligiosè tractari, dum ita vilia putentur, vel, ut possint venire in computationem rerum temporalium, vel, ut censeantur posse subesse humanis contractibus.

Et id Donat. *num. 10.* extendit etiam si Electores affirmant, se non de substantia electionis pacisci, sed commodo, quod certò
47 consequi sperant, si Petrum, v.g.; eligant; Quia, cum commodum sit ex necessario connexis cum electione; & ita, ut ea præcisa, obtineri sit impossibile, expressè paciscentes de commodo, implicite in pactum electionem deducunt; quæ, & ea parte, qua ex pacto præcedenti fieret, & qua pro commodo temporali venderetur, jure simoniaca reputatur, ut post ipsum firmavit Pignatel. *nu. 32.*

Item simoniacum est, si quis Electorum dicat: -- Numquam fiet iste Provincialis, nisi is, pro quo rogavi, fiat Diffinitor, -- quod trad. Donat. *num. 5* & Cabal. *eodem cap. & num.* quia semper electio venit in contractum. Idem crimen incurrit ad Prælaturam eligens, aut eam recipiens cum conditione, vel obsequii præstandi, etiam si videretur pium, ad quod tamen de jure, & electione præcisa, electus non teneretur; vel assumendi in Ministros hos, & non alios, ut in terminis de conferente, & recipiente beneficium cum restrictivis adductis resolvit Pias. *num. 58.* Cætera videas, apud Auctores de simonia tractantes, & apud eruditissimum

Natalem Alexandro *loc. cit.*

Ubi de jure, vel consuetudine electio (ex aliis titulis valida) censetur Canonica, si major pars Capituli consenserit, requiruntur 48 majora vota respectu totius Capituli, & non sufficiunt majora respectivè ad minora; adeo ut, si eligentes sint viginti, undecim consentire, ad minus debeant, in electum; aliàs à majori parte Capituli non eligeretur. Ex quo sequitur, ut si tres essent electi, & vota divisa, sic, ut unus haberet octo, alius septem, alter quinque, nullius electio subsisteret, ut notavit Engel. *lib. I. tit. 6.* Electus, licèt sit vocalis, se ipsum eligere non potest.

Et in terminis electionis Provincialis in Ordine Minorum, disponitur in Clementina *ex vi §. Nos volentes*, ubi: -- Et siquidem ad 49 electionem hujusmodi per formam scrutinii procedatur; votis in diversa divis, electiones plures in discordia celebrare contingat: illa, quæ à majori parte Capituli numero (nulli zeli, vel meriti collatione, aut consideratione habita) fuerit celebrata: exceptione, seu contradictione quacumque alterius partis non obstante, per dictum Generalem Ministrum confirmetur. Quod etiam in cæteris per Statuta est apud Observantes in praxi.

Ubi verò, vel praxis exigit, vel lex præscribit, ut copulativè requiratur major, & sanior pars Capituli, valet electio facta à parte, quæ sit duplo major: & sic excedit eam, quæ opponit ad electionem, non zelo charitatis, sed affectione carnali processisse Electores, 50 ut expressè habet textus *cap. si quando de electione in 6. lib. I. tit. 6.* & Glossa ibid. referens *majorietatem, numerum: & sanitatem zelum eligentium, & merita Electorum respicere.* Si verò

verò unus saniora, & alter majora, sed non modo præmisso excedentia, habeat, neutrius electio tenet, per Engel. *num. 40.*

Canonicè electus confirmari debet ex *cap. Avaritig de electione in 6.* & sic necessario, ut nec directè, neve indirectè, sive titulo Eco-
 51 nomi, sive Procuratoris, similivè prætextu, debeat se administrationi immiscere; & si id, confirmatione non recepta, egerit, statim ibidem Prælatura privatur. Electio enim est libertatis, & confirmatio necessitatis per Pignatell. *conf 38. num. 13* per quam jurisdictio confertur, ex Peliz. *de Monialibus cap. 10. sect. 2. sub 6. nu. 110.*

Limitatur in electione Guardianorum, apud Minores, quia eodem actu eliguntur,
 52 & confirmantur, ut etiam notavit Hasbens. *num. 193.* Inter quos Provinciales, ex allegata Clementina *ex vii.*, à Generalibus confirmantur; & hi statim electi ex privil. Clem. IV. *Constit. virtute conspicuos §. 1. Bull. Cherub. tom. 1. pag. 162.* à Sede Apostolica confirmationem recipiunt, ut tradunt Mirand. *tom. 2. quest. 23. art. 32. Sanctor. cap. 8. stat 13.* & Hasbens. *ibid.* ad omnes Ordinum Generales ex diversis Pontificum Privilegiis extendit.

Si ex suffragatoribus singuli, uno excepto, sint ad eligendum habiles, electio subsistit; nec illius inhabilitas officit, juxta Regulam juris: *utile per inutile non vitiatur.* Limita
 53 nisi ab Electoribus fuerit voluntariè ad eligendum admissus. Quo casu privantur jure eligendi, quotquot sunt in culpa interdictæ admissionis; Glossa *ad textum cap. si quando super cit.* in terminis de voluntaria admissione excommunicati majori excommunicatione, Pignatell. *conf. 38. nu. 11.* Hasbens. *nu 157.*

Nullus

Nullus activo, vel passivo suffragio potest per Præsidem privari, vel privatum declarari, nisi servata forma Decreti Urb. VIII. apud
 54 Pignatel. *conf. 18. num. 10.* tenoris, qui sequitur: -- Privationis vocis activæ, & passivæ, ac inhabilitatis, decreta, sententiæve ab eisdem Superioribus Ordinis latæ, ne deinceps in ipso electionis actu pronuncientur, promulgenturve, atque eæ promulgatæ, Votales minimè afficiant, nisi per mensem ante fuerint intimatæ parti, Sanctitas sua omnino vetuit. --

55 Electionis tempus ad unicum diem restringitur, in Clementina *exivi superius allegata*. Dies illud spatium lucis significat, quod interponitur inter Ortum, & Occasum Solis, & quodvis aliud sub noctis appellatione venit. Ideo ad illud spatium per *Sanctor. stat. 9.* Statuta Minorum, diem artificialem restringunt.

Et dicendum cum ipso sine urgenti necessitate non esse electioni per schedulas dandum initium, ut nequeat prius, sed in nocte perfici debeat; & quatenus deberet, id cum sufficienti candelarum numero deberet effici, ut sine ulla fraude contingeret.

56 Apud Minores de Observantia electiones Pro Ministrorum ad Capitula generalia mittendorum, Custodum extra Capitula, & Guardianorum (istorum etiam in Capitulis) eligendorum, ex dispositione Urbani VIII. *Const. Religiosos viros. Bull. Cherub. 10. 5. pag. 145.* sunt per Ballotationem faciendæ, prout sequitur: -- Ut de cætero omnes, & singulæ electiones, tam Pro-Ministrorum, & Custodum, quam Guardianorum dicti Ordinis per suffragia secreta, & ballottationes

nes fiant; & in paritate suffragiorum, Præfident electionibus hujusmodi, votum, five suffragium decisivum habeat &c. Decernentes &c. irritum, & inane, si secus super his à quoquam, quavis authoritate, scienter, vel ignoranter, attentari contigerit &c. non obstantibus &c. -- Ubi *pag. 384. Const. Creditæ Nobis* Alex. VII. sub iisdem terminis ad familiam Ultramontanam extendit. Et ibidem habetur Decretum quoad eos hujus tenoris: -- Sac. Cong. Episc. & Reg. censuit injungendum, & præcipiendum, prout harum vigore injungit, & præcipit, ut deinceps in singulis præfatis electionibus in familia Ultramontana Ordinis hujusmodi servetur omninò, modus, & forma præscripta in Constit. Generalibus Familiæ Cismontanæ. Contrariis quibuscunque non obstantibus. Romæ 15. Martii 1663.

- 57 Deficiente Præsidente in paritate votorum, votum decisivum conceditur ab eadem Sac. Cong. Ministro Provinciali, ut sequitur: -- S. Cong. &c. ad evitandam paritatem suffragiorum, quæ ex numero pari sex Vocalium, quibus Diffinitoria Provincialia constant, tam in electionibus faciendis quàm in negotiis decidendis, oriri potest; Ministris Provincialibus, deficiente Præsidente, in hujusmodi casibus votum decisivum concessit. Romæ 13. Martii 1653. -- *apud Lantus. verbo electio sub num. 6.*

Et quamquam ea forma per ballottationem ab eisdem Pontificibus ad taxatas electiones limitetur; & aliam per schedulas Sixtus V. Const. *Et communis cura* apud Roderic. Coll. Privil. Apostol. Bulla. 7 *pag. mibi 494.* Et in Regesto 2. *Cismont. pag. 12.* ad omnes

- nes Superiorum , & Officialium electiones ampliet , & semper inviolabiliter , apposta clausula Decreti irritantis, observari præcipiat; tamen electiones Procuratoris, & Commissarii Generalium Curia, de sexennio in sexennium in Generalibus Capitulis eligendorum , ad tenorem Constitutionis Innocent. XII. (Collectio Bullarum ejusdem Pontificis pag. 176. incipit *Sacrofancti* , & infra - Motu proprio, & ex certa scientia, & matura deliberatione nostris, deque Apostolicæ potestatis plenitudine, quod de cætero perpetuis futuris temporibus Procurator generalis , ac Commissarius Generalis Curia præfatæ eorumdem Fratrum de Observantia , qui hætenus de triennio in triennium à memorato Ministro Generali, sicut præmittitur, institui, seu deputari consueverunt , in Capitulo generali ejusdem Ordinis de sexennio in sexennium eligantur, in
58 eorumque respectivè electione, votum, sive suffragium Fratres Vocales illius Familiæ tantum, Cismontanæ scilicet, seu Ultramontanæ, ex quo cæteroqui, juxta Regularia Ordinis prædicti instituta per Sedem Apostolicam approbata, Procurator Generalis, seu Commissarius Generalis Curia hujusmodi respectivè assumendi erunt, unà cum eodem Ministro Generali ibidem simul congregati, habeant, & ferant, ac habere, & ferre liberè, & licitè possint, & valeant, tenore præsentium, statuimus, & ordinamus. -
- 59 Quod si Procuratoris generalis, ac Commissarii generalis sic electorū officia, sive eorum alterū per cessum, vel de cessum, illa, seu illud pro tēpore obtinentium, vel obtinentis, seu aliàs quomodolibet vacare contigerit, ad
Nos,

Nos, seu pro tempore existentem Romanum Pontificem, pro opportuna desuper provisione obtinenda, recurratur &c. Non obstantibus &c. -- *die 10 Aprilis 1694.*) Non per schedulas, sed per ballottationem sunt faciendæ.

60 Ad formam provisionis primò factæ in Cap. Gen. Victorien. de anno 1694. cujus arbitrio præfatus Innocentius, de, & super qualitate formæ in eis servandæ, requisitus, negotium remisit, prout sequitur: -- Sanctissimus Dominus Noster præmissa omnia arbitrio Capituli Generalis, benignè commisit, ut id super cunctis decernat, quod sibi magis expediens visum fuerit, servata tamen Cōcilii Tridentini forma quoad suffragia secreta pro electionibus adhibenda; & observatis, quoad vota absentium (super quo fuit Pontifex pariter interpellatus) si Capitulo Generali ita videbitur, Constitutionibus ejusdem Ordinis à S. Sede approbatis, quæ modum, & ordinem ea supplendi Ministro Generali præscripserint: quibuscumque in contrarium facientibus non obstantibus. Romæ 24. Aprilis 1694. -- Gaspar Cardinalis Carpineus -- Antonius Altovitus Sec. Reg. 19. Cism. ab anno 1693. ad 1695. pag. 50. à tergo.

61 Electio item Procuratoris Generalis Reformatorem de sexennio in sexennium ea forma celebratur, ex Constit. ejusdem *Cum Nos* in eadem collectione pag. 174.

62 Ministri Generales præfati Ordinis ex concessione Clementis X. fruuntur prærogativis per statuta taxatis eis, qui sexennio Generalatus ministerium exercuerunt; tametsi tempus præfixum non attigerint, prout sequitur:

tur: -- Exponi Nobis nuper fecerunt Dilecti Filii Procurator Generalis, & Commissarius Generalis Curiae Ordinis Minorum S. Francisci de Obser. nuncupat., quod cum Constitutionis generales dicti Ordinis circa prærogativas Fratribus, qui munera exercuerunt, debitas, expresse disponant, eosdem Fratres prærogativis hujusmodi frui non posse, nisi biennium in munerum suorum exercitio compleverint; ubi verò de illis, qui Ministri Generales ejusdem Ordinis munere functi sunt, loquuntur, nullum certum tempus præscribant, sed simpliciter disponant, quod Minister Generalis suo functus officio sit Pater, Definitor, & Discretus perpetuus totius Ordinis, & pro tali ab omnibus habeatur: ipsi exponentes ad tollendas dubietatum, quæ suboriri possent, occasiones, de opportuna in præmissis declaratione à Nobis provideri plurimum desiderant. --

-- Nos igitur &c. audita super præmissis nonnullorum Romanæ Curiae Prælatorum, qui jussu nostro, rem accuratè discusserunt, relatione, Ministrum Generalem Ordinis prædicti, functum officio, esse Patrem, Definitorum, & Discretum perpetuum totius Ordinis hujusmodi, & pro tali ab omnibus habendum, cæterisque prærogativis concessis per Constitutiones ejusdem Ordinis Ministris Generalibus, suo officio functis, gaudere debere, licet sexennium, biennium, vel aliud quodcumque limitatum sui officii tempus, non expierit, autoritate Apostolica, tenore præsentium declaramus; decernentes &c. Non obstantibus &c. Romæ die 23. Septemb. 1675. Regest. 24. Cismontanum pag. 211.

53 De elect. Abbatif. diximus cap. 1. & pro reci-

recipiendis suffragiis Monialium ægrotantium esse servandam consuetudinem Monasteriorum, tradit Peliz. *de Monial. cap. 10. sect. 2. subsect. 1. num. 104.*

- 64 Et notandum eam valere, & validam esse, tametsi cum Ordinario, (qui si velit, potest cum Superiore Regulari, per se, vel per alium interesse juxta dispositionem Gregorii XV. *Const. Inscrutabili*) vel Vicario, non assistat Notarius Episcopalis, prout in terminis firmavit Sac. Congr. Conc. *sub 4. Maii 1675. lib. 19. decret. pag. 65. à tergo*, in una Neapolitana; quæ ab Archiepiscopo Neapolitano occasione similis controversiæ interrogata.

-- I. An in Electionibus Abbatissarum unà cum Vicario Generali interesse possit, etiam Notarius Archiepiscopalis? --

-- II. An dicta electio facta absque inter-
essentia Vicarii, & Notarii, sit contra Const. præfatam, an propterea nulla? ad utrumque respondit *negativè*: -- Secundum dubium proposuit, ad videndum, an subsisteret electio Abbatissæ facta à Superiore Regulari, qui noluit Notarium admittere, & ad electionem processit, non obstante, quod Vicarius Generalis protestationem præmiserit de nullitate.

Et hinc inferas, quod sicut non conceditur; quod cum Vicario electioni intersit Notarius, sic videtur, quod nec jus assistat, neque sit in potestate Ordinariorum assumere alios, qui cum ipso interfint electionibus Abbatissarum Monasteriorum Regularibus subje-
ctorum. Et videtur esse ad tenorem allegatæ Const. quæ pluralitatem excludit, & in numero singulari dispositionem concepit, *per se, vel per alium*. Verum si consuetudine alicubi aliud fuisset inductum, religiosè observetur,

C A P U T XVI.

Officialis quoad exemptionem ab Ordinarii
Jurisdictione.

S U M M A R I U M.

- 1 *Descriptio exemptionis.*
- 2 *Formula, qua conceditur.*
- 3 *Qualibet Ecclesia nascitur subiecta Ecclesie Romanæ.*
- 4 *An Regularis possit renunciare privilegio exemptionis?*
- 5 *Et an Clericus privilegio fori?*
- 6 *Centenaria quando requiratur?*
- 7 *Episcopis in exemptos sæpe jurisdictione delegata, aliquando ordinaria conceditur.*
- 8 *Actus exerciti à Delegato non probant jurisdictionem.*
- 9 *Appellatio quoad devolutivum, nõ suspenditur.*
- 10 *Aliqua exempla jurisdictionis datæ Episcopis in exemptos.*
- 11 *Eis Regulares subduntur quoad venerationem decedentium cum fama sanctitatis.*
- 12 *Et si asserant B. Virginem Conceptam cum Originali.*
- 13 *Etiā sollicitantes ad turpia.*
- 14 *Et celebrantes, quamquam non promoti.*
- 15 *Punire possunt Regularem accedentem ad Monialium Monasteria.*
- 16 *Et quādo Superiorē in casu electiōnis Abbatisq.*
- 17 *Et delinquentes circa personas existentes intra Clausuram.*
- 18 *Et turbantes eorum jurisdictionem.*
- 19 *Quando teneantur Regulares consignare Episcopo confugientes ad suas Ecclesias.*

- 20 *Quæ, Clementina Archiepiscopus concedat Ordinariis in Ecclesiis Regularium.*
- 21 *Etiamsine Regularium licentia.*
- 22 *Jurisdictionem exercere non possunt.*
- 23 *Nec committere aliis, ut coram se cum Pontificalibus celebrent.*
- 24 *Regulares Episcopo erigere debent in suis Ecclesiis Baldachinum.*
- 25 *Tempus determinatur.*
- 26 *In eis Ordinarii nequeunt Processiones convocare.*
- 27 *Licentia Ordinarii necessaria ad expositionem Sacramenti.*
- 28 *Quando Episcopi censurare possint Regulares.*
- 29 *Privilegium concessum Ordinibus Prædicatorum, & Minorum.*
- 30 *Quid disponatur cap. Volentes in sexto, & Tridentino.*
- 31 *Mens Tridentini.*
- 32 *Aliis panis possunt Regulares ab Ordinariis mulctari.*
- 33 *A quo debeant Regulares declarari excommunicati?*
- 34 *Episcopus potest eos denunciare suis subditis.*
- 35 *Quid disponat. Clem. Religiosi?*
- 36 *Quando Regulares ligentur excommunicatione lata ab Episcopo &c.*
- 37 *Impediri nequeunt Regulares, ne mendicent.*
- 38 *Quando teneantur licentiam Ordinario ostendere.*
- 39 *Possunt vinum, & alia quærere prius, quàm Parochus colligat primitias.*
- 40 *Potest Episcopus Regularibus interdicare immoderatas quæstiones.*
- 41 *Visitare nequit Ecclesias Regularium.*
- 42 *Nec præcipere potest, ne propriis ritibus utatur.*
- 43 *Quando Regulares citati teneantur comparere.*

- 44 *Ex decentia semper.*
 45 *In dubio ad Sedem Apostolicam recurritur.*
 46 *Regulares sub mortali debent Episcopos venerari.*
 47 *Et Episcopi Jura Fratrum defendere.*
 48 *Absortatio Concilii Viennensis exemptis, & non exemptis.*
 49 *Quilibet suis juribus sit contentus.*

- 1 **E**Xemptionem describunt DD. esse privilegium, -- quo persona, aut locus (& en distinctio exemptionis localis, & personalis) ab jurisdictione Episcopi, vel Ordinarii, liberatur, & subtrahitur, ac Summo Pontifici immediatè subicitur: quod ex *cap. 6. Papa de Privilegiis in 6. lib. 5. tit. 7.*, & notavit Engel. *Colleg. uni. jur. Canon. lib. 5. tit. 33. §. nu. 28.* probatur, si in
- 2 literis concessionis Papa asserat: -- hæc Ecclesia est exempta: vel, ad jus Beati Petri, & proprietatem Romanæ Ecclesiæ, vel Romanum Pontificem specialiter pertinet: vel, Episcopus non audeat in ea Cathedram collocare, vel aliquod imperium, & potestatem exercere; aut alio simili modo; -- videndo apud Aſcan. Tambur. *tom. 1. de jure Abbat. disp. 15. quæst. 5.* etenim ea est natura privilegii, ut ejus verba non sint otiosa, & aliquid semper operentur; unde cum omnes mundi Ecclesiæ, ad jus Beati Petri, & Ecclesiæ Romanæ, omnium aliarum capitis, & magistræ, subjectæ nascantur, ut apposita in literis exemptivis aliquid pro ea Ecclesia specificè operentur, & plus à privilegio recipiat, quàm acceperit à natura; inferitur, Pontificem eidem voluisse concedere, ut, modo quodam distincto, Romanæ Ecclesiæ
- K 2

siæ subiiceretur; eam nimirum ab Ordinariorum potestate, quibus prius suberat, eximendo; quæ cæteris locis piis applicantur.

- 4 Privilegio exemptionis Regularibus à Sancta Sede concessio nequeunt iidem renunciare, ut tradit Sperell. *decis.* 104. *num.* 87. & Pignatell. *tom.* 10. *conf.* 107. *num.* 2. quia in eo, nedum favor exempti consideratur, sed etiam ipsius Papæ eximentis; qui eos, ab Ordinariis eximendo, suæ subjecit jurisdictioni: qua à nullo invitè privari, nec potest, nec debet; à
- 5 pari de Clerico, qui privilegio fori renunciare non potest, cum, non in ipsius dumtaxat, sed in totius ordinis favorem, tributum fuerit. Engel. *tit.* 3. *nu.* 17. & puniendus graviter esset, si se laicali subiiceret jurisdictioni, Piasec. *praxis Episc.* *par.* 2. *cap.* 4. *art.* 3. *num.* 6. *v. offic. quoad privilegia num.* 23.

- Notans ibidem *cap.* 3. *art.* *nu.* 73. *ex cap. cum persona de Privileg. in* 6. valere præscriptionem contra exemptium privilegium Regularium, quadraginta annorum decursu probatam; vel annorum centum, si sit præscriptio in præjudicium, vel contra Romanam Ecclesiam eximentem; præsertim si Ordinarius præscribat, cui jus commune assistit, ei super omnes de sua Diocesi jurisdictionem concedens; cui adhuc subderentur, nisi aliqui, speciali Romanæ Sedis indulgentia, plenarie, uti Regulares, apud Tamb. *cit. quest.* 2. *sub nu.* 5. & *quest.* 5. ab ejus jurisdictione fuissent exempti, super quo videantur DD. & interim ad nos.

- 7 Notandum plenariam Regularium exemptionem, esse correptam, & Dominos Episcopos in certis casibus jurisdictionem in exemptos habere: aliquando delegatam, aliquan-

quando ordinariam per notata ab Engel. *loc. cit. nu. 11*. Delegatam tunc habent, cum Canones, & jura disponunt, ut contra exemptos, autoritate Apostolica, vel tanquam Sedis Apostolicæ delegati, procedant: Ordinariam verò, quando ei simpliciter conceditur jurisdictionis obstacula, per appositionem clausulæ, *non obstantibus privilegiis, & exemptionibus quibuscumque*.

- 8 Ex actibus, quos, ut delegati Sedis Apostolicæ, in exemptos exercent, non probari eorum in eos jurisdictionem, notavit Tamb. *cit. qu. 9. num. 3*. sicut cum, ut delegati, procedunt, ab eis ad Summum Pontificem, tanquam delegantem; & cum, ut Ordinarii, ad Metropolitanum, posse appellari tradit Engel. *num. 34*. & notavit Pignat. *tom. 10. conf. 149. num. 15.*, quod ubi Concilium expressè sustulit appellationem,
- 9 non intelligitur sublata, quoad effectum devolutivum, sed suspensivum tantum; præsertim si dispositio respiciat materiam correctionis morum.
- 10 Utriusque jurisdictionis exempla in Tridentino sunt obvia; in quo sæpe Regularium privilegia expressè, vel tacitè revocantur, & hinc aliqua notantur, &c.

I. Subduntur Regulares Episcopis, quoad editionem librorum *sess. 4. in decreto de editione, & usu sacrorum librorum*.

II. Quoad lectionem Sacræ Scripturæ *sess. 5. cap. 1. de Reformatione*.

III. Quoad Prædicationem Verbi Dei, ibidem *cap. 2. & sess. 24 cap. 14. de ref. & Const. Superna Clementis X. relata cap. Offic. quoad Privil. vide cap. Offic. quoad Concessionem*.

I V. Quoad causas fidei eodem *cap. sess. 5. & const. Pauli V. Romanus Pontifex. Bullar. Gherub. tom. 3. pag. 209*, ipsis, & Inquisitoribus, & Gregorii XV. *const. Universi Dominici §. 4. ibidem pag. 432.*

V. Quoad delicta commissa extra Monasteria *ibidem sess. 6. cap. 3. de ref. & sess. 25. cap. 14. de Regularibus vide caput offic. quoad delicta.*

VI. Quoad visitationem Monasteriorum commendatorum *sess. 21. cap. 8. de ref.*

VII. Quoad publicationem Indulgentiarum *ibidem cap. 9. ubi cum universaliter loquatur, etiam Regulares comprehendit. Sac. Congr. Concil. in una Januen. lib. 10. Decret.*

VIII. Quoad observanda, & vitanda in celebratione Missæ, *sess. 22. in decreto ejusdem tituli; vide caput offic. quoad celebrationem Missarum.*

IX. Quoad Ordinum susceptionem *sess. 23. cap. 8. 11. 12. & 14. de ref. & const. Leonis X. Dum intra, vide cap. offic. quoad privilegia: & cap. offic. quoad Ordines.*

X. Quoad confessiones secularium audiendas, *ibidem cap. 15., & const. Supernacit. vide caput offic. quoad approbationem &c. & quoad absolutionem à reservatis.*

XI. Quoad Parochos Regulares in ordine ad Synodum *sess. 24. cap. 2. de ref. vide cap. offic. quoad legem Diocesanam.*

XII. Quoad venerationem imaginum, & reliquiarum *sess. 25. in decreto similis tituli.*

XIII. Quoad Monasteria erigenda *sess. 25. cap. 3. de Regularibus; vide cap. offic. quoad Conventus.*

XIV. Quoad Fratres, sine Superiorum licen-

licentia itinerantes, ibidem *cap.* 4.

XV. Quoad Fratres missos ad studia, ibidem.

XVI. Quoad Monialium clausuram, ibidem *cap.* 5., & *const. Fel. Alex. VII. vide caput offic. quoad clausuram Monialium.*

XVII. Quoad concernentia curam animarum ibidem *cap.* 11. & *const. Inscrutabili Greg. XV. vide cap. offic. quoad privilegia.*

XVIII. Quoad dies festos, censuras, & interdicta, ibid. *cap.* 12. *vide cap. offic. quoad legem Diocesanam.*

XIX. Quoad controversias super præcedentia in processionibus, ibidem *cap.* 13.

XX. Quoad accessum ad publicas processiones, ibidem, *vide cap. offic. quoad processiones.*

XXI. Quoad renunciationes faciendas à Novitiis, ibid. *cap.* 16.

XXII. Quoad probandam nullitatem professionis, ibid. *cap.* 19.

Quæ hîc summam ponuntur, sicut & alia, in quibus Ordinariis in Regulares, per Patres, in eo potestas conceditur, in ejusdem textu possunt videri.

11 Potestatem habent Ordinarii erga exemptos in spectantibus ad venerationem eorum, qui cum Sanctitatis opinione, vel fama Martyrii ex hac vita migrarunt per disposita ab Urbano VIII. *Const. Cælestis Hierusalem Bullar. Cherub. tom. 4. pag. 196.*

12 Et facultate eis à Gregorio XIV. *Const. Sanctissimus Dominus Noster Bullar. Cherub. tom. 3. pag. 425.* facta, procedere possunt, contra asserentes Beatam Virginem conceptam esse cum peccato originali; & contra Confessarios sollicitantes penitentes ad turpia,

vel docentes eos non teneri ad denunciandos Confessores sollicitantes, ex ejusdem *Const. Universi Dominici*, ibid. pag. 432.

- 14 Et contra eos, qui, tametsi ad sacrum Presbyteratus ordinem non promoti, Missas celebrant, & Sacrament. Penitentiae ministrant, ex dispos. Clem. VIII. *Const. Et si aliàs Bullar. Cherub. tom. 3. pag. 125.*, & *Urbani VIII. Const. Apostolatus*, tom. 4. pag. 137.
- 15 Animadvertere item possunt in Regularem ad Monialium Monasteria accedentem, prout Sacr. Congr. Concil. interrogata, -- an Regularis absque legitima licentia accedens ad Monasterium Monialium Regularibus subiectarum, ibique in loco colloquiis destinato cum moniali colloquens, à Diocesano Episcopo, tamquam Sedis Apostolicæ delegato, coerceri, & puniri possit? Censuit *posse*; quam Congregationis sententiam Sanctissimus Dominus noster Urbanus VIII. ad se relattam approbavit. -- Ad calcem *Const. Inscrutabili Gregorii Bullar. Cherub. tom. 3. pag. 404.*
- 16 Item, si ad electionem Abbatissæ procedant, vel electionis die Episcopo non prænunciata, vel eo non expectato, postque declaraverit se velle eidem interesse, prout eadem ibidem firmavit.
- 17 Item, si delinquant circa personas degentes intra septa Monasteriorum Monialium, aut circa clausuram, ibidem eadem Sacr. Cong. ad 13.
- 18 Item possunt punire exemptos, turbantes suam jurisdictionem, super quo Pignatell. tom. 10. *Const. 20. num. 14.* refert responsum S. Congr. Concil. in una Panormitana ad dubium: .

bium : -- an milites Hierosolymitani offendentes personam Officialium Curiae Archiepiscopalis panormitanæ in actu exercendi suum officium, aut aliàs Archiepiscopi jurisdictionem impediētes, ab eodem coerceri, & puniri possint ? quæ partibus auditis, dubioque accuratè discusso ; censuit, *posse* ; & observavit etiam. -- Donat. *prax. Regul. tom. I. tract. 13. part. 2. quæst. 28. num. 2.*

19 Episcopo Regulares, quantumvis exempti, in eo sunt subiecti, ut delinquentes, confugientes ad ipsorum Ecclesias, in casibus, in quibus eis immunitas Ecclesiastica per disposita à Gregor. XIV. *Const. cum aliàs Bullar. Cberub. tom. 2. pag. 707.* non suffragatur, teneantur Episcopo extradere ; cujus est cognoscere, & examinare, an delicta commissæ sint talis conditionis, propter quæ sint Curiae sæculari consignandi, ut expressè ibidem Gregorius : & notavit Piafec. *Prax. Episc. par 2 cap. 3 sub num. 70.*

20 Ordinariis conceditur ex *Clement. Archiepiscopo lib. 5. tit. 7.* posse ad Ecclesias Regularium cum Cruce accedere ; in eis, uti Pontificalibus ornamentis : cum eis Missam celebrare : populo solemniter benedicere per illa verba ex ibidem adnotatis à Glossa verbo *colligo : sit nomen Domini benedictum* : officia divina privatim, vel publicè audire ; & ea exercere, quæ sunt honoris, & præeminentiæ Episcopalis ex Pignatell. *conf. 106. num. 3.* adeoque per Donat. *tom. III. tract. 6. quæst. 36. num. 2.* prædicare, quia actus honoris est.

21 Etiam sine ipsorum Regularium licentia, propter dispositioni, ibidem adjunctam clau-

fulam, quovis privilegio contrario non obstante; cui, cum sit Concilii Generalis, ei nunquam derogatur, nisi expresse mentio Concilii fiat, apponendo in privilegio exemptivo: *non obstante quavis constitutione, seu lege in Concilio Generali editis*, ut notavit Tamburin. *cit. qu. 15. num. 3.*, & nisi specialiter derogetur, exemptio non suffragatur; ex quo dispositio, utpotè Concilii Generalis, contineat per tradita à Pignatell. *conf. 28.*, clausulam derogatoriam ad futuras dispositiones.

- 22 Quibus uti debent, sine jurisdictionis exercitio, ut clarè ibidem *textus*. -- Sic tamen quod prætextu concessionis hujusmodi, in locis ipsis exemptis, *vel* circà hoc privilegiatis nullam aliam jurisdictionem, idem Archiepiscopus, vel Episcopus exerceat; nec personis exemptis, vel privilegiatis molestiam inferant, vel gravamen; nullumque exemptioni, vel privilegiis eorundem aliud præjudicium generetur: nec ipsis Archiepiscopo, vel Episcopo jus aliud quomodolibet acquiratur. --

Ex quibus DD. notant. eos in illis sine exemptorum assensu ea exercere non posse, quæ ad jurisdictionem Episcopalem, & officium, & ordinem spectant, ut sunt ordinare, degradare, Chrismare, consecrare virgines, ut ibidem *verb Glossa sequens*, Glossa ipsa notavit, & cum ea Lezana *qq. Regul. verb baldachinum nu. 4.* cæteraque mixturam habentia jurisdictionis, sive contentiosæ, 23 sive voluntariæ; idè quia facere sibi ab aliis cum Pontificalibus celebrare, est auctoritative jurisdictionem exercere, ex *Glos. verb. celebrari* & Pignatell. *conf. 106. n. 5.* id eis ibidem prohibetur, & solū sine illis conceditur.

24 Tenentur Regulares in propriis Ecclesiis, volenti Episcopo, Pontificales functiones exercere, baldachinum erigere, ex dispositione Sac. Cong. Episc. *sub die 10. Junii 1603.* ex expresso mandato Clementis VIII. apud Piafec. *cit. sub nu. 69.* Pignat. *cit. nu. 30* Tambur. *cit. disp., & quæst. 15. nu. 17.* Donat. *tom. 1. par. 2. tract. 13. quæst. 74.* & penis, & censuris ad id, vel saltem ne impediant, quin Episcopus ipse illud attollere faciat, compelli possunt.

25 Eo tamen -- dumtaxat tempore (sunt verba decreti) quo Pontificales hujusmodi functiones exercebunt, vel dum actus ipse, cui in Pontificalibus aderunt, peragetur; -- per quæ significatur Episcopos, nedum non posse ordinare exemptis, ut erectum baldachinum conservent ad effectum, ut sub eo imposterum sedeant; verum etiam, nec ipsos posse sub eo sedere pro tribunali, cathedram judicalem erigere, & aliquem jurisdictionis actum exercere, etenim non alio fine id Clemens VIII. per Congregationem præcepit, nisi ut honor, & debita reverentia Episcopis exhibeatur, quod ex narrativis Decreti liquet, ut sequitur, -- decet Episcopis pro eo, quo in Ecclesia Dei excellunt dignitatis gradu, in quocumque suarum Diocesum loco, quoties eos, ibi Pontificalia exercere, aut in Pontificalibus adesse, & assistere contingit, eam, quam par est, reverentiam, & honorem decoro cultu, & ornatu exhiberi. -- Quod illa priori erectione obtinent.

26 Ideò notat Lezana *Summa qq. Regul. tom. 111. verb. Baldacbinum, num. 4., & ex eo Pignatell. num. 9.* ex eo dici non posse, esse

facultatem Episcopis factam, instituendi in dictis Ecclesiis processiones, & Indulgentias concedendi, utpote ad actum jurisdictionis, & non reverentiam Episcopalem, pertinentia; & privilegiatus in aliquo non potest extendere suum privilegium ad aliud; nec exemptis, & privilegiatis præjudicatur in suo privilegio, nisi quatenus in illo exprimitur.

27 Sine Ordinarii licentia nequeunt Sacramentum exponere, Sac. Cong. Rituum 26. Februarii 1628., pro personis particularibus exponitur in Ostiolo Tabernaculi, aut in pixide velata Sac. Congr. Episc. 7. Septembris 1598.

28 Nequeunt Episcopi censuras in Regulares ferre, ut notavit Pignatell. *conf.* 106. num. 12. nisi in casibus expressis à Constitutionibus Apostolicis, & nisi eis per Sacros Canones specificè concedatur, præsertim in eos, habentes à Sede Apostolica privilegia, quòd excommunicari non possint ex *Piascec. cit. sub num.* 77., quæ pluribus Sedes Apostolica dedit, ut refert Lezana, *tom. 1. cap.* 11. num. 14. & Minoribus impertiti sunt Clemens IV. *conf. Virtute conspicuos*, Bullar. Cherub. *tom. 1. pag.* 162., & Sixtus item IV.

29 *const. Regimini*, ubi §. 9. & ne prætextu; & infra: -- districtius inhibemus, ne quispiam absque dictæ Sedis speciali commissione, & auctoritate in personas, domos, & loca dicti Ordinis Fratrum Minorum, utpote, prorsus exempta, aliquam excommunicationis, suspensionis, & interdicti sententiam specialiter, vel generaliter, quomodolibet promulgare, -- cum amplissimis derogatoriis additis

§. 19.

§. 19. *ibid.* pag. 408. quod & Sacro Prædicatorum Ordini *conf. Regimini loco allegato*, pag. 411. Idem Sixtus sub iisdem terminis concessit.

30 Quod patet ex *cap. Volentes de privilegiis in 6. lib. 5. tit. 7.* ubi concessa in exemptos in certis casibus Episcopo jurisdictione, textus subdit; -- in eos autem, quibus nec interdicti, suspendi, vel excommunicari, à quoquam valeant, à Sede Apostolica est indultum (sicut sunt Religiosi quamplures) in quorum privilegiis continetur; ne quisquam Episcopus, vel Archiepiscopus Monasteriorum suorum Monachos pro ulla causa, ullove loco interdicere, suspendere, vel excommunicare præsumat, iidem Ordinarii jurisdictionem suam, quantum ad ista, ubicumque illi fuerint, penitus exercere non possunt; -- quæ est dispositio Concilii Generalis Lugdunensis sub Innocent. IV.

31 Et facit, quod Tridentin. taxat casus, in quibus Regulares potestati Ordinariorum submittit, & cum vult dare auctoritatem Episcopis, ut censuris adversus eos procedant, id exprimit, ut *sess. 22. in fine Decreti de observandis, & evitandis in celebratione Missæ, & sess. 25. cap. 5. de Regularibus* dum providere intendit Monasterium Clausuræ, & *cap. 16. ejusdem sessionis* disponens, ne aliquid ex bonis Novitii ante professionem tribuatur Monasterio, ne hac occasione discedere nequeat.

32 Idèd cum id in aliis capitibus non exprimat; sed dicat, vel *accedere compellantur*, ut *cap. 13. vel puniri possit*, ut *cap. 14. allegat. sessionis*, sequitur eam illis concedere noluisse; & contulisse dumtaxat posse eos aliis
cano-

canonicis penis plectere, ut depositione, collocatione in arctius Monasterium, privatione officiorum, vocis activæ, & passivæ, similibusve, ex observatis ab Antonel. *de Reg. Eccl. lib. 7. cap. ult. sub num. 1.* cum quo videatur Donat. *cit. q. 23. 25. 78. 79.* Lezzana *cit. tom. 1. cap. 11. nu. 14* & *tom. 3. verb. exemptio. num. 10.* Piafec. *loco item allegat. nu. 77. 78.*

- 33 An autem in casibus, in quibus nulla est Episcopo in Regulares concessa jurisdictio, possit eos excommunicatos declarare, si aliquod delictum committant, propter quod ipso facto excommunicationem incurrant? Negative cum Antonel. *loc. cit.* respondetur; etiam si excommunicatio esset publica, & notoria, etenim hujusmodi declaratio adjunctum habet actum jurisdictionis, cum debeat fieri causa judicialiter cognita, & citata parte, quæ, utpotè exempta, citari non potest; & citata de jure ad hunc effectum comparere non debet; idè tunc à proprio Judice competenti debent declarari.
- 34 Potest tamen Episcopus Regularem excommunicatum, vel ob publicam percussione Clerici, vel propter apostasiam à suo Prælato, uti talem declaratum, suis subditis denunciare, ut cum vitent; quia id non est jurisdictionem in eum exercere, sed monere suos subditos de obligatione, quam habent, non communicandi cum excommunicato.
- 35 Verum id limitatur in *Clement. Religiosi de privil. lib. 5. tit. 7.* ut sequitur; -- Religiosi, qui Clericis, aut Laicis Sacramentum Unionis extremæ, vel Eucharistiæ ministrare; matrimoniave solemnizare; non habita super his Parochialis Presbyteri licentia speciali;

ciali; aut qui excommunicatos à Canone; præterquam in casibus à jure expressis, vel per privilegia Sedis Apostolicæ concessis eisdem: vel sententiis per statuta Provincialia, aut Synodalia promulgatis (seu ut verbis eorum utamur) à pœna, & culpa absolvere quemquam præsumpserit, excommunicationis incurrant sententiam, ipso facto, per Sedem Apostolicam dumtaxat absolvendam; quos etiam locorum Ordinarii (postquam de hoc eis constiterit) excommunicatos faciant publicè enunciari. --

- 36 Ligantur Regulares excommunicatione lata ab Episcopis contra accedentes ad Monialium Monasteria, easdemque alloquentes, si de illis fiat mentio, ut in terminis respondit S.C.C. die 26 Junii 1627. in una Viterbien. apud Lant. verbo Episcopus v. c. Offi. quoad Clausuram Mon. nu. 7.

Non possunt ab Episcopis Regulares impediri, ne ostiatim mendicent, & eleemosynas de licentia suorum Superiorum quærant per loca Diœcesis, in qua Conventus existunt, per disposita S.C.C. sub anno 1621. apud Spirellum decis. 38. nu. 27., ut sequitur. -- S.C.

- 37 &c. censuit, Fratres Ordinum Mendicantium nequaquam posse ab Episcopo prohiberi, quo minus per se ipsos in Diœcesibus, ubi

- 38 habent Conventus, eleemosynas quærant; sed tantum, si extra loca, ubi Monasteria existunt, quæritare voluerint, teneri suorum Superiorum licentiam Ordinario ostendere.

-- Similis tenoris Decretum refert Piasec. loc. cit. num. 50 & Lant. verb. Eleemosy. & apud Peyrin. de Privileg. ad const. 7. Pii V. sub J. 10., habetur, sub die 2. Julii 1620. S.C. item Concilii interrogatam: *Se possa*

39 *no i Regulari raccorre Vva, Grano, e Legna, e simili altre cose, prima che il Curato habbia raccolto le sue primitie?* respondisse, *non esse id prohibitum Regularibus; pœnas adversus impediētes latas, videas, in Const. Sixti IV. S. Præd & Min Bulla aurea nuncupata §.8. Bullar. Cherub. to. 1. pag. 432. & in Mari Magno Prædicatorum, & Minorum respectivè pag 408. aliàs contra molestantes Fratres, ne propriis liberè utantur privilegiis.*

40 *Limita, nisi eleemosynarum collectio sit immoderata; & in casu quo Religiosi non indigentes, aliis egenis eleemosynas subtrahunt, quia tunc posse Episcopum Regulares prohibere tradit Lezzan. to. 4. verb. Quæstuarii n. 4. v. cap. Off quoad Convent. n. 27.*

41 *Neque eis facultas datur à Tridentino visitandi Regularium Ecclesias, & Conventus, ut sub die 16. Junii 1605. ejuldem S. Congr. disposuit, prout infra. - Censuit Episcopus, & aliorum locorum Ordinarios vigore cujusvis Decreti Concilii nullam habere facultatem, quovis tempore, in Monasteriis, Domibus, & Ecclesiis Regularium, visitandi Sacristias, Paramenta, Vasa Sacra, Altaria, & alia, aut etiam Tabernaculum, seu Pixidem, in qua servatur Sacramentum. - lib. 10. decretor fol 115.*

Neve eam sub anno 622. obtinuerunt vigore Const. Gregorii XV. Inscrutabili, ut ibidem eadem S. C. C. firmavit, quæ ad dubium eidem, occasione emanatæ Constitutionis, propositum. - An liceat Episcopis visitare Altaria Regularium Ecclesiarum, quibus cura Animarum personarum secularium non incumbit, aut loca, ubi in iisdem Ecclesiis asservatur Sanctissimum Eucharistiæ Sa-

cra

cramentum, vel ubi audiuntur confessiones personarum secularium! respondit: Episcopis non licere in vim ejusdem Constitutionis visitare Altaria Ecclesiarum Regularium, quibus non incumbit Animarum cura personarum secularium, nec loca, ubi in iisdem Ecclesiis asservatur Sanctissimum Eucharistiæ Sacramentum, vel ubi confessiones personarum secularium audiuntur. -- *Bullar. Cberub. 10. 3. pag 403. ad const. alleg. Greg. XV.*

- 42 Neque item præcipere valent Regularibus, ut sicut debent dies Festos Diœcesis, sic ejusdem ritus, propriis relictis, teneantur servare, ad tenorem S. C. G. *lib. proxime cit. decretorum prout sequitur.* -- S. C. censuit decretum, *c. 12. versu dies Festi sess. 25.*, de Regularibus ita esse intelligendum, ut Regularium ritus, illis diebus Festis semper permaneat, quoad Missas celebrandas, & cætera Divina Officia, tam publicè, quam privatim, ab ipsis Regularibus in eorum Ecclesiis persolvenda: nec circa hæc ab Episcopis quoquomodo in contrarium quidquam ejusdem Regularibus præcipi posse; quod si de facto præceperint, Regulares neutiquam ipsis Episcopis obedire teneri. Verum, quoad conciones, & lectiones, quas iidem Regulares ad populum habuerint, debere se conformare Evangeliiis, & Epistolis, quibus Clerus secularis utitur illis diebus festis. -- *Peyr. ad Const. 27. Leonis X.*

- 43 Tametsi Regulares eximantur à lege jurisdictionis Episcopalis, & sic non teneantur de jure comparere, dum ab Illusterrimis Ordinariis citantur, utpote Judicibus non competentibus; cum tamen in citatione exprimitur causa, quæ fundet super ipsos Ordinarii jurisdictionem.

jurisdictionem, ut V.G. si citent ad comparandum, ex quo ad processiones non accesserint, quamquam ad eas vocatio præcesserit, ab onere comparandi ex Peyrin. *de Privileg. ad const. 2. Sixti IV. §. 10. nu. 15.* non liberantur, cum Episcopis assistat dispositio Conciliaris, eisdem tribuens jus compellendi ad processiones Exemptos.

- 44 Verum semper ex decencia, & reverentia Episcopis debita, comparere tenentur, vel ad allegandum privilegium, & exemptionis possessionem, adversus incompetentiam Fori, vel etiam ad illud exhibendum, si exemptio non sit notoria, ut notavit Piasse. *cit. nu. 72. Donat. alleg. q. 17.*, & habetur expressè *Cap. Cum personæ de Privil. in 6. lib. 5. c. 7.* ubi *Glos. verb. in Diæcesis*, tradit, -- quod pendente lite super exhibitione privilegiorum suorum, non potest Episcopus eos turbare in sua possessione exemptionis, neque in eos poterit suam exercere jurisdictionem. -- Et in dubio, an jurisdictio pertineat ad Episcopum, non potest Episcopus de causa cognoscere per Peyr. *cit.* ne sit Judex in causa propria; sed litis examen, & decisio ad Sedem Apostolicam ex *Const. Superna Clementis X.* spectat.

- 46 Tandem in favorem Religiosæ humilitatis, dicendum, quod quamquam Regulares sint exempti ab jure jurisdictionis Episcopalis, ab jure tamen reverentiali non eximuntur, sed sub mortali ad reverentiam Episcopis exhibendam teneri, tradit Peyr. §. 24. *ad Const. 26. Leonis X. incipit*, *Dum intra*, in qua §. 24. Pontifex ipse sic Regulares alloquitur, -- eosdem insuper Fratres in virtute Sanctæ Obedientiæ monemus (hoc est

est præcipimus) ut eisdem Episcopos loco Sanctorum Apostolorum subrogatos, pro debita, & nostra, ac Apostolicæ Sedis reverentia congruo honore, & convenienti observantia venerentur. --

- 47 Et Episcopos monet; -- ipsos quoque Episcopos hortamur, ac per viscera misericordiæ Dei Nostri requirimus, ut Fratres ipsos affectu benevolo prosequentes, charitativè tractent, ac benignè foveant, seque illis minimè difficiles, aut duros, vel morosos, sed potius faciles, mites, propitios, piaque munificentia liberales, exhibeant, ac in omnibus prædictis, tamquam in agro Dominico cooperatores, eorumque laborum participes, prompta benignitate recipiant, eorumque jura omni cum charitate custodiant, atque defendant. --

Et Clement. *Frequens de excessibus Prælatorum*, enunciatis triginta gravaminibus illatis per Prælatos Religiosis, §. *verum*, Episcopos non hortatur, -- sed eis præcipit, ut Religiosos charitativè tractent, & foveant, & sua jura, & privilegia inviolabiliter servant. --

- 48 Quibus, siue Episcopis, siue exemptis, in mutuæ dilectionis subsidiū, sensum Concilii Generalis Viennen. per infra scripta exhibeo.

-- Verum quia una est (*sunt verba textus*) Regularium, & Secularium Prælatorum, & subditorum, exemptorum, & non exemptorum universalis Ecclesia, extra quam nullus omnino salvatur, quorum omnium unus est Dominus, una Fides, & unum Baptisma; decet, ut omnes, qui ejusdem sunt corporis, unius etiam sint voluntatis: & sicut Fratres ad invicem vinculo charitatis sint adstricti:

Decet

Decet igitur, ut & Prælati, & alii, tam exempti, quam non exempti, suis juribus sint contenti: & alter in alterius injuriam non profiliat, seu jacturam. -- *Clement. alleg.*

C A P U T XVII.

Officialis quoad Exequias.

S U M M A R I U M.

- 1 Videantur Lantusca, Peyrin, & Luzzana.
- 2 Parochus unius Diœcesis non potest exigere partem cera ab alio alterius Diœcesis, transeunte per eius Parochiam, occasione associandi cadavera.
- 3 Et potest transire cum Stola, & Cruce.
- 4 Cum Parocho non sunt vocandi ceteri de Capitulo.
- 5 Non potest Parochus ingredi Ecclesias Regularium cum Stola, & Cruce, neque in eis officia peragere.
- 6 Neo ei licet exigere majorem eleemosynam ab Exteris, quàm à Civibus, nec ab eis, qui sepeliuntur in Ecclesiis Regularium, &c.
- 7 Regulares nequeunt processionaliter per Civitatem deferre cadavera Religiosorum decedentium intra Claustra.
- 8 Parochis non licet majus emolumentum exigere à repentina morte decedentibus.
- 9 Est contra pietatem relinquere cadavera inhumata.

1 **Q**uia plura ad notitiam præsentis Capituli necessaria lato calamo refert Lantusca ver. cadaver, v. exequia, & in supplemento, ver. associatio cadaverum Peyrin, de Privileg. in fine verb. decreta S. Cong. de.

decr. 9. & 10. & Lezz. Summ. qq. Regul. tom. 3. verb. defunctus ; ideo ad eos remisso Lectore, hic pauca, at satis utilia adnotantur.

Et primò Parocho unius Diœcesis non licere, nec posse aliquam partem ceræ, & pecuniarum ab hæredibus defuncti prætere, dum occasione deferendi cadavera ad Ecclesias Regularium alterius Diœcesis, necessario sit per ejus Parochiam transeundum, prout in terminis S.C. *Epif. & Reg.* decrevit, ut inf.

Sacra Congr. &c. -- censuit dandas esse declarationes, aliàs factas, nempe Curatum unius Diœcesis (quæcumque sit) in transitu Cadaveris, quod processionaliter defertur ad Ecclesiam Regularium ab alia Diœcesi, transeundo per propriam Parochiam, & jurisdictionem, non posse aliquam partem ceræ, & pecuniarum ab hæredibus Defuncti prætere; Itidem proprium Parochum Defuncti transeundo per Parochiam unius Parochi, alterius cujuscunque Diœcesis, ad effectum deferendi processionaliter Cadaver ad Ecclesiam Regularium posse liberè, & licitè per eandem, cum Stola, & Cruce, elevata, transire, etiam irrequisito Parocho; quas quidem declarationes in casu, de quo agitur, fideliter observari mandat, & præcipit eadem Sac. Congr. Romæ die 15. Novembr 1675.

Secundò, in associatione cadaverum ad Ecclesias Regularium! vocari non debere cum Parocho cæteros de Capitulo, ex recenti responso S.C. Rit. in una Vaden. ad dubia eidem proposita, ut sequitur. — Prætendentibus Parochis, seu Mansionariis Ecclesiæ Cathedralis Civit. Vaden. in associatione Defunctorum, qui sepulturam sibi eligunt, sive alio quovis modo in Ecclesia Regularium sunt

sunt tumulandi, ab eorundem hæredibus, unà cum proprio Parocho defuncti, omnes esse invitandos; Ecclesias Regularium ingredi cum Stola, & Cruce; ibique functiones, & officium circa cadaver peragere; ac insuper pinguiorem eleemosynam pro associandis, seu tumulandis Forentium, seu Exteriorum Cadaveribus, in Ecclesiis prædictis Regularium, quam à Civibus posse exigere, si in ipsis Parochialibus sepelirentur. Deducta coram Reverendissimo Episcopo Vaden. controversia, & ab eo, post quamplurimas comparitiones, pro declaratione, ad Sac. Rituum Congregationem remissa; Exinde Eminentissimo, & Reverendissimo Domino Cardinali de Noris commissa, & ab eodem propositis infra scriptis dubiis, videlicet.

Primò. -- An in associatione Cadaverum ad Ecclesias Regulares sint vocandi omnes Mansionarii præter Parochum? --

Secundò. -- An Parochus ingredi possit Ecclesias Regularium cum Stola, & Cruce, ibique officium, & functiones peragere?

Tertiò. -- An liceat Parocho exigere majorem eleemosynam ab exteris tumulandis in Ecclesiis Regularium, quam à Civibus? --

4 -- Sac. eadem Rituum Congregatio utra-
5 que parte, tam in voce, quam in scriptis prius
6 audita. Negative in omnibus respondit. Et
ita declaravit, & servari mandavit. Die 1.
Augusti 1698.

Et Parochis in associatione, sive occasione associationis Cadaverum non licere ingredi Ecclesias Regularium, sed teneri dimittere eadem Cadavera, ad januam Ecclesiarum, ibique solum posse benedicere, & dicere ultimi-
mum

munum vale, & officia, & alia munia à Regularibus, & non à Parochis, peragi debere, firmavit S. Cong. Episc. & Regul. die 27. Novemb. 1671. cujus dispositio sub die 18. Januar. 1673. confirmatur à Clemente X. *Const. Nuper pro parte*, & sub eadem die, & anno *Const. & aliàs* approbat ejusdem Congregationis decretum, quo injungitur Parochis, aliisque de Clero, ne majorem elemosynam exigant ab hæredibus Defunctorum, qui in Ecclesiis Regularium sepeliuntur, quam exigere possent in Parochiali, vel alia Cleri Ecclesia sepelirentur. *Bull. Cherub. to. 5. pag. 566.*

Non conceditur Regularibus Cadavera Religiosorum intra Claustra decedentium processionaliter deferre per vicus, & plateas, quin prius obtinuerint à Parocho licentiam; cum, ex dicendis *cap. Officialis quoad processiones*, (nisi eis aliàs privilegium assistat,) ut notavit Donat. *prax. regul. tom. 1. par. 2. qu. 81.* nequeant processiones extra Claustra Conventus facere, Episcopo irrequisito, vel Parocho, ex ratione, quod extra Claustra Crucem erigere, & sub ea processiones facere, in pompa Ecclesiæ, actum contineat jurisdictionis, ita proprio adherentem territorio, ut in alieno exerceri non possit, nisi consentiat loci Patronus, ad quod facit *cap. ut animarum de Const. in 6. lib. 1. tit. 2.*

Et sub expressis terminis firmavit S. Cong. Conc. sub die 2. Julii 1620. apud Peyrin. *cic. Const. 7 Pii V. sub § 10.* dum interrogata; quando muore alcun loro Superiore, ò Maestro, ò Teologo collegiale in Convento, se possono farle portare per la Città per diverse Parochie, e per le piazze con musiche, e riti straordinarii, e metterli ancora il Fediale, senza intervento del Cu-

Curato ? ad undecimum , respondit , non posse.

- 8 Quæ *sub die 24. Augusti 1669.* censuit -- non licere Parochis pro associandis Cadaveribus eorum , qui repentina , vel violenta morte decedunt , exigere majus emolumentum eo , quod exigi , seu præstari solet ab eo , qui testamentum condidit , -- *lib. 26. Dec. Fol. 283.*

- 9 Omnes tandem sciant , ex *cap. Abolenda de sepulturis lib. 3. tit 28.* nullo modo esse licitum , sed contra Christianæ pietatis officium , & per Ordinarios castigandum , quod propter exactionem pecuniarum , seu mortuaria non soluta , defunctorum cadavera inhumata relinquantur.

C A P U T XVIII.

Officialis quoad Festos dies.

S U M M A R I U M.

- 1 *Dies festi ab Episcopis indicti , à Regularibus servantur .*
- 2 *Possunt Regulares dies festos in suis Ecclesiis annunciare .*
- 3 *Et ad id possunt Ordinariis compelli .*
- 4 *Quid dies festi significant ?*
- 5 *Quæ per Regulares in eis possint exerceri ?*
- 6 *Decretum S. C. Rituum super Celebratione Missæ , & Officii de Sanctis descriptis in Martyrologio .*
- 7 *Decretum ejusdem super translatione Festi Sanctissimæ Annunciationis .*
- 8 *Alterum Decretum super Festo S. Joseph occurrente feria v. majoris hebdomadæ .*

1 Dies

1 **D**ies festos, quos Episcopi in sua Diœcesi servandos præceperint, debere, etiam à Regularibus observari, statuit Trident. *sess. 25. c. 2. de Regularibus*, ubi -- dies etiam festi, quos in Diœcesi sua servandos, idem Episcopus præceperit, ab exemptis omnibus, etiam Regularibus, servantur, vide *cap. officialis, quoad exemptionem abjuris: Ordin. n. 42. decret. S. C. C.*

2 Possunt Regulares dies festos, & jejunia in suis Ecclesiis annunciare, prout in terminis firmavit S. C. C. *sub die 2. Julii 1620. apud Lezan. sum. q. Regul. tom. 1. cap. 12. num. 41.* quæ interrogata; -- An Regulares possent annunciare dies festos, & jejunia in suis Ecclesiis ad Altare in celebratione Missæ? Respondit: Regulares non prohiberi dies festos, & jejunia in suis Ecclesiis annunciare. --

3 Imò posse ad id ab Ordinariis obligari, ne festorum, & jejuniorum ignorantia fideles transgrediantur præcepta Ecclesiæ, tradit Roderic. *quæst. Regul. tom. 1. quæst. 43. art. 7. in fine.*

4 Cum dies festi, seu festivitates, aliud non dicant, quam cultum divinum institutum in memoriam alicujus mysterii Ecclesiastici, vel martyrii, seu obitus &c. alicujus Sancti, cum cessatione ab operibus servilibus; hinc in illis, nec Regularibus, licet in suis Monasteriis, nec per se, nec per alios operarios seculares, operibus servilibus incumbere, ex Peyrin. *de Privil. Regul. to. 3. ad ditam ad Constit. Leonis X. c. 4. n. 54.* Quibus itidem prohibetur processus formare, causas cognoscere, & sententias proferre, ut notat Lez. *to. 3. v. festi dies sub n. 13.* exercere tamen poterunt

L actus

actus extra Judiciales, & qui fiunt sine strepitu judicii, & sic Ecclesias, & Monasteria, ipsosque Religiosos, more religioso, visitare, & sine strepitu judiciali præcepta subditis imponere, etiam cum excommunicatione, eosque à censuris absolvere.

Missæ celebrantur, & officia recitantur de Sanctis in Martyrologio descriptis ad formam sequentis Decreti.

- 6 Decretum Generale. -- Cum Sac. Rituum Congregationi innotuerit quamplures abusus irrepsisse circa recitationem officii, sub prætextu decreti ab eadem Congregatione evulgati de anno 1630. & in Breviario Romano impressi, in quo permittitur posse in Ecclesia recitari officia, & Missas celebrari de illis Sanctis, quorum Corpora, aut Reliquiæ insignes in ea asservantur: Eminentissimi Patres eidem Sac. Congr. Præpositi iisdem abusibus evellendis precipuè intenti, inhærendo decretis, alias in similibus editis, declararunt prædicta officia Sanctorum, ratione Corporis, seu insignis Reliquiæ, recitanda, intelligi debere de Sanctis, dumtaxat in Martyrologio Romano descriptis, & dummodo constet de identitate corporis, seu Reliquiæ insignis illiusmet Sancti, qui reperitur in Martyrologio Romano descriptus: de cæteris autem Sanctis in prædicto Martyrologio non descriptis, aut quibus à Sancta Sede non fuerit specialiter concessum, officia recitari, & Missas celebrari, vetuerunt, non obstante, quod ipsorum Corpora, vel insignes Reliquiæ in Ecclesiis asservantur. Quibus tamen ab Ordinariis locorum approbatis, debitam fidelium venerationem (prout hactenus servatum est) exhiben.

bendam esse censuerunt, sed absque officio, & Missa, sub penis de non satisfaciendo præcepto recitandi officium, aliisque in Constitut. Pi. V. contentis. Die 11. Augusti 1691.

-- Et facta de prædictis Sanctissimo per me Secretar. relatione, Sanctitas Sua huiusmodi decretum approbavit, ac, ut debitæ exequutioni demandetur locorum Ordinariis injungendum esse præcepit. Die 19. Octobr. ejusdem anni 1691.

Super translatione Festi Annunciationis post octavam Paschæ, eadem Sac. Congreg. disposuit, ut infrà.

- 7 -- Et si secundum regulas Breviarii Romani, cum plura festa æqualia in ritu transferenda sunt, unum ante aliud transferri debeat eo ordine, quo erant celebranda propriis diebus: attamen quia anno 1690. ab hac Sacrorum Rituum Congr. approbante, & mandante fel. rec. Alexandro Papa VIII. specialis prærogativa concessa fuit translationi festi Annunciationis B. Mariæ Virginis Matris Dei, incidentis in feriam sextam Parasceve, vel Sabbatum Sanctum: idcirco eadem Sac. Rituum Congregatio istiusmodi novis decretis inhærens, ob specialem reverentiam Dominicæ Incarnationis speciali hoc privilegio decorandum, censuit idem festum Annunciationis; nimirum, ut quotiescunque posthac contigerit festum prædictum, etiam quoad solum officium, post octavas Paschæ, transferri, in eodem cæteris semper festis æqualis ritus præponatur, licet temporis ordine illis sit in Kalendario posterius; & ita servari mandavit die 14. Junii 1691.

Occurrente festo S. Josephi feria v. majoris hebdomadæ plures Missæ currentis officii ipsa die celebrantur, & solum quoad Chorum, seu officium, transfertur festum Sancti, non quoad sacrum, ut itidem eadem firmavit.

- 8 -- Cum anno proximè venturo occurrat festum S. Josephi in feria v. majoris hebdomadæ, exortum fuit dubium, attentata universali consuetudine Ecclesiæ celebrandi eo die unam tantum Missam, an una cum officio ipsius Sancti Josephi transferri debeat anno prædicto, etiam obligatio audiendi Missam, ac vacandi ab operibus servilibus? dubioque hujusmodi in Sacrorum Rituum Congregatione proposito, eadem Congregatio ad relationem Eminentiſs. & Reverendiſs. D. Card. Albani, rematurè discussa censuit officium transferendum esse ad aliam diem, juxta rubricas Breviarii Romani, & decreta ipsius Congregationis; cæterum præceptum audiendi Missam, & vacandi ab operibus prædictis non esse transferendum, sed servandum esse prædicta feria v. majoris hebdomadæ: adeoque per Ordinarios locorum accuratè providendum, ut eo die aliquæ quidem Missæ privatæ ante celebrationem solitæ Missæ Conventualis celebrandæ pro præcepti adimplemento non desint, sed tamen propterea antiquus mos Communionis Cleri in Missa solemni ejus diei, quo Ecclesia SS. Eucharistiæ Sacramenti institutionem, & memoriam recolit, summa religione hæctenus deſertus, nullatenus omittatur, & ita declaravit, ac decretum hujusmodi publicari, & imprimi mandavit. Die 13. Septembr. 1692.

C A.

CAPUT XIX.

Officialis quoad Indulgentias.

S U M M A R I U M.

- 1 Describitur Indulgentia.
- 2 Est in Ecclesia potestas concedendi Indulgentias.
- 3 Indulgentia revocari possunt.
- 4 Constitutio Pauli V. revocatoria Indulgentiarum.
- 5 Aliae conceduntur.
- 6 Damnatur Propositio super revalidatione Indulgentiarum.
- 7 Distinctio, quod redierint per communicationem, non subsistit.
- 8 Decretum emanatum sub Innoc. XI.
- 9 Indulgentiae quando revalidentur!
- 10 Rescriptorum intellectus, à quo desumatur!
- 11 Non sunt revocatae, concessae visitantibus Ecclesias Regularium.
- 12 Declaratio S. C. Indulgentiarum.
- 13 Non revocantur Indulgentiae concessae, cum clausula Universis Christi fidelibus &c.
- 14 Regulares sunt fideles, non deterioris conditionis.
- 15 S. Franciscus obtinet à Christo Indulgentiam Portiunculae.
- 16 Indulgentia Portiuncula applicabilis per modum suffragii.
- 17 Indulgentia Portiuncula conceditur quotidiana.
- 18 Indulgentia recitantibus Officium Conceptionis in ejus festo, & recitationi interessentibus.

- 19 *Indulgentia recitantibus Officium Sanctissimi Nominis Jesu ; & quomodo interessentibus .*
- 20 *Indulgentia perpetua in Festis SS. Joannis à Capistrano , & Paschalis Baylon .*
- 21 *Indulgentia quotidiana visitantibus Ecclesiam S. P. Francisci Civitatis Assisi .*
- 22 *Indulgentia stationum Urbis , quomodo intelligantur Regularibus concessæ ?*
- 23 *Indulgentia Plenaria semel tantum in die acquiritur .*
- 24 *Indulgentia affixa diei non transfertur cum translatione Officii .*
- 25 *Si Festum transferatur quoad Chorum , & forum , est probabile transferri indulgentiam*
- 26 *Attendenda est dispositio literarum .*
- 27 *Si quoad forum , festum non transfertur , probabilius est , Indulgentiam non transferri .*
- 28 *Clausula dummodo celebrentur quotidie septem Missæ , quæ ponitur in concessione Altaris Privilegiati .*
- 29 *Clausula ad septennium exponitur .*

1 **E**ST Indulgentia , relaxatio , remissio , seu condonatio pœnæ temporalis debitæ pro peccatis actualibus , jam dimissis , à Prælato Ecclesiæ existentibus in gratia , extra Sacramentum concessa per dispensationem , seu applicationem thesauri Ecclesiastici .

Indulgentiarum usum Christiano populo maxime sacrorum Conciliorum auctoritate probatum retinendum esse , Tridentinum docet , & præcipit , eosque anathemate damnat , qui , aut inutiles esse asserunt , vel eas concedendi in Ecclesia potestatem esse negant , *Sess. 25. in decr. de Indulg.*

3 Indulgentiæ per Doctores revocari possunt ; & patet ex praxi Pauli V. qui eas , per suos prædecessores Regularibus concessas , revocavit , aliasque ipsarum loco eisdem est elargitus , ut sequitur . Bull. Cherub. tom. 3. pag. 201.

4 -- Romanus Pontifex in Beati Petri sede constitutus , cui inter alia cælestis Indulgentiarum thesauri dispensandi cura incumbit , sollicitè prospicere debet , ac solerter , ut huiusmodi Indulgentiarum dispensatio , & usus ad Dei gloriam , & animarum salutem præcipuè dirigatur , & ne illarum multiplicitate confusio , aut inanis interpretatio exoriat.

§. 1. Proinde cum fel. rec. Clemens Papa VIII. prædecessor noster magna cum diligentia , & sollicitudine procuraverit , abusus , & corruptelas , tum in communicando Indulgentiarum thesauros , tum in modo illos recipiendi , irreptos tollere , & propterea sua quadam constitutione formam aggregandi , instituendi , & rectè administrandi Societates , & Confraternitates præscripserit , licèt morte præventus hanc piam ejus voluntatem ad finalem executionem deducere , neque etiam ut cogitaverat , circa Indulgentias à plerisque Romanis Pontificibus prædecessoribus , Religionibus , & Ordinibus Monasticis , & Mendicantibus diversis temporibus concessas , aliquid deliberare potuerit .

§. 2. Nos , qui nullis nostris meritis , sed sola Dei benignitate ad summi Apostolatus officium vocati sumus , susceptum à tanto Pontifice pium hoc opus ad optimum finem perducere cupientes , ubi primum Catholicæ Ecclesiæ regimen suscepimus , venerabilibus

Fratribus nostris S. R. E. Cardinalibus ad hoc opus à dicto Clemente prædecessore deputatis, de quorum numero tempore ipsius Clementis prædecessoris eramus, injunximus, ut in illo opere ad ulteriora progredirentur, & Indulgentias Regularibus concessas recognoscerent, iisque recognitis rem nobiscum communicarent.

§. 3. Cum itaque præfati Cardinales privilegia, concessionem, & gratias prædictis Religionibus, & Ordinibus concessas diligenter inspexerint, & examinaverint, ac eorundem Ordinum Superiores, & Officiales pluries audiverint, ac circa easdem Indulgentias varia dubia, & incertitudines, & confusiones adesse compererint, & ex judicio earundem, etiam Regularium, vel aliquorum ex illis nobis proposuerint valde expedire, pro eorum majori securitate, & beneficio, ut Indulgentias ipsis Regularibus, & Ordinibus ad instar, vel per communicationem, aut alio modo hætenus concessas, annullaremus, & revocaremus, ac alias particulares illis concederemus.

5 §. 4. Nos matura super hoc consultatione præhabita, cupientes personis Regularibus quibuscumque quorumvis Ordinum, tam Monasteriorum, quàm Mendicantium, spirituale solatium, & juvamen afferre, infra-scriptas Indulgentias, & gratias, quas personis Regularibus, intra claustra, aut extra, cum licentia tamen suorum Superiorum, legitima de causa, illis concessa, degentibus, tantummodò suffragari debere declaramus, concedendas duximus.

§. 6. Omnibus igitur Christi fidelibus, qui canonicè, & juxta ordines cujuslibet Religio-

gionis , & Constitutiones Apostolicas habitum Regularem à legitimis Superioribus causa profitendi in illo susceperint, die primo eorum ingressus in ipsam Religionem, si verè poenitentes, & confessi Sanctissimum Eucharistiæ Sacramentum sumperint Plenariam.

§. 6. Ac cuilibet Novitio, qui poenitens, & confessus, ac sacra Communionem refectus, post completum probationis annum, professionem emisit, etiam plenariam.

§. 7. Nec non cuilibet Religioso inter claustra sui Monasterii viventi, qui in festo principali sui Ordinis confessus, & sacra Communionem refectus fuerit, aut Missam recitans pro Christianorum Principum concordia, hæresum extirpatione, Romani Pontificis salute, ac Sanctæ Matris Ecclesiæ exaltatione pias ad Deum preces effuderint, etiam Plenariam.

§. 8. In cujuslibet verò mortis articulo, si pariter verè poenitens, & confessus, ac sacra Communionem refectus, vel quatenus id facere nequirit, saltem contritus, nomen Jesu ore, si potuerit, sin autem corde, devotè invocaverit, etiam Plenariam.

§. 9. Qui verò ad Presbyteratus ordinem canonicè promotus, & confessus, primam Missam celebrabit, nec non etiam iis Religiosis, qui pariter confessi, ac sacra Communionem refecti eidem Missæ interfuerint, aut ipso die Missam similiter celebrabunt, etiam Plenariam.

§. 10. Iis verò, qui de suorum Superiorum licentia, à negotiis per decem dies alieni in cella commorabuntur, aut ab aliorum conversatione separati, in piorum librorum, & aliarum rerum, spiritualium animos

ad devotionem, & spiritum inducentium lectionibus operam suam dederint, addendo sæpè considerationes, & meditationes myſteriorum fidei Catholicæ, divinarum beneficiorum; quatuor Noviffimorum, Paſſionis Domini Noſtri Jeſu Chriſti, & aliorum exercitiorum, orationum jaculatoriarum, aut vocalium, ſaltem per duas horas in diem, & noctem orationibus mentalibus, ſe exercendo, faciendo eodem tempore confeſſionem generalem, aut annualem, vel ordinariam, Sanctiſſimum Eucharistiæ Sacramentum ſumpſerint, aut Miſſam celebraverint, quoties pro quolibet prædictorum exercitiorum, Plenariam ſimiliter omnium peccatorum ſuorum Indulgentiam, & remiſſionem miſericorditer in Domino concedimus.

§. 11. Præterea iidem Religioſi intra Clauſtra viventes, qui ſuam Eccleſiam devotè viſitaverint, & ut præfertur oraverint, conſequantur eaſdem Indulgentias, quas viſitantes Eccleſias Urbis, & extra eam diebus Stationum conſequuntur, in omnibus diebus perinde, ac ſi ipſas Urbis Eccleſias perſonaliter viſitarent.

§. 12. Omnibus item Religioſis ipſa clauſtra, ut ſupra, viventibus, qui quinquies Orationem Dominicam, & toties Salutationem Angelicam ante Altare eorum Eccleſiæ in quolibet die, quinque annos, & totidem quadragenas.

§. 13. Iis verò, qui de ſuorum ſuperiorum licentia in itinere exiſtentes, aut extra clauſtra degentes, tamquam Prædicatores, & Lectores, quinquies eandem Orationem Dominicam, & toties Salutationem Angelicam, ante quodlibet Altare ſimiliter dixerint, etiam

etiã quinque annos, & totidem quadragenas.

§. 14. Nec non etiam eisdem Religiosis, qui per mensem integrum singulis diebus, spatio mediæ horæ orationem mentalem fecerint, ac Confessi, & sacra Communione, ultima Dominica mensis hujusmodi resecti fuerint, sexaginta annos, & totidem quadragenas.

§. 15. Qui verò contrito corde, & penitentes eorum culpas, & peccata, ac imperfectiones in Capitulis culparum accusabunt, & spiritualiter communicabunt, & exercitium virtutum facient, tres annos, & totidem quadragenas.

§. 16. Quotiescunque autem delicta Summi Pontificis, aut suorum Superiorum in ditiones, & terras infidelium, aut Hæreticorum ad concionandum, aut Catholicos docendum, vel infideles, & Hæreticos ipsos ad fidem Catholicam convertendum, & Ecclesiæ gremio reducendum, missi fuerint, si penitentes, & confessi, ac Sanctissima Communione resecti fuerint, vel Missam celebraverint, ut melius ad hujusmodi opus sese parare valeant, pro duabus vicibus, videlicet, quando itineri se accingent, & quando in Provinciam, ubi prædicta opera eis exercenda erunt, ingressi fuerint, Plenariam omnium peccatorum suorum Indulgentiam, & remissionem misericorditer in Domino pariter concedimus, & elargimur.

§. 17. Et insuper cum Superiori in visitationibus generalibus orationes quadraginta horarum pro bono visitationis progressu collocare voluerit, iis Religiosis, qui dictis orationibus, saltem spatio duarum horarum in diverso tempore interfuerint, & ibi pro

Christianorum Principum concordia, hæresum extirpatione, Romani Pontificis salute, ac S. Matris Ecclesiæ exaltatione, necnon disciplinæ, & observantiæ Regularis augmento, pias ad Deum preces, ut supra dictum est, effuderint, si confessi, & sacra Communione refecti fuerint, aut Missam celebraverint, Plenariam similiter omnium peccatorum Indulgentiam, & remissionem, ut præfertur, concedimus.

§. 18. Volumus autem, ut omnes supradictæ Indulgentiæ, & gratiæ Religiosis Regularibus cujuscvis Ordinis, tam Monastici, quam Mendicantis dumtaxat, ut præfertur, concessæ, etiam omnibus Monialibus, cujuscvis Regulæ approbatæ, & intra claustra, cum tribus votis solemnibus viventibus, & perpetuam clausuram servantibus, tam Ordinariis locorum, quam etiam Regularibus, cujuscumque Ordinis, Regulæ, & Instituti, subjectis suffragentur. Præsentibus perpetuis futuris temporibus duraturis.

§. 19. Cæterum omnes, & singulas Indulgentias quibuscumque Ordinibus, & Institutis Regularibus hujusmodi, etiam Mendicantibus, & quibuslibet personis Regularibus, tam vigore privilegiorum, & litterarum Apostolicarum, quam vivæ vocis oraculo, aut alias quovis modo, per quoscumque Romanos Pontifices Prædecessores nostros, ac Nos, & Apostolicam Sedem, hætenus concessas, confirmatas, approbatas, & innovatas, auctoritate, & tenore prædictis perpetuo revocamus, cassamus, annullamus, & abrogamus, & ad præsentium nostrarum litterarum præscriptum reducimus, & moderamur.

§. 20. Non

§. 20. Non obstantibus quibuscvis constitutionibus, & ordinationibus Apostolicis, ac eorum Ordinum, & Institutorum Regularium, etiam juramento, confirmatione Apostolica, vel quamvis firmitate alia roboratis, statutis, & consuetudinibus, privilegiis quoque, indultis, & literis Apostolicis, etiam Mare magnum, & Bulla aurea nuncupata, eisdem Ordinibus, & Institutis, eorumque Monasteriis, Conventibus, Collegiis, Domibus, Superioribus & personis in contrarium præmissorum quomodolibet concessis, confirmatis, & approbatis. Quibus omnibus, & singulis, etiam si pro illorum sufficienti derogatione de illis, eorumque totis tenoribus, specialis, specifica, expressa, ac de verbo ad verbum, non autem per clausulas generales, idem importantes, mentio, seu quævis alia expressio habenda foret, tenores hujusmodi præsentibus pro expressis, & ad verbum insertis, habentes, illis aliàs in tuo robore permanens, hac vice dumtaxat specialiter, & expresse derogamus, cæterisque contrariis quibuscumque.

§. 21. Volumus autem, ut præsentium transumptis, etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis, eadem fides habeatur ubique, quæ præsentibus ipsis originalibus literis haberetur.

Dat. Romæ apud S. Petrum, sub annulo Piscatoris, die 23. Maii 1606. Pontificatus nostri Anno 2.

Et cum plures affererent per confirmationes privilegiorum, et revocatione posteriores, eas fuisse pristino valori restitutas.

Alex

Alex. VII. die 18. Martii 1666. illis super hoc silentium indixit, hujusmodi propositionem damnans.

- 6 *Indulgentiæ concessæ Regularibus, & revocatæ à Paulo V., hodie sunt revalidatæ.*

Nec datur locus distinctioni scribentium ab Alex. damnari hanc dumtaxat propositionem. -- Indulgentiæ revocatæ à Paulo V., directæ, & expressæ sunt revalidatæ; mini-

- 7 *mè autem affirmantium esse revalidatas cum modificatione; quatenus propter privilegiorum communicationem, redierint ad suos pristinos possessores, si Religio aliqua post revocationem Pauli, obtinuerit, ab eo revocatas, per posteriores Pontifices innovari, & iterum concedi; -- id etenim cum decreto Alex. non cohæret, cum ipse absolute velit non esse revalidatas; & adversatur alteri à Sacr. Cong. Indulgentiarum, & ab Innocentio XI. approbato, edito 7. Martii 1676. videntur apud Kant. *supplement. verb. Indulgentiarum* num. 8. & Gobat. *tom. 2. oper. mor. tract. 4. part. 3 cap. 37. sub num. 709.* ubi, pluribus Indulgentiis, vel, ut apocriphis, aut fictis, seu inventis, reprobatis, *S. ac demum*, quoad eas personis Regularibus quarumcumque Religionum, & Ordinum, etiam Mendicantium, ante Breve Pauli V. superius enuntiatum, concessas, disponit, ut sequitur: -- nisi fuerint deinde Romani Pontificis auctoritate innovatæ, aut confirmatæ, nullius esse roboris & momenti pariter declarat. --*

- 9 Ideò numquam revalidari dicendum, nisi per Sedem Apostolicam successive innoventur, vel confirmentur; & cum intellectus rescripti, quoad clausulas involventes gratiam,

tiam, ex notatis à Gobat. loco cit. cap. 27. sub num. 549. petendus sit ex mente, & pro-
 10 mio Principis rescribentis, videndum est, si in literis confirmationis, Indulgentiæ cum aliis ab eodem nominentur, & exprimantur.

Cum Paulus §. 19. dicat à se revocari Indulgentias quibuscumque -- Ordinibus, & Institutis Regularibus, etiam Mendicantibus, & quibuslibet personis Regularibus; & decretum citet, & declaret nullius esse ro-
 11 boris, concessas personis Regularibus quorumcumque Religionum, & Ordinum, etiam Mendicantium, -- sequitur eas dumtaxat revocatas, & abrogatas esse, quæ directè, & principaliter concessæ erant ipsis Regularibus, non verò eas Ecclesiis Regularium visitantibus concessas, ut notavit Lezana tom. 3 pag. 364. verb. Indul. num. 8. & declaravit Sac. Congr. Indulgentiarum ab eodem Paulo deputata, ipseque approbavit apud Lant. verb. Confrat. sub num. 11., & in ea decreta transmissa fuerunt Archiepiscopo Bononiensi, ut sequitur; *E perche molti dubitano, se per la Costituzione di Sua Beatitudine sopra l'Indulgenze concesse ultimamente alle persone Religiose, con revocatione delle antiche,*
 12 *venghino revocate anco l'Indulgenze concesse alle Chiese Regolari, & à quei, che le visitano, ancorche la Costituzione comprendi chiara-mente solo le persone Regolari, senza estenderfi alle Chiese loro, tuttavia la Sac. Congregatione per levar ogni dubio, dichiara, che l'Indulgenze concesse à quelli, che visitano le Chiese de Regolari, stanno nella loro forza, e vigore, finche la Santità Sua farà altra deliberations, e però se possono lasciar publicare, quando non ostri altra cosa;*

cosa; Alia vide. Nicol Flos. v. *Indulg. nu. 6.*
 Nec revocantur concessæ personis de Tertio
 Ordine; nam proposito dubio Sac. Congreg.
 Indulgentiarum, & in ea examinato; *An in
 generali revocatione Indulgentiarum, quæ in
 Brevi Romanas Pontifex Pauli V. habetur, com-
 prebendantur Personæ, quæ substantialia Re-
 ligionis vota non emittunt intra, vel extra
 Claustra degentes?* Ipsa respondit, *eas mi-
 nimè comprehendi.* Et responsum confir-
 matur ab Innocentio X I. Constit. Aliàs
 10. Octobr. 1686. direct. Trium Ordin. art. 5.
 constit. 1.

Nec revocari dicendum, ut notat Go-
 bat. cit. part. 1. cap. 27. sub num. 346. & Hafs-
 benfis Summa Select. 99. v. *Indulgentia sub
 num. 222.* Indulgentias promiscue datas, Re-
 gularibus, & Secularibus, ut cum in lite-
 ris concessionis à Pontifice apponitur Clau-
 sula illimitata, -- Universis Christifideli-
 13 bus, vel omnibus utriusque sexus Christi fi-
 delibus, qui devotè visitaverint Ecclesiam,
 v. g. S. Mariæ de Aracæli in Festo S. Fran-
 cisci, indulgentiam concedimus; -- quia
 hujusmodi generis Indulgentiæ non sunt da-
 tæ primo, & directè personis Regularibus,
 sed omnibus Christi Fidelibus; ideò, & Re-
 gulares in ejusdem S. Francisci Festo, devotè,
 & ut oportet, præfatam visitantes Eccle-
 siam, eam, possunt lucrari, cum & ipsi, sicut
 14 cæteri, sint fideles, & non deterioris con-
 ditionis.

15 Plenariam à Christo Domino ad preces
 Deiparæ pro omnibus fidelibus, qui Eccle-
 siam S. Mariæ Angelorum, seu Portiun-
 culæ nuncupatam, in agro sitam Assisien. piè,
 & devotè visitarent, obtinuit S. Franciscus,
 quam

quam ad unicam diem restrinxit Honorius III., ad secundam scilicet Augusti, in qua ejusdem Ecclesiæ anniversaria dedicationis memoria recurrit.

Et sub revocatoria Indulgentiarum dispositione, quæ Anno Sancto durante suspenduntur, eam non comprehendendi declararunt Innoc. X. 5. *Julii* 1650. Clemens 12. *Novembris* 1674. & occasione præsentis, expressit Innocentius XII. prout sequitur.

-- Cum ob Sacri Iubilei celebrationem, à Vigilia Nativitatis Domini Nostri Jesu Christi proximè venturi anni inchoandam, & usque ad finem ejusdem anni duraturam, omnes, & singulas Indulgentias, & peccatorum remissiones quibuscumque Ecclesiis, Monasteriis, Hospitalibus, & aliis locis piis secularibus, & quorumvis Ordinum, etiam Mendicantium, Regularibus, sub quibuscumque tenoribus, & formis, ac cum quibuscumque clausulis, & decretis, quomodolibet concessas, de Apostolicæ potestatis plenitudine suspendimus, ac suspensas esse declaraverimus, easque eodem anno durante nulli prodesse, aut suffragari debere decreverimus, prout in nostris sub Plumbo desuper expeditis literis, quarum tenorem præsentibus pro expressis haberi volumus, plenius continetur: Nos cupientes, ut Ecclesia Sanctæ Mariæ Angelorum Domus Ordinis Fratrum Minorum S. Francisci de Observantia propè, & extra muros Civitatis Assisien., congruis frequentetur honoribus, ad eamque Christi Fideles libentiùs accedant, quo exinde spiritualibus gratiis se uberius refectos conspexerint, tenore præsentium declaramus, mentis, & intentionis Nostræ mini-

minime fuisse, nec esse sub præfata Indulgentiarum suspensione, Indulgentiam utriusque sexus Christi Fidelibus, prædictam Ecclesiam die secunda Mensis Augusti, à primis vespers usque ad occasum solis diei huiusmodi visitantibus, & requisita, pro eadem Indulgentia consequenda, peragentibus, concessam, comprehendere, prout minimè comprehendimus, nec comprehensam esse in verbo Romani Pontificis attestamus: In contrarium facientibus non obstantibus quibuscumque. Datum Romæ apud Sanctam Mariam Majorem sub annulo Piscatoris die xxi. Augusti M. DC. XCIX Pontificatus Nostri Anno Nono. --

Indulgentiam Portiunculæ applicari posse per modum Suffragii Animabus Defunctorum, indulxit Innocentius XI. ut infra.

- 16 -- Aliàs fel. rec. Greg. Papa XV. Prædecessor Noster omnibus, & singulis utriusque sexus Christi Fidelibus, verè penitentibus, & confessis, ac Sac. Communione refectis, qui aliquam ex Ecclesiis Fratrum Ordinis Minorum S. Francisci de Observantia, etiam Reformatorum, nuncupatorum, ubicumque existentium, de secunda Mensis Augusti à primis vespers usque ad occasum solis diei huiusmodi, annis singulis, devotè visitassent, & ibi pro Christianorum Principum concordia, Hæresum extirpatione, ac S. Matris Ecclesiæ exaltatione, pias ad Deum preces effudissent, plenariam omnium peccatorum suorum Indulgentiam, & remissionem, misericorditer in Domino concessit, & aliàs, prout in ipsius Gregorii prædecessoris literis, desuper in simili forma Brevis die iv. Julii 1622. expeditis, quas perpetuis

petuis futuris temporibus valere voluit , uberior continetur . Cum autem dilectus Filius modernus Procurator Generalis dicti Ordinis , Nobis nuper exponi fecit Indulgentiam plenariam , & peccatorum remissionem , per dictum Gregorium prædecessorem , ut præfertur , concessam etiam Animabus Christi Fidelium Defunctorum , per modum Suffragii applicari posse , summopere desideret : Nos piis ejusdem Procuratoris Generalis hac in re , quantum cum Domino possumus , favorabiliter annuere volentes , auctoritate Nobis à Domino tradita , ac de Omnipotentis Dei misericordia , ac Beatorum Petri , & Pauli Apostolorum ejus auctoritate confisi , Indulgentiam plenariam , & peccatorum remissionem Christi Fidelibus præfatis , supradictas Ecclesias Fratrum Ordinis S. Francisci de Observantia , & Reformatorum , dicta die secunda Mensis Augusti , ut supra , visitantibus , & præmissa peragentibus concessam , etiam Christi Fidelium Animabus , quæ , Deo in charitate conjunctæ , ab hac luce migraverint , per modum Suffragii applicari posse , etiam perpetuò concedimus , & indulgemus ; in contrarium facientibus non obstantibus quibuscumque . Volumus &c. Dat. Romæ apud S. Mariam Majorem sub annulo Piscatoris die 22 Januarii 1687. Pontificatus Nostri Anno Undecimo . --

17 Et idem Innocentius XII. Indulgentiam perpetuam , in quocumque die , præfatam Ecclesiam visitantibus concedit. *Collet. Bulla. Innocentii XII. pag. 197.*

-- Redemptoris , & Domini Nostri Jesu Christi vices , licet immeriti , gerentes in terris , Cælestium munerum thesauros , quorum

rum dispensationem humilitati nostræ commisit Deus, fideli, prudentique liberalitate libenter erogamus, sicut pia sublimium Principum, præclaris in Ecclesiam Dei meritis fulgentium, ac Religiosorum virorum, propriæ, alienæque salutis laudabiliter incumbentium, vota postulant, & Nos, ad augendam, fovendamque Fidelium pietatem profuturum in Domino arbitramur. Itaque spiritali Christi Fidelium ad Ecclesiam S. Mariæ Angelorum nuncupat., Domus Fratrum Ordinis Minorum S. Francisci, de Observantia nuncupatorum, propè, & extra muros Civitatis Assisien., assidue (ut accepimus) ex universis Christiani Orbis partibus, devotionis causa, confluentium, consolationi, atque Animarum salutis, quantum cum Domino possumus, benignè consulere, nec non dilecti Filii Bonaventuræ Poerii Ministri Generalis dicti Ordinis supplicationibus, etiam totius Ordinis prædicti nomine, Nobis super hoc humiliter porrectis, quibus pie, atque enixè plurium Orthodoxorum Principum preces, in idipsum tendentes accessere, favorabilem assensum præbere cupientes, ac de Omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus utriusque sexus Christi Fidelibus ad Ecclesiam supradictam, sicut præmittitur, confluentibus, qui illam verè penitentes, & confessi, ac Sacr. Communione refecti, in quocumque Anni die devotè visitaverint, & ibi pro Christianorum Principum concordia, Hæresum extirpatione, ac Sanctæ Matris Ecclesiæ exaltatione, pias ad Deum preces effuderint, plenariam omnium peccato-

catorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris. Volumus &c Datum Romæ apud S. Mariam Majorem sub Annulo Piscatoris die xviii. Augusti. M. DC XCV. Pontificatus Nostri Anno Quinto.

Sixti IV. dispositione, apud *Confess. Collect.*

Privil. Mend. parte prima pag. mibi 92., reci-

tantes in Festo Conceptionis ejusdem Officium, dispositum per Leonardum de Nogariis, vel intereuntes recitationi, easdem Indulgentias, quas Christi Fideles in Solemnitate Corporis Christi, lucrantur.

18 - Sixtus Episcopus servus servorum Dei. Ad perpetuam rei memoriam. Cum præcella meritorum insignia, quibus Regina Celorum Virgo Dei Genitrix Gloriosa sedibus prælata sydereis, quasi Stella matutina perrutilans, devotè considerationis indagine perscrutamur, & infra pectoris arcana revolvimus, quod ipsa, utpotè via misericordiæ, Mater gratiæ, & pietatis, unica humani generis consolatrix, pro salute Fidelium, qui delictorum onere prægravantur, sedula oratrix, & pervigil ad Regem, quem genuit, intercedit dignum, quin potius debicum, reputamus universos Christi Fideles, ut Omnipotenti Deo, cujus providentia ejusdem Virginis humilitatem ab æterno respiciens, pro reconcilianda Auctori humana natura, lapsu primi hominis æternæ morti obnoxia, eam sui unigeniti habitaculum, Sancti Spiritus præparatione constituit, ex qua carnem nostræ mortalitatis pro redemptione populi sui assumeret, & Immaculata Virgo, post partum, nihilominus

minus remaneret, de ipsius Immaculatæ Virginis mira Conceptione gratias, & laudes referant, & instituta propterea in Dei Ecclesia Missas, & alia Divina Officia dixerint, & illis interfuerint, Indulgentiis, & peccatorum remissionibus invitare; ut exinde fiant ejusdem Virginis meritis, & intercessione, Divinæ gratiæ aptiores. Hac igitur consideratione inducti, ejusdem Omnipotentis Dei, ac Beatorum Petri, & Pauli Apostolorum ejus auctoritate confisi, hac in perpetuum valitura Constitutione, statuimus, & ordinamus, quod omnes, & singuli Christi Fideles, utriusque sexus, qui Missam, & Officium Conceptionis ejusdem Virginis Gloriosæ, juxta piam, devotam, & laudabilem ordinationem dilecti Filii Magistri Leonardi de Nogarolis Clerici Veronensis Notarii Nostri, & quod desuper à Nobis emanavit, Missæ, & Officium, hujusmodi institutionem in die Festivitatis Conceptionem ejusdem Virginis Mariæ, & per Octavas ejus devotè celebraverint, & dixerint, aut illis Horis canonicis intererint, quoties id fecerint, eandem prorsus Indulgentiam, & peccatorum remissionem, exinde consequantur, quam juxta felicitis recordationis Urbani Quarti, in Concilio Viennensi approbatæ, ac Martini Quinti, & aliorum Romanorum Pontificum prædecessorum Nostrorum Constitutiones, consequuntur, illi, qui Missam, Officium, & Horas canonicas in Festo Corporis, & Sanguinis Domini Nostri Jesu Christi à primis vespers, & per illius Octavas, juxta Romanæ Ecclesiæ institutionem, celebrant, dicunt, aut Missæ, Officio, & Horis hujusmodi interfunt, præsentibus

sentibus perpetuis futuris temporibus valit-
turam. Datum Romæ apud S. Petrum An-
no Domini millesimo quadringentesimo se-
ptuagesimo sexto, tertio Kal. Martii Ponti-
ficatus Nostri Anno Sexto. --

Similes Indulgentias concessit Clemens
VIII. apud Roderic. *Collet. Privileg. Bulla
tertia pag. 524.* in Festo SS. Nominis Jesu
die 14. Januarii.

- 19 -- Sacratissimi Nomini Jesu, & *infra*.
Nos igitur ipsius Sanctissimi Nominis Jesu
venerationem (ut par est) augere sinceris
desideriis affectantes, hujusmodi supplica-
tionibus incliti, quod de cætero in toto Or-
dine Fratrum Minorum, & Sororum Sanctæ
Claræ, singulis annis, die 14. mensis Janua-
rii Festum, & Officium prædictum duplex
majus, & solemne de ipso Sanctissimo No-
mine Jesu celebrari debeat, & Apostolica
auctoritate, tenore præsentium, statuimus,
& ordinamus, & ut Christi Fideles, libentius
ad dicti Officii celebrationem accedant, quo
ex hoc se majora dona spiritualia adipisci pos-
se cognoverint, de ipsius D. N. Jesu Christi
misericordia, ac BB. Petri, & Pauli Aposto-
lorum ejus auctoritate confisi, tam Officium
ipsum celebrantibus, quam qui illius recita-
tioni, & decantationi interfuerint, ac quin-
quies orationem Dominicam, & toties Sa-
lutationem Angelicam, pro felicitate Ro-
mani Pontificis, & S. Romanæ Ecclesiæ,
adversus Maumethicam, & Lutheranam
perfidiam, ac universalem Principum, &
aliorum Fidelium pacem, devotè visitave-
rint, similes Indulgentias, & peccatorum
remissiones, quæ prædictis Christi Fidelibus
in Officio Festi Corporis Christi, & per illius
Cetavas

Octavas, in Ecclesiis, in quibus celebratur interessentibus concessæ sunt, concedimus, & elargimur &c. die 2. Aprilis 1598. --

Indulgentia plenaria perpetua visitantibus Ecclesias Fratrum Minorum de Observantia, & Reformatorum, ac Monialium, in Festis SS. Joannis de Capistrano, & Paschalis Baylon ab Alex. VIII.

- 20 -- Redemptoris, & Domini Nostri Jesu Christi, qui gloriosos saluberrimorum, quos nobis reliquit, exemplorum sectatores altis decoravit honoribus, & celestis beatitudinis consortes effecit, vices, licet immeriti, gerentes in terris, spiritualium munerum thesauros, quorum nobis credita est dispensatio, libenter erogamus, sicut ad excitandam, & fovendam erga eosdem Beatos in Celi incolas Fidelium devotionem salubriter expedire in Domino arbitramur. Cum itaque Nos nuper, ad honorem Sanctissimæ, & Individuæ Trinitatis, ad exaltationem Catholicæ Fidei, & Christianæ Religionis incrementum, de Venerabilium Fratrum Nostrorum S.R.E. Cardinalium, ac Patriarcharum, Archiepiscoporum, & Episcoporum, in Alma Urbe Nostra, tunc existentium, consilio, B. Joannem à Capistrano Ordinis Fratrum Minorum S. Francisci, de Observantia nuncupatorum, & B. Paschalem Baylon, Discalceatorum nuncupatorum, dicti Ordinis professores, auctoritate Nobis à Domino tradita, Sanctos esse decreverimus, & definiaverimus, illosque Sanctorum Catalogo solemniter ritu adscripserimus. Hinc est, quod Nos ad augendam Fidelium Religionem, & Animarum salutem Celestibus Ecclesiæ thesauris pia charitate intenti, ac de Omnipotentis

tentis Dei misericordia, & BB. Petri, & Pauli Apostolorum ejus auctoritate confisi, omnibus, & singulis utriusque sexus Christi Fidelibus, verè penitentibus, & confessis, ac Sacra Communione refectis, qui aliquam ex Ecclesiis Fratrum Minorum de Observantia, ac Reformatorum nuncupatorum; nec non Monialium dicti Ordinis, tam hætenus erectis, quam in posterum, quandocumque erigendis, & ubicumque locorum existentibus, diebus Festis eorundem Sanctorum Joannis à Capistrano, & Paschalis Baylon, nempè, Sancti Joannis quidem die xxiii. Octobris, Sancti Paschalis verò, die xvii. Maii, à primis vespers usque ad occasum solis, Festorum hujusmodi annis singulis devotè visitaverint, & ibi pro Christianorum Principum concordia, Hæresum extirpatione, ac Sanctæ Matris Ecclesiæ exaltatione, pias ad Deum preces effuderint, quo die præfatorum id egerint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris. Volumus &c. Datum Romæ apud S. Mariam Majorem sub annulo Piscatoris die vii. Decembris M. DC. XC. Pontificatus Nostri Anno Secundo. --

Indulgentia plenaria perpetua visitantibus in quocumque anni die Ecclesiam Sancti Francisci Domus Fratrum Ordinis Minorum ejusdem S. Francisci, Conventualium nuncupatorum, Civitatis Assisien. ab eodem Innocentio XII.

21 -- Commissæ Nobis à Domino Nostro Jesu Christo dispensationis ratio exigit, ut Cœlestium munerum thesauros, ad augendam

M

in

in terris Sanctorum, in Cælis regnantium, venerationem, fovendamque, & incitandam erga illos Fidelium devotionem, fideli prudentia, quantum Nobis ex alto conceditur, erogare studeamus. Itaque eximia, omnisque humanæ laudis præconium longè supergressa, Sancti Francisci Confessoris, qui terrenis omnibus despectis, Cælestis gratiæ benedictione repletus, innumeris mirabilium virtutum exemplis Sanctam Dei Ecclesiam illustravit, & hominum corda eo, quo ipse ardentissimè flagrabat, charitatis igne succendit, merita, pio, devotoque animi affectu recolentes, nec non spirituali Christi Fidelium ad Ecclesiam ipsius Sancti Francisci, Domus Fratrum Ordinis Minorum ejusdem Sancti Francisci, Conventualium nuncupat., Civitatis Assisien., in qua Sacrum ejus corpus requiescit, assidue (ut accepimus) ex universis Christiani Orbis partibus, devotionis causa, confluentium consolationi, atque animarum saluti, quantum cum Domino possumus, benignè consulere cupientes, ac de Omnipotentis Dei misericordia, & Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christi Fidelibus ad Ecclesiam supradictam, sicut præmittitur. confluentibus, qui illam verè penitentes, & confessi, ac Sacra Communionem refecti, in quocumque anni die devotè visitaverint, & ibi pro Christianorum Principum concordia, Hæresum extirpatione, ac Sanctæ Matris Ecclesiæ exaltatione, pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris
tem-

temporibus valituris. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum habeatur, quæ ipsis præsentibus haberetur, si forent exhibitæ, vel ostensæ. Datum Romæ apud Sanctam Mariam Majorem sub annulo Piscatoris die xviii. Augusti M. DC. XCV. Pontificatus Nostri Anno Quinto. -

Cum aliquibus locis, Ordinibus, & personis communicantur Indulgentiæ Stationum Urbis literæ communicationis intelligi debent ad formam Decreti enunciati *nu.* 3. ubi in fine expresse disponitur.

- 22 -- Indulgentias verò Stationum Urbis, quæ à Romanis Pontificibus singulari quodam beneficio, vel communicatæ sunt, vel communicabuntur interdum, aliquibus locis, Ordinibus, aut personis, diebus tantum Stationum in Missali Romano descriptis, suffragari posse declarat: semel autem dumtaxat in die plenariam Indulgentiam, in certos dies, Ecclesiam visitantibus concessam, vel aliud pium opus peragentibus, lucriferi. -
- 24 Indulgentia, quæ conceditur in festo alicujus Sancti, obtinenda tamen, V. G. die secunda Augusti, si contingat Festum, quoad Chorum, transferri, cum Festi translatione, non transfertur Indulgentia; quia juxta commune dictum: *Indulgentiæ tantum valent, quantum sonant*: sonat autem illa, & exprimitur concessa pro tali die, ergo non valet pro alia, quam illa die; quæ cum sit certo determinata, immobilis est; consequen-

ter immota manet Indulgentia, ut notat Hasbensis *Sum. qq. verb. Indulgentia*: Lezzana *Summ qq. tom. 3. verb. dies festi nu. 13* Gobat. *tom. 2. operum moralium tract. 4. part. 2. cap. 7. num. 323.*

- 25 Si verò Festum transferatur, conformiter ritui ab Ecclesia præscripto, nedum quoad Chorum, sed etiam quoad Forum, & cultum Divinum publicum, cui tam Clerus, quàm Populus adstringatur, & cessare ab operibus servilibus debeat, & Indulgentia diei determinatè affixa non sit, probabile est apud Gobat. *nu. 324.* & Indulgentiam transferri.
- 26 Verum ex *cap ad Aures de rescr. lib. 1. tit. 3.* in omnibus dispositionibus maximè spectanda est intentio, & finis legislatoris.
- 27 Si quoad forum non transfertur, probabilius est, nec Indulgentiam transferri; etenim, ut advertit Hasbensis *loc cit.* si Festum S. Joannis Baptistæ contingat in die Festivo Corporis Christi, cum Officio ejusdem Sancti non transferuntur Indulgentiæ pro die Sancti Joannis datæ, sed eo die Corporis Christi, & non alio, eas Fideles lucrari debent; sic sentiendum de Indulgentiis pro festo sancti Antonii de Padua, quando in die Pentecostes incidit; licèt enim tunc Fideles duplici titulo non teneantur ad audiendam Missam, sicut per DD. obligantur, cum festum Sancti Joannis Baptistæ contingit in die Corporis Christi (etenim S. Antonius solo cultu Chori, & non fori, colitur) tamen cum ejusdem Officio non transferuntur Indulgentiæ; utpotè datæ etiam in usum Populi, qui nihil de tali translatione scit, & solùm memoriæ retinet diem tertium decimum mensis Junii.

28 Cum obtinetur Breve, quo Summus Pontifex concedit in una Ecclesia aliquod Altare Privilegiatum cum clausula illa: *Dummodo in eo septem Missæ quotidie celebrentur*; est sensus per Gobat. *exper. Theol. tract. 3. Alphabetic. sacrifician. casu 19. num. 641.* quod soleant celebrari; adeò ut conditio non deficiat, si aliquando casu, & fortuito contingat non tot celebrari; præsertim, quia, ut etiam Hasbens. *num. 229.* notat: Dictio *quotidie*, *semper &c.* non sumitur in sensu grammaticali, sed moraliter, & civiliter; ita ut quotidie fieri dicatur, quod frequenter fit. Idèò Barbosa apud allegatum Hasbens. sem. dicit: *Civem, qui continuò tenetur habitare, implere si habitet etiam per tres menses in Rure singulis annis.* Propterea si quandoque aliqua justa causa, vel necessitate, aut infirmitate, vel ob Hostium incursum, uno die, vel etiam mense per Gobat., non celebrentur septem Missæ, Indulgentia non corrumpitur; dummodo tamen aliàs regulariter soleant celebrari.

29 Alia clausula *ad septennium tantum*, innuit ordinarium terminum concessionis; verum septennium non incipit à die, quo Romæ à Summo Pontifice gratia conceditur, sed à die publicationis factæ per loci Ordinarium. Et anni debent esse continui, non interpolati: Ecclesiastici, non Solares, à die, scilicet publicationis ad diem correspondentem in septimo anno.

CAPUT XX.

Officialis quoad Interdictum.

SUMMARIUM.

- 1 Interdicti descriptio.
- 2 Ejus divisio.
- 3 Quae, interdicta Ecclesia, interdicto subjaceant!
- 4 Personaliter interdicti nullibi possunt admitti ad Divina.
- 5 Quid de Peregrinis.
- 6 Etiam Innocentes generali interdicto ligantur.
- 7 Interdicto Populo, non intelligitur interdictus Clerus.
- 8 Quae, & quibus sacramenta tempore interdicti conferantur!
- 9 Quando relaxato interdicto, sepulti extra Ecclesiam, ad Ecclesiam transferantur!
- 10 In quibus Festivitatibus suspendatur Interdictum.
- 11 An tempore interdicti sit absolute prohibitus sonitus Campanarum?
- 12 Regulares debent servare interdictum.
- 13 Decretum Tridentini.
- 14 An revocentur Privilegia Regularium.
- 15 Fratres Minores gaudent Privilegio suspendendi Interdictum in aliquibus Festivitatibus Ordinis.
- 16 Festivitates includunt etiam Completorium.
- 17 Quid de Communione praestanda in illis!
- 18 Privilegium Minorum non est commune aliis Regularibus.
- 19 Concilii Lateranensis dispositio super admissione Tertiariarum ad Divina, tempore interdicti.

- 20 *Fratres Ord. Min. possunt Tertiarios eo tempore in suis Ecclesiis, admittere, sed cum modificatione.*

1 **I**nterdictum Ecclesiasticum ab interdicendo, seu prohibendo dictum: -- Est Censura Ecclesiastica in locum, vel personas lata, prohibens quorundam Sacramentorum usum, Divina Officia, & Sepulturam interdictis ministrari. --

- 2 Ejus divisio est in locale, personale, & mixtum: Locali interdicatur locus, ne in eo prædicta exerceantur. Personali, Persona, ne in eis ad præfata admittatur. Mixto, Personas, simul, & locus interdicuntur.

Locale aliquando est generale, totam Provinciam, vel Civitatem afficiens; aliquando particulare, quo interdicatur una, vel altera Ecclesia, sed non omnes. Et sciendum ex *Cap. Si Civitas desent. Excom. in 6. lib. 5. tit. 11. §. Ratione*, quod, interdicta Ecclesia, censentur etiam interdicto submissa, Cæmeterium, & Capella, præsertim eidem contigua.

- Personale item, aliquando est generale, quod directè fertur in omnes Castri, vel Civitatis personas. Et sic suppositi interdicto, nec in loco proprio, nec in distincto Territorio audire, & admitti possunt ad Divina, secus si, ut notat Engel. *Coll. Univer. Jur. Can. lib. 5. tit. 39. num. 8.*, per mutationem Domicilii desierint esse membra illius Communitatis.

- 5 Cum interdictum est dumtaxat personale, possunt in Ecclesiis Populi interdicti ad Divina admitti Peregrini, & cæteri, qui non sunt membra interdicti Collegii; quemadmodum, cum est solum locale, posse personas illius loci, nisi causam dederint interdicto,

in alio Territorio, interdicto non supposito, participare divina, notavit Piasec. *prax. Epif. part. 2 cap. 4. art. 11.*

- 6 Etiam Innocentes generali interdicto ligantur; utpote partes, & membra populi generaliter interdicti, quod refert *summ. Leand. verb. interdictum personale num. 19.* non tamen directe, sed per accidens ex Engel. *num. 86.* notante sæpius Innocentes posse damnum sentire sine culpa, non tamen sine causa; quod exemplo belli iusti fit evidens:
- 7 Interdicto populo, non intelligitur interdictus Clerus, ex *cap. si sententia tit. cit.* ubi expressè: -- Si sententia interdicti proferatur in Clerum, non intelligitur (nisi aliud sit expressum in ea) interdictus populus: nec etiam è converso. -- Adeoque nec Regulares; quia populus absolute pro laicis supponit. Ipso autem Clero absolute, & simpliciter interdicto, & Regulares exempti interdicuntur, ut advertit Mirand. *Man. Præl. tom. 2. quest. 37. art. 3.* & Lezz. *sum. quest. Regul. tom 3. verb. interdictum num. 5.* qui non comprehendi, testatur, si in literis, exprimatur, non Clerum, sed Clericos, interdicti.
- 8 Tempore interdicti *cap. quoniam eodem tit.* conceditur posse pueris, & adultis ministrari Sacramentum Confirmationis, & Baptismatis; Nicol. *lucubrat. lib. 5. tit. 39. num. 229.*

Item penitentiae, tam sanis, quam infirmis, nisi sint excommunicati, vel causam interdicto dederint; & quatenus: vel prius satisfecerint, vel satisfacere sint parati, aut de satisfaciendo cautionem prestiterint, ut in terminis disponitur *cap. Alma Mater, allegato tit.* Etiam in Ecclesia interdicta per Piasecum
nu. 3.

num. 3. si interdictum sit generale; alioquin si una, vel altera Ecclesia tantum interdicta sit, & non omnes, in Ecclesia censuræ non supposita.

Item Eucharistia per modum Viatici existentibus in articulo, vel probabili mortis periculo Antonell. *de Regim. Eccl. lib. 2. c. ultimo, num. 6.* cum consueto comitatu deferenda, Thom. Tambur. *lib. 10. tr. 3. de censuris cap. 1. num. 11.*

Morientibus in interdicto denegatur per Piafec. n. 4. Extrema Unctio, & sepultura. Ubi excipit Clericos, qui nisi causam dederint interdicto, possunt in loco sacro sepeliri; omissis tamen solemnitatibus adhiberi solitis, & Campanarum sonitu.

Ceterum, relaxato interdicto, sepulti extra Ecclesiam, si cum signis penitentiae decesserint, ad Ecclesiam transferri, servatis solemnitatibus, possunt per Gloss. in Clem. Nos qui de sepulturis lib. 3. tit. 3. verb. eis quibus. Ubi textus excommunicationis sententiam dicit in sepelientes nominatim interdictos: -- A qua nullatenus absolvantur, nisi prius ad arbitrium Diocesani Episcopi, eis, quibus per præmissa fuerit in jure irrogata, satisfactionem exhibuerint competentem. -- Sepeliens non nominatim interdictum, licet peccet, eam non incurrit; si tamen eum sepeliat cum officio Divino, & pompa exequiali, solita in Ecclesia, sit irregularis; quia censetur tunc exercere actum ordini Sacerdotali deputatum Piafec. n. 11.

Suspenduntur etiam tempore interdicti matrimonia, & ordinum promotiones. Vide Antonell. *cit. nu. 9.*

Jure antiquo, interdicti tempore, concedebatur semel in hebdomada Missam celebrare

pro conficienda Eucharistia, ubi asservari pro infirmis consuevit. At jure novo Bonifacius VIII *allegato capite Alma Mater* prædicta ampliavit, & disposuit, ut infra: -- Adiicimus prætereà, quod singulis diebus in Ecclesiis, & Monasteriis Missæ celebrentur, & alia dicantur Divina officia, sicut prius: sub-
 10 missa tamen voce, & januis clausis: Excommunicatis, ac interdictis exclusis: & Campanis etiam non pulsatis &c. & infra: in festivitatis verò Natalis Domini, Paschæ, ac Pentecostes: & Assumptionis Virginis Gloriosæ, campanæ pulsantur, & januis apertis, alta voce, Divina officia solemniter celebrentur: excommunicatis prorsus exclusis, sed interdictis admissis: quibus ob reverentiam dictarum Solemnitatum, & ut ipsi ad humilitatis gratiam, & reconciliationis affectum facilius inclinentur, præfatis diebus participationem permittimus divinorum; sic tamen, quod illi propter quorum excessum interdictum hujusmodi est prolatum, Altari nullatenus appropinquentur.

Quibus Martinus V. addidit Festum Corporis Christi cum octava, apud Engel. *nu.* 92.
 11 Interdictis non prohibetur per Piafec. *nu.* 8 ingressus in Ecclesiam causa orationis, & cum divina non celebrantur officia; ad audiendas etiam in ea conciones; & in signum Salutationis Angelicæ, horis statutis recitandæ, Campanæ pulsari possunt: sic, ut ad conciones conveniant.

Regulares quicumque, tam exempti, quàm
 12 non exempti observare tenentur interdictum generale locale (cum moderatione tamen decretalis Alma) dum observari viderint ab Ecclesia Cathedrali, Matrice, vel Pa-

rochiali, per disposita in Clementina ex frequentibus de sent. excom. lib. 5. tit. 10. ubi, non observantes, pena excommunicationis ligantur. Et id procedit, ut notat Pignatell. tom. 10. cons. 1. num. 15. etiam si prætendatur illud esse nulliter latum.

- 13 Nec eximuntur ab observantia promulgati per Episcopum, ut firmat Trid. sess. 25 cap. 12. de Regul. ubi: -- Censuræ, & interdicta, nedum à Sede Apostolica emanata, sed etiam ab Ordinariis promulgata, mandante Episcopo, à Regularibus in eorum Ecclesiis publicentur, & servantur. --

Quo decreto, revocari privilegia Regularibus data à quibus haberent posse in festis Sanctorum sui Ordinis suspendere interdictum, quacumque autoritate latum, tenet Donatus Prax. Reg. tom. 3. tract. 12. quæst. 86. Et ad antiqua jura reduci, tradit Navarro apud Mirandam tom. 2. quæst. 37. art. 12. adeoque ad allegatam Clementinam, Regularibus præcipientem cujuslibet interdicti custodiam.

Ideo Greg. XIII. Const. In tanta Bull. Cæsar. sub tom. 2. pag. 370. ad terminos juris communis, & Concilii Tridentini reduxit alium Pii V. Et s. Mendicantium, ibid pag. 227. ubi nu. 4. declarat privilegia Regularium non comprehendi sub dicto cap. 12. trid. de interdicto; & ad tenorem ipsorum ea suspendit in Festivitatibus, & Octavis Sanctorum Ordinum ipsorum.

Verum, quatenus eo Concilii decreto non revocarentur specificè ea solum privilegia, quorum vigore quidam Regulares, se prorsus exemptos ab observantia interdicti assererent, ut probabilius est revocari, apud Mi-

rand. *loc. cit.* & tenet Pignat. *nu.* 19. sed quæcumque alia iisdem elargita. Nec decretum, neve Const. Gregorii vim obtinent apud eos, quibus specificè id cum sufficientibus derogatoriis est indultum. Prout Fratribus Ord. Min. concessit Clem. VIII. apud Roderic. *coll. Apostol. Privil. pag.* 525 *Bulla* 4. prout sequitur: -- Sacræ Seraphici B. Francisci Religionis in Sanctam Romanam Ecclesiam merita poscunt, ut Privilegia, & indulta, illi per Sedem Apostolicam concessa, non modo conserventur, sed etiam amplientur. Cum itaque sicut accepimus diversorum Romanorum Pontificum concessionibus, Religionem præfatam indultum sit, ut temporibus interdicti, quacumque, etiam Apostolica auctoritate, appositi, Festa Sanctorum ejusdem Ordinis, Francisci, nimirum, Bonaventuræ, Antonii de Padua, Ludovici, Bernardini, Claræ, Elisabeth, ac Martyrum, solemni ritu celebrare, perinde, ac si interdictum hujusmodi minimè appositum esset, liberè possint; Festa verò Sanctorum Didaci, & Portiunculæ in prædicto indulto minimè comprehendantur. Nos Religionem prædictam amplioribus favoribus, & gratiis prosequi volentes, ac indultorum hujusmodi, & literarum Apostolicarum desuper expeditarum tenores, præsentibus pro expressis habentes supplicationibus dictæ Religionis per Dilectum Filium Nostrum Hieronymum Presbyterum Cardinalem Mattheum, Nobis super hoc humiliter porrectis, inclinatis, Religionem prædictam universam, ac cuicumque ipsius Ordinis, sive Familiæ Conventus, ut in eorum Ecclesiis, festa etiam prædicti S. Didaci, & Portiunculæ, temporibus

in-

interdicti solemniter, prout alia festa prædicta, ac juxta indultorum illi concessorum seriem, & tenorem, celebrare liberè, & licitè possint, autoritate Apostolica tenore præsentium concedimus, & indulgemus, ac indulta prædicta ad prædictas S. Didaci, & Portiunculæ festiuitates extendimus, & ampliamus. Non obstantibus Constitutionibus, & Ordinationibus Apostolicis, universalibus, Provincialibus, & Synodalibus, Conciliis editis, generalibus, vel specialibus, necnon omnibus illis, quæ in præfatis indultis, & literis Apostolicis concessum est non obstare; cæterisque contrariis quibuscumque. Dat. Tusculi sub annulo Piscatoris 17. Octobris 1595. Pontif. nostri anno 4.

16 A primis Vesperis Festiuitates incipere, & ad Completorium diei festi finiri, notavit Thom. Tambur. *lib. 10. de censur tract. 3. cap. 1. de interdicto num. 8.* quia etiam Completorium ad easdem festiuitates spectat.

17 In quibus est probabile eis qui interdicto locali causam non dederint, concedi posse Communionem, per ea *cir. cap. Alma ad participationem diuinorum idem num. 11.*

Præfatum Privilegium cæteris Regularibus propter communicationem Privilegorum, non suffragari tenet Pignatell. *loc. cit. num. 32.* cum per DD. sub generali Privilegorum communicatione non veniant ea, quæ rarè, & cum difficultate conceduntur. Rarè autem, & difficulter Regularibus conceditur posse interdicta, etiam ad tempus suspendere, utpote iurisdictioni Prælatorum data, ut populos suæ obedientiæ contineant. Et cum Regularibus *Episcoporum de Privileg in 6. lib. 5 tit. 7* eorundem custodia
sub

sub penis ibi videndis, præcipiatur; ideò ab illis ad ceteros discurri non potest, juxta regulam juris, in sexto, *Quod, quæ à jure exorbitant* (hoc est per Glossam verb. *quæ à jure*, deviant, vel discordant) *nequaquam ad consequentia sunt trahenda* ; unde nisi in specie aliis item concedatur, vel communicetur, in praxi uti nequibunt.

Et quia Clementina *cum ex eo sit. 10 de sent. excom.* sit specificè prohibitum Fratribus præfati Ord. Min. admittere ad divina in suis Ecclesiis Fratres, & Sorores de Tertio Ordine, dum per ipsos januis clausis præfata officia peraguntur; dubitatur: An modo eis liceat? & resolvendum videtur affirmativè propter absolutè, & generaliter disposita in Concilio generali Lateranensi sub Leone Decimo (cujus certè Partes illam legem priorem in pectore habebant) *Const. dum intra*, Privilegiorum Regularium moderatoria *Bulla Cherub. tom. 1. pag. 588.* ubi -- Et ne censura vilescat Ecclesiastica, & minoris auctoritatis interdicti sententia reputetur, iidem dicti Tertii Ordinis (superius enumeravit) ad divina audienda in Ecclesiis suorum Ordinum tempore interdicti, nullatenus admittantur, si causam dederint interdicto, vel causam ipsam nutriant, seu foveant, aut dantibus auxilium, consilium, vel favorem quovomodo præstiterint. -- Hinc à contrario sensu inferitur: si causam interdicto non dederint, vel alio quovis modo culpandi quoad id non sint, admitti non prohiberi.

20 Ad quod facit etiam indultum à Sixto IV. *Const. Regim. Bullar. Cherub. tom. 1. pag. 408.* præfato Ordini factum, & ampliatur ad Fratrum, & Monialium Procuratores, ac utriusque

que sexus negotia gerentes; & cum cæteris eorundem Fratrum Privilegiis, prægnantissimis derogatoriis appositis, etiam quoad dispositiones conciliares, à Paulo IV. *Const. Ex Clementis sedis*, ex certa scientia, confirmatum *ibid pag. 806* Observandum tamen cum modificatione à Leone X. præfixa.

Et hæc de interdicto sint satis, cujus rara est praxis, & de quo innumeri Auctores tractant.

C A P U T XXI.

Officialis quoad Legata.

S U M M A R I U M.

- 1 *Dubia super Legatis Bonorum Mobilium.*
- 2 *Super Legatis factis Fabricæ.*
- 3 *Super Legatis annuis cum onere.*
- 4 *Super annuis sine onere.*
- 5 *Respondetur dubiis posit. numero primo.*
- 6 *Et illis sub numero secundo.*
- 7 *Et aliis sub num. 3.*
- 8 *Et cæteris notatis num. 4.*
- 9 *Sac. Cong Conc. declarationes.*
- 10 *Decretum Sacre Cong. Epis & Regul.*
- 11 *Valent Legata pro Oleo Lampadis &c.*
- 12 *Et pro necessitatibus Infirmorum.*
- 13 *Fratres Minores repetere in judicio Legata non possunt.*
- 14 *Legata non debent reduci.*
- 15 *Fratres per modum elemosynæ possunt recipere Legata.*
- 16 *Quo casu præstationes Legatorum Fabricæ Sancti Petri debeantur?*
- 17 *Nec per Syndicum possunt in judicio repeti.*

- 18 *Quid sit vivere cum omnimoda spe in divina Providentia.*
 19 *Heredes non solventes peccant mortaliter.*
 20 *Bona hereditaria transeunt cum onere.*
 21 *Quilibet de populo, & Syndicus potest instare pro adimplemento voluntatis testatoris.*

VT in dubiis, quæ impoſterum, quoad Legata Fratribus Minorum de Obſervantia, & Reformatione relicta, potuiſſent oriri, prompta eſſent remedia, & Sanctæ Sedis declarationes non deeſſent, ipſa ſatis providit. Et Ego huc, ex Fagn. cap. nimis prava de exceſſ. Prælat. pag. mibi 24. tranſfero, quas Sac. Congreg. à ſel. rec. Urbano VIII. Fratrum Minorum de Obſervantia Conſultationibus præpoſita, edidit, &

Diffinſtio prima de Legatis Bonorum mobilium.

Articulus Primus. An Fratres Minores, tam de Familia, quàm Reformati, ſint capaces Legatorum Bonorum Mobilium, quæ unica ſolutione, ſeu præſtatione adimplentur, tam in pecunia numerata, quàm in aliis ſpeciebus?

Art. 2. An poſſint eadem legata in iudicio, aut extra exigere per ſe ipſos, vel Syndicum Apoſtolicum?

Art. 3. An Fabricæ S. Petri liceat in huiusmodi Legatis ſe ingerere infra annum, ex quo dies legati ceſſit?

Art. 4. Et quid elapſo anno?

Distinctio secunda de legatis factis fabricæ.

Articulus primus. An valeat Legatum annui redditus factum Fabricæ, Sacristiæ, vel Ecclesiæ Fratrum Minorum, tam de Familia, quam ex Reformatione?

Art. 2. An liceat Fratribus huiusmodi legata in iudicio exigere per errorem Procuratores, vel Syndicos Apostolicos?

Art. 3. An liceat eisdem erogare prædicta legata in usus Fratrum, an verò illa omninò converti debeant in usus à Testatoribus præscriptos?

Art. 4. An Fabricæ S. Petri liceat infra annum se ingerere in proprietate horum Legatorum pro Fabrica, vel Sacristia transigendum cum hæredibus, aut aliàs de eadem proprietate disponendo?

Art. 5. Et quid transacto anno?

Art. 6. An liceat eidem Fabricæ S. Petri se immiscere præstationibus, seu fructibus eorundem Legatorum ab anno decursis, & non solutis?

Art. 7. Et quid infra annum, ex quo cessit dies præstationis?

3 *Distinctio tertia de legatis annuis cum onere.*

Articulus primus. An Fratres Minores, tam de Familia, quam Reformati, sint capaces Legatorum annuorum, quæ fiunt adjecto onere celebrationis Missarum?

Art. 2. An iidem possint pro his Legatis in iudicio experiri agendo, aut Judicis officium implorando?

Art. 3. An possint Fratres illa accipere à sponte

spontè offerentibus celebrando Missas ad rationem rei acceptæ?

Art. 4. An possint illa spontè oblata accipere per se ipsos; An verò per Syndicum Apostolicum?

Art. 5. An Fratres possint hujusmodi legata extinguere, aut illorum proprietatem vendere, & pretium erogare in usum Fabricæ, vel Sacristiæ?

Art. 6. An liceat Fabricæ Sancti Petri proprietatem eorundem Legatorum cum onere Missarum sibi vendicare, tam elapso anno, quam antea?

Art. 7. An eidem Fabricæ liceat sibi vendicare annuas præstationes decursas, & non solutas, tam antea annum, quam post?

4 *Distinctio quarta de legatis annuis sine onere.*

Articulus primus. An Fratres Minores, tam Observantes, quam Reformati, sint capaces Legatorum annuorum sine aliquo onere, aut modo adjecto, saltem ad effectum illa extinguendi, & pretium erogandi in usum Fabricæ, vel Sacristiæ?

Art. 2. An ad hunc effectum possint eandem proprietatem in judicio petere per Syndicum Apostolicum?

Art. 3. An possint illam convertere in usum Fratrum?

Art. 4. Et quid, si cæperint illorum annuas præstationes accipere?

Art. 5. An possint Fratres exigere judicialiter annuas præstationes eorundem Legatorum in vim Martinianæ?

Art. 6. Et quid post ultimum Decr.
S. Con-

S Congregat. hac de re editum ?

Art. 7. An Fratres teneantur protestari se esse incapaces eorundem Legatorum?

Art. 8. An possit illas à sponte dantibus accipere per se ipsos, vel per Syndicos Apostolicos?

Art. 9. An hæredes teneantur illorum præstationes Fratribus solvere in foro conscientiae?

Art. 10. An Fabrica S. Petri jus habeat vendicandi horum Legatorum proprietatem, tam elapso anno, quam antea?

Art. 11. Et quid de annuis præstationibus decursis, & non solutis?

Art. ult. An hæc omnia procedant, etiam in Legatis annuis ad modicum tempus?

Die 9. Septembris 1628. Sacra Congregatio Negociis Fratrum Minorum S. Francisci de Observantia à Sanctiss. Domino Nostro præposita ad singulos articulos superius propositos ad hunc modum respondit, videlicet.

Distinctione prima.

5 Ad primum Articulum. Fratres Minores, tam de Familia, quam Reformatos, esse capaces Legatorum bonorum mobilium, quæ unica solutione, seu præstatione adimplentur, tam in pecunia numerata, quam in aliis speciebus, dummodò tamen hujusmodi legata sint in quantitate moderata, & non in fraudem paupertatis.

Ad secundum. Fratres quidem nec per se ipsos, nec per interpositam personam posse eadem legata in judicio exigere; sed Syndicum Sedis Apostolicæ tantum Judicis officium

ficiū implorare, dummodo similiter illa in moderata sint quantitate, & sine ulla fraude paupertatis, & re ipsa erogentur in Fratrum necessitates. Extra iudiciū verò ita demum legata huiusmodi accipi posse à Fratribus per se ipsos, si in aliis speciebus consistant, & accipiantur in ea tantum quantitate, quam vera, & imminens eorum necessitas postulet; sed superfluam, aut pecunias à Syndico tantum posse accipi, dum tamen id omne in Fratrum necessitates convertatur.

Ad Tertium. Non licere Fabricæ S. Petri in huiusmodi legatis bonorum mobilium se ingerere infra annū, ex quo dies legati cessit.

Ad quartum. Elapso anno licere ad præscriptum suarum facultatum.

Distinctione secunda.

Ad primum Articulum. Valere legatum annui redditus factum Sacristiæ, vel fabricæ Ecclesiæ, vel Conventui Fratrum Minorum, tam de Familia, quam de Reformatione, nisi adsit excessus in quantitate.

Ad secundum. Nec per se ipsos, nec per alios, licere Fratribus in iudicio exigere huiusmodi legata, sed Syndico Apostolico dumtaxat.

Ad tertium. Non licere eisdem annui redditus legata erogare in usus Fratrum, sed illa omnino converti debere in usus à Testatoribus præscriptos.

Ad quartum. Fabricæ S. Petri non licere infra annum se ingerere in proprietate horum legatorum cum Heredibus transigendo, aut aliàs disponendo de eadem proprietate.

Ad

Ad quintum . Itidem non licere .

Ad sextum , & septimum , posse Fabricam S. Petri se immiscere in præstationibus , seu fructibus eorundem Legatorum ab anno decursis , & non solutis ; Non autem infra annum , ex quo dies præstationis cessit .

Distinctione Tertia .

Ad primum Art. Fratres Minores , tam de Familia , quam ex Reformatione , nullatenus esse capaces legatorum annuorum , quæ fiunt adjecto onere celebrationis Missarum .

Intellige de Legatis annuis cum tali onere , quorum jus maneret apud Fratres , & essent ipsis Fratribus directe relicta ; Hæc enim nec momento retinere possunt . Vespign. Compend. Privileg. R. Fab. pag. mibi 71. in margine ; secus est de legatis , quorum proprietas manet apud hæredes , & sunt per istos adimplenda , & à Fratribus non per modum annui redditus , sed titulo Eleemosynæ recipienda , quod eorum paupertati non repugnat , sicut non repugnat quotidiana receptio stipendiorum , quæ ipsis solvuntur dietsm pro sacrificiis , & officiis , quæ celebrant : ea ratione , quod ea , non recipiant vigore civilis obligationis , Rota in Turriana Legatorum , & Roder. qq. Regul. rom. 2. quæst. 126. art. 4.

Ad secundum . Non posse pro his legatis in judicio experiri , aut Judicis officium implorare .

Ad tertium . Posse Fratres illa accipere per modum eleemosynæ à sponte offerentibus , celebrando Missas ad rationem rei acceptæ , citrà tamē ullam obligationē ad onus perpetuum ,

tuum, & dummodò prius protestentur se illorum capaces non esse.

Ad quartum. Syndicum Apostolicum, & pro Fratrum necessitatibus, non autem Fratres ipsos, etiam per alios, posse hujusmodi legata, utcumque spontè oblata, accipere, si in pecunia consistant.

Ad quintum. Non posse Fratres hujusmodi legata extinguere, aut illorum proprietatem vendere, & pretium erogare in usus fabricæ, & Sacristiæ.

Ad sextum. Licere Fabricæ Sancti Petri ad suarum facultatum præscriptum sibi vindicare eorundem legatorum proprietatem cum onere Missarum celebrandarum, tam elapso anno, quam antea.

Ad septimum. Similiter licere.

Distinctione Quarta.

8 Ad primum Artic. Fratres Minores, tam Observantes, quam Reformatos, non esse capaces legatorum annuorum, quæ fiunt sine aliquo onere, aut modo adjecto, nisi ad effectum illa extinguendi, seu illorum proprietatem, & pretium convertendi in usus Fabricæ, vel Sacristiæ.

Ad secundum. Non Fratres ipsos, sed Syndicum Apostolicum tantum, posse eandem proprietatem in judicio petere.

Ad secundum. Posse convertere.

Ad quartum. Si Fratres cæperint illorum annuas præstationes accipere, ne hinc fiat fraus Paupertati, expedire, ut de cætero decernatur, eo casu non licere amplius fratribus eandem proprietatem vendere, ac pretium in usus Fabricæ, vel Sacristiæ erogare:

gare : Idedque agendum cum Sanctissimo
D. Nostro .

Ad quintum, & sextum . Fratres nullo
modo posse in judicio exigere annuas co-
rumdem legatorum præstationes .

Ad septimum . Teneri .

Ad octavum . Posse illa per modum elee-
mosynæ , & à spontè dantibus accipere ,
etiam per se ipsos, si in aliis speciebus consi-
stant : quod si in pecunia, non nisi per Syndi-
cum Apostolicum .

Ad nonum . Non teneri .

Ad decimum . Fabricam Sancti Petri
nullum Jus habere vendicandi horum lega-
torum proprietatem, nisi elapso annō, jux-
tà suas facultates .

Ad undecimum . Similiter non habere
jus vendicandi hujusmodi annuas præsta-
tiones, nisi ab anno decursas .

Ad Ultimum . Hæc omnia locum non
habere in legatis infra decennium ; sed in
his tantum , quæ fiunt ad decem annos , &
ultrà .

Quibus accessere declarationes aliæ , Sa-
cræ Congregationis Concilii apud Pagan.
*cap. Nulli, de rebus Eccles. non alien. pag. mi-
bi 278. num. 28.* -- quæ censuit valere lega-
tum immobilium Pratribus Minoribus, sub
modo licito, nempe ut vendant, & pretium
convertant in usum fabricæ, vel Sacristiæ :
& idem si factum fuit simpliciter, quia sub
modo licito factum intelligitur . -- Idem
sub die 11. Augusti 1629. in una Romana
lib. 12. decret. fol. 138. del legato facto in pe-
cunia ad effectum convertendi in necessita-
tes Ecclesiæ, & Conventus . Et in termi-
nis donationis annuæ præstationis, seu solu-
tionis

tionis perpetuæ pro emendo pane albo in beneficium, & servitium infirmariæ Conventus de Aracæli per modum eleemosynæ recipiendæ sub die 2. Jun. 1663. apud Lant. Teat. Reg. verb. legat. n. 5. & ex errore 1.

- 10 Et Sac. Congreg. Episc. & Reg. quæ ad favorem Minor. de Observ. Civitatis Lucanæ sub die 26. Martii 1677. ut in Regesto ejusdem, Decretum edidit hujus tenoris. Sac. Congreg. &c. - Sæpiùs declaravit Fratres Min. de Observ. S. Francisci, quamvis attentâ dispositione Exivi de Paradiso, & Constitutione Nicolai III. & Clementis V. sint incapaces obtinendi census perpetuos, & bona stabilia, posse tamen per viam puræ, & simplicis eleemosynæ recipere, quidquid ab Executoribus ultimarum voluntatum eis traditur pro celebratione Missarum, pro ornamento Ecclesiæ, aliisque necessariis procurandis juxtâ doctrinam Divi Bonaventuræ relatam in Consti. S. Mem. Urbani VIII. incipiente Sacrosanctum Apostolatus Ministerium; atque in præfatis casibus dictos Executores ultimarum voluntatum curare debere, ut hujusmodi piæ dispositiones adimpleantur, ne Testatorum Animæ debitis suffragiis defraudatæ remaneant; quam quidem declarationem, illiusque tenorem in casu, de quo agitur, eadem Sac. Congreg. servari præcipit, committendo Ordinario Lucensi pro tempore existenti, ut quatenus alius Executor non existat prænarratam pii Testatoris dispositionem executioni demandet.

Decretum aliud huic simile editum in cit. Turritana Legatorum die 3. Augusti 1674. confirmavit Clemens X. sub die 22. ejus-

eiusdem Mensis, & Anni, *Constitutione nuper pro parte Dilecti filii Syndici*: Typis data Matriti in fine Statutorum Victor. 1694.

- 11 Sustineri autem, & valere legata sine onere pro vino, frumento, cera, & paramentis pro celebratione Missarum, & oleo lampadis, quæ in eorum Ecclesiis, die, ac nocte ardere debeat: Tenet Roderico *qq. Regul. to. 2. par. 126. art. 2.* Cum nec Fratrum Medicitati adversentur, neve ex ipsis aliquod emolumentum, & commodum percipiant, per quod ponantur in statu, ut liberentur ab onere recurrendi ad Mensam Domini, petendo eleemosynam ostiatim, ut iisdem S. Franciscus injungit; aut sint certi de quotidiano victu, & vestitu; quia principaliter, & directè non sunt facta Fratribus, sed relicta pro usu certo cultus divini, præter quem in alios, à præscriptis à Testatoribus, non possunt usus converti; & tenuit Rota *coram Emerix in cit. Turritana Legator.*

- 12 Quæ ex eodem *art. 4. S. ult.* probant de legatis pro necessitatibus Infirmorum relictis; ad quæ tamen nullum jus habent, ad ea repetenda in judicio; sed citrà violationem Seraphicæ Paupertatis possunt annuatim per modum eleemosynæ recipere. *Ead. ibid.*
- 13 Quod verò omni jure careant ad repetenda in judicio legata in eorumdem favorem facta cum onere Missarum, seu officiorum, siue gratis, siue alio modo, sub die 14. Febr. 1633 de expresso ordine, & mandato S. M. Urbani VIII. Sac. Congreg. Fabricæ Sancti Petri decrevit apud Fagnan. *loco citat. post. num. 61. & Lant. in Theat. Reg. verbo Bona Temp. num. 5:* & ex iisdem breviter hic restringo; per quæ certè revocatur Constit.

Clement. VII. *Nuper pro parte Lantusca verb. legata num 3.*

- 14 -- Primò. Quod hujusmodi legata per debitores, vel hæredes non extinguantur, vel reducantur per compositionem cum Ministris Fabricæ faciendam, vel alio quovis modo. --

Secundò. Quod capitale semper conservetur.

- 15 -- Tertiò. Quod hæredes, vel debitores possint liberè, si velint dictis Fratribus dare annua legata, per eosdem Fratres recipienda in eleemosynam, non autem per eos exigenda.

-- Quartò. Quod quævis extinctio, reductio, seu diminutio capitalis, seu proprietatis, aliter absque speciali Romani Pontificis permissione facta, eo ipso nulla sit.

- Quintò. Quod nolentibus dictis hæredibus, vel debitoribus dare supradictis Fratribus dictas eleemosynas, seu annuas præstationes solvere, & illas non solventibus, elapsis duobus annis, à die maturatæ solutionis, eadem Fabrica, & illius Ministri id totum, quod solutum non fuerat pro præterito, possit, & valeat exigere ad sui beneficium juxta privilegia. Idem statuit sub 1646. apud Vespign. *cit.*

- 17 -- Sextò. Prohibuit Fratribus supradictis sub pena excommunicationis ipso facto incurrenda, ne audeant, seu præsumant per se, nec per alios Syndicos, Ministros, seu Procuratores, tam Seculares, quam Regulares dictas annuas præstationes, seu legata, nec judicialiter, tam coram quocunque Judice Ecclesiastico, quam Seculari Ordinario, vel Delegato, nec aliàs, nisi juxta formam decreti Congreg. Fratrum Min. de Obfer.

servantia S. Francisci Cismont. famil. à SS. D.N. deputata, ab hæredibus, seu quibusvis aliis eorum debitoribus petere; minusvè dictis hæredibus, seu debitoribus facere aliquas receptas pro dictis annuis præstationibus, nisi pro rata, & pecunia, seu eleemosynis verè, realiter, & cum effectu ipsis Fratribus data, vel solutis; nec sub alia data, nisi sub ea, qua verè fuerit iisdem Patribus, aut aliis, pro eis facta realis satisfactio.

18 Quomodo Fratres dicuntur vivere cum omnimoda spe in Divina Providentia: recipiendo namque, non ex aliquo jure, sed eleemosynaliter, tamquam incerti de consecutione, conservant puritatem Regulæ, & significant se nullum super legatis habere directum, aut indirectum jus, dominium, possessionem, aut proprietatem; & ut notat Marchant. *in Reg. S. Francisci Relect. Theolog. difficult. 3. q. 1.* quælibet actio juris, & Justitiæ, quæ in his legatis intervenire potest, consumitur inter Testatorem, hæredes, Executores, Judices, e mentes, vendentes, &c. ad quam Fratres nec directè, nevé indirectè concurrunt.

19 Et licèt, per ipsum, ipsi hæredes, vel executores, si dispositioni Testatoris non satisfacerent, grave contra Justitiam peccatum committerent, & ad restitutionem tenerentur, respectu Testatoris, Ecclesiæ, vel Dei; respectu Fratrum, in quorum utilitatem relicta sunt, solum interveniret ratio meræ Charitatis, & eleemosynæ, absque obligatione civili ex parte Fratrem proveniente, aut ex jure, quod ipsimet Religiosi acquisivissent sive ad rem, sive in re, quasi ea possent actione civili repetere.

20 Et quamquam ipsi Fratres judicialiter agere non possint contra hæredes defuncti pro adimplemento legatorum, ab isto præfati non liberantur, sed semper in eis perseverat obligatio conscientiae, & fidelitatis, ratione cujus exequi tenetur testamentarias dispositiones; cum enim ad hæredes transeant bona hæreditaria cum onere præfixo, nequeunt commodum hæreditatis accipere, onere annexo relicto. Quæ obligatio operatur, ut Civitas, vel Episcopus, aliumve Judex imploratus, vel ex officio, possit hæredes cogere, ut conscientiae satisfaciant, & Testatorum mandata exequantur, ut piæ defunctorum dispositiones suum effectum obtineant.

21 Imò quilibet de populo, & potiori jure Syndicus Apostolicus, nomine Romanæ Ecclesiæ, pro eo instare potest, ut in eadem *Turriana tenuit Rota*.

C A P U T XXII.

Officialis quoad literas Sacr. Pœnitentiariæ.

S U M M A R I U M.

- 1 *Formula, qua diriguntur Sac. Litt. Pœnit.*
- 2 *Confessarius debet esse approbatus ab Ordinario.*
- 3 *Pro viris tantum approbatus aperire non potest literas concessas mulieribus.*
- 4 *Magister in Theologia, quis!*
- 5 *Eluduntur Licentiati, & alii.*
- 6 *Gradus Magisterii non requiritur in Patribus Societatis.*

- 7 *Lectores Jubilati Ordinis Minorum possunt litteras exequi.*
- 8 *Constitutio Innoc. XI. id concedentis.*
- 9 *Quibus ex eis prohibeatur!*
- 10 *Possunt etiam simplices Sacerdotes approbati ab Ordinario.*

Solet Tribunal Sac. Penitentiariae Diplomata, seu litteras, in forma Brevis poenitentibus absentibus, juxta eorum indigentiam, & preces concedere, praesertim cum ad Urbem personaliter nequeunt accedere.

- 1 *Quas saepe sequenti formula dirigit; discreto Confessario, Magistro in Theologia, vel decretorum Doctore ex approbatis ab Ordinario per Latorem praesentium ad infra scripta specialiter eligendo.*

Posteriora verba, *per Latorem eligendo* significant Majorem Penitentiarium relinquere in libertate Oratoris electionem Confessoris; dummodo ab eodem electus, quicumque sit, habeat condiciones praescriptas.

- 2 *Ex approbatis ab Ordinario debet esse, & ad audiendas Secularium Confessiones admissus; At non à quocunque Ordinario; nec est necesse, quod sit ab illo poenitentis, sed ab eo certè, in cujus territorio est executurus diploma sibi praesentatum.*

- 3 *Admissus limitatè, aut ratione juvenilis aetatis, & non propter Defectum virtutis, ad audiendas dumtaxat virorum, & non mulierum confessiones, non potest litteras in forma Brevis Sac. Penit. ad favorem mulierum expeditas, exequi; Ratio est, quia, quoad mulieres, non est ab Ordinario approbatus, & Major Penitentiarius, ut notat Donat.*

Prax. Regul. tom. 3. tract. 4. quæst. 42. num. 2. non intendit per ipsas literas habilitare magis, & approbare, quam habilitatus, & approbatus sit ab Ordinario, & sic prædictæ litteræ non censentur tali confessario directæ.

4 Cum autem litteræ dirigantur *Magistro in Theologia, vel decretorum Doctore*, est observandum Majorem Pœnitentiarium non nominare Theologum, sed Magistrum in Theologia, non Canonistam, sed Doctorem in jure Canonico; consequenter ex tenore litterarum sequitur, eos solum posse præfatas litteras exequi, qui ad Magisterii, & Doctoratus dignitatem sunt evecti.

5 Propterea excluduntur, qui ex communi errore reputantur Magistri in Theologia, vel decretorum Doctores, & in re non sunt tales: Licentiati pariter, Præsentati, & Baccalaurei, quia ex *Lezana summ. quæst. Regul. tom. 4. verb. litt. Apostolica n. 14.* non sunt veri Doctores, & Magistri; licet aliàs Viri doctissimi sint; & Religiosi illi, apud Marcum Paulum Leonis *Prax. ad litt. Majoris Pœnitent. par. 1. c. 3. n. 50.* qui appellantur Magistri, & secundum suarum Religionum instituta, quibusdam Magistrorum privilegiis fruuntur; nisi in aliqua Accademia ad Magisterii gradum fuerint promoti: vel ejusdem lauream in aliquo sui Ordinis Collegio, vel ab alio, habente ad id à Sancta Sede facultatem susceperint, *Lez. loco cit.*

6 Limitatur in Patribus Soc. Jesu, qui ex concessione Greg. XIII. Constit. Exponi nobis *Bullar. Cherub. tom. 2. pag. 456.* possunt hujusmodi litteras aperire, & exequi; licet ad nullum Magisterii, vel Doctoratus gradum.

dum sint promoti; dummodo sint ab Ordinario loci approbati, & ad id à Præposito Generali, vel de ipsius licentia, per aliam ejusdem Societatis Superiorem, designati; Quod, loco adducto tenet Lezana, hujusmodi privilegium ab aliis Regularibus non participari.

7 Ejusdem Sacræ Pœnitentiariæ litteras aperiendi, & executioni mandandi indultum à San. Mem. Innocentio XI. obtinuerunt Lectores Jubilati Ordinis Minorum de Observ. prout sequitur.

8 ~ Exponi Nobis nuper fecit dilectus Filius Celsus Maria Bilò de Senis, Commissarius Generalis Curiae Ordinis Fratrum Sancti Francisci, de Observantia nuncupatorum, quod dudum, statim atque dictus Ordo ab Ord. Fratrum Minorum ejusdem Sancti Francisci, Conventualium nuncupatorum, Auctoritate Apostolica separatus fuit, Fratres Minorum de Observantia hujusmodi, ut quidquid mundani fastus, atque ambitionis incentivum inducere posset, à se procul amoverent, ad gradus Doctoratus Artium, & Magisterii in Sacra Theologia promoveri, & Doctores, ac Magistri vocari desierunt; Nihilò tamen minus ejusdem scientiarum studiis operam dederunt; sed qui in illis tantum progresserant, ut alios docere possent, solo contenti fuerunt, & adhuc sunt, nomine, & titulo Lectorum actualium, & habitualium; qui etiam, post peractam juxta Apostolicas, & Ordinis sui Constitutiones, saltem triennio Philosophiæ, & decennio Sacræ Theologiæ Lecturam, Lectores Jubilati fuerunt, & vocantur.

Cum autem sicut eadem expositio sub-

jungebat, licet hujusmodi Lectores Jubilati, quoad rem ipsam, nempe litterarum scientiam à Magistris in Sacra Theologia, & Doctoribus Artium differre non videantur; quia tamen inter eos est nominum, titulorumque diversitas, nonnulli prætendant, ac etiam per sententias judicialiter definiant, illos, Doctoribus, & Magistris, hujusmodi in ordine ad aperiendas, & executioni mandandas litteras, per officium Penitentiariæ Apostolicæ expeditas, quæ ejusmodi Doctoribus, seu Magistris, super absolute, dispensatione, votorumque, seu aliorum obligatione, commutatione dirigi solent, ac quoad alias prærogativas, pares non esse.

Nobis propterea dictus Celsus Maria humiliter supplicari fecit, ut in præmissis opportunè providere, & ut infra indulgere, de benignitate Apostolica dignaremur.

Nos igitur, Ordinis primò dicti, decori, & honorificentiae, quantum cum Domino possumus, benignè consulere, ipsumque Celsum Mariam specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pænis à jure, vel ab homine, quavis occasione, vel causa latis, si quibus, quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati, omnibus, & singulis memorati Ordinis Fratrum Minorum Sancti Francisci de Observantia Lectoribus Jubilatis præsentibus, & futuris, ut quascumque litteras per officium Penitentiariæ Apostolicæ hujus-

hujusmodi, pro tempore expeditas, quæ Doctoribus Artium, seu Magistris in Sacra Theologia directæ fuerint, recipere, aperire, & juxta illarum formam, & tenorem executioni mandare, nec non quoad alias functiones Ecclesiasticas, & literarias quaslibet, omnibus, & singulis prærogativis, præeminentiis, privilegiis, gratiis, & Indultis, quibus Fratres expressè professi aliorum Ordinum Doctores Artium, & in Sacra Theologia Magistri, tam de jure, usu, & consuetudine, quam aliàs quomodolibet utuntur, fruuntur, & gaudent, uti, frui, & gaudere possunt, & poterunt in futurum, pari modo uti, frui, & gaudere liberè, licitè, & validdè possint, & valeant Authoritate Apostolica tenore præsentium concedimus, & Indulgemus.

Cæterum non intendimus per præsentēs litteras, privilegia, exemptiones, prærogativas, gratias, & Indulta, quæ præfatis Lectoribus Jubilatis, per Apostolicas, & Ordinis primo dicti Constitutiones, concessa sunt, ullo modo augere, vel minuire, sed illa in statu, & terminis, in quibus de præsentī reperiuntur, remanere volumus.

Decernentes easdem præsentēs litteras semper firmas, validas, & efficaces existere &c. Datum Romæ apud Sanctam Mariam Majorem sub annulo Piscatoris die 27. Novembris 1679. Pontificatus Nostri Anno Quarto.

II. G. Slutius

N 5. Regest.

Regest. 24. Curiae Cismontanæ ab anno 1679. usque ad 1682. pag. 137.

Ex tenore Constitutionis liquet eos solum Lectores Jubilatos aperiendi, & præfatas literas exequendi, privilegio gaudere, qui decem annis Theologiam (vel pluribus juxta tempus interpolationis) & saltem tribus philosophiam legerit, laureamque Jubilationis obtinuerit; Propterea cuilibet alteri est prohibitum; quamquam vel Lector Jubil. nominetur, vel ab aliquo ejusdem Ordinis Superiore Lauream Jubilationis obtineat. Laureatus enim, & non juxta statutorum Generalium præscripta, & contra Urbani VIII. Constitut. *Cum sicut accepimus 2. Martii 1638. nullo modo Jubilatus censetur Sancti in stat. Sancti Francisci c. 5. statut. 12. pag. 450.*

Cum verò sub istis terminis expediuntur: *Discreto Viro Confessori ex approbatis ab Ordinario per Latorem eligendo.* Potest quisque Sacerdos ab Ordinario approbatus eas, & aperire, & exequi. In quolibet tamen est necessaria discretio, hoc est, distincta eorum cognitio, quæ in literis continentur, ut optimi Confessarii partes adimpleat, & poenitentis sibi commissi spiritali salutis provideat; quod exequi certe nequit, nisi unius ab alio differentiam agnoscat: quod verbum *discreto*, à quo illud addiectivum *discreto*, derivatur, in se includit, Leonis loco cit. num. 73.

CAPUT XXIII.

Officialis quoad Ordines Sacros .

S U M M A R I U M .

- 1 Regulares examinantur ab Ordinariis .
- 2 Aetas praefixa pro Ordinibus Sacris .
- 3 Plures non examinantur ; & quando .
- 4 Dimissorias propriis subditis concedunt Regulares . Vide num. 27 .
- 5 Decretum super observandis , à Superioribus in concessione Dimissoriarum .
- 6 Ordinari debent ab Episcopo Monasterii , in quo sunt de familia .
- 7 Poenae contra Transgressores .
- 8 Privilegia revocantur .
- 9 Revocatur dispositio Pii Quinti .
- 10 Episcopi non exercent Pontificalia in aliena Diocesi .
- 11 Superiores , in quo reprehendendi ?
- 12 Quare mortaliter peccent ?
- 13 Episcopus dispensat super interstitia .
- 14 Eodem die duo Sacri Ordines non conferuntur .
- 15 Determinatur tempus recipiendi Sacros Ordines .
- 16 Quibus fuerit concessum posse extra tempora ad ordines promoveri .
- 17 Patribus Minorum de Observantia limitari conceditur .
- 18 An aliis ea privilegia sint communia ?
- 19 Quae raro conceduntur ; non veniunt sub Generali communicatione .
- 20 Quid operetur Clausula ex certa scientia .

- 21 *Clausula apposta in confirmatione Privile-
giorum Fratrum Minorum de Observantia.*
- 22 *Resolutio negativa.*
- 23 *Ordinatus extra tempora recipit chataste-
rem.*
- 24 *Incurrit suspensionem ex Const. Pii II.*
- 25 *Si suspensione durante celebret, sit irregularis.*
- 26 *Dimissoria morte concedentis non expirant.*
- 27 *Non semper Regulares possunt ordinari ad ti-
tulum paupertatis.*

I **C**ompetit Episcopis jus examinandi, etiam Regulares, circa scientiam necessariam in promovendis ad Ordines, ad formam Conciliaris dispositionis Tridentini, *sess. 23. cap. 12. de ref.* ubi: -- nullo impofterum ad Subdiaconatus, Ordinem ante vigesimum secundum, ad Diaconatus, ante vigesimum tertium, ad Præbyteratus ante vigesimum quintum ætatis sue annum, promoveatur; & infra: Regulares quoque nec in minori ætate, nec sine diligenti Episcopi examine ordinentur: privilegiis quibuscumque, quoad hoc penitus exclusis. --

Plures tamen ex affectu in Religiosas familias id remittunt conscientie Superiorum attestantium in litteris dimissorialibus de idoneitate, & Religiosorum sufficientia, ut observat Miranda *Manual. Prælat. tom. 1. quæst. 39. art. 4.* quorum testimonio absque offensæ timore se confirmare posse, tradit Gobat: *Experientiæ Theolog. tract. 8. casu 11. sect. 1. num. 424. pag. mihi 507.* nisi manifestè appareat ordinandi ignorantia, apud Thomam Tambur. *lib. 7. de Ordine cap. 9. num. 2. pag. mihi 84.* & experientia doceat.

doceat sibi ex uno, vel altero Monasterio, inhabiles præsentari.

- 4 Dimissorias propriis subditis concedunt Superiores Regularium: super quo tamen eorum limitatur potestas ad eas concedendas: servatis nimirum modo, & forma à S. G. C. præscriptis, pro ut sequitur.

- 5 -- De mandato Sanctissimi Domini Nostri Clementis Divina providentia Papæ VIII., tenore præsentium, mandatur omnibus, & singulis quorumcumque Regularium Superioribus, ut de cætero observent, & observari faciant ea, quæ in Decreto Sacr. Congr. Concil. Tridenti continentur, cujus tenor est talis. --

- 6 -- Cong. Conc. censuit Superiores Regulares posse suo subdito, itidem Regulari, qui præditus qualitatibus requisitis, ordines suscipere voluerit, literas dimissorias concedere, ad Episcopum tanten Diocesenum, nempe illius Monasterii, in cujus familia ab iis, ad quos pertinet, is Regularis positus fuerit: & si Diocesanus abfuerit, vel non esset habiturus ordinationes, ad quemcumque alium Episcopum, dum tamen ab eo Episcopo, qui Ordines contulerit, examinetur, quoad doctrinam, & dum ipsi Regulares non distulerint de industria concessio- nem dimissoriarum in id tempus, quo Episcopus Diocesanus, vel abfuturus, vel nullas habiturus esset ordinationes, vel Sedes Episcopalis vacaret. Verum, cum à Superioribus Regularibus, Episcopo Diocesano absente, vel ordinationes non habente, literæ dimissoriæ dantur, in eis, utique hujusmodi causam absentiæ Diocesani Episcopi, vel Ordinationum ab eo non habendarum, exprimendum esse.

Quod

Quod si Regulares ordinandi morentur in Monasterio nullius Diœcesis, hujusmodi dimissorias concedendas esse ad Episcopum viciniorem, in eoque procedere omnia, quæ de Episcopo Diœcesano superius præscripta sunt. Quod qui non fecerint, officii, & dignitatis, seu administrationis, ac vocis activæ, & passivæ privationis, ac aliàs arbitrio S. D. N. Papæ reservatas, penas incurrant. In quorum &c. Dat. Romæ die 15 Martii Anno 1596. —

Apud Piaſecum *prax. Episc. parte prima cap. primo art. 2. num. 24.*, & similis tenoris Decretum edidit S. C. Episc. & Regul. sub die 11. Junii 1638. pag. 206. à tergo, *Offervanti.* Floſc. Nicol. *verb. Regulares num. 35.*

Quibus, & per expresse disposita in *Conc. Tria sess. cit. cap. 8.*, -- unusquisque autem à proprio Episcopo ordinetur, quod si quis ab alio promoveri petat, nullatenus id ei, etiam cujuscvis generalis, aut specialis rescripti, vel privilegii prætextu, etiam statuti temporibus, permittatur, -- derogari privilegiis à *Clemente IV. Const. Virtute conspicuos Bullar. Cherub. tom. 1. pag. 162.* Ordini Minorum, vel aliis, à Sancta Sede concessis, ut possint Fratres à quolibet Catholico Antistite Ordines suscipere, tradit *Lezzana Stumm. qq. Regul. tomo primo cap. 14. num. 12.*, & *Miranda 4. 38. art. 2.*

Et non subsistere est certum, quæ habet *Pius V. Constit. Et si Mendicantium Bullar. Cherub. tomo 1. pag. 227. ubi num. 7.*, sic loquitur; *sessione vero 23. cap. 8.* -- neminem nisi à proprio Episcopo ordinari posse statuens, in Regularibus locum non habere, omnino declaramus, itaque Fratres hujusmodi præfatos,

fatos, etiam Sacros Ordines à quolibet Antistite, gratiam, & communionem Apostolicæ Sedis habente, Ordinarii loci minimè requisita licentia, in locis, seu Domibus Fratrum hujusmodi, aut alibi, recipere possint.

— Cum Gregor. XIII. *Const. In tanta ibidem pag. 370. Const. Pius* reduxerit ad terminos *Concilio Trid.* sic, ut amplius, per DD., non subsistat in iis, ab eodem statutis, vel declaratis, quæ Concilii adversentur Decretis, quidquid ex Roderico scribat Gobat. cit. num. 407.

Præsertim etiam, quia *Trid. sess. 6. cap. 5.* expressè statuit, & penis corripit Episcopos, qui in aliena Diœcesi Pontificalia exercent, & Ordines conferunt, & Pius oppositum declaratione firmat.

Unde, etsi liberum sit Regularium Prælati suos ad alienum quemvis Episcopum mittere, cum Diœcesanus, vel non est Ordinationes habiturus, vel Sedes vacat, cum dimissoriis exprimentibus causam, cur mitti tantur, prout in Decreto; eis tamen est interdictum, & inculpate non agunt, si data opera, ad mortem, vel absentiam proprii Diœcesani, suos differant eidem præsentare, ut ordinentur; & ideò reprehendendi Superiores illi, qui ex industria eos ad determinatum tempus transferunt de uno ad Monasterium alterius Diœcesis, habentis Episcopum faciliorem, & benigniorem, & statim ad pristinum post Ordinationes reducunt; quia in fraudem legis illa translatio facta censetur, & contra finem decreti, disponentis Regulares ordinandos ab Episcopo Diœcesano, illius scilicet Monasterii, in cujus familia positi, vel de cujus familia sunt; & non incor-

probrandos familiæ alterius Conventus, in eum finem, ut effugiant examen Diocesani prioris Conventus, ubi probabiliter timetur de reprobatione.

12. Unde in casu Donat. *prax. Regul. tom 3. tit. 3. g. 10. nu. 2.* eos putat mortaliter peccare, ut potè in re gravi indebitè violantes legem.

Ordines etiam Regularibus conferri debent cum certo temporis intervallo inter unum, & alium, ut disponit *Trident. sess. 23.*

13. *ubi cap. 11.*, quoad Minores, requiritur ordinandos debere per temporum intervalla, seu interstitia promoveri; & cum temporis spatium non taxet, & arbitrio Episcopi relinquat, hic potest ex causa in interstitiis dispensare, ut uno, eodemque die plures ordines idem recipiat; cui privativè quoad Regulares, ea facultas dispensandi tribuitur, ut notavit Miranda *g. 38. art. 7. conclu. prima.*

- Quoad verò majores *cap. 12. & 13.*, licet id Episcopo remittat, tamen libertatem non dat, & potestatem adimit conferendi eodem die eidem duos Sacros Ordines, etiam Regulari, ut expressè habet *textus cap. 13. duo Sacri Ordines, non eodem die, etiam Regularibus conferantur, non obstantibus quibuscumque &c.*, quibus expressè tradit Miranda *art. 5. revocari privilegia.*

Quoad Interstitia, annus computari debet Ecclesiasticè, non Mathematicè, hoc est à Sabbato Quatuor temporum Quadragesimæ, ad simile Sabbatum correspondens in Quadragesima futura, & à vigilia Pentecostes ad vigiliam ejusdem Festi anni sequentis.

Quid dies ob varietatem Festorum Mobilium occurrunt priusquam duodecimus mensis com-
 fiat. Flosc. Nicolio, verb. Ordo;
 nu. 21.

Nov. 21. & Lucubrat. Jur. Can. lib. primo, tit. 11. sub num. 3. Engel. Colleg. Juris Can. lib. 1. tit. 11. §. 2 sub nu. 20.

Tempora ab jure statuta, in quibus per disposita à *Trid. loc. cit. cap. 8.*, celebrari debent Ordinationes Sacræ, comprehendunt sex Sabbata, ex *cap. De eo, de temp. Ord. lib. 1. tit. 11.* & apud Thomam Tambur. *lib. 7. de Ord. cap. 10. num. 8.*, quatuor anni temporum, alterum, Dominicam Passionis præcedens, & Sabbatum Sanctum: extra quæ sine speciali indulto Sedis Apostolicæ nullus promoveri ad Sacros Ordines potest.

Quod ab Alex. VI. obtinuisse Ordinem Sancti Hieronymi, & ab Eugenio IV. illum Sancti Benedicti refert Miranda *cit. artic. 4.*, & Roderico *resolut. 106. verb. de Ord. Sac. sub num. 7.*, citans Portellum testantem, se aliud vidisse datum à Clemente VIII, *de ann. 1596.* Ordini D. Joannis Evangelistæ in Portugallia. Pius IV. *Bullar. Cherub. tomo 2. pag. 9. Const. Circumspecta sub Kalend. Julii 1560. §. 62.*, concessit Fratribus, & Capellanis Hospitalis Sancti Joannis Hierosolymitani. Gregorius XIII. *ibidem pag. 459. die 21. Septembris 1582. Const. Pium. & utile Patribus Jesuitis*, cum clausula: -- præsentis autem gratiæ communicationem omnibus aliis, etiam, qui sua privilegia cum ipsa Societate copiosè participant, participareque poterunt, quomodolibet in futurum, fieri omninò prohibemus. --

Tandem *sub die 30. Junii 1625.* Urbanus VIII. *Constit. Cum sicut accepimus*, Fratribus Minor. de Observantia in partibus Indiarum Occidentalium existentibus id indulgit,

dulsiſſet, pro ut ſequitur. -- Noſejuſdem &c. & infra : Nobis humiliter porrectis inclinati, omnibus, & ſingulis ejuſdem Ordinis Sancti Franciſci in partibus Indiarum Occidentalium huiuſmodi, tantum exiſtentibus, expreſſe profeſſis, ut de Superiorum ſuorum licentia, à quocumque, quem maluerint, Catholico Antiftite, gratiam, & communionem Apoſtolicæ Sedis habente, in propria Diœceſi reſidente; vel in aliena, de Diœceſani loci conſenſu Pontificalia exercente, per eos eligendo, ad omnes, etiam Sacros, & Presbyteratus Ordines, extra tempora, ad id à jure ſtatuta, ac interſtitiiſ à S. Conc. Trid. designatis, minimè ſervatiſ, ſannique curriculo non expectato; etiam ſi in unoquoque ex dictiſ Sac. Ordinibus ſuſceptiſ, antequam ad alium promoveantur, ſe minimè exercuerint; dummodò tamen ad id idonei reperiantur, & ſervatiſ, aliàs ſervandiſ, promoveri, & promoti in illiſ, etiam in Altariſ miniſterio, miniſtrare, liberè, & licitè poſſint, & valeant, Apoſt. aucto-ritate tenore præſentium concedimus, & indulgemus, ac facultatem impertimur. Non obſtantibus &c. -- *Bullar. Cberub. tomo 4. pag. 91.*

18. An autem hæc privilegia ſuffragentur aliis Regularibus propter communicationem privilegiorum. . Reſolvendum negativè cum Lezzana *Sum. qq. Regul. tomo 1. nu. 19.* Peyr. *de Privileg. tom. 1. ad Conſt. 2. Sixti IV. § 11. n. 39.* Miranda *q. cit. art. 4.*, & adhæret Dbnat. *cit. q. 26. nu. 3.* & facit, ut notat Miranda, per ea : *Ordinationes Sacrorum Ordinum ſtatutiſ abjure temporibus celebrentur* : revocari à Concilio privilegia, eo prius conceſſa, præſertim quia *ſeſſ. 25. cap. 22. de Regularibus*; revocatiſ

quo-

quorumcumque privilegiis, mandat observari omnia, & singula in superioribus decretis contenta; & cum loquatur, expresse non est locus conjecturis, & distinctioni; consequenter data ab Eugenio IV. Alex. VI., & Pio IV., qui id contulit *Ann. 1560.*, adeoque prius celebratione *sess. 23.*, quæ celebratur *15. Julii 1563.*

Præsertim etiam, quia ex formula concessionis factæ Jesuitis à Greg. cum clausula prohibitiva *communicationis*, & ab Urbano VIII. Minoribus, cum clausula taxativa *loci*, & exclusivæ cæterorum, etiam ipsorum Minorum, alibi existentium, apparet S. Sedis mentem esse, quod præfatis, aliis Regulares, 19 communicantes cum eis in privilegiis, non fruuntur; & significare ea esse talis conditionis, quod raro, & cum difficultate conceduntur. Privilegia autem, quæ hujus sunt generis, ut pluribus cumulatis, tradit Pignatell. *tomo 10. cons. prima nu. 33.* non veniunt sub generali communicatione: & ut notavit Peyrin. ibidem, sub clausula generali, non venit id, quod Princeps non esset in specie verisimiliter concessurus, & firmat *Rotas coram Rojas decis. 618. tom. 2. p. 5. decis. Recent. nu. 17.* quod generalis communicatio privilegiorum non trahitur ad ea, in quibus specialiter est provisum.

20 Nec obstat, quod privilegia Mendicantium sæpe confirmantur cum clausula *ex certa scientia*, quæ apud Lezzana *tom. 3. verb. clausula num. 29.* æquivaleret concessioni, & per Donatum *loco cit. sub nu. 2.* vim habet innovandi concessionem, & indulta à Sede Apostolica revocata; quæ confirmata reperiuntur illa minorum à Clemente VIII. *Bullar. Cæsar. rub.*

- sub. tom. 3. pag. 66 const. Ratio Pastoralis.* Etenim vis illius restringitur per appositionem alterius; *in his omnibus, in quibus decretis Concilii Trid. non adversantur*; quam præfatus Clemens ibidem apposuit, & ea usus est Innocent. XI. *Const. Exponi Nobis nuper, Direct. trium Ordin. const. 5. pag. 230. num. 95. sub anno 1686., die 5. Septembris*, confirmans præfatas literas Clementis, & similes Pauli V. & Urbani VIII., -- dummodo tamen sint in usu, nec sint revocatæ, aut sub aliqua revocatione comprehensæ, sacrisque Canonibus, & Concilii Trid. decretis, ac posterioribus Constitutionibus, & Ordinationibus Apostolicis non adversentur. --
22. Idè concludendum cum Miranda negativam esse sequendam, utpote *Trident. Decretis: & Const. Pii II. Cum ex Sacrorum (apud Confess. Collect. Privileg. Mend. pag. mibi 236. verb. Clem. VIII.)* magis conformem, adeoque in praxi magis tutam.
26. Et quamquam tempus Ordinationis, quod Jus præscribit non sit de substantia Ordinis, & ordinatus extrà tempora recipiat characterem, non recipit tamen executionem, & nisi aliquod Sedis Apostolicæ Privilegium ei suffragetur, suspensionem incurrit, ut inter terminis præfatus Pius allegata Constitutio-
 24 ne disponit, ut infra: -- Nos &c. præsentì Constitutione perpetuò valitura statuimus, & ordinamus, quod omnes, & singuli, qui absque dispensatione canonica, aut legitima licentia, sive extra tempora à jure statuta, sive ante ætatem legitimam, vel absque dimissoriis literis, etiam Citramontani à Citramontanis, præterquam si in hoc ultimo casu per Cameram Apostolicam, juxta ipsius stylum ordi-

ordinati fuerint, ad aliquem ex Sacris Ordinibus se fecerint promoveri, à suorum Ordinibus executione ipso jure suspensi sint. Et si hujusmodi suspensione durante in eisdem Ordinibus ministrare præsumpserint, eo ipso in irregularitatem incurrant. -- Et facit *Textus in cap. Consult. de temporibus Ordinationum lib. 1. tit. 11. & ibi Gloss. verb. Charact.*

26 Literæ dimissoriæ ad Ordines concessæ non expirant morte Concedentis, nisi expressè per Successorem revocentur; quia sunt gratia, & Privilegium Nicol. Flos. verb. *Dimissoria* nu. 1. vide *Cap. Officialis quoad Privilegia* sub nu. 26.

27 Cum singula alicujus Religionis Monasteria destruuntur, nequeunt illius Religiosi promoveri ad titulum Paupertatis ex S. C. C. 17. Aug. 1632. apud Flosc. Nicol. verb. *Ordo* sub num. 28.

C A P U T XXIV.

Officialis quoad Pœnas Ecclesiasticas.

S U M M A R I U M.

- 1 Quid sit pœna.
- 2 Divisio pœnæ.
- 3 Pœna alia lata, alia ferenda sententiæ.
- 4 Pœna ferenda sententiæ non incurritur statim commisso delicto.
- 5 Quid dicendum de illa sententiæ lata.
- 6 Excommunicatus in foro interno, si celebret, sit irregularis.
- 7 Ad incurrendam excommunicationem lata sententiæ pro foro interno non est necesse, quod præcedat sententiæ declaratoria.

8 In

- 8 In quo sensu clausula ipso facto &c. sint comminatoriae.
- 9 Limitatur à Tamburino.
- 10 Notorius excommunicatus vitandus.
- 11 Etiam si non sit notorius Clerici percussor.
- 12 Notorium Juris, & facti.
- 13 Notorietas an probanda?
- 14 An Reus audiendus?
- 15 Quando Prælatus sit officio in conscientia privatus?
- 16 Sententia declaratoria sæpè super crimine, & non super pena pronunciat.
- 17 Cum ad penam externa actio requiritur, non statim incurritur.
- 18 Inhabilis factus, officia non debet acceptare, & sua limitatio.
- 19 Dubium resolvendum, an Prælatus officio privatus, validè ministret?
- 20 Ante causæ cognitionem nemo est privandus.
- 21 Quando penæ retrahantur?
- 22 Pena privationis vocis activa, & passiva statim incurritur.
- 23 In Ordine Minorum de Observantia penæ non incurritur, nisi post declaratoriam.
- 24 Privatio vocis activæ, & passivæ, & Juris Suffragiorum natura.
- 25 Privati voce activa, & passiva, quæ possint? Et à Divinis suspensus.
- 26 Privatio actuum legitimorum quid?
- 27 Privatio Juris Suffragiorum distincta ab ea actuum legitimorum.
- 28 Privatio officiorum ordinis, ad quæ inhabilitet.
- 29 Libri Fratrum Defunctorum, apud Minores ubi ponendi?
- 30 Pena subtrahentium ex eorum B blicis aliis quem furto, & commodantium res sacristiæ.

1 **P**œna in sensu proprio ex *cap. Pœnitentia dist. 3.* est *quæ punit; vindicans quod quisque commisit;* & dicitur, etiam reordinativa culpæ, quatenus homini infligitur, ut quia per peccatum ab ordine legis defecit, per pœnam reordinetur.

2 Dividitur in Legalem, seu Civilem, & in Canonicam, seu Ecclesiasticam; illa ab jure Civili, & Seculari infligitur: de qua suo loco DD.: alia ab jure Ecclesiastico, & ad præscriptum Canonum à Prælato Ecclesiastico statuitur; & hanc ad nostrum casum restringimus ad expresas in literis Apostolicis (sive sint Pontificum Constitutiones, sive S.S.C.C. Decreta) in quibus sæpe in transgressores respectivè disponitur pœna *excommunicationis, suspensionis, & interdicti; privationis vocis activæ, & passivæ, actuum legitimorum, & officiorum ordinis, & inhabilitatis ad alia impetorum obtinenda.*

3 Sed dubitatur, an ipso facto, & ante Judicis sententiam, pœnæ incurrantur? & observandum, vel pœna est latæ sententiæ ut si dicatur: *ipso facto ipso jure, absque ulla declaratione excommunicatur, anathema sit* (prout sæpe in Trid. contra Hæreticos) statim *privationem incurrat &c.* vel est sententiæ ferendæ, & solùm sub verbis cominatoriis, ut *prohibemus sub pœna excommunicationis, interminatione privationis officii &c.*

4 In secundo sensu firmant DD. communiter pœnas non incurri ipso facto & ipsa admissione delicti, sed necesse esse, ut judex sententia declaret crimen esse commissum, & in ea ex notatis ab Hasbenso *sum. quæst. select. verb. pœna Ecclesiastica nu. 366.* exprimat pœnam pro ea taxatam, & ad eam condemnet.

5 In primo autem conveniunt, quod si delictum sit annexa excommunicatio, statim ac committitur, delinquens in eam incidat; & idem dicendum de interdicto, suspensione, & irregularitate, quando in iis apponuntur clausulæ *ipso facto*, *ipso jure*, vel quid simile, indicans ejusmodi penas, non esse ferendas, sed latus; consequenter secum trahere suam executionem, ut notavit Thomas Tamburinus *de censuris tract. 1. cap. 1. num. 1. Sanct. super stat. 6. Franc. c. 11. stat. 7.* & habetur apud Donat. 20. 2. par. 1. *quæst. nu. 1. ex cap. Pastoralis de appellationibus lib. 2. tit. 28.*

6 Limitat Amenopraet. *crimin. tit. ult. §. 7. nu. 61.* ad forum solum internum, adeout, licet committens delictum, habens annexam excommunicationem latæ sententiæ, si sit Sacerdos, & celebret, priusquam absolutionem obtineat, efficiatur irregularis, non teneatur in publico, & foro externo, ut excommunicatum se gerere, nisi sententia declaratoria delicti præcesserit.

Unde clausula illa absque *declaratione*, sensum habet, quod ad incurrendam excommunicationem latæ sententiæ pro foro interno, non est necessarium, ut post delictum commissum præcedat sententia, vel delicti, vel pænæ, sed sit esse quod crimen committatur; ut autem quis pro foro externo, & contentioso ligetur, requiritur, ut sententia judicis exprimat delictum fuisse patratum.

Unde Amenotit. 5 §. 1. num. 2. tradit clausulas illas, *ipso facto sit excommunicatus*, *ipso jure privatus remaneat*, pro foro externo esse comminatorias, & appositas ad incutiendum terrorem.

Et id ex Suarez notat esse universaliter in
omni

omni lege, & statuto, ut licet imponatur pœna ipso jure, aut ipso facto, vel etiam ante sententiam incurrenda, tamen in foro interno liget, pro externo non est fulminativa, sed comminatoria, & irrogari debet per sententiam, quæ non est condemnatoria, sed declaratoria.

- 9 Limita, nisi expressè aliud superaddatur sic, ut idem observat Tamburin. n. 4. sine ulla prævia declaratione delicti, similiter, quia, tunc certè in utroque foro statim excommunicatione ligat, cum in tanta expressione voluntatis Superioris non detur aditus præsumendi aliæ judicis declarationem esse expectandam. Advertas, quod si notorium esset aliquem in excommunicationem incidisse, etiam in foro externo censura ligaretur, imò vitandus esset, prout disponit *Const. Leonis X. edita in Concilio Lateranensi*, quam refert *Piassec. Præx. Epif. p. 2. c. 4. art. 13. nu. 21 & Bail sum. Cont. to. 1. v. Cœc. Lateran. sess. 11 pag 614. lit. B. ut sequitur.*

-- Statuimus insuper, quod ad vitandum scandala, & multa pericula, subveniendumque conscientiis timoratis, constituimus, ut nemo deinceps à Communione alicujus in Sacramentorum administratione, vel receptione, aut aliis quibuscumque Divinis, vel extra, prætextu cujuscumque sententiæ, aut censuræ Eccles. seu suspensionis, aut prohibitionis ab homine, vel ab jure generaliter promulgatæ, teneatur abstinere, vel aliquem vitare, vel interdictum Eccles. observare: nisi sententia, prohibitio, suspensio, vel censura hujusmodi fuerit, vel contra personam, Collegium, Universitatem, Ecclesiam; aut locum certum, aut certam, à Judice publicata, & denun-

ciata specialiter, & expresse, aut nisi notoriè in excommunicationis sententiam constiterit incidisse, quod nulla possit tergiversatione celari, aut aliquo juris suffragio excusari, eum à communione illius abstineri volumus juxta Canonicas sanctiones; per hæc tamen hujusmodi excommunicatos, suspensos, interdictos, seu prohibitos non intendimus in aliquo relevare, nec eis quomodolibet suffragari &c. —

Ubi apparet solos denunciatos excommunicatos, suspensos, interdictos, & notorios esse vitandos; & licèt ibi idem Piafecus asserat nomine notorii per DD. intelligi notorium Clerici percussorem, ad sensum similis Const. Concilii Constantiensis *Insuper ad evitanda*, quam item num. 22. refert, & cum ipso Nic *prax jur. can. lib. 5. tit. 39. nu. 28.* aded ut, ut ibi firmatur, solus notorius Clerici percussor sit vitandus, & alibi excommunicati, non nisi postquam fuerint denunciati; tamen, quod quicumque excommunicatus, licèt non
 II sit propter percussione[m] Clerici, sit vitandus, dummodò sit Notorius, idem Nicol. *ibidem sub num. 31.* citans Fagnanum *cap. quod à predecessore de schismat. nu. 55.* tradit.

Et videtur esse ad sensum Lateranensis, cujus Constitut. est posterior ea Constant; quam ad verbum refert, & solùm immutat, ac dispositionem ampliat, *ut vitentur excommunicati, vel denunciati, vel constiterit eos notoriè in excommunicationem incidisse.* Verum idem Nicolio *ibidem* notat, se non potuisse inter acta Concilii Constantiensis Constitutionem, ex Constantiensi citatam, invenire, quam observavi nec reperi apud Bail: *cit v. Conc. Constantiense pag. 472.*

Et

Et pro intelligentia sciendum, aliud esse notorium notorietate juris, aliud notorietate facti, primum est, quod constat per veridicam sententiam, vel per rei confessionem in judicio, aut legitimam testimonium depositionem, qua res tam clarè, & manifestè probata est, ut neque coloratè impugnari possit.

Secundum illud est, quod est publicum evidentiæ facti, hoc est, exhibet se omnium oculis, vel conspectui majoris, vel saltem magnæ partis alicujus loci, aut vicinæ, ut nulla possit tergiversatione celari: non solum in ratione actus, ita quod actus, qui est delictum, sit publicus: verum etiam in ratione delicti, ita quod publicè sciatur esse delictum; unde licet notorium sit, aliquem ingressum fuisse in clausuram Monialium, non est tamen notorium, quod ingressus fuerit sine licentia; idè non censebitur hujusmodi ingressus in ratione culpæ notorius.

13 Notorietatem facti probari tradit *Ameno-
rit. 3. §. 11. num. 55. & 56.* per duos saltem testes testes juratos, omni exceptione majores, qui deponant non solum super delicto de visu, sed etiam, quod fuit factum coram majori parte populi, vel in platea, vel quod sit toti populo notorium; unde judex, qui non potest procedere, nisi in notoriis, ut sunt Conservatores Regularium, prius debet probare qualitatem notorii delicti, & sic probata, pronunciare, quod constat de notorietate; & licet aliqui negent, allegatus tamen dicit esse tutius sic sententiare, ut ex nulla parte possit processus impugnari; & priusquam reus condemnetur, (quamquam notorietate probata,) contra Sanctoro, scri-

14 bit esse audiendum, quia Judex in praxi certus esse non potest, quod reus nullam habeat exceptionem ad excusandum delictum, si non in totum, saltem in partem, nisi audiat; posset enim adducere se Clericum percussisse ad sui defensam, vel per jocum, vel in statu ebrietatis; & discessisse à Conventu, aut ob inimicitiam capitalem alicujus sibi mortem machinantis per venenum, vel ob recursum ad Superiorem ad iniustum declinandum gravamen, vel aliquod aliud juris suffragium, afferre; videatur ipse, & Antonellus *de regim. Eccles. lib. 8. cap. 3. num. 14* ad quæsitum, *an publicus Clerici percussor sit statim vitandus ante sententiam Judicis?* & interim ad nos.

Sic pariter, si Prælati committat delictum, cui ipso facto, & absque Judicis declaratione annexa sit privatio officii, statim
15 delicto commissio est in conscientia officio privatus, ut docet Armeno *tit. ult. cit. Peyrin. de Privil. Regul. ad Const. 6. Julii 2. num. 19.* non tenetur tamen statim officium suum relinquere, & ipsum renunciare cum jactura suæ famæ, & honoris, ut ex Coroliano *refert Barbosa tom. 1. de jure Ecclesiastico lib. 1. cap. 44. num. 166.* cum jus ad propriam famam conservandam ex observatis à Lezzana *summ. quest. tom. 4. verb. pena Ecclesiastica sub num. 8.* præponderet juri humano tales penas imponenti, & præsumitur, quod lex humana cum adeò gravi detrimento non
16 obliget; idè est ex Peyrin. expectanda Judicis sententia declaratoria, quæ super crimine, & non super pena, pronunciet.

Et facit quod habet Engel. *Colleg. univ. jur. Can. lib. 1. tit. 2. §. 3. num. 43.* quod si pænæ ipso jure latæ, etiam externam aliquam

quam

quam executionem requirant , - ut amissio dominii , confiscatio bonorum , privatio beneficii , officii &c. pœna , statim commissio delicto , non incurritur , sed expectatur sententia declaratoria Judicis ; ex *cap. cum secundum de Hæreticis in 6. lib. 5. tit. 2.* ubi , - bona hæreticorum (qui gravius , horribilius , & detestabilius , quam prædicti delinquant ,) ipso jure de Fratrum nostrorum consilio decernimus confiscata. Confiscationis tamen hujusmodi executio , vel bonorum ipsorum occupatio fieri non debet per Principes , aut alios Dominos temporales (juxta Gregorii Papæ Prædecessoris nostri declarationem) ante quam per Episcopum loci , vel aliam personam Ecclesiasticam , quæ super hoc habeat potestatem , sententia super eodem crimine fuerit promulgata . -

Idè Prælatus occultis mediis , & secreto debet dispensationem petere ; & si ob occultum delictum inhabilis factus est ad alia officia , ea de novo nullatenus debet acceptare ; si id absque dispendio famæ , & sub aliquo honesto prætextu exequi poterit , ut tradit Donat. *tom. 1. part. 1. quæst. 34.* qui certè prudenti non deerit .

An autem Superior officio in conscientia privatus , validè exerceat ea , quæ sunt officii , ut confirmare electiones , ad professionem admittere , excipiendi confessiones facultatem concedere , & alia , quæ jurisdictionem in Prælato exigunt ; aliis resolvendum relinquo .

Et interim noto doctrinam Lezanæ *tom. 3. sum verb. excommunicatio num. 34.* scribentis ; licèt actus jurisdictionis ab excommunicato

vitando facti, siue in foro interno, siue externo nullius valoris sint ob defectum jurisdictionis; facti tamen ab excommunicato tolerato validi sunt; quamvis enim usu jurisdictionis careat, Ecclesia tamen, & Respublica propter commune bonum illi tribuit eo casu jurisdictionem; non quidem ita, ut illi liceat exercitium ipsius, sed tantum, ut valeat, quod efficitur; quæ, an sit applicabilis casui? cæteri judicent.

Applicabilem non esse, cum delictum, cui est annexa privatio officii, vel beneficii, est publicum, non obscure significat Hasbensis *loc. cit. num. 364.* notans, quod transgressor legis eo ipso amittit jus ad officium, seu beneficium, ita ut non sit amplius illius Dominus; & licet ei permittatur possessio, & usus (quibus ex *cap. licet Episcopus de prebendis in 6 lib. 3. tit. 4.* ante causæ cognitionem nemo est privandus) statim tamen ac per Judicem
 20 pronuntiatur sententia declaratoria criminis commissi; retrotrahitur ad omnia officia, & dignitates, quas habuit reus à die perpetrati delicti, & compellitur omnem fructum ab eo tempore perceptum restituere; & revocantur omnes contractus per delinquentem initi ratione illorum officiorum, seu dignitatum.

21 Ex quo patet, clausulam *ipso facto*, habere differentem effectum, quem non habet poena ferenda, quia hic, posita declaratione criminis, pænæ non retrotrahuntur ad diem, quo fuit commissum delictum.

Conveniunt Engel. Barbosa, & Hasbensis *loc. cit.* quod cum in lege hæc apponitur clausula, *qui hoc delictum pataverit, qui non obe-*
 22 *diverit &c. ipso facto, statim, sit voce activa &*
passi.

passiva privatus; statim, crimine commissio, tenetur transgressor eam penam spontè subire ante sententiam Judicis declaratoriam; quia ad exequendam penam privationis vocis activæ, & passivæ nulla actio exterior hominis requiritur.

- 23 In ordine Minorum de Observantia pænæ quæcumque per ipsorum leges, & statuta, appositis etiam clausulis *ipso facto*, non incurruntur, nisi post sententiam declaratoriam criminis: pro ut expressè disponitur in *Sambucanis cap. 7 § 6. nu. 40.* -- declaratur, quod quando in statutis pænæ imponuntur, privationis, carceris, excommunicationis, suspensionis &c. volumus ad eas non obligari Fratres, nisi scienter, & deliberatè deliquerint; & ubi ipso facto incurrenda imponitur, decernimus in hujusmodi penam neminem incurrere, nisi post declarationem à Prælato factam; -- & quidem optimè, ut notavit *Sanctoro de penis in genere, cap. 2.* cum expediat conscientias Fratrum, qui ex Regulæ declarationibus ad plura sub mortali tenentur, penis non onerare, & censuris.

- 24 Privatio vocis activæ, & passivæ, seu juris suffragiorum est inhabilitas, tam ad ferenda, quàm ad consequenda suffragia: ita ut privatus, nec eligere, nec eligi possit ad quodcumque officium ordinis; & sic privati, licèt non possint officia obtinere per viam electionis, non prohibentur, quin alia exerceant, quæ non via electionis conferuntur Hasbens. *loc. cit. num. 357.*

- Et sic, ut firmat *Ameno tit. 5. §. 1. num. 7.* Provincialis privatus voce, potest in electione
25 Guardianorum proponere, & nominare eligendos: hujusmodi enim propositio, licèt

ad electionem ordinetur, electio tamen non potest dici.

Definitor, voce activa, & passiva privatus, potest suffragari in omnibus iis, in quibus non fit electio ad officia, adeoque in sententiando reos, & recipiendo ad Religionem.

Item, Examinator voce privatus potest votum dare in approbatione, seu reprobatione eorum, qui examini se exposuerunt, vel pro lectura, ordinibus, confessione &c.

Et tandem quilibet privatus voce, dare potest votum Novitio admittendo ad professionem; & in aliis casibus in quibus requiritur consensus capituli, nisi id per specialia statuta prohibeatur. Et Regularem suspensum à Divinis, per annum tantum, non privari infra dictum tempus, voto activo in electionibus Superiorum faciendis, nisi talis privatio exprimat firmavit S.C.C. in una Romana 20. Augusti 1628 lib. 13. decret. fol. 525.

26 Privatio actuum legitimorum est inhabilitatio ad omnia ordinis officia, quæ cum dignitate & superioritate conjuncta sunt, ut Ministeriatus, Definitoriatus, Guardianatus; potest autem sic privatus sacras functiones exercere, sed non confessiones, saltem secularium; potest tamen Monialium Confessarius institui, ac Magister Novitiorum esse, & pro eis ad professionem admittendis suffragia dare.

27 Hinc patet discrimen inter privationem juris suffragiorum, & actuum legitimorum; illa inhabilitat ad eligere, & eligi ad officia ordinis, nimirum Prælaturas, sed non facit, quin ille, qui sic est privatus, ea administret, si privatio illa supervenit post adeptam officii possessionem; alia vero actuum legitimo

timorum, non solum tollit electiones ad Prælaturas, sed etiam earum negat exercitium, adeout, si adveniat post Prælatiam adeptam, tametsi in actu primo, is, cui advenit, non intelligatur privatus officio, privatus tamen remanet exercitio illius.

Actibus legitimis privato, respectu Confessariatus Monialium conceditur exercitium, & institutio; at respectu lectionis, concionum & Magistri Novitiorum, solum exercitium permittitur, & institutio negatur, ut notavit Ameno *tit. 6. §. 2. nu. 10.*

- 28 Privatio officiorum ordinis inhabilem reddit, nedum ad supradicta, sed etiam ad Confessionem, prædicationem, lectionem, paternitatem, & munus visitationis, non verò ad recipiendos sacros Ordines, & ad sacras eorumdem functiones exercendas; ut idem tradit *tit. 5. cit. §. 3.* At quilibet proprii instituti, & Religionis, leges consulat, cum præfata ipse firmaverit ad tenorem statutorum Ord. Minor. de Obser.

- 29 Privationem officiorum, aliasque penas, Capitulum Generale Ordinis Min. de Obser. de anno 1633. dicit in Provinciales, & alios, qui defunctorum Fratrum libros ad communes Bibliothecas Conventuum non transmittunt; super quo disponit, ut infra.

-- Adeò nihil penduntur hisce temporibus Conventuum nostrorum Bibliothecæ communes; ut quæ aliàs diligentius rectè splendorem, nunc vero negligentius deserunt, dedecus potius Religioni afferre videantur. Ut igitur opportunum adhibeamus tanto malo remedium, præcipimus Provincialibus Ministris sub pena privationis officiorum, irremissibiliter incurrenda, ut vigilantius curet

defunctorum Fratrum libros fideliter, & quantocitius fieri poterit transmittendos in communes Bibliothecas, præcipientes insuper universis Superioribus, cujuscumque gradus, & dignitatis existant: universis etiam subditis, sub pœna excommunicationis, ipso facto incurrenda, & sub aliis item gravissimis pœnis ad Superiorum beneplacitum infligendis, ut nullo modo, nec per se, nec per Apostolicum Syndicum, sub quovis prætextu, quæsito colore, occasione, vel causa, alienent, vendant, commutent, donent, aut quomodolibet aliter fraudent, vel distrahant defunctorum Fratrum libros, aut eos, qui ad particulares Bibliothecas quavis ratione pertineant, vel quocumque modo, seu titulo fuerint, etiam deinceps Monasterio acquirendi. --

Dispositionem Capituli olim confirmavit Urbanus VIII. & sub anno 1685. 16. Octobris Const. Exponi nobis nuper Innoc. XI. ubi, contra furto ex dictis Bibliothecis subtrahentes 30 libros, addit: -- Prætereà Pii (V. nimirum) prædecessoris nostri inhærentes, omnibus, & singulis personis Ecclesiasticis, Secularibus, & Regularibus cujuscumque status, gradus, Ordinis, vel conditionis, existant, etiam si Pontificali dignitate præfulgeant, eadem auctoritate harum serie mandamus, ne ex Bibliothecis Conventuum, & domorum, Regularium Ordinis prædicti, aut earum aliqua, librum aliquem, aut quaternum, furto subtrahere quoquomodo præsumant. Nos enim quoscumque subtrahentes excommunicationis sententiæ subjacere volumus, & decernimus ipso facto, à qua nullus ab alio, quàm à Nobis, vel Romano Pontifice pro-

tem-

tempore existente, possit, nisi, dumtaxat in mortis articulo, absolutionis beneficium obtinere &c. -- *Direct. trium Ord. Const. 6. num. 101. & num. 110.* refert ejusdem Innocentii Const. confirmantis Sac. Cong. Epil. & Reg. dec. prohibentis *sub d'ie 14. Martii 1680.* sub pena privationis officiorum Fratribus ejusdem Ordinis, ne res sacras ad eorum Ecclesias, & Sacristias spectantes aliis commo- dent, nisi accesserit consensus duarum partium Capituli per suffragia secreta præstan- dus, & à Provinciæ Ministro authenticè con- firmandus -- nomine autem Capituli in ca- su puto intelligi Definitorium Provinciale, vel Discretorium Conventuum.

C A P U T X X V.

Officialis quoad Privilegia.

S U M M A R I U M.

- 1 *Quid sit Privilegium esse antiquatum!*
- 2 *Constit. moderatoria Privilegiorum Regularium Leon. X.*
- 3 *Const. Pii IV.*
- 4 *Greg. XIII. reducit ad terminos Tridentini Privilegia à Pio V. Regularibus data.*
- 5 *Clausula, quæ apponi solet in confirmatione Privilegiorum.*
- 6 *Apponitur ab Innocen. XI. confirmante ea Minorum de Observantia.*
- 7 *Quando Trident. expressè revocet Privilegia Regularium!*
- 8 *Privilegiis per Trident. revocatis, non possunt Regulares uti, nec in foro conscientia.*
- 9 *Dubium, an Clausula Dummodo &c. com-
O 6 preben-*

*prebendat Privilegia tacite à Tridentino
revocata?*

- 10 *Sententia aliquorum.*
- 11 *Reprobatur.*
- 12 *Exponitur clausula Sacrisque Canonibus &c.*
- 13 *Const. Greg. XV. Inscrutabili.*
- 14 *Alia Clem. X. Superna.*
- 15 *Quando liceat confessariis Monialium ingredi
septa Monasteriorum?*
- 16 *Quid significet clausula Motu proprio.*
- 17 *Quando motu proprio gratia concedatur.*
- 18 *Quid subreptio & obreptio significant.*
- 19 *Communicatio privilegiorum non extenditur ad
officia divina.*
- 20 *Indulgent. privilegio communicationis sunt
communes in Ordine Minorum.*
- 21 *Amittitur privilegium per ipsius abusum.*
- 22 *Et per expressam renunciationem.*
- 23 *Regulares nequeunt renunciare privilegio
Exemptionis sine licentia Papa.*
- 24 *Renunciatur privilegiis per non usum, seu usum
contrarium.*
- 25 *Privilegia concessa cum Clausula donec vo-
luero, quanto tempore durent?*
- 26 *Privilegiatus, etiam re integra, potest privile-
gio uti post mortem concedentis.*

Amplissima à Sede Apostolica obtinuerunt Regulares privilegia; Verum, quia ex eis aliqua jam sunt antiquata: impossibilia nimirum cum decretis de novo editis; & alia expresse per posteriores Pontificum Constitutiones, & SS. Concil. Trident. sanctiones, moderata, declarata, & respectivè revocata; Ideò aliquas moderatorias, & respectivè eorundem revocatorias, sanctiones, & Constitutiones adnotatas exhibeo;

beo; ut in praxi Regulares sciant, præfatorum usum contra earum tenorem sibi esse interdictum.

2. Leo X. in Concilio Lateranensi moderatorem, & declaratorem indultorum Mendicantibus, aliorumque Religiosorum Ordinibus in læsionem Episcoporum, ut ait, concessorum, edidit: *Bull. Cherub. tom. 1. pag. 586.* tenoris, qui sequitur.

-- Dum intra &c. ad conservandam igitur inter Episcopos, & eorum Superiores, Prælatos, & Fratres hujusmodi &c. & infra. --

§. I. Sacro approbante Concilio, statuimus, & ordinamus, quod Episcopi, & eorum Superiores, & alii Prælati præfati, Parochiales Ecclesias ad eosdem Fratres ratione locorum suorum legitime spectantes, quo ad ea, quæ ad Parochianorum curam, & Sacramentorum conservationem, administrationemque pertinent (sine tamen Visitatorum insolito gravamine, vel impensa) visitare, & illarum curam gerentes, & circa illam delinquentes, si Religiosi fuerint, juxta ipsius Ordinis Regularia instituta, intra septa Regularis loci; Seculares verò Presbyteros, & Fratres hujusmodi beneficia obtinentes, liberè, tanquam suæ jurisdictioni subjectos, punire.

§. II. Tam Prælati, quam Presbyteri seculares, qui vinculo excommunicationis ligati non fuerint, Missas in Ecclesiis domorum eorumdem, devotionis causa celebrare volentes, celebrare possint, ipsique Fratres, tales celebrare volentes, libenter recipere debeant.

§. III. Ac ab eisdem Prælati ad Processiones solemnes pro tempore faciendas requisiti (dummodo eorum loca suburbana, ultra unum mil.

milliare à Civitatibus respectivè non sint remota) accedere.

§. IV. Nec non Superiores eorundem Fratrum, Fratres, quos ad audiendas confessiones subditorum eorundem Prælatorum pro tempore elegerint, eisdem Prælati personaliter exhibere, ac præsentare (si eos sibi exhiberi, & præsentari petierint) alioquin eorum Vicariis (dummodo ad Prælatos ultra duas dietas accedere non cogantur) omnino teneantur; possintque illi per eosdem Episcopos, & Prælatos super sufficienti literatura, & aliqua saltem hujusmodi Sacramenti peritia dumtaxat, examinari; Talibusque præsentatis admissis, vel etiam indebitè recusatis confitentes *Const. quæ incipit Omnis utriusque sexus*, quoad Confessionem dumtaxat, satisfecisse censeantur.

Verùm indebitè recusatis confitentes, *cap. offic.* quoad approbationem ab Episcopo *nu. 5. ex Trident. sess. 23. cap. 15.* & ex Sacr Inquisitionis decreto, notavimus non satisfacere.

§. V. Ipsique Fratres, etiam forensium, Confessiones audire valeant; Laicos tamen, & Clericos Seculares à sententiis ab homine latis nullatenus absolvere possint. Eucharistiæ verò, & Extremæ unctionis, aliaque ecclesiastica Sacramenta illis, quorum, etiam infirmorum, ac decedentium confessiones audierint, dicentibus proprium Sacerdotem illa sibi dare denegasse, dare nequeant; nisi denegatio sine legitima causa facta, vicinorum testimonio probata, aut requisitio coram Notario publico facta doceretur. Eorundem verò Fratrum obsequio insistentibus Sacramenta hujusmodi, nullatenus ministrare valeant,

leant, nisi illorum durante obsequio.

§. VI. Pacta autem, & conventiones inter eisdem Fratres, & Prælatos, atque Curatos pro tempore inita valeant; nisi per subsequutum Capitulum proximum Generale, vel Provinciale refutata, ac per eos refutatio hujusmodi intimata debito tempore fuerit.

§. VII. Parochias autem cum Cruce ad levanda funera eorum, qui apud Ecclesias domorum, & locorum eorundem suam elegerint sepulturam, intrare non possint, nisi prius præmonito, & requisito, ac recusante Parochiano Præsbytero; & tunc sine ejus, ac Ordinarii præjudicio, nisi eisdem Fratribus super hoc antiqua consuetudo, quæ sit in viridi observantia, & cum pacifica possessione, suffragetur.

§. VIII. Volentes quoque sepeliri in habitu eorundem Fratrum in claustronon degentes, sed in propriis domibus habitantes, in eorum ultima voluntate sepulturam sibi eligere possint.

§. IX. Quod Fratres ipsi ad Ordines promovendi per Ordinarios de grammatica, & sufficientia examinari; & dummodò competenter respondeant, per eosdem Ordinarios liberè admitti, ac nullatenus in eorum Ecclesiis, seu domibus, aut aliis eorum locis, ab alio, quam à Diocesano Episcopo, nisi prius ipso Diocesano Episcopo, vel ejus Vicario, super hoc cum debita reverentia requisito, & absque rationabili causa contradicente, vel eo à Diocesi absente, ad dictos Ordines promoveri debeant.

§. X. Nec ab alieno Episcopo consecrationem Ecclesiæ, vel Altaris, aut Cæmeterii benedictionem petere, seu in Ecclesiis, per

eos pro tempore ædificandis, primum lapidem per alienum Episcopum poni facere possint; nisi ubi Ordinarius bis, aut ter cum debitis reverentia, & instantia requisitus sine legitima causa id recusaverit.

§. XI. Et absque Curatorum consensu Sponsum, & Sponsam benedicere nequeant.

§. XII. Et ut debitus honor Matrici Ecclesiæ reddatur, tam ipsi Fratres, quàm alii Clerici Seculares, etiam super hoc Apostolicæ Sedis privilegio muniti, die Sabbati Majoris hebdomadæ, antequam campanæ Cathedralis, vel Matricis Ecclesiæ pulsaverint, campanam in Ecclesiis suis pulsare minime possint; Contrafacientes poenam centum ducatorum incurrant.

§. XIII. Censuras autem per eosdem Ordinarios latas, & promulgatas, ac in Matrici Ecclesia Civitatum, nec non in Collegiatis, & Parochialibus Ecclesiis Castrorum, & Oppidorum respectivè solemniter publicatas, quando super hoc ab eisdem Ordinariis requisiti fuerint, in Ecclesiis domorum suarum publicare, ac servare.

§. XIV. Et ut Animarum utriusque sexus Christi fidelium saluti uberius consulatur, illos, quorum confessiones pro tempore audierint, cujuscumque status, & conditionis, fuerint, ad solvendum decimas, sive aliam bonorum, sive fructuum quotam in locis, in quibus decimæ ipsæ, aut similia solvi consueverunt, etiam sub onere conscientiarum suarum monere, & hortari, ipsisque etiam illosolvere recusantibus absolutionem denegare, & super hoc requisiti, id populo etiam publicè prædicare, & persuadere teneantur.

§. XV.

§. XV. Conservatores autem eisdem Fratribus pro tempore à Sede Apostolica deputandi, doctrina, & probitate præstantes, & in Ecclesiastica dignitate constituti esse debeant, & coram eis per eosdem Fratres, quibus dati fuerint, ultra duas dietas, à loco suæ solitæ habitationis, nullus trahi possit, privilegiis super hoc aliàs eis concessis nullatenus suffragantibus.

§. XVI. Excommunicati quoque Ordinem Mendicantium profiteri volentes, ubi de interesse Tertiæ agetur, absolvi non possint, nisi prævia satisfactione. Procuratores quoque, & negotiorum gestores, ac operarii eorumdem Fratrum servitiis insistentes, sententiis excommunicationis promulgatis illaqueati sint, & esse censeantur, si illis causam dederint, aut dantibus consilium, auxilium, vel favorem præstiterint.

§. XVII. Fratres autem, & Sorores Tertiæ Ordinis, nec non Mantellati, Corrigiati, Pizocharæ, Cordellati, & alii quocunq; nomine nuncupati in propriis domibus habitantes, sepulturam, ubi voluerint eligere, valeant.

§. XVIII. Sed die Paschatis tantum Eucharistiam, nec non Extremam Unctionem, cæteraque Ecclesiastica Sacramenta (Pœnitentiæ Sacramento dumtaxat) excepto à proprio Sacerdote recipere, & ad onera, quæ laicis incumbunt perferenda teneantur; ac in foro Seculari coram Judicibus Secularibus conveniri possint.

§. XIX. Et ne censura Ecclesiastica vilescat, & minoris auctoritatis interdicti sententia reputetur; iidē dicti Tertiæ Ordinis ad divina audienda in Ecclesiis suorum Ordinum tempore interdicti nullatenus admittantur, si cau-

si causam dederint interdicto, vel causam ipsam nutriendam, seu foveant, aut dantibus auxilium, consilium, vel favorem quoquomodo præstiterint.

§. XX. Collegialiter autem viventes, seu cum Claustralibus habitantes, ac mulieres virginalem, seu Cælibem, aut castam vidualem expresso voto, & sub dicto habitu, vitam ducentes, privilegiis, quibus Fratres Ordinis, cujus Tertiæ Regulæ habitum gestant, gaudere debeant.

§. XXI. Omnia etiam, & singula supradicta ad reliquos Religiosos Ordinum quorumcumque, extendi, & per eos etiam servari debere volumus, atque decernimus.

§. XXII. Salvis tamen in reliquis desuper non expressis, tam Episcoporum, quam Fratrum, & aliorum Religiosorum prædictorum juribus, quibus per præmissa in aliquo præjudicare, seu quidquam innovare non intendimus.

Deinde apponit clausulas derogatorias, &c.

Eorundem privilegiorum, etiam pluries confirmatorum, & innovatorum, revocationem constitutionem in his, quæ Concilio Trident. adversantur edidit Pius IV. *Bulla Cherub. tom. 2. pag. 135. incipit.* --

- 3 *In Principis Apostolorum Sede &c.* & infr. -- Nos quibus &c. Motu proprio, & ex certa scientia, ac de Apostolicæ potestatis plenitudine, quod eadem omnia, & singula privilegia, exemptiones, Immunitates, facultates, dispensationes, conservatoriæ, indulta, confessionalia, Mare magnum, & aliæ gratiæ, in his omnibus, & singulis, in quibus illa statutis, & decretis Concilii hujusmodi con-

contrariantur, ipso iure revocata, cassata, & annullata, ac ad ipsius Concilii terminos, atque limites reducta sint, & censeantur; nec quidquam adversus ipsa decreta, & statuta, quominus ubique, & apud omnes observentur, in aliquo suffragari posse; sed ea perinde haberi, & reputari debere, ac si nunquam emanassent, auctoritate Apostolica tenore præsentium declaramus, ac etiam statuimus, & ordinamus.

- 4 Ad terminos Concilii Tridentini, & juris veteris Gregorius XIII. *Const. in tanta Bulla Cberub. tom. 2. pag. 370.* omnia reducit privilegia, à Pio V. *Const. Incipit. Et si mendicantium;* & altera *incipit. Ex superna;* & illius. *Incipit Adhoc ibidem pag. 227.* Regularibus, & Monialibus concessa: ita quod ea tantum per præfatas literas data persistant indulta, quibus ante huiusmodi concessionem Regulares fruebantur, & Concilio Tridentino non adversantur; Quæ autem sint Concilio Tridentino contraria ex ipsa Pii Constit. satis apparet, & tradit *Lezana Summa qq. Regul. tom. 2. c. 1. sub n. 16. usque ad 58.*

- 5 Ea est Clausula communis post Trident., qua Pontifices utuntur in privilegiorum confirmatione, declarantes suæ intentionis esse, se ea dumtaxat confirmare in his, in quibus decretis Concilii Trident. non adversantur.

Quam restrictivam, & aliàs in novissima Fratrum Minorum de Observantia Privilegiorum confirmatoria, & approbatoria *Const. sub die 5. Septembr. 1686. Director. trium Ordinum Constit. 5. pag. 230. num. 95.* apposuit Innocent. XI. ut sequitur. — Prædictas
Cle.

- Clementis incip. *Ratio Pastoralis &c.* ac Pauli, quarum initium: *Injuncti nobis &c.* & Urbani Prædecessorum, quæ incipiunt in plenitudine &c. aliorumque Pontificum Successorum literas super præmissis respectivè emanatas; *dummodo tamen sint in usu, nec sint revocate, aut sub aliâ revocatione comprehensa, sacrisque Canonibus, & Concilio Tridentini decretis, ac posterioribus Constitutionibus, & Ordinationibus Apostolicis Regularibusque Ordinis prædicti iustituti non adversentur*, auctoritate Apostolica tenore præsentium confirmamus, &c. -
- 7 Sub qua exceptiva *dummodo decretis Concilii Trident.* non adversentur ex communi Doctorum sensu comprehenduntur omnia, & singula Regularium privilegia, quæ per Trident. expressè revocantur per clausulas, *privilegiis non obstantibus: vel, etiam si exemptum se esse præsumat; aut sub cujusvis privilegii prætextu, similivè, pluribus ejusdem Concilii decretis additas.* Donat. *prax. Regul. to. 1. par. 1. tract. 11. q. 15. n. 2.* Hasbenis *Sum. select. qq. ver. privileg. num. 417.* Roderic. *resol. 116. n. 14.* Aliique, &c.
- 8 Adeout eorum, pro foro etiam conscientiae, sit illicitus usus, ut concludenter probat decretum Alex. VII. qui sub anno 1666. die 28. Martii propositionem trigesimam sextam sequentis tenoris damnavit: *Regulares possunt in foro conscientiae uti privilegiis suis, quæ sunt expressè revocate per Concilium Tridentinum.*
- 9 Dubium autem est, an sub illa comprehendantur etiam alia, per ipsum Tridentin. tacitè restricta, & revocate, non per appositionem illius derogatoriae: sed terminis negativis,

gativis, & prohibitivis, aliquid ipsis Regularibus interdicendo, vel æquivalentibus circa eos disponendo, & decernendo.

Ut sit *sess. 4. in decreto editione, & usu Sacrorum librorum: sess. 5. cap. 2. de Reformat. de licentia Prædicatoribus necessaria, & alibi sæpe.*

10 Roderico *loco cit.* cum aliis pluribus, quos refert Donat. *num. 3.* resolvit, quod clausula illa *dummodo &c.* appositæ in concessione, aut confirmatione privilegiorum non comprehendit, nec extenditur ad revocanda, & non confirmanda privilegia; quomodolibet ipsi Concilio contraria; sed dumtaxat ad ea, quæ expressè in illo revocatur per præfatam derogatoriam *non obstantibus &c.* & per ipsam clausulam eidem adversantur.

11 Verùm id non subsistere tradunt Donat. *loco cit.* Peyrin. *tom. 2. de privileg. ad Constit. 1. Gregorii XIII. sub num. 3. in fine.* Lezana *tom. 2. quest. Regular. cap. 1. de juribus & privileg. num. 58. in fine.* Miranda *Manual. Prælat quest. 38. art. 4. in fine.* quia sensus illius clausulæ *dummodo &c.* in praxi obtinet, ut notat Peyr. *ibid.* ut deroget non solum, quæ expressè à Trident. revocantur, sed etiam, quæ illi sunt simpliciter contraria; cum & hæc ad servanda illæsa Trident. decreta conducant.

Præsertim quia ipsum Tridentin. *sess. 25. de Regul. cap. 22.* præcipit observanda à Regularibus esse omnia, & singula in Superioribus decretis contenta, cum expressa clausula derogatoria, *non obstantibus eorum omnium, & singulorum privilegiis sub quibuscumque formulis verborum conceptis.*

In ex-

In expressis autem non est, per Miranda locus coniecturis; adeoque nec distinctioni de contentis in decretis; dumtaxat ejusdem *sess. 25.*, & non aliarum; quia qui totum dicit, nihil excludit.

Et maximè cum Pius IV. *allegat. Const. In Principis &c.* absolutè revocet omnia privilegia, quæ statutis, & decretis Tridentin. contrariantur.

Ad quod item facit præfata formula adhibita ab Innoc. XI. in confirmatione privilegiorum Minorum de Observantia, intendente ea solùm confirmare, quæ sub aliqua revocatione &c. non comprehenduntur; revocata autem tacitè per Trident. sub aliqua revocatione continentur.

- 12 Clausula illa, *sacrisque Canonibus, & decretis Concilii Trident. &c.* ab Innoc. apposita, non intelligitur de Canonibus, ut notat loco cit. Peyrin. *num. 2.* & Donat. *q. 14.* qui sunt inserti in corpore juris communis, cujus sunt partes constitutivæ; aliàs frequenter nulla, & otiosa foret quælibet privilegiorum confirmatio; cum sæpè ex his plura sint à Principe contra jus commune concessa; & ferè singula privilegia, saltem in parte, sunt contra Sacros Canones; sed ad illos in ipso Trident. cum ipsiusmet Decretis contentis est restricta.

Unde Canones copulativè, & conjunctivè cum ejusdem Decretis sumuntur, non verò divisivè; & ne dum significatur per dictionem copulativam *Et*: sed probatur etiam ex *sess. 25. cap. 10. de Regularibus*: in cæteris omnibus præfatorum Ordinum privilegia, & facultates, quæ ipsorum personarum, loca, & jura concernunt, firma sint, & il-

& illæsa: - vbi Tridentin. statuit illæsa Regularium privilegia, quæ suis non aduersantur Canonibus, & Decretis.

- 13 Exemptorum privilegia quoad Animarum, & Monialium curam, Sacramentorum administrationem & Verbi Dei prædicationem restrinxit, & limitavit Greg. XV. *Bull. Cherub. 10.3. pag 402. Const. Inscrutabili Dei Providentia*; & infra &c.

§. I. Hac generali, ac perpetuè valitura Constitutione decernimus, statuimus, & declaramus, ut deinceps, tam Regulares, quam seculares, quomodolibet exempti, siue Animarum curam personarum secularium, Monasteriis, seu Domibus Regularibus, aut quibusvis aliis Ecclesiis, vel Beneficiis, siue Regularibus, siue secularibus incumbentem, exerceant, siue alias Ecclesiastica Sacramenta, aut unum ex illis ministrent, prævia Episcopi licentia, & approbatione, siue quomodolibet in dictæ curæ exercitio, aut in eorundem Sacramentorum, vel alicujus ex illis administratione de facto, absque ulla auctoritate se ingerant; in iis, quæ ejusmodi curam, seu administrationem concernunt omnimodæ jurisdictioni, visitationi, & correctioni Diocesani Episcopi, tanquam Sedis Apostolicæ Delegati, plenè in omnibus subiiciantur.

§. II. Ad hæc, tam Regulares, quam seculares hujusmodi, nullis privilegiis, aut exemptionibus tueri se possint, quominus si deliquerint circa personas intra sepra degentes, aut circa clausuram, vel circa bonorum administrationem Monasteriorum Monialium, etiam Regularibus subjectarum, ab Episcopo loci similiter, tanquam ad hoc Sedis.

dis Apostolicæ Delegato, quoties, & quando opus fuerit, puniri, & corrigi valeant.

§. III. Confessores verò, sive Regulares, seculares, quomodocumque exempti, tam ordinarii, quam extraordinarii, ad Confessiones Monialium, etiam Regularibus subjectarum, audiendas, nullatenus deputari valeant, nisi prius ab Episcopo Diocesano idonei judicentur, & approbationem, quæ gratis concedatur, obtineant.

§. IV. Sed & administrantes bona ad hujusmodi Monasteria Sanctimonialium, ut præfertur, etiam Regularibus subjectarum, pertinentia, sive Regulares extiterint, sive seculares quomodolibet Exempti, Episcopo loci, adhibitis etiam Superioribus Regularibus, singulis annis rationes administrationis, gratis tamen exigendas, reddere teneantur; ad idque juris remediis cogi, & compelli queant. (Illis de Corpore Observ. interdicta est hujusmodi administratio ab Innocent. XI. *Cap. Offic. quoad Professionem n. 31. §. 10.*)

§. V. Liceatque Episcopo ex rationabili causa Superiores Regulares admonere, ut ejusmodi Confessores, & administratores amoveant; iisque Superioribus id facere detrectantibus, aut negligentibus, habeat Episcopus facultatem prædictos Confessores, & administratores amovendi quoties, & quando opus esse judicaverit.

§. VI. Ac similiter possit Episcopus unâ cum Superioribus Regularibus, quarumcumque Abbatissarum, Priorissarum, Præfectarum, vel Præpositarum eorundem Monasteriorum, quocunque nomine appellentur, electionibus per se, vel per alium
inte-

interesse, ac præsidere; absque ulla tamen ipsorum Monasteriorum impensa.

§. VII. Ac demum habeat Episcopus, tamquam dictæ Sedis Delegatus authoritatem coercendi, ac puniendi quoscumque exemptos, tam seculares, quam Regulares, qui in alienis Ecclesiis, aut quæ suorum Ordinum non sunt, absque Episcopi licentia; Et in Ecclesiis suis, aut suorum Ordinum, non petita illius benedictione, aut ipso contradicente, prædicare præsumpserint.

§. VIII. Ita ut Episcopi in supradictis casibus, & in prænomيناتas personas, in præmissis omnibus, & singulis, aut circa ea quomodo delinquentes, quoties, & quando opus fuerit, etiam extra visitationem per censuras Ecclesiasticas, aliasque penas, uti ejusdem Sedis Delegati, procedere, omnemque jurisdictionem exercere liberè, & licitè valeant. Decernentes sic per quoscumque Judices &c. non obstantibus &c.

Aliam Constit. super Regularium privilegiis in concernentibus ipsam Verbi Dei prædicationem, & Sacramenti penitentiae, tam secularibus ipsis, quam etiam Monialibus, administrationem successivè edidit Clemens X. *Bull. Cherub. 20. 5. pag. 494.* quæ incipit: *Superna Magni*: & infra.

§. I. Nos attendentes &c. hac generali, & perpetuò valitura constitutione decernimus, ac declaramus.

§. II. Regulares, qui in Ecclesiis sui Ordinis prædicare voluerint teneri ab Episcopo Diocesano benedictionem petere; Prædicare tamen posse, quamvis illam non obtinuerint. Quod si Episcopus benedictionem, ne dum non concesserit; Sed etiam

contradixerit, nec in prædictis quidem Ecclesiis, licere Regularibus prædicare. Eoque contravenientes ab illo, tamquam Sedis Apostolicæ Delegato, censuris, aliisque pœnis Ecclesiasticis, in vim Constit. fel. record. Gregorii XV. Prædecessoris Nostri incipientis: *Inscrutabili Dei Providentia*, coerceri, & puniri posse.

§. III. Episcopum tamen absque iusta & rationabili causa contradicere non debere, & huiusmodi benedictionem teneri, etiam Regulares, petere, si in quibuscumque Oratoriis sui Ordinis sermonem coram Populo, vel in Ecclesiis, aut ad Crates Monasteriorum Sanctimonialium eorum jurisdictioni subjectarum, licet clausis januis, & nullus secularis ibi interfit, habere voluerint.

§. IV. Posse autem Episcopum licentiam concessurum Regularibus in Ecclesiis, quæ suorum Ordinum non sunt, prædicare volentibus, illos, quamvis ab Universitatibus, aut à Magistratibus laicis nominatos, etiam si Episcopi Antecessores, per tempus immemorabile, hanc licentiam absque examine concedere consueverint, quoad doctrinam examinare; si ita ipsius arbitrio, quod moderatum, & discretum esse debet, visum fuerit; Et licentiam prædicandi semel iisdem concessam, ob rationabiles causas, licet occultas, prædicationem tamen concernentes, suspendere.

§. V. Non posse tamen Episcopum generatim prohibere Regularibus, quin in Ecclesiis suorum Ordinum prædicent.

§. VI. Ad hæc Religiosos ab Episcopo Confessiones secularium in sua Diœcesi audiendas approbatus, non posse in alia Diœcesi eas

tas absque Episcopi Diocesani approbatione audire, quamvis poenitentes subditi sint ejus Episcopi, à quo ipsi Religiosi jam fuerint approbati.

§. VII. Et generaliter approbatos ab Episcopo ad personarum secularium Confessiones audiendas, nequaquam censi approbatos ad audiendas Confessiones Monialium sibi subjectarum; sed egere quoad hoc speciali Episcopi approbatione.

§. VIII. Atque approbatos pro audiendis Confessionibus Monialium unius Monasterii, minimè posse audire Confessiones Monialium alterius Monasterii: itidemque Confessores extraordinarios, semel deputatos, atque approbatos ab Episcopo ad Monialium Confessiones pro una vice audiendas; haud posse, expleta deputatione, in vim approbationis hujusmodi illarum Confessiones audire; Sed toties ab Episcopo esse approbandos, quoties casus deputationis cõtigerit.

§ IX. Cæterum in Monasteriis, ac etiam Collegiis, ubi juxta Regularia instituta vivitur, posse, tam Prælatos Regulares, quam Confessores Regularium eorundem Monasteriorum, seu Collegiorum audire Confessiones illorum secularium, qui inibi sunt verè de familia, & continui commensales, non autem illorum, qui tantùm ipsis deserviunt.

§. X. Illos autem Religiosos, qui ad Confessiones audiendas idonei generaliter reperi fuerint, ab Episcopis generaliter quoque, & indistinctè, absque aliqua limitatione temporis, certorumque locorum, aut generis personarum in Diœcesi propria admittendos. Quoad cæteros verò, qui non aded idonei reperi rentur, si petierint, se admitti, arbitrio Ordi-

nariorum relinqui, ipsos cum limitata facultate, prout eisdem Ordinariis magis expedire videbitur, probare, & admittere; semel autem simpliciter approbatos posse in Diœcesi Episcopi approbantis quovis anni tempore, etiam Paschali, & quorumcunque, etiam infirmorum, Confessiones audire absque ulla Parochorum, vel ipsius Episcopi licentia. De qua tamen Confessione teneri dictos Religiosos eorundem infirmorum Parochum illi- cò certiorum reddere; Et hoc posse illis ab Episcopo sub'pœna suspensionis à facultate audiendi Confessiones præcipi. Sufficere tamen, ut certioratio hujusmodi fiat saltem per scripturam apud ipsum infirmum relin- quendam.

§. XI. Et eos, qui dictis Religiosis simpli- citer approbatis Paschali tempore confessi fuerint, Constitutioni, quæ incipit: *Omnis utriusque sexus*, quoad Confessionem dum- taxat satisfecisse censendos.

§. XII. Regulares verò ad ejusmodi Con- fessiones audiendas prævio examine simpli- citer, & absque ulla temporis præfinitione ab ipsomet Episcopo, secus autem, si ab ejus Vicario, aut ab Antecessoribus Episcopis approbatos, non posse ab eodem, qui sic ap- probavit, iterum examinari, aut ab eisdem Confessionibus audiendis suspendi, seu licen- tias illis concessas revocari, nisi nova super- veniente causa, quæ ipsas Confessiones con- cernat: De qua tamen haud necessarium es- se, ut in actis constet; nec eam teneri Epif- copum ipsis Regularibus significare, sed Se- di Apostolicæ dumtaxat, ubi eam sibi aperi- ri postulaverit.

§. XIII. Porro si Regulares cum scandalo,
aut

aut aliàs inhonestè vivant, vel aliquod delictum committant, per quod rationabili Episcopi judicio videantur à Confessionibus suspendendi, in quo ipsius Episcopi conscientiam oneratam esse volumus, cum præcipua Ministri Sacramenti Penitentiae qualitas sit vitæ integritas, ac morum honestas; utique eam causam ad Confessionis ministerium pertinere; ac proinde nihil ob stare, quo minus ob eam possit Episcopus Regulares a semetipso approbatos suspendere aut repellere à Confessionibus audientibus.

§. XIV. Attamen Confessiones audiendi facultatem omnibus simul unius Conventus Regularibus Confessoribus adimi ab Episcopo, inconsulta Sede Apostolica, nullatenus posse.

§. XV. Ex facultatibus per Mare Magnum, aliave privilegia Regularibus; cujuscunque Ordinis, Instituti, aut Societatis, etiam Jesu, concessis, factam eis non esse potestatem absolvendi in casibus ab Episcopo sibi reservatis; Et per confirmationes dictorum privilegiorum, quas Regulares à Sede Apostolica post Sacrum Concilium Trident. obtinuerunt, nequaquam revixisse privilegia, prius ab eodem Concilio, aut deinde Apostolicis etiam Decretis sublata, atque extincta, si quæ habeant absolvendi à casibus Episcopo reservatis.

§. XVI. Et habentes facultatem absolvendi ab omnibus casibus Sedi Apostolicæ reservatis, non idèò à casibus Episcopo reservatis posse absolvere. Posse autem Regularem Confessorem in ea Diocesi, in qua est approbatus, confluentes ex alia Diæ.

cessi à peccatis in ipsa reservatis, non autem in illa, ubi idem Confessor est approbatus, absolvere, nisi eosdem penitentes noverit in fraudem reservationis ad aliam Diocesim pro absolutione obtinenda migrasse.

§. XVII. Vigore supradictorum privilegiorum, nequaquam licere Regularibus, etiam satisfacta parte, absolvere Pœnitentes à censuris quoad externum, & judiciale forum, & absolutos ab eis in foro penitentiali, utique non censi absolutos in exteriori judicio, & contentioso. Quinimò censuris Ecclesiasticis irretitos, & denunciatos ab Episcopis cogi posse, gerere se pro talibus, etiam si à Regularibus fuerint absoluti. Quoties exhibitis aliquibus Regularium Apostolicis privilegiis coram Episcopo, ab eo judicetur ipsa non suffragari casui, de quo agitur.

§. XVIII. Si dictorum Privilegiorum verba obscura sint, & ambigua, non esse ad Metropolitanum provocandum; sed cum ejus sit interpretari, cujus est condere, dictorum Privilegiorum interpretationem Sedis Apostolicæ judicio, prout aliàs Constitutione Prædecessoris Nostri fel. rec. Clementis IV. statutum fuit, esse requirendum.

§. XIX. Derogatoriis utitur, quibus Privilegiis Regularium, etiam iteratis vicibus approbatis, & innovatis, aut per viam communicationis, & extensionis, vel in limine foundationis, sive aliàs quoquomodo concessis, etiam in corpore juris clausis, quoad ea, quæ præfatis adversantur, motu proprio, & de Apostolicæ potestatis plenitudine, plenissimè derogat.

15 Et quando, & quomodo ipsis liceat, & eorum Confessariis ingredi septa Monasterii, & pro-

& propè illud commorari motu proprio, & non ad alicujus instantiam decrevit . Alexand. VII. *Constit. Felici Bullar. Cberub. tom. 5. pag. 399. ex qua plura Cap. Offic. quoad Clausuram Monialium* notantur .

- 16 . Et clausula illa *motu proprio* significat præfatas literas non ad aliquorum instantiam, & preces, esse datas; sed ex mero suo arbitrio, & libertate super in eisdem contentis, Alexandrum decrevisse; quod & in aliis Constitutionibus observandum; in quibus, etiam si præcesserit partis petitio, cum clausula ipsa *motu proprio* additur, significatur, quod causa motiva, & proxima ipsarum edendarum non fuit petitio, sed ad ipsam Pontificis libertatem est revocanda: ut tradit Peyrin. *de privileg. ad Constitut. 4. Sixti IV. §. 3. num. 1. Donat. loco cit. Tractatu 9. de clausul. privil. claus. 2. num. 21. Engel. colleg. Universæ Juris Canon. lib. 5. titul. 33. §. 1. sub num. 5. & ex observatione Glosa in capite Si motu de præbendis in 6. lib. 3. tit. 4. Collatio dicitur facta motu proprio, quando in collatione dicitur, quod fuit facta motu proprio, puta si dicamus, Nos motu nostro proprio, &c. &c.*

Vigore cujus per Donat. *ibid. num 7. literæ*, quæ cum tali clausula à Pontificibus emanarunt, non possunt in dubium revocari & à vitio subreptionis, & obreptionis eximuntur, ut satis apertè habetur in *textu cit. cap. Si motu*, & Engel. *tradit ibidem* addens ea esse plenissimè interpretationis, & magis favorabilia .

- 18 Ubi firmat discrimen ab iis, quæ sine dicta clausula ad partis preces, & instantiam conceduntur, cum istæ possint subreptitiæ .

vel obreptitiæ cenferi ; obtentæ nimirum , vel tacendo verum , quod obreptio significat , vel exponendo falsum , ut importat subreptio . Obripimus enim ait Prataejus *apud Sanctor. de panis cap. 29. pag. 372.* cum tacendo aliquod impetramus , quod exprimere necesse erat , expressumque Principem à concessione alienasset . Subripimus verò , cum à Principe per falsam rei narrationem aliquid extorquemus , puta rescriptum , privilegium &c. Unde ad illarum hujus generis veritatem subintelligitur semper hæc tacita conditio : *Si preces veritate nitantur .* Ut notavit Engel. *loc. cit. lib. 1. tit. 3. n. 7.*

Privilegium datum Prædicatoribus , & Minoribus *Cap. in his de Privileg. lib. 5. tit. 33.* Trident. revocavit . *v. Offic. quoad celebrat. Missar. n. 28.*

Privilegia per communicationem acquiri possunt ; cum scilicet Superior privilegium , quod uni simpliciter concessit , etiam ad alterum extendit , & alteri communicat vi cujus communicationis vix aliquod fuit uni Religioni concessum , quod alteri non sit commune , & ab aliis ex Sedis Apostolicæ Indulgentia , nisi aliter expresse disponatur , non participetur .

Sed quia de hoc satis Doctores , ad quos , ne pluries repetita refricem , remitto Lectorem ; & solum observo , quod communicatio privilegiorum intelligi debet sine præjudicio illius , cujus privilegia communicantur , ut tenet Rota *coram Merlino in Ulix-bonen. decis. 598. num 32. tom. 2. part. 5. decis. recent.*

Communicatio amplissima privilegiorum
 19 unius Religionis alteri , facta non se extendit
 ad

ad officia Sanctorum , prout S. C. *Rituum* 10. Decembris 1679. firmavit ad dubia eidem proposita à Ministro Generali Ordinis Minorum de Observantia , prout sequitur .

I. An communicatio, etiam amplissima , privilegiorum unius Religionis alteri facta se extendat ad Officia Sanctorum ?

II. An facultas recitandi officium de aliquo Sancto concessa specialiter Minoribus Conventualibus , vel Capuccinis, vel Fratribus Terti Ordinis Sancti Francisci ; vel Monialibus Sanctæ Claræ, S. Elisabeth, Conceptionis , Annunciationis, se extendat ad Fratres Minores de Corpore Observantiæ, sive de Familia , sive Reformati , sive Excalceati , sive Recollecti dicantur ; ita ut isti illa licite uti possint ?

III. An facultas recitandi officium concessa specialiter Fratribus Minoribus Reformatis Italiæ, sub hoc nomine se extendat ad Observantes de Familia, vel Excalceatos Hispaniæ, vel Recollectos Galliæ, & è cõverso?

IV. An eadem facultas, concessa specialiter Fratribus Minoribus de Observantia Familiæ Cis montanæ, se extendat ad Fratres ejusdem Ordinis familiæ Ultramontanæ ?

V. An facultas recitandi aliquod officium concessa specialiter alicui Provinciæ se extendat ad alias Provincias ejusdem Ordinis, & Instituti , aut concessa specialiter alicui Conventui, se extendat ad alios Conventus ejusdem Ordinis, vel saltem ejusdem Provinciæ .

• Sacra Congregatio respondit ad omnia esse intelligendum cum moderatione, &

ita declaravit, & prædicta omnia ab omnibus Fratribus Regularis Observantiæ, non solum de Familia, sed etiam Reformatis Discalceatis, Recolectis, aut alio quovis nomine nuncupatis, servari mandavit sub penis præfati Ministri Generalis, ejusque successorum pro tempore imponendis contra inobedientes; non obstantibus quibuscunque &c. --

Moderatio fortè continetur in dictione *specialiter*, quæ certè exprimit concessionem uni specificè factas ad alios non extendi. Et facit, quod generalis communicatio privilegiorum non trahitur ad ea in quibus specialiter est provisum, prout tradit Rota in *Ulixbonen. 11. Septembris 1637. coram Rojas decis. 618. num. 17. tom. 2. cit.*

Quo communicationis privilegio extenduntur, etiam Indulgentiæ concessæ uni loco, Altari, vel Ecclesiæ Ordinis Minorum, aliis locis, Altaribus, & Ecclesijs ejusdem, pro ut in terminis disposuit Innocent. XI. & constat ex narrativis Constitut. Innoc. XII. prout sequitur.

-- Sua Nobis, & infra, quòd aliàs ad ipsius instantiam à fel. recor. Innoc. Papa XI. Prædecessore Nostro, literæ in forma Brevis sub die 5. Septembris de Anno Domini 1686. emanarunt, in quibus confirmata reperitur communicatio Privilegiorum, & Indulgentiarum, etiam plenariarum, usque tunc non revocatarum, inter Ecclesias, loca, Confraternitates, Congregationes, Ordines, & personas utriusque sexus, obediendiæ, vel directioni Ministri Generalis Ordinis Fratrum Minorum Sancti Francisci sub-

ipsius Innocentii, & nostris etiam Prædecessoribus, eidem per diversa privilegia concessa, à qua communicatione, prout iteratis vicibus à Sede Apostolica extitit declaratum, resultare dignoscitur, quod quando decoratum reperitur Altare unius loci, vel una Ecclesia, aut una Confraternitas, seu quævis Congregatio, Ordove aliquarum è dictis personis, aliqua Indulgentia, sive plenaria, sive non: applicabili per modum suffragii, vel non applicabili, pro Animabus Purgatorii, ad favorem earundem tantum personarum, vel omnium simul Christi fidelium concessa, minimè tamen revocata, quæ in eo loco, Altari, vel Ecclesia, Confraternitatum, id, diebus in concessione expressis, perfecerint, quod pereandem concessionem fuerit præscriptum: In omni loco, Altari, vel Ecclesia, Confraternitatum, Congregationum, Ordinum, & personarum præfatarum eadem Indulgentia ab omnibus respectivè acquiratur, qui iisdem diebus eandem ibi emiserint diligentias in concessione taxatas.

Verùm, sicut petitio subungebat, prætendentibus nonnullis scrupulosis, quod in præfata Generali communicatione comprehensa non veniant loca, & Ecclesiæ Terræ Sanctæ, aliarumque partium Orientis, existentium extra Jerusalem; ad tollenda de medio quæcunque dubia, fuit Nobis pro parte præfati Ordinis humiliter supplicatum, quatenus non esse exclusa præmemorata loca, & Ecclesias Terræ Sanctæ, & multò minus aliarum partium Orientis, à communicatione mutua, & reciproca, quæ includitur in ea generalitate amplissima, sub qua loquuntur, Privilegia, & Constitutiones Pontificiæ præ-

fatæ, ad hoc, ut Indulgentiæ sæpè dictæ eisdem concessæ, & usque modo non revocatæ, obtineri valeant, sine ullo dubio in aliis Ecclesiis, Altaribus, & locis piis, ac devotis, spectantibus ad personas præmemoratæ obedientiæ, vel directioni subjectas &c.

-- Nos verò præfatam declarationem cōmisimus Congregationi dilectorum Fratrum nostrorum S. R. Ecclesiæ Cardinalium Concil. Trid. Interpretum, quæ sub die 16. mensis Julii currentis anni, perpensis prædictis literis dicti Innoc. XI. prædecessoris nostri, declaravit, prædicta loca, & Ecclesias Terræ Sanctæ, aliarumq; partium Orientis extra Jerusalem esse comprehensa, sive comprehensas, in dictis Privilegiis, Indultis, & Indulgentiis; & deinde sub die 27. ejusdem mensis sententiam prædictæ Congregationis approbavimus, ut in decreto dictæ Congregationis de super edito latius continetur.

-- Sed quia adhuc post prædictum decret. dubitabant nonnulli, an mens dictæ Congreg. fuerit stabilire, quod pia loca Viæ Crucis, seu Calvarii ad recolendam, seu meditandam Christi passionem à præmemoratis personis, seu ordinibus ad instar Stationum Calvarii Montis, juxta diversa etiam Privilegia Sanctæ Sedis erecta, comprehensa sint in præfata mutua communicatione, eadem Congregatio sub die 12. mensis Novemb. mox elapsi, declaravit etiam præfata pia loca Viæ Crucis, seu Calvarii comprehendi in sæpè dictis literis dicti Innoc. XI. Prædecessoris Nostri, ac proinde frui, ac gaudere posse Indulgentiis, & Privilegiis, in eisdem literis contentis, & expressis, ac Nos sententiam præmemoratæ Congregationis sub die 15. ejusdem mensis

Novembris pariter benigni approbavimus, sicuti in decreto præfatæ Congregationis, desuper similiter emanato, plenius continetur. —

Deinde committit executionem literarum Apostolicarum, declarationum, & decretorum præmissorum, & dat facultatem coercedi penis, & censuris contradictores. Non obstantibus &c. Datum Romæ apud S. Majorem 27. Kalend. Januarii 1695. *Rubrica novi Breviarii Franciscani n. 182.*

- 21 Amittitur privilegium per ipsius abusum, ex *cap. 45. Contingit de sent. Excom. lib. 5. tit. 39.* ubi Textus habet, quod *privilegia meretur amittere, qui permissa sibi potestate abutitur*; sic, qui in Ecclesia, vel Cæmeterio, spe impunitatis delinquit, immunitate Ecclesiastica non gaudet, ex *c. Immunitatem lib. 3. tit. 49.* eodem titulo; & cum causa potest beneficium juris à privilegiato auferri, ut tradit Glossa in *regulam 16. Juris in sexto, verbo idem*: & facit textus in allegato *cap. Contingit, quod frustra legis implorat auxilium, qui committit in legem.*
- 22 Et per renunciationem expressam, si sit datum in favorem particularis personæ: nam liberum est cuilibet suo Juri renunciare, *cap. Si de terra privileg. lib. 5. tit. 33.* si tamen sit in favorem Ecclesiæ, vel Communitatis concessum, eidem nullus renunciare potest; sic Clerici nequeunt renunciare privilegio Clericali, & fori ex *cap. Si diligenti de foro competentis lib. 2. tit. 2.* cum non sit personale, sed datum toti Collegio Ecclesiastico. Nec
- 23 Regulares privilegio exemptionis sine licentia Papæ *cap. Cum tempore de arbitris lib. 1. tit. 43.* Et ibi Glossa: & facit *Rota coram Remboldo decis. 456. & 461. coram Concino*

romo superius citato; etenim exempti per privilegium exemptionis immediatè subduntur Domino Papæ, & Ecclesiæ Romanæ; Ideò sine ejus licentia in alium consentire non possunt.

24. Et per tacitam, quæ interpretatione juris censetur fieri *per non usum, scilicet usum contrarium*; & controversiæ, quanto temporis spatio, & quot actibus iste *non usus* privilegii, *vel usus contrarius* debeat fuisse continuatus, satisfacit Engel. Colleg. Universæ Juris Canonici lib. 5. tit. 33. Ubi varios Textus, & Doctores inter se conciliat, sic scilicet, ut qui amissioni privilegiorum ex *non usu*, quadraginta annis præscribunt, intelligantur de privilegiis semel receptis, & ad usum deductis; qui verò minori tempore, V. G. decem annorum contenti sunt, exponantur, vel de jure Civili, aut etiam Canonico, quo ad privilegia, quæ nunquam in usum deveniunt.
25. Item, si privilegium concedatur, apposita clausula, *donec voluero, usque ad meum beneplacitum*, morte concedentis expirat; cum ea verba significant perseverantiam voluntatis, quæ morte interruptitur; ut habet Textus in cap. Si graciosè, de rescrip. in 6. lib. 1. tit. 3 Non sic, si sub forma ibi expressa conferatur: *Secus autem*: Textus loquitur, *usque ad Apostolicæ Sedis beneplacitum gratia concedatur prædicta*; tunc enim (quia Sedes ipsa non moritur) durabit perpetuò, nisi à successore fuerit revocata.
26. Et cum ea additur formula, *etiam reintegra*, hoc est, etiam si Pontifex decedat, priusquam privilegiatus suo utatur privilegio, privilegium non deperditur. Ut expressè firmat

Textus.

Textus in *cap. Si super de officio Delegati in 6. lib. 1. tit. 14. & cap. Si cui nulla, de prabend. in 6. lib. 3. tit. 4.*

Unde si quis obtinuerit à Pontifice, vel Episcopo, licentiam, aut privilegium audiendi Confessiones, absolvendi à reservatis, & dispensandi in certis casibus, poterit suum uti privilegio (nisi aliter in literis concessionis exprimatur) etiam post mortem Pontificis, vel Episcopi. Præsertim, quia numeratur inter gratias factas, & non faciendas: quarum distinctio, juncta glossa, videatur *cap. citato, si cui nulla, & apud Layman. Theolog. moralis lib. 1. tract. 4. cap. 23. num. 27. & Engel. loco cit.* ubi istis plura addunt, & alia referunt.

C A P U T X X V I

Officialis quoad Processiones.

S U M M A R I U M.

1. *Regulares tenentur accedere ad processiones.*
2. *Aliqui eximuntur.*
3. *Et distantes ultra medium milliare.*
4. *Vicarii debent personaliter, nisi consuetudo reficiat.*
5. *Ad quas sint vocandi?*
6. *Decretum S. C. ab Urbano VIII. deputatæ.*
7. *Regularibus non permittitur facere processiones extra Clausura.*
8. *Extra Clausura in diebus infra octavam Corporis Christi possunt quocumque die fieri processiones.*
9. *Constit. Greg. XIII.*
10. *Constit. Innoc. XII. in favorem Fratrum Mino-*

normum de Observantia in Indiis existentium.

- 11 *Decretum, de non faciendis eodem die duabus
similibus processionibus, non extenditur ad
illas faciendas infra Octavam Corporis
Christi.*
- 12 *Regulares non tenentur accedere ad Processio-
nes indictas ab Episcopo occasione sua prima
visitationis.*
- 13 *Quibus penis debeant regulares compelli.*
- 14 *An uti possint Pluviali in Processionibus?*
- 15 *An Pluviale sit signum Jurisdictionis?*
- 16 *Controversias de Præcedentia componunt
Episcopi.*
- 17 *Modus præscribitur à Greg. XIII.*
- 18 *Confratres, qui prius saccis usi sunt, præcedunt.*
- 19 *Confirmatio Urbani VIII.*
- 20 *Episcopus sine præjudicio partis potest alteri lo-
cum digniorem concedere.*
- 21 *Intra Clausuram Monialium Processiones ab
exteris non possunt fieri.*
- 22 *Processiones Regularium non transeunt per Mo-
nialium Ecclesias.*
- 23 *De licentia Ordinarii possunt in processionibus
deferri B.M.V. & SS. Imagines & Statua.*

NON eximuntur Regulares ab onere
accedendi ad processiones, ut revo-
catis privilegiis, si quæ habuerint,
Leo X. *Const.* Dum intra sæpe allegat: decre-
vit: -- ac ab eisdem Prælatibus ad processiones
solemnēs pro tempore faciendas requisiti,
dummodo eorum loca suburbana, ultra unum
milliare, à Civitatibus respectivè non sint re-
mota, accedere. -- Quod expressius Trid.
sess. 25. cap. 13. de regul. disposuit. -- Exempti
autem omnes, tam Clerici Seculares, quàm
Regulares, quicumque etiam Monachi, ad
publi-

publicas processiones vocati , accedere compellantur; iis tantum exceptis, qui in strictiori clausura perpetuò vivunt .

Et compelli debent cum edita moderatione à S.C.C. 20. Julii 1675. lib. 29. decretorum fol. 110. & refert Piafec. prax. Episcop. p. 2. c. 3. art. 6. sub nu. 51. ut sequitur: san. mem. Gregor. XIII. decrevit -- Regulares Monasterii, ultra medium milliare è Civitatibus distantis, non posse ab Episcopo compelli accedere ad processiones, quæ intra Civitatem habentur .

Et, nisi consuetudo resistat, videtur non sufficere, nec esse ad tenorem Concilii, quod per edictum vocentur : quia cum id intendit, expressè disponit, ut sess. 24. de ref. cap. 18. ubi addit per edictum, etiam publicum, vocentur, scilicet examinandi ad Parochiale beneficium; idè censent Peyrin. de privil. tom. 1. ad Const. 2. Sixti IV. §. 11. 217. personaliter, etiam ad consuetas, per aliquem invitari, & vocari debere : quod hîc Romæ praxis confirmat.

Verum ad omnes Ordinariis eos vocare non conceditur, sed ad solemnes, juxta phrasim Leonis: & publicas, ex dispositis à Tridentino, de quibus distinctius Pius V. Const. & s. Mendicantium num. 26. -- ubi postremo, quod cap. 13. sess. 25. Cautum fuit, quod omnes scilicet, tam Clerici, quam Regulares quicumque, ad publicas processiones vocati compellantur, id, quoad Fratres præfatos, de illis tantum processionibus intelligi volumus, ad quas secundum consuetudinem antiquam locorum soliti sunt accedere, vel quæ pro bono pacis Ecclesiæ, vel pro victoria contra infideles indicantur . --

Et sub aliis terminis declaravit, S.C.C. apud Peyr. cir. ad Const. 7. §. 29. -- Ordinarius potest præci-

præcipere Regularibus, ut eant ad processiones publicas, ut puta in festo Corporis Christi, in Litaniis, & Jubileis publicis, faciendis in plebibus, in quibus ipsi habent Monasteria; dummodo processiones sint ejus generis, quod in Bulla S. O. N. Pii V. Mendicantibus concessa, quæ incipit; Et si Mendicantium, publicata 17 Kalen. Junii 1567. comprehendantur; & dummodo Regulares non sint ex illis Conventibus, Collegia nuncupatis, quæ in eadem Bulla excipiuntur. -- Ex quibus aperte patet præfatam *Const. Pii*, ut *olibi adnotavimus*, non esse revocatam à Gregor. XIII., nisi quatenus aliquid statuit, quod Concilio Trid. adversatur.

- 6 Et tandem *sub 27. Julii 1628. 21. Augusti, ac 19. Septembris ejusdem anni*, habita fuit Congregatio particularis de ordine Sanctissimi D. N. Urbani VII I., in qua PP., auditis Procuratoribus Ordinum, negotioque maturè discussio, unanimiter censuerunt, posse Episcopos, penis sibi benevisis, compellere quoscunque Regulares recusantes, etiam Monachos, & quomodolibet exemptos, ad infra scriptas processiones accedere, atque illius interesse, exceptis dumtaxat in strictiori Clausura viventibus, & Monasteriis ultra medium milliare à Civitate distantibus, nempe in die Festo Sanctiss. Corporis Christi, in Litaniis majoribus, in Rogationibus, ac in quibuscunque aliis publicis, & consuetis, vel pro bono, causa, aut honore publico, ab Episcopis indictis processionibus; non obstantibus quibuscunque privilegiis, consuetudinibus, vel præscriptionibus, etiam immemorabilibus, privilegiis, tantum Apostolicis, S. Conc. Trident. posterioribus, contra-
- rium

rium desuper disponentibus minimè subla-
tis. --

7 -- Regularibus autem, & Confraternita-
tibus in Ecclesiis Regularium esse permis-
sum, intra eorum Ecclesiæ Claustra tantum,
processiones facere, & non extra. Si verò Ec-
clesiæ Claustris careant, eisdem Regulari-
bus, & Confraternitatibus, licere processio-
nes facere intra ambitum dumtaxat earum-
dem Ecclesiarum, hoc est, prope muros Ec-
clesiæ, & non extra dictum ambitum, nisi de
licentia, & consensu, cum Cruce Parochi:
privilegiis pariter, ut supra, Apostolicis con-
trarium disponentibus in suo robore perma-
nentibus, quibus per hoc decretum minimè
censeatur derogatum. *Pignatell. tom. 1. con-
sult. 121.* & in terminis quoad processiones fa-
ciendas per Regulares extra Claustra, refert
Donat. *prax. regul. tom. 1. p. 2. tract. 13. q. 81. n. 6.*
item fuisse dispositum à S.C. Rituum, *sub die
28. Februarii 1628.*

8 : Extra Claustra ad solemniter processio-
nem faciendam in quacumque die infra octa-
vam Corporis Christi habent Regulares pri-
vilegium cum amplissimis derogatoriis, apud
*Bullar. Cherub. tom. 2. pag. 371. ex concessione
Gregorii XIII., Const. Cum interdum, ubi §. 2.*
Nos tamen, & infra, motu proprio, -- non ad
9 alicujus nobis super hoc oblatae petitionis in-
stantiam, sed ex mera deliberatione, & cer-
ta scientia nostris, universis, & singulis Clero,
& Clericis, ac personis Ecclesiasticis, tam
secularibus, quàm quorumvis Ordinum, Re-
ligionum, & Militiarum, Regularibus, ut
litteris Pii prædecessoris hujusmodi non ob-
stantibus, liceat ipsis, tam die ipsa Domini-
ca infra octavam Corporis Christi, quàm aliis
totius

totius octavæ prædictæ diebus, processiones suas celebrare, nec super eo, tam ab Ordinis Prædicatorum hujusmodi, quàm aliis quibuscumque personis, etiam prædictarum, aut quarumvis aliarum literarum, privilegiorum, vel concessionum prætextu, seu aliàs quomodolibet molestari, inquietari, vel perturbari, nec etiam aliquibus censuris, vel penis, etiam Ecclesiasticis innodari, seu illas incurrere possint, tenore præsentium concedimus, & permittimus. --

Et specificum ab Innoc. XII. super hoc obtinuerunt Fratres Ordinis Minorum, prout sequitur.

- 30 -- Venerabili Fr. Episcopo Quitensi, sive dilecto Filio ejus Officiali salutem, & Apostolicam benedictionem. Sua nobis dilectus Filius Fr. Nicolaus de Leon, Lector Jubilatus, S. Inquisitionis Qualificator, Custos, & Pater Provinciæ Duodecim Apostolorum de Lima, Secretarius Gener. Ordinis, & in hac Curia Causæ Canonizationis B. Francisci Solani, & Provinciarum Quiten., & Liman. Fratrum Minorum S. Francisci Procurator, petitione monstravit. Quod in causa inter dilectos Filios PP. Dominicanos ex una, & PP. Minores de Observantia Familiæ Ultramontanæ, & Civitatis Quiten. partibus ex altera. -- Cum S. Rituum Congreg. sub die decima mensis Februarii de anno Domini millesimo sexcentesimo octuagesimo quinto decrevisset, & declarasset: Competere PP. Dominicanis jus peragendi processionem Sanctissimi Corporis Christi Dominica infra octavam illius privativè ad PP. Minores de Observantia, & signanter in Civitate Quiten., ita tamen, ut liceret eisdem Patribus Minoribus

ribus eadem die Dominica infra octavam facere processionem intra Claustra eorum Conventus. -- Pro parte eorundem PP. Dominicanorum Provinciæ Quiten. habitus est recursus ad san. mem. Innocentium Papam XI. prædecessorem nostrum, ad obtinendam specificam confirmationem præmemorati decreti, quam eis idem Innocentius prædecessor benignè impertitus est, per literas in forma Brevis: *Emanavit*, incipientes, sub die vigesima sexta Martii, ejusdem anni millesimi sexcentissimi octuagesimi quinti expeditas. Verum causa hujusmodi, cum iuribus extunc ad Urbem pro Patribus Franciscanis allatis, iterum coram eadem S. Congreg. ad plenum discussa, ipsamet Congregatio decretum edidit, quo præscripsit, quid tandem observandum sit ab utraque parte circa prædictam processionem tenoris sequentis, videlicet: In causa Quiten. inter PP. Ordinis Minorum Familiæ Ultramontanæ, Conventus Civitatis Quiten. ex una, & PP. Dominicanos ejusdem Civitatis ex altera, partibus, à dilecto Filio nostro Cardinali Pamphilio reposita dumtaxat super dubio processionis SS. Corporis Christi, eadem Sacr. Congreg. auditis utriusque partibus, tam in voce, quam in scriptis informantibus, -- censuit, recedendum à decis, & in casu, de quo agitur, licere Patribus Franciscanis facere processionem die Dominica infra octavam SS. Corporis Christi: sed PP. Ordinis Prædicatorum de mane, Patribus verò Minoribus de sero, & ita decrevit, & servari mandavit, die vigesima quarta Martii, millesimi sexcentissimi nonagesimi sexti. Attamen non acquiescentibus
præ

prædictis PP. Ord. Minor. Famil. Ultramon.
 Conventus Quiten. hujusmodi decreto in ea
 tamen parte, in qua hora peragendi processio-
 nem ipsis præscribitur, repropósito ab eodem
 Cardinali Pamphilio in Sac. Rituum Congre-
 gatione hujusmodi dubio, eadem Congregat.
 PP. Dominicanis, licet citatis, non informan-
 tibus; -- In decisís super negotio principali,
 & licere PP. Franciscanis facere processio-
 nem, etiam de mane, distinctis tamen horis, ab
 Episcopo præscribendis, censuit, & ita servari
 mandavit, die septima Aprilis, millesimi sex-
 centesimi nonagesimi sexti; -- Sed ab hujus-
 modi decreto reclamantibus PP. Dominica-
 nis, proposita iterum causa per præfatum
 Cardinalem Pamphilium, utraque parte in-
 formante, & juribus hinc inde discussis; Sac.
 Cong. prædicta rescribendum censuit. -- In
 decisís super negotio principali, & licere PP.
 Franciscanis facere processionem extra Clau-
 stra per loca solita, etiam de mane, distinctis
 tamen horis ab Episcopo, & data electione
 horæ Patribus Dominicanis, à qua semel ele-
 cta, non liceat amplius recedere, & ita de-
 crevit, & servari mandavit, die prima Se-
 ptembris, millesimi sexcentesimi nonagesi-
 mi sexti. -- Verum quia, sicut eadem peti-
 tio subjungebat, dicti Patres Franciscani du-
 bitant, ne executio, & observatio decreti
 hujusmodi à dictis Patribus Dominicanis for-
 san impugnari possit, & in simili eventu idem
 decretum suo frustretur effectu; Ideò prædi-
 ctus Frater Nicolaus ad Nos recurrit, humili-
 ter supplicando, quatenus tibi, ut ad execu-
 tionem dicti decreti juxta illius tenorem, &
 formam procedas, Apostolica auctoritate
 committere aliasque sibi in præmissis oppor-
 tune

tunè providere de benignitate Apostolica dignaremur. Nos igitur statum, & merita cause hujusmodi præsentibus pro expressis habentes, ipsumque Fratrem Nicolaum à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, si quibus quomodolibet innotatus existit, ad effectum præsentium tantum consequendum, harum serie absolventes, & absolutum fore censentes, hujusmodi supplicationibus inclinati; Fraternitati tuæ, Frater Episcopo, sive discretioni tuæ, fili Officialis, per Apostolica scripta mandamus, quatenus tu, vocatis, qui fuerint evocandi, ad executionem memorati decreti juxta illius formam, & tenorem, auctoritate nostra, prout de jure, procedas, procedique mandes, & facias. Nos enim tibi, dictos Patres Dominicanos adversarios, omnesque alios, quos opus erit, etiam per edictum publicum, constituto de non tuto accessu, citandi, illisque, & quibus videtur, sub sententiis, censuris, & penis inhibendi, contradictores in illas, servata forma Concilii Trid., incidisse, declarandi, aggravandi, reaggravandi, & interdicendi, auxiliumque brachii secularis, si ad hoc opus fuerit invocandi, necnon dictos adversarios ad observationem prædicti decreti omnibus juris, & facti remediis compellendi, aliaque in præmissis quomodolibet necessaria, & opportuna faciendi, exercendi, & exequendi plenam, & liberam, dicta Apostolica auctoritate, eorumdem tenore præsentium concedimus facultatem, non obstantibus præmissis, ac Constitutionibus, & ordinationibus Apostolicis, ceterisque contrariis quibuscumque. Datum Romæ apud S Mariam Major-

rem,

rem, Anno Incarnationis Dominicæ millesimo sexcentesimo nonagesimo sexto, quinto Kalend. Martii, Pontificatus Nostri Anno sexto. --

- 11 Unde decretum S. C. Rituum de Anno 1633. 9. Aprilis, apud Flof Nicol. verb. process. num. 12. disponens non esse permittendas in eodem loco, & eodem die duas similes processiones, non ampliatur ad præfatas faciendas infra octavam Corporis Christi.

- Non adest apud Ordinarios locorum facultas compellendi Regulares ad interessendum processionibus, ab iisdem, sed non pro bono publico, sed occasione suæ visitationis, indictis, ut notavit Peyrin. ad Const. 2. Julii 2. §. 25. num. 66. & decrevit S. C. C. in Anagina Processionis sub die 9. Decembris 1662. -- quæ ad dubium, an Fratres strictioris Observantiæ potuerint ab Ordinario loci compelli ad processionem indictam, occasione suæ primæ visitationis; censuit, non potuisse. -- Lant. verb. processio: ubi plura refert super erectione Crucis per Capuccinos in processionibus.

- 13 Cujus autem generis debeant esse pœnæ, quibus ad processiones per locorum Ordinarios possunt Regulares compelli, vide cap. Officialis quoad exemptionem &c.

An autem possint Regulares uti Pluviali in processionibus, de licentia Episcopi per eos faciendis, si in ea expressus non fuerit usus præfati, resolvendum ut infra.

-- Supplicante humiliter P. Procuratore Generali Ordinis Minorum Observantium S. Francisci à Sac. Rituum Congregatione declarari infra scripta dubia. --

- 14 Primum. -- An Guardiani Ordinis Minorum

norum Observantium S. Francisci Provincia-
rum Regni Neapolis, obtenta licentia ab
Ordinariis locorum oretenus, vel in scriptis
faciendi solemnes processiones per Civitates,
vel Oppida extra limites Conventuum suæ
Religionis, cum Statua, aut Reliquia alicujus
Sancti, possint Religiosi sui Ordinis uti Plu-
viali, licet in licentia obtenta non fuerit
expressus usus Pluvialis?

- 15 Secundum. -- An usus Pluvialis in pro-
cessionibus solemnibus sit testimonium, &
signum jurisdictionis in utente Sacerdote?

Sacra eadem Rituum Congregatio censuit
respondendum.

Ad primum. *Affirmativè.*

Ad secundum. *Negativè*, & ita declaravit
die 21. Martii 1699.

- 16 Controversias de præcedentia in processio-
nibus publicis, seu etiam inter seculares
Clericos, & Confratres exortas, componere
ad Episcopum spectat, ex Trid. ibidem, cui
modus super ea re tenendus præscribitur à
Gregorio XIII. *Const. Exposcit; Bullar. Cherub.*
tom. 2. pag. 467. ubi §. 3. -- de nobis attributæ
potestatis plenitudine, volumus, & Aposto-
lica autoritate decernimus, quod quicum-
que ex dictis Fratribus Mendicantibus, inter
se de præcedentia hujusmodi contendenti-
bus, aut Confratribus Confraternitatum
prædictarum, inter quos lites, & causæ,
præmissorum occasione, ortæ jam sint, seu
oriri contigerit in futurum, qui in quasi pos-
sessione præcedentiæ, ac juris præcedendi
sunt, ii (quibuscumque reclamationibus,
protestationibus, appellationibus, & aliis sub-
terfugiis, prorsus remotis, & cessantibus, &
postpositis) in Processionibus, tam publicis,

Q

quàm

- quàm privatis præcedere debeant; quando verò non probetur aut non constet de quasi possessione præcedentiæ hujusmodi, inter Fratres quidem Mendicantes, ii, qui antiquiores in loco controversiæ, inter Confratres vero inter se litigantes, ii, qui prius sac-
- 18 cis usi sunt, in processionibus tam publicis, quàm privatis, præcedere debeant, ita ut, si contigerit nova Monasteria, aut domus aliqujus Ordinis Mendicantium, in loco, in quo alterius Ordinis ex dictis Mendicantibus Monasteria, aut domus, prius erecta, & instituta sint, ille ordo, qui prius Monasterium, seu domum in loco habuerit, præcedat. -- Quod cum literis diversis à S. Cong. Episc. & Regul. variis Ordinariis locorum (in terminis similis controversiæ ortæ in Civitatibus Arben. inter Fratres Convent. & Observantes: Cassanen. inter ipsos Conventuales, & PP. Ordinis Prædicatorum, & Ferentina inter istos, & Fratres de Observantia) directis, confirmatur ab Urbano VIII. *Const. Nuper pro parte: die 18. Decembr. 1637.* & refert Piafec. *cit. sub num. 52.* prout sequitur; -- nuper & infra: de Venerabilium Fratrum nostrorum S. R. E. Cardinalium, eisdem Regularium negotiis præpositorum consilio, præinsertas literas ab eisdem
- 19 Cardinalibus, aliàs utcumque in casibus particularibus emanatas, cum innitantur justitiæ motus proprii Gregorii XIII hac de re editi, & sint conformes declarationibus Sacrarum Trid. Concil., & Rituum Congregationum, ut, qui sunt in possessione præcedentiæ, præcedant; & ubi non probatur, ut non constat de possessione, præcedant ii, qui sunt antiquiores in loco controversiæ, esse generaliter observandas, ubicumque contigerit de eadem præ-

præcedentia dubitari, Apostolica auctoritate, tenore præsentium præcipimus, & mandamus. Decernentes irritum, & inane si secus, super his à quocumque quavis auctoritate, scienter, vel ignoranter contigerit attentari.

- 20 Verumtamen si in ipsomet facto processio-
nis occurrat inter partes super præcedentia
litigium, potest Episcopus in vim dispositio-
nis Conciliaris, litigantibus pro tunc silen-
tium injungere, & uni ex parte locum di-
gniore concedere, facta eis cautela, quod
simili actu præjudicium irrogare non inten-
dit juribus ad litem si eam promovere velint
apud Apostolicam Sedem. Ut in terminis
tradit Piafec. *cit. nu. 53.*
- 21 Intra Clausuram Monialium fieri non de-
bent ab exteris processiones, neque cum San-
ctis. Sacramento, ut S. Congr. firmavit 23.
*Aprilis 1602. apud Nicolio Floscul. verb. pro-
cessio nu. 18. & nu. 19 ex S. Congr. sub die 27.*
Martii 1602. refert, permittendum non esse,
- 22 quod processiones Regularium transeant
per Ecclesias Monialium, licet adesset con-
suetudo, etiam eis subjectarum Lezana *sum.
quæst. regul. tom. 4. verb. processio sub num. 11.*
- 23 De licentia Ordinarii potest in processione
deferri Imago B. Mariæ Virginis cum Balda-
chino, & intortitiis, prout S. C. apud Nicol.
*cit. 20. Julii 1621. sicut ejusdem assensu Ima-
gines, & Sanctorum Statuæ, ibidem 15. Ju-
lii 1647.*

CAPUT XXVII.

Officialis quoad Professionem.

SUMMARIUM.

- 1 Professio religiosa describitur.
- 2 Annus probationis, & sextus decimus aetatis, debet esse completus.
- 3 Professio, per aliquas horas emissa ante tempus praefixum, est nulla.
- 4 Annus probationis computatur de momento in momentum.
- 5 Annus est favorabilis Religioni, & Novitio.
- 6 Quid dicendum de Anno bissextili?
- 7 Differentia Anni Civilis, & naturalis.
- 8 Quando incipiat tempus Novitiatus.
- 9 Annus Probationis debet esse continuus.
- 10 Quando Novitiatus interrumpatur?
- 11 Quid dicendum de Novitio commorante extra Monasterium cum licentia Superioris?
- 12 Professio emittenda in manu Superioris.
- 13 Professio, alia expressa, alia tacita.
- 14 Quibus Professio tacita inducatur?
- 15 Professio non libera, est nulla.
- 16 Causae nullitatis debent deduci coram Ordinario, & Superiore Regulari.
- 17 Cur quinquennium sit inductum?
- 18 Quinquennium praescriptionem inducit.
- 19 Elapso quinquennio, tenetur Professus in Religione perseverare.
- 20 Restitutio in integrum à Sede Apostolica obtinetur.
- 21 Excommunicatio absolute prolata pro majori supponit.
- 22 Non fertur, nisi pro mortali.

23 Verba

- 23 *Verba imperativa præceptum important.*
- 24 *Cum Tridentinum præcipit, obligat sub mortali.*
- 25 *Verba negativa efficacius obligant.*
- 26 *Decreta Clem. VIII. super receptione Novitiorum.*
- 27 *Alia Innoc. X. pro Observantibus.*
- 28 *Apud quos Novitii post professionem collocantur in Conventibus Recollectionis.*
- 29 *Et Clerici per triennium debent in Professoriis manere.*
- 30 *Apud eosdem Novitii instruendi sunt de præceptis Regula.*
- 31 *Constitutio Sollicitudo Innoc. XI.*
- 32 *Contrahere pecunias politicè, & naturaliter, quid sit.*
- 33 *Quid significet Clausula, sine strepitu judicii?*
- 34 *Conversi ad statum Clerici transire nequeunt.*
- 35 *Decretum de eiectionis, & eiiciendis editum à S.C. specialiter ab Innoc. XII. deputata.*

1 **P**rofessio Regularis, -- est contractus reciprocus obligatorius, quo profitens fidem suam adstringit Deo, & obligatur Religioni, & Religio ipsa, Dei nomine obligatur Religioso ad retinendum eum, & alendum, & tractandum secundum religionis institutum. Ex Sanchez, Hasben. *sum. selec. quæst. v. professio Regularis.*

2 Ad cujus validitatem exigitur, ut non fiat, nisi anno probationis exacto, & decimo sexto ætatis completo: pro ut disponit Trident. *sess. 25. cap. 15. de Regularibus*; ubi: -- In quacunque Religione, tam virorum, quàm mulierum, professio fiat ante decimum sextum annum expletum; nec qui minori tempore, quam per annum, post susceptum habitum, in

probatione steterit, ad professionem admit-
tatur; professio autem antea facta sit nulla,
nullamque inducat obligationem ad alicujus
Regulæ, vel Religionis, vel Ordinis obser-
vationem, aut ad alios quoscumque effe-
ctus. --

- 3 Ex quo sequitur, probationis, & decimum
sextum ætatis annos, debere esse completos,
adeout nullius valoris sit professio emissæ,
peracto anno probationis, ipsa die susceptio-
nis habitus, sed ante horas circiter quinque,
& per aliquas horas ante ætatis annum deci-
mum sextum expletum; quia semper verifi-
catur, quod fuerit emissæ ante decimum
sextum annum completum, & profitens in
probatione steterit minori tempore, quam
per annum; etenim etiam una hora pars
temporis dicitur.

- 4 Propterea probationis annum, ut sit inte-
ger, debere computari de momento in mo-
mentum, hoc est, ab hora diei, in qua susci-
pitur habitus, usque ad eandem horam ultimi
diei ejusdem anni: tenet *Miranda Mon Præ-
lat. tom. 1. quæst. 22. art. 3. Sanct. super statut. S.
Francisci cap. 2. stat. 43. Lezana Sum. qq. tom. 1.
cap. 2. nu. 10. Donat. praxis Regular. tom. 2. par.
2. tract. 9. q. 5. Fagnan. cap. ad nostram de Regu-
laribus. Pignatel. tom. 10. conf. 11. n. 1. Hasben.
Summa selecta qq. verb. Novitius num. 318. &
verb. professio Regularis num. 423. refert Sacr.
Congr. sub die 21. Januarii 1617. declarasse
professionem emissam non completo anni curricu-
lo, etiam per duas horas tantum, non valere.*

Non obstat, quod in favorabilibus dies
incepta habeatur pro completa, & conse-
quenter, quod non sit expectandum ultimum
instans; quia id etiam, ut benè advertit San-
ctoro,

toro, dici posset de una hebdomada, quæ respectu totius anni pars notabilis non censetur; Undè id est verum, quando lex, & praxis non resistunt, ut in casu, in quo cum generaliter loquatur, etiam minimum includit per Donat. *loc. cit.* & per Pignatel. *loco adducto habetur*, quod tempus ordinatum à lege debet esse completum ad ultimum usque momentum.

5 Imò id directè probat intentum, cum ex Fagnan. *nu. 32.* annus probationis institutus, sit favor, tam Novitii, quàm Religionis: favor Novitii attenditur, ut nullum momentum præripiatur ei ad probandam austeritatem Religionis, & usque ad ultimum instans sit in libertate ad se alligandum iugo Religionis; cujus favor ex eo habetur, ut probet mores Novitii, & sibi eum non acquirat, nisi post integri anni deliberationem: etenim sic voluntarios milites habet.

6 In anno bissextili expectandus est etiam dies, qui de novo additur; adeout, qui die v.g. 24. Martii habitum susceperit, non possit professionem emittere die 23. ejusdem mensis, propter additionem unius diei factam Februario; quia duo dies eo anno, secundum legem, ex Miranda, Lezana, Sanctoro *cit.*, reputantur pro uno; addit Donat. *quest. 6.* annos, & dies esse computandos secundum ritum, & usum Ecclesiæ, quæ nisi bis dicatur sexto Kalendas (die nimirum 24. & 25. Februarii) annum expletum non censet. Unde Hath. *cit. nu. 6.* & *n. professio* refert Sac Cong. sub 5 Junii 1627. declarasse, nullam esse professionem, si sit emissa in anno Bissextili, non expectato lapsu illius diei, qui tum de novo additur.

- 7 Concilium disponens annum debere esse completum, de anno naturali, eo scilicet, *dies 365.*, & sex horas, continente, qui de momento in momentum computatur, intelligitur ex Fagnan. *sub num. 35. Verbo quartum ibidem*, & non de civili (vulgari, seu artificiali) qui 365. diebus absolvitur sic, ut, qui ad initium ultimæ diei pervenerit, annum complevisse dicatur; & ex eo probatur, quia ex dictis est favor, quod tempus probationis protrahatur usque ad postremum momentum.
- 8 Annus probationis incipit à momento suscepti habitus, vel ab eo, in quo Novitii recipiuntur in Conventibus, à Sancta Sede pro Novitiatu designatis, & taxatis, ad effectum, ut ipsi Religionis asperitates experiantur; & eorum mores, & obsequia ipsa, integro anno probet, ad formam decret. Clementis VIII. *Regularis sub die 12. Martii 1596.*: & Sanctissimus *die 20. Junii 1599.* ubi Superiores transgredientes, ipso facto privantur omnibus officiis, quæ obtinent, & pœnam vocis activæ, & passivæ, ac perpetuæ inhabilitatis ad alia imposterum obtinenda, incurrunt. *Bull. Cherub. tom. 3. pag. 127.*
- 9 Annus probationis continuus esse debet usque ad professionem inclusivè, ita quod, si Novitius ante professionem emissam, habitum dimittat, animo Religionem deserendi; si postea intra eundem dimissionis diem pœniteat, & velit habitum reassumere, indigeat nova admissione, & receptione, ut iterum possit esse Novitius, & annum probationis incipere teneatur, quia ex tunc statum, quam habebat, amisit.

Et

Et ad id facit, quod Sacr. Congr. apud Fagnan. nu. 27. consulta à Procuratore Generali Ordinis Minorum: an Novitius, qui à Monasterio, ut aliam Religionem ingrederetur, abierat, ac duas tantum horas in alio Conventu moram traxerat: ac statim deinde facti penitens, reversus fuerat, teneretur incipere novum annum probationis? Respondit teneri ab eo die, quo rediit.

- 10 Idem dicitur apud Hasbensem Verb. Novitius, de eo, qui habitu retento è Conventu auferret, etiam animo redeundi, quia jugum Religionis fregit: secus de illo, qui subitanea passione motus habitum deponeret, & se vestibus secularibus indueret, non voluntate discedendi; dummodo actum retractaret, priusquam è Conventu egrederetur; etenim expoliatio illa habitus cum effectu egressionis coniuncta non fuit, adeoque insufficiens, ut per eam Novitiatus interrumpi dicatur; ut pluribus cumulatim tradit Sanctoro loco cit. & generaliter annus probationis discontinuari non dicitur, si cum expoliatione habitus non coniungitur egressio è Monasterio: plures alios casus ibidem refert Sanctoro.

- Qui intra annum probationis cum habitu, & licentia Superioris extra Monasterium, aliqua iusta causa, egreditur, licet ibidem per aliquod tempus commoretur, non dicitur per Miranda cit. art. 5. annum discontinuare,
- 11 & professio ab eo facta tenet. Rationem affert ex Navarro, ex quo Religiosus manens extra Monasterium sub obedientia sui Superioris, & de ipsius licentia, dicitur residere intra illud; & alienum non esse tradit Sanctoro cit. de quo verificatur, quod per an-

num integrum in probatione steterit, tamen si partim fuerit in Monasterio, partim extra; etenim semper stetit sub obedientia sui Superioris, de ejus licentia, & cum Religionis habitu. In nullo jure statutum est, ut Novitius probet, & experiatur omnes asperitates Monasterii in eodem, vel in individuo, aut specie, sed sufficit, ut eas experiatur in genere, existendo per totum annum sub obedientia Prælati.

Et patet de Novitio infirmo, qui licet pluribus mensibus in infirmaria extra Conventum, pro Novitiatu taxatum, sub obedientia Superioris maneat, in fine anni, per DD., validè professionem emittit, quamquam non sit expertus in individuo omnes asperitates Monasterii: hæc habet Miranda.

Limitat Sanctoro, ut si existētia extra Monasterium (excipe tamen casum infirmitatis) protrahatur ad tres, vel quatuor menses, annus interrumpatur; hujusmodi enim egressio notabilis censetur contra finem probationis, & Pontificum mentem, qui disposuerunt non esse alibi Novitios ad probationem recipiendos, quam in Conventibus pro Novitiatu deputatis.

12. Professio emitti debet in manu Superioris habentis potestatem incorporandi in Religione, vel de ejus licentia in manu alterius; Miranda 9 24. *orat.* 3. quæ, & non habitus Monachum facit; licet habitus extrinsecè, & ad sensum Monachos distinguat.

- Professio alia expressa, alia tacita; expressa 13. emittitur verbo in manibus Superioris, ut diximus; an autem nutibus, & signis fieri possit, affirmat Fagnan. *cap. vidua de Regularibus* loquendo de muto, & surdo à nativitate.

Tacita, ut nomen sonat, est, quæ sit sine voce, & scriptura, quæ inducitur per exercitium actuum professorum; Unde Novitius spontè suscipiens tonsuram Monachalem, ubi corona à solis professis gestari solet, efficitur tacitè professus, & tacitam professionem emittere intelligitur, si ordines sacros recipiat ad titulum Religionis, ut notavit Fagnan. *num.* 25. 26. verum, ut *ibidem observat*, & tradit Sperell. *decis.* 161. *num.* 42. eorum exercitio non inducitur; nisi hic notanda copulativè concurrant.

14 I. Requiritur, ut, qui se hujusmodi actibus immiscet, sit Novitius, hoc est, in loco probationis existat.

II. Ut actuum exercitium spontè, & sine ulla violentia assumat; alioquin à tacita professione excusatur.

III. Ut sciat actus ad solos professos pertinere, quia data ignorantia, cessat præsumptio tacitæ professionis.

IV. Ut habeat animum positivum profitendi; quem in foro Ecclesiæ juris præsumptione habuisse censetur, cum actibus professorum se immisceat; adeo ut non sit audiendus ex Fagnan. *nu.* 30, etiam si juramento velit contrarium probare.

V. Ut sit legitimæ ætatis ad profitendum, hoc est, ut sit major annorum sexdecim ad formam Tridentinæ.

VI. Ut hujusmodi actus faciat auctoritate, & consensu Superiorum, quorum est Religionem incorporare.

VII. Ut Novitius, qui se actibus professum immiscet, per integrum annum post susceptum habitum in probatione steterit; alioquin non intelligitur tacitè professus,

quia Trident: *cir. cap. 25.* irritam declarat professionem antea factam, adeoque & tacitam. Videatur Fagnan. *loco cit. & ibidem cap. statui- mus; ac cap. quia ingredientibus de Testament. & cap. nullus de Regularibus*, ubi num. 10. refert Sacr. Congr. Concil. declarasse suis decretis Tridentinum, professionem tacitam non exclusisse, dummodo servantur, quæ in eis disponit.

15. Non subsistit professio liberè non emissa, sed per vim, & metum extorta; & quatenus, quis prætendat se nulliter professionem emis- sisse, id probare debet, ad formam decreti Sacrosancti Concil. Trid. quod *sess. 25. cir. cap. 19. de Regul. statuit*, ut sequitur: - Qui- cunque Regularis prætendat se per vim, & metum ingressum esse Religionem: aut etiam dicat ante ætatem debitam professum fuisse, aut quid simile; velitque habitum dimitte- re quacumque de causa, aut etiam cum ha- bitu discedere sine licentia Superiorum, non audiatur, nisi intra quinquennium tantum à die professionis, & tunc non aliter, nisi cau- sas, quas prætenderit, deduxerit coram Su- periore suo, & Ordinario. Quod, si antea habitum spontè dimiserit, nullatenus ad allegandum quamcumque causam admitta- tur; sed ad Monasterium redire cogatur, & tanquam Apostata puniatur; interim verò nullo privilegio suæ Religionis juve- tur. -

16. Igitur causæ nullitatis debent intra quin- quennium à die professionis copulativè dedu- ci coram Ordinario, & Superiore Regula- ri. Et non auditur ille, qui habitum dimi- serit, nisi priùs reassumpserit, & ad Mona- sterium redierit.

17. Quia-

- 17 Quinquennium Concilium inducit, ut modum adhibeat, & terminum præfigat litigiis, quæ occasione professionis invalidæ, oriuntur inter Superiores, & subditos. Isti enim existimantes se nulliter professos Superiorum mandata non servant, nec regulariter viuunt. Ideò decrevit, ut ex causa allegatæ nullitatis, nulli liceat habitum dimittere, nisi infra quinquennium, causas coram Superiore, & loci Ordinario deducat eo fine, ut eas ipsi Sac. Cong. Concil. referant, à qua declaratoria nullitatis est obtinenda.
- 18 In præfixione quinquennii inducit Concilium quandam præscriptionem, qua nulliter professus contra Religionem præscribit alimenta, victum, nimirum, vestitum, & habitationem, quoad vixerit; adeò ut, quinquennio expleto, ex *cap. nullitatis professionis*, amplius ei non possit, semperque uti filius, & subditus in Religione haberi, & tractari debeat.
- 19 Ex opposito, Religio contra eum præscribit superioritatem, & omnimodam jurisdictionem, adeò ut ille non possit postea à Religione exire, sed teneatur ibi perpetuò convivere ad formam decreti Sac. Cong. Concil. apud Fagn. *cap. si quis de Regul. num. 48.* quæ censuit huiusmodi professos, elapso quinquennio præfinito in dicto *c. 19. sess. 25. de Regul.* nullatenus esse audiendos ad allegandas causas nullitatis professionis, sed debere in Religione perseverare.
- 20 Limitatur nisi ex iusta causa impetraverint à Sede Apostolica restitutionem in integrum adversus lapsum quinquennii.

Et usque dum id obtineant, etiam in foro ani-

- animæ, & apud Deum, ad Regulæ observantiam tenentur; adeout mortaliter peccent, si habitum dimiserint. Etenim Concil. *eodem cap. 19. eos*, ut Apostatas esse puniendos decernit: pœna autem hujusmodi Apostatis debita est excommunicatio, *ex cap. ut periculosa ne Clerici, vel Monachi in 6. lib. 3. tit. 24* quæ, si
- 21 absolutè proferatur, pro majori supponit *cap. si quem de sent. excom. lib. 5. tit. 39*, nisi ex contextu verborum, aliter de mente Legislatoris appareat, ut notavit Engel. *Colleg. uni. jur. can lib. 5. tit. 39 §. 2. nu. 29*. & ferri non potest, nisi pro mortali peccato, ut expressè habetur *cap. Nemo Episcoporum causa 11. quæst. 3.*, ergo nulliter professi, dimittentes habitum contra Concilii prohibitionem; mortaliter peccant, consequenter ad perseverandum in Religione sub mortali culpa astringuntur.
- 23 Præsertim etiam, quia Concilium procedit per verba imperativa *tamquam Apostata puniatur*, quæ ex Fagnan. *loco cit. num. 63.* de sua natura præceptum important. Et quod imperatur *necessè est fieri*, ut disponit *Textus cap. quod præcipitur C 14. quæst. 1.*, & cum Concilium præcipit, vim habet obligandi sub mortali, ut expressè firmavit Sacr. Congr. Concil. *apud eundem num. 40.* quæ consulta,
- 24 an Episcopus incurrat aliquam pœnam non utendo in exemptos jurisdictione, aut in loca exempta, quam ei Concilium concedit & c. *Respondit*, nullam pœnam incurrere, sed in illis casibus, in quibus decreta Concilii utuntur verbis præceptivis, si vè obligativis, incurrere peccatum mortale.
- 25 Et procedit etiam per verba negativa *non audiat*, quæ efficacius obligant, & magis præcisè astringunt; Unde DD. communiter dicunt

dicunt præcepta negativa obligare semper, & ad semper.

- 26 Institutiones, & decreta super receptione, & Novitiorum educatione generaliter jussu Clem. VIII. *sub die 19. Maii 1603. edita*, refert *Bullar. Cher. tom. 3. pag. 128.* & alia specificè emanata de mandato Innoc. X. *die 15. Octobris 1654.* restricta ad Fratres de Corpore Observantiæ (quorum observantiam desiderat, & eis iniungit Sac. Cong. super Disciplina Regulari, dum potestatem facit admitendi seculares ad habitum) videri possunt apud Lantuf. *ver. Novitius nu. 5.* ex quo summatim necessaria huc transfero.

I. Deputantur Conventus pro Novitiatis, & professoriis.

II. Recipiendi examinantur à Provinciali, & Diffinitorio, & per vota secreta approbantur, si fuerint idonei reperti.

III. Nullus approbatur pro Clerico, qui decimum quintum, nec pro Laico, qui vigesimum ætatis suæ annum, non expleverit.

IV. Examinatores manu propria examen subscribunt, & Juramento firman; & obsignatum transmittitur ad Superiorem Generalem.

V. Non priùs admittantur ad habitum, quam Superior Generalis miserit ad Provinciale nomina eorum, quos ipse præelegerit.

VI. Non admittantur ad professionem, nisi ter in anno, hoc est, quarto quoque mense, per vota secreta à majori parte Fratrum habiles fuerint inventi.

VII. Fratres voto careant, nisi in eo Conventu à duobus mensibus fuerint actu defamilia.

VIII. Nullus professionem emittat, nisi elapso

elapso anno à susceptione habitus.

IX. Si receptus ante professionem expelli contigerit, vel à Religione discesserit, alius in ejus locum subrogetur, servata forma præscripta.

X. Post professionem emissam, statim in loco distincto à Novitiatu, & antiquorum professorum habitatione collocetur in eodem Conventu, si professorium aderit, vel in alio, ubi reperitur.

XI. In professorio sub strictiori vivendi modo degant, quam antiquiores professi.

XII. Alterius exterioris obedientiæ officia non debent exercere.

XIII. In professorio permaneant usque ad ætatem suscipiendi Sacros Ordines, vel saltem per triennium post professionem.

XIV. Quo tempore poterunt studiis operam dare.

XV. Guardianos, Magistros, & cæteros de familia, tam in Conventu Novitiatus, quam Professorii, constituat Provincialis unà cum Definitorio.

XVI. In præfatis Conventibus collocentur Religiosi graves, devoti Religiosi observantiæ amatores, & vitam communem servantea.

Sciendum quod per disposita in Capitulo 8 Generali 1676. Novitii præfati Ordinis, statim post professionem, non collocantur ad triennium in professoriis, deputatis ad tenorem Decretorum Innocent. X. sed statim, ad annum transferuntur ad Conventus Recollectionis, ad formam Statutorum ejusdem Capituli ab Innocent. XI. *Constitut. Militantis* in forma specifica, & cum inscriptione confirmatorum *Orb. Seraph. 10. 4. p. 217.*

29 Refert Lantulca *verb. Professoria n.3. S. Cong. super Stat. Reg.* pluries declarasse, debere Clericos per triennium permanere in professoriis, tametsi sint in ætate sufficienti ad suscipiendos Sacros Ordines.

30 Et quia Innoc. XI. *Constit. Sollicitudo Ord. Seraph cit. pag.223.* disponit recipiendos debere instrui de præceptis Regulæ prædicti Ordinis, & præmittendam esse protestationem priusquam professionem Novitii emitant. Ideò *Constit. Textum exhibeo. Sollicitudo*, & infra.

31 §. I. -- Cum itaque (sicut accepimus) in pluribus Capitulis Generalibus Ordinis Fratrum S. Francisci nuncupatorum, & novissimè in Vallisoletano, quod anno 1670. celebratum fuit, unanimi omnium Fratrum vocalium consensu, declaratum, & protestatum fuerit in nullo Regulæ eorundem Fratrum Minorum præcepto, eatenus cum Fratribus Minoribus de Corpore Observantiæ, sive Observantes, sive Refor., sive Discalceati, sive Recollecti dicantur, dispensatum fuisse, nec ipsum Observantiæ Corpus ullam unquam admisisse, vel admittere dispensationem in Regula, sed potius velle pro viribus, Divino favente auxilio, illam purè observare, juxta Summorum Pontificum declarationes à Fratribus Observantibus, seu de Observantia in suis Statutis Generalibus re-compilatis pro Cismontanis anno 1667., & pro Ultramontanis anno 1621. ac à Reformatis, Discalceatis, & Recollectis in suis particularibus Constitutionibus respectivè admissas, & receptas. (Dictio respectivè facit, ut singulis sint referenda. -- Gobat. *to.2. Oper. Mor. tract.3. c.6. Append.2. sub n.2. lit. A.*)

§. II. - Nos pro majori hujus protestationis firmitate, & ut in ordine præfato status, & Regula Fratrum Minorum purè observetur, singulisque Fratribus prætextus eam transgrediendi percludatur, eandem protestationem, & declarationem supra expressam, harum serie, auctoritate Apostolica, approbantes, & confirmantes, motu proprio, ac ex certa scientia, & matura deliberatione Nostris, deque Apostolicæ potestatis plenitudine, tenore præsentium declaramus, omnes, & singulos Fratres de Corpore Observantiæ dicti Ordinis teneri in conscientia observare Regulam Fratrum Minorum S. Francisci, & præcepta ejus, à fel record. Nicol. III. & Clem. V. Romanis Pontificibus prædecessoribus Nostris, exposita, & numerata ad formam Const. prædictarum respectivè, & signanter præter præcepta, quæ non ita frequenter occurrunt, & recitationem Divini Officii, teneri ad jejunia, præcepta in Regula, nisi excuset necessitas: ad incedendum sine calceamentis, hoc est absque aliquo, quod pedem cooperiat, cujuscumque illud materiæ sit, nisi adsit vera necessitas à Prælato approbanda: ad non equitandum, nisi infirmitas, vel necessitas, judicio Superiorum probata, excuset: ad utilitatem vestium juxta prædictas Constitutiones respectivè: ad non utendum pluribus vestimentis, quam illis, quæ Regula præscribit, nempe una tunica cum caputio, & alia sine caputio, corda, & femoralibus; nam aliud quodvis vestimenti genus ultra prædicta (excepto mantello ab initio Religionis licito) ut indusia, seu camisiæ, sudariola, tunicellæ, & similia, sunt contra Regulam, nisi adsit vera ne-

necessitas excusans à præcepto per Prælatum approbata. --

§. III. -- Ac demum teneri ad capitale præceptum Religionis Fratrum Minorum de non recipiendis denariis per se, vel per interpositam personam. --

§. IV. -- Aliarum enim rerum necessarium possunt Fratres Minores de Corpore Observantiæ hujusmodi habere usum, licet non dominium; Denariorum autem, nec dominium, nec usum: & proinde quævis contrectatio pecuniæ, seu denariorum, quæ non sit purè naturalis, seu quæ sit quovis modo politica, cujuscumque Domini sint denarii, seu pecunia, Fratribus Minoribus Observantibus, seu de Observantia, est omninò prohibita.

§. V. -- Ac propterea omnes, & singulas dispensationes, concessiones, & consuetudines, si quæ contra præmissa in Corpore Observantiæ Ordinis prædicti reperiantur, motu, scientia, deliberatione, & potestatis plenitudine paribus, earundem tenore præsentium revocamus, cassamus, irritamus, annullamus, viribusque & effectu penitus, & omninò vacuumus, ac revocatas, cassatas, irritatas, & nullas, viribusque & effectu penitus, & omninò vacuas esse, & perpetuò fore decernimus, & declaramus. --

§. VI. -- Declarantes tamen pariter, quod per præmissa non prohibentur in dicto ordine Syndici Apostolici, cum eorum usus non sit dispensatio in Regula, sed modus à Romanis Pontificibus prædecessoribus Nostri provisos pro puriori illius observatione: Sive ejusmodi Syndici assumantur ad præscriptum Const. Nicol. III., & Clement. V., præ-

prædecessorum præfatorum, sive secundum dispositionem Constitutionum rec. mem. Martini IV., & Mart. V., ac Pauli IV., prædecessorum pariter Nostrorum, prout illorum usus in singulis Familiis, Congregationibus, Reformationibus, aut Provinciis Ordinis prædicti respectivè fuerit receptus.

§. VII. -- Ut autem in ingressu Religionis unusquisque de obligationibus, quas assumere vult, plenè informetur, statuimus, ut nullus recipiatur ad habitum Regularem in eodem Ordine, nisi priùs plenè informatus sit de prædictis præceptis Regulæ, obligantibus in conscientia, & prævia hac notitia, velit probationem subire: Nec quisquam admittatur ad professionem Regularem, nisi priùs examinatus de intellectu Regulæ, & præceptorum ejus, juxta prædicta, & deinde immediatè ante illam, coram tota Communitate fiat ei protestatio, quod ad observantiam Regulæ, cum omnibus ejus præceptis, tunc numerandis, & exprimendis, obligatur in professione, eamque protestationem admittat, & sub ea professionem faciat.

§. VIII. -- Quia verò efficacius prædicta observandi medium est exemplum Prælatorum, sive Superiorum, idè statuimus pariter neminem eligi posse in Prælatum, sive Superiorem in Ordine prædicto, qui vitam communem Observantiæ non sequatur; hoc est, qui frequenter equitet, seu infirmitatem, qua ab obligatione pedibus incedendi exculetur, habeat: qui indusis, seu camisiis, aut lineis, utatur apud se, vel in lecto: qui calceatus incedat: qui jejunia Ecclesiæ, & Regulæ non observet:
qui

qui aliquando visus sit contrectare pecunias , nisi jam per triennium saltem emendatus sit : qui notabiliter defectuosus sit in assistendo communitatibus Chori , Refectorii , & aliis , prout sibi in Constitutionibus præscribitur. --

§. IX. -- Porro electio illius , qui in omnibus præmissis vitam communem non sequatur , irritanda sit à Prælato , sive Superiore Generali , capta informatione extra judiciali pro sua conscientia sine strepitu Judicii , cum consilio , & assensu trium Fratrum , qui Ministri Provinciales , vel saltem Definidores Provinciæ , sint , vel fuerint : ipsorum autem conscientias , ne aut ille expellatur , qui vitam communem sequatur , aut ille confirmetur , qui eam non observet , oneramus. --

§. X. -- Demum , ut omnis occasio transgrediendi præceptum de non contrectandis denariis , seu pecuniis , auferatur , omnibus , & singulis dicti Ordinis Prælatis , sive Superioribus in virtute S. Obedientiæ , ac sub pena privationis suorum officiorum injungimus , ut nulli Religioso ejusdem Ordinis permittant administrationem fundorum , reddituum , aut quarumcumque aliarum rerum , & bonorum mobilium , vel immobilium , cujuscumque Domini illa sint : & signanter , ut nulli Religiosorum ordinis hujusmodi permittatur administratio bonorum temporarium alicujus Monasterii Monialium sub quovis prætextu , aut nomine , nempe Administratoris , Syndici , Factoris , Coloni , Superintendentis , Villici , aut alio quovis imaginabili.

Deinde apponit decreta roborantia , & amplas derogationes , *non obstantibus* , &c.
Dat.

*Dat. Romæ apud S. Mariam Majo. sub Annulo
Piscat die 20. Novembris 1679.*

Instruendi igitur sunt, eis quamlibet contræctationem pecuniæ, seu denariorum, quæ sit quovis modo politica, & non purè naturalis esse interdictam. Contræctare autem
32 pecunias politicè est: ipsas recipere in usum quemcumque civilem, sive sit ad emptionem rerum, donationem, mutuum, cambium, depositum, civilem conservationem, societatem, mercaturam, contractum politicum, thesaurizationem, similivè &c.; vel ipsas in aliorum gratiam, & aliorum nomine, administrare; & generaliter eis prohiberi pecunias, & denarios contræctare, ut sunt quædam metalla, publica auctoritate instituta, uti formale instrumentum emptionis.

Et solùm eis dari, posse eas contræctare contractu purè naturali, & materiali, nimirum, ut sunt metalla, quæ usibus Fratrum cedere possunt, ut notavit Marcant. in *Reg. S. Francisci cap. 4. textu 1. quas. 1. concl. 1. & quas. 2.* tradit, Fratres eis uti posse occasione Medicinæ parandæ, cum hæc scilicet sine auri, vel argenti mixtura haberi non posset. Sic item ad pecuniam à terra levandam, & ad materialiter illam de loco ad locum transferendam, non prohiberi concedit; verùm, semper scandalum esse cavendum, affirmat.

33 Clausula illa *sine strepitu judicii*, apposita ab Inno., & observanda in casu irritandæ electionis, significat apud Pasqualigo ad Laurentium de Franchisp. 1. num. 708., non esse servanda, quæ à jure civili, seu canonico, introducta sunt, sed satis esse ea servare, quæ sunt juris naturalis, & gentium; probationes tamen citationes, defensiones legitimæ nunquam

quam debent in summario processu omitti, utpotè necessariæ pro habenda notitia veritatis, & facit Glossa ad Textum cap. Statuta de Hæreticis in 6. lib. 5. tit. 2. verbo Certum est, & Clement. sepel lib. 5. tit. 11. de Verbor. signif. & ibi Glossa addens per ea verba, posse Judicem procedere in causa, etiam tempore feriarum, dilationes amputare, exceptiones, & appellationes frustratorias expellendó, & litem quantum poterit facere breviorē juxta Engel. Colleg. Jur. Can. lib. 2. tit. 1. nu. 12.

34. Conversis ad statum Clericalem, & ante, & post professionem transire interdicitur, per disposita à Clem. VIII. -- Cum ad Regularem, apud Bullam Cherub. cit. nu. 26. ubi §. 34. statuitur: sed qui ad Conversorum habitum recepti fuerint, ad Clericorum statum transire, etiam durante tempore probationis, non possunt. --

35. Circa eos Regulares, ut incorrigibiles eiiciendos, sunt observanda, quæ statuit S. C. C. ex facultate S. M. Urbani VIII. sub die 21. Septembris 1624. Bull. Cherub. tom. 4 pag. 63., & alia, quæ disposuit S. C. à Sanctissimó D. N. Innocentio Papa XII. deputata super moderatione Decretorum de Apostatis, & ejectis, editorum, tam à S. C. C., quàm à præfato Papa Urbano VIII., & decrevit.

I. -- Quod fugitivi annuatim requirantur, & respectivè cogantur ad Claustra reverti. --

II. -- Quod annus integer, & qui in prædictis Decretis anni 1624. præscribitur in penitentia, & jejunio ad eiiciendos incorrigibiles, ad sex tantum menses continuos imposterum coarctetur, & restringatur. --

III. -- Quod facultas Generalibus Ordinibus

num

num de consilio, & assensu sex ex gravi-
bus Religiosis, in singulis Capitulis, & Con-
gregationibus generalibus ad causas eiicien-
dorum eligendis, attributa, extendatur etiam
ad quoscunque Provinciales, qui electis pari-
ter in Congregationibus Provincialibus sex
gravibus ex propria Provincia Religiosis, à
Generali confirmandis, de illorum consilio,
& assensu, causas huiusmodi cognoscant, &
ad effectum eiiciendi incorrigibiles suæ Pro-
vinciæ, & ejectionem pronunciandi, acce-
dente approbatione Generalis, definiant, salva
semper S. Sedis, & S. C. C. in casu recursus,
& appellationis, autoritate.

IV. -- Quod imposterum Processus confi-
ciantur juxta Regulas, Constitutiones, Ordi-
nationes, & stylum cujusque Ordinis, & Re-
ligionis, donec aliter fuerit à S. C. provisum.

V. -- At quia nimia sine delectu facilitas
recipiendi quoscunque, Religionis ingres-
sum petentes, & à Religione forsan alienos,
duram satis tractu temporis necessitatem pa-
rit, eosdem à Claustris eiiciendi, ne ejusmodi
femina, quæ à principio ad fructum facien-
dum, cadunt in terram bonam, paulatim con-
taminata inordinatis moribus, usque ad in-
corrigibilitatem subcrescant in paleas, eadem
S. C. annuente S. D. N. sub interminatione
Divini Judicii, nec non privationis vocis acti-
væ, & passivæ, ac dignitatum, & officiorum
obtentorum, cum inhabilitate ad eadem im-
posterum obtinenda, quibuscunque dictorum
Ord. Superioribus districtè præcipit, & man-
dat omnia, & singula Decreta S. M. Clem.
VIII. registrata post Decr. S. M. Urb. VIII. de
Apostatis, & Ejectis incipien. *Regularis, San-
ctissimus, & Nullus*, unà cum aliis subsequen-
tibus

tibus Decretis provisionibus, ordinationibus, & respectivè moderationibus, bis in anno legi, eadem ad unguem servari, pēnas in eisdem contentas innovari, & Capitibus Ordinum intimari, ne hujusmodi Decretorum Transgressores, qui in lege gloriantur, per prævaricationem legis Deum inhonorent, & ne militiæ Christi tam de facili fiant desertores, ac profugi. Dat. Romæ die 24. Julii 1694.

G. Card. Marefcotus Pro-Prefectus.

R. Pallavicinus S.C.C. Secretarius.

Collectio Bull. Innocentii XII. pag. 287. Decret. incipit: *Instantibus Procuratoribus Generalibus.*

C A P U T XXVIII.

Officialis quoad Quartam Funeralium. 7

S U M M A R I U M.

- 1 *Quarta Funeralis describitur.*
- 2 *Non semper, nec ubique datur quarta pars.*
- 3 *Romæ datur medietas.*
- 4 *Consuetudo localis non extenditur.*
- 5 *Quid nomine Funeralium intelligatur?*
- 6 *Constitutio Pii V. Et si Mendicantium, revocatur à Greg. XIII., cū disponit contra Trid.*
- 7 *Super solutione Quartæ consuetudo servatur.*
- 8 *Prajudicium Parochorum vitandum.*
- 9 *De Candelis, quæ ad manus Fratrum dantur, Quarta non debetur.*
- 10 *Fratres Minorum de Observantia Privilegium habent à Sixto IV.*
- 11 *Referuntur casus, in quibus iidem à Clem. IV. eximuntur.*
- 12 *Ordinis Prædicatorum amplum Privilegium enuntiatur.*

R

13 *Quar-*

- 13 *Quarta non debetur de Missis, Legasis &c.*
- 14 *Exponitur clausula salvo jure, & justitia Ecclesiarum.*
- 15 *Quid sit necessarium, ut Regulares teneantur ad solutionem Quarta?*
- 16 *Monasteria erecta post Concil. ad Quartam non tenentur.*
- 17 *Referuntur Decreta S.S.C.C.*
- 18 *Ex restrictione Quarta ad Quadragenariam quid deducatur?*
- 19 *Dictio ante, apposta in Decreto Concilii quid significet?*
- 20 *Monasteria fundata post publicationem Concilii sunt exempta: & quando?*
- 21 *Item si fuerint erecta intra quadraginta Annos ante publicationem.*
- 22 *Parochis incumbit probare, Regulares teneri ad solutionem Quarta.*
- 23 *Authores referentes Privilegia exemptiva Regularium à solutione Quarta.*
- 24 *Quae obtinuerint Celestini, Carmelita, Minimi, & Praedicatores.*
- 25 *Privilegia Minorum.*
- 26 *Quae Privilegia emanata intra quadragenariam ante publicationem Concilii, Concilium revocet.*
- 27 *Moniales eximuntur à solutione Quarta; & quando?*
- 28 *An Parocho Quarta debeatur, si funus transferatur?*
- 29 *Pompa Exequiarum serò, & manè facta, una censetur.*
- 30 *Quarta solvitur Parocho, in cujus Ecclesia Defunctus Sacramenta percepit.*
- 31 *Quid dicendum de habente domicilium in duabus Parochiis?*
- 32 *Portio non solvitur Ecclesiae, in qua est Sepultura Majorum.*

Quartam, quæ funeralis dicitur, est, per Doctores, quadam Portio à Canonibus inducitur, & approbata (& idè Canonica appellatur) Parocho, propter Sacramentorum administrationem debita, ex iis, quæ Regularibus obveniunt, ex quo in ipsorum Ecclesiis eligat quis Sepulturam, & apud eos sepeliatur.

Hujusmodi portio *Quarta* nominatur in Clementina *Dudum de Sepulturis in 6 lib. 3. tit. 17. §. Verum*, ubi disponitur à Regularibus esse præfatorum quartam partem Parocho solvendam. Et in *extravag. Inter cunctas de Privileg. lib. 5. ad medietatem Benedicti XI. extendit*. Propterea liquet, & notavit Antonell. *de Regimine Eccl. lib. 1. cap. 13. num. 7.* Canones in quota non concordare; Et in quibusdam partibus, apud Mirand. *Manual. Prælat. tom. 2. qu. 48. concl. 2.*, est medietas: in aliis tertia, vel quarta pars, secundum varia jura, & consuetudines; Quibus in hac materia esse standum, nemo dubitat, & firmat Piasec. *Præf. Epif. part 2. cap. 5. art. ultimo sub n. 45. verb. Quanta. Confect. Sum. Privileg. Mendic. tit. 19. cap. 1. de Sepulturis*, & expressè habetur *Cap. Certificari de Sepulturis lib. 3. tit. 28.* ubi exponens Pontifex illud *Salva justitia &c.* ait: *Ille justitia circa medietatem, vel tertiam, aut quartam partem pro locorum diversitatibus attendatur.*

3 Unde hinc Romæ datur medietas cereorum, intortitorum, & candelarum, quæ accenduntur, cum Cadavera deferuntur ad Ecclesias, in quibus sibi elegerunt Sepulturam; & æquali portione inter Parochum, & alios, etiam Regulares, apud quos tumulantur, dividuntur, ea item, quæ pro celebrandis Divinis Officiis, præsentem corpore, & priusquam terræ tradatur, ac circa Castrum

R do

doloris, & in Altaribus accenduntur: Sicut etiam arma, lectum, ornamenta, culcitra, seu pannus sericus, tabulæ, & similia. Et id propter specialem, & antiquam consuetudinem, quæ vim etiam obtinuit ex Decreto S. C. *Vist. Apost. die 5. Octobr. 1620. ab Urbano VIII. approbato*, ut refert Pasqual. ad Laurentium *de Franchis prima par. sub nu. 28.*

- 4 Quæ tamen consuetudo, utpotè localis, non extenditur ad alia loca extra Urbem, ut in terminis tradit Donat. *Prax. Reg. tom. 3. tract. i. quest. 12. num. 2.*, & facit, quod habet Pignatell. *tom. primo consult. 52. num. 5.* consuetudinem non transire de loco ad locum.
- 5 Nomine funeralium, ad effectum detrahendi quartam favore Ecclesiæ Parochialis, ex allegata Const. Benedicti, veniunt ea, quæ cum funere deferuntur circa cadaver à Domo Defuncti ad Ecclesiam; & quicquid sit, an præfata fueriet revocata à Concil. Vien. ut vult *Glossa in Clementina Dudum verb. Funeralibus*, id liquet fuisse innovatum per Pium V. *Const. & s. Mendicantium. Bull. Cherub. tom. 2. pag. 227. num. 11. verb. Quarta* his verbis: -- Et ubi solvi consuevit, id tantum ceræ, & aliorum, quæ in aliquibus partibus deferri contigerit tempore, quo Defunctorum corpora ad Sepulturam deferuntur &c. Sicque intelligi Concilii Decretum, quo ad quartam hujusmodi solvendam, debere cernimus. --
- 6 Et quo ad hoc non est allegata Constitutio revocata à Gregor. XIII. in *Const. Incipit In tanta idem Bull. pag. 370.* Cùm revocatio Pianæ Constitutionis, ejusdemque reductio ad terminos Concilii per Greg. factæ, respiciant eam,

eam, quo ad ea à Pio Regularibus concessa contra formam ejusdem Concilii; non verò declarationes per ipsum factas, circa modum solutionis Quartæ; quippè, cum nil specialiter de hoc Concilium disposuerit, & dumtaxat decreverit Quartam esse solvendam, & non expresserit, in quo hæc Quarta consisteret, infertur Constitutionem Pii non esse ea parte abrogatam, qua declarat consistere in cereis, circa cadaver deferre solitis. Ideò in eo subsistere est certum, utpotè declarativam, & non destructivam legis Conciliaris, prout notavit Antonel. *sub nu. 9. Rota in Licien Quarta funeralium 15. Januarii 1518. apud Pasqual. ibi. cit. Lezz. Sum. qq. Reg. tom. 3. verb. Quarta funeralis in 6 Mirand. loc. item cit. art. 12.*

- 7 Verum, etiam in hoc est particularis locorum consuetudo servanda, quod significat *Trid sess. 25. cap. 13. de Ref.* per hæc: *Et eadem portione, quæ antea solebat*, & firmavit S.C.G. *sub die 18. Julii 1699. in una Mantuana Quarta funeralis*, quæ in favorem Regularium adversus ejusdem Civitatis Parochos, rescripsit, ut infra: -- In casu, de quo agitur servandam esse consuetudinem solvendi Quartam in medietate cereorum tantum, quæ deferuntur.
- 8 Et debitum servandæ consuetudinis est in terminis equitatis, quia ex multorum locorum praxi, pompa funeris celebratur intra Ecclesiam, & nihil ferè defertur cum corpore Defuncti; unde si in præfatis, & de solis iis, quæ cum corpore deferuntur, esset Quarta solvenda, relevans præjudicium Parochi reportaret.
- 9 Et quamvis Piassec. *loc. cit. part. 2. cap. 3. art. 6. sub n. 60.* Quartam funeralem asserat deberi ex omnibus: dictum limitat, excipiendo

candelas, quæ ad manus Fratrum dantur; addendo præterquam, de quibus expressè in Privilegiis exēptionū cavetur, ne de iis exigatur.

- 10 Propterea nequit à Fratribus Minoribus exigì de candelis (etiam ubi est consuetudo, ut Quarta ab eis solvatur) ex concessione ipsis facta à Sixto IV. *Const. Regimini, Mare Magnum* nuncupata, *Bull. Cher. tomo 1 pag 408.*, ubi §. 6. habetur: -- Nec similiter aliqua portio debeatur de his quæ ad certos determinatos usus eidem Fratribus, vel eorum domibus in genere, aut in specie: etiam de bonis eorum, quorum cadavera apud eos contigerit sepeliri; nec etiam in casibus, in quibus per ejusdem Clementis, & aliorum Prædecessorum nostrorum specialia Privilegia, Fratres ipsi ab hujusmodi solutione Quartæ sunt exempti; nec aliquo casu de candelis, quæ ad manus Fratrum dantur, Quarta aliqua quomodolibet detrahatur. -- Cum amplissimis derogatoriis Constitutionis Bonifacii VIII. *de una, & duabus dietis, & super Cathedram; & Clementinæ Dudum, ac aliorum in contrarium facientium.*

- 11 Casus autem, in quibus eos Clemens IV *Const. Virtute conspicuos* exemit, refert ipse §. 26. -- Concedimus, *ait*, quoque vobis, ut de his, quæ in ornamentis, vel pro eis, aut libris, fabrica, luminaribus, anniversario, septimo, vigesimo, trigesimo, ac aliis ad perpetuum cultum Divinum, seu pro pitantiis, aut victu ad sustentationem vestram, vel indumentis, necnon pro annuis censibus redimendis, ad quorum solutionem aliquæ Domus vestri Ordinis obligatæ noscuntur, vel de Domibus, prædiis, & hortis, & locis emendis vobis legantur &c. nulli canonicam justitiam, aut por-

portionem aliquam teneamini exhibere. Et ne quis à vobis, vel ultimarum executoribus voluntatum, seu decedentium Hæredibus de præmissis aliquid exigere, vel extorquere præsumat, districtiùs inhibemus &c. --

- 12 Non minoris amplitudinis Privilegia idem Sixtus *Const. Regimini, item Mare magnum nominata*, sacro Prædicatorum Ordini elargitur. Et deinde Pius V. *Const. Ad hoc Nos loc. cit. Bull. pag. 233. §. 10.* declaravit eos ad solvendam Quartam non teneri de legatis, donatis, siue quomodolibet elargitis pro Anniversariis, aut Missarum celebratione. Et generaliter *Const. Et si Mendicantium nu. 11. verb. quartam*; & ubi hanc Regulares solvere consueverunt, decernit: Concilium esse intelligendum, eam non deberi de Missis, seu Legatis, vel aliis Fratribus ipsis, seu Monialibus bujusmodi relictis, aut aliàs quomodolibet donatis. De quibus nullam deberi notavit Confectius *summ. Privil. cap. Et tit. cit.* ubi, exponens clausulam *Salvo jure, & justitia Ecclesiarum* (qua plures usi sunt Pontifices, qui concesserunt posse seculares sepulturam eligere in Ecclesiis Regularium) ait, quod etiam refert Piasacus *loc. cit. art. 6.* esse intelligendam dumtaxat de iis, quæ cum funere deferuntur (nisi consuetudo juxta superius dicta aliud evincat, vel de aliis juribus Parochialibus diversis ab exceptis, & expressis in Privilegio exemptionis. Quod colligi potest ex Mari magno Minorum, & in terminis declaratur in illo Prædicatorum.
- 15 Ut Regulares ad quartam teneantur, necessarium consideratur; quod Conventus, & Monasteria fuerint erecta quadraginta annis ante Concilium, & quod totidem annis solvere consueverint.

Quod liquet ex decreto S. C. Trid. *sess. 25. cap. 13. de Ref.* ubi : -- Decernit sancta Synodus, ut quibuscumque in locis, jam ante annos quadraginta, quarta, quæ funeralium dicitur, Cathedrali, aut Parochiali Ecclesiæ solita esset persolvi, ac postea fuerit ; ex quocunque privilegio aliis Monasteriis, hospitalibus ; aut quibuscumque locis piis concessa, eadem post hac integro jure, & eadem portione, quæ antea solebat, Cathedrali, seu Parochiali Ecclesiæ persolvatur : non obstantibus concessionibus, gratiis, privilegiis, etiam Mari magno nuncupatis, aut aliis quibuscumque. --

16 Ideo post eos annos erecta non tenentur, ex declaratione Pii V. *Const. allegata, Et si Mendicantium num. 11.* -- Quarta autem funeralium, de qua *sess. 25. cap. 13.* nequaquam solvere teneantur Monasteria, quæ à quadraginta annis citra fundata existunt : postquam Concilium ipsum loquitur tantum de Monasteriis ante annos quadraginta fundatis, quæ ipsam quartam solvere consueverant.

17 Et pluries firmavit S. C. C. *Et in una Pam-pilonen. lib. 43. positionum fol. 825. censuit caput 13 sess. 25.* -- non comprehendere Monasteria, ædificata à quadraginta annis citra, aut quæ in dies ædificantur, aut in futurum ædificabuntur, præsupposito, quod hujusmodi Monasteria, ejus sint Religionis, cui à Sede Apostolica indultum sit, ut quartam funeralem solvere non teneantur. --

Et in una *Meliten. 2. Augusti 1607. lib. 11. decret. fol. 13. à ter.* S. Cong censuit, si Religioni S. Francisci de Observantia ante quadraginta annos ante Concilium à Sede Apostolica indultum fuit, ut quartam hujusmodi solvere non teneatur, non teneri ad solvendam eam, hanc

hanc Ecclesiam post Concilium acquisitam, tametsi, antequam Religioni prædictæ acquireretur, eam solvere dicta Ecclesia consuevisset. -- Et in una Hieracen. lib. 2. decr. fol. 17. & in una Nullius 1625. lib. 12. decr. fol. 203. à terg. Et in una Ausculana lib. 30 decret. fol. 503. 2. Septembris 1679. Et alibi sæpè.

Et die 17. Novembris 1673. -- S. C. Episc. & Reg. censuit Monasteria, quamvis à quadraginta annis citra edificata, non teneri ad quartam Parochiali Ecclesiæ præstandam, si sint ejus Religioni, cui à Sede Apostolica ante quadraginta annos indultum fuerit, ut quartam solvere non teneatur &c. Contrafacientes pœnis, & censuris, ab eorum Ordinariis, sibi bene visis, severè esse puniendos.

18. Colligitur Tridentinum, ex restrictione quartæ, Parochis debitæ in casu quadragenariæ consuetudinis, supra ipsum legitimè præscriptæ, supponere adhuc subsistentia, & in viridi observantia Privilegia Regularium exemptiva in cæteris casibus.

Immo, si per Concilium eadem, in ordine ad quartam, abrogata fuissent, inutilis foret sæpè à S. C. C. adhibita, & repetita distinctio inter Conventus, ante, & post Concilium erectos.

19. Dictio ante posita in præallegato Concilii decreto non significat annos quadraginta esse computandos supra ejus initium, sed supra ipsius publicationem, ut in causa *Oritana die 27. Februarii 1649.* Sac. C. C. respondit, -- nimirum Patres Cælestinos non teneri ad solutionem quartæ funeralis, ex Privilegiis eisdem concessis supra quadraginta annos ante Concilium Tridentinum publicatum. -- Et notat Antonell. loc. sub nu. 9.

Ex quo habetur, quod cum Conciliū fuerit

- per Pium IV. *Const. Benedictus Deus* 1564. *se-
ptimo Kal. Febr.* confirmatum *Bull. Cber. tom. 2.
p. 103.* & primo Romæ publicatum; ut tra-
dit etiam *Bail. tom. 1. sum. Concilior. verbo Con-
cilium Trid. sess. 3. de receptione Concilii pag. mi-
bi 737.*, & habetur in citata *Licien. Mona-*
20 *steria* fundata potest ejusdem publicationem,
vel etiam intra annos quadraginta, scilicet
post 27. Januarii 1624. (prout similiter in ea-
21 *dem Lycien. & apud Gabat. tom. 2. Operum
Moralium tract. 5. verb. ubi sepelien. cap. 50. nu.
76.*) si erunt illius Religionis, quæ quadra-
ginta annis ante præfatam, Privilegium
exemptionis quoad quartam acceperit, & fue-
rit in possessione non solvendi, & ipsa exem-
pta erunt; ex Regula quod *Dependens sequi-
tur naturam dependentis*; si verò Religioni,
cujus sunt membrum, unquam id fuerit in-
dultum, & solvere consuevit, & illa ad sol-
vendum erunt obstricta, ut tenuit *Rota in
Posnanien. jussu Parochialium 5. Maii 1698.
coram Priolo.*

Nisi specificè eximantur per Privilegium
continens expressam derogatoriam allegatæ
dispositionis cōciliaris, & Clementinæ *Dudæ.*

- 22 In casu, quo Regulares ad quartam præ-
standam non teneri sublineant, Parochis pro-
bare incumbit quadragenariam consuetudi-
nem, eosque quadraginta annis supra publi-
cationem Concilii eam solvere consuevisse, ut
in terminis respondit S.C.C. *in causa Mino-
rum de Observantia Provincia Polonia 14. No-
vembris 1682. lib. 32. decret. fol. 476.* ubi ad
quæsitum, - an ad Parochos, vel potius ad
Superiores Regulares Conventuum, spectet
onus probandi, quartam à controversis Con-
ventibus solvi consuevisse, vel non, per qua-
dra-

draginta annos ante Concilium? Sacr. Cong. respondit, spectare ad Parochum. --

Quia verò ad firmandum in casibus particularibus Privilegium exemptivum à quarta, solet in decretis SS. CC. apponi clausula restrictiva, ut, -- si Religioni ante annos quadraginta ante Concilium à Sede Apostolica indultum sit: vel præsупposito, quod sit ejus Religionis, cui sit indultum, ut quartam fun-

23 neralem solvere non teneatur. -- Ideò, ut constet, quibus id fuerit concessum, videri possunt *Casarubios compend. Privileg. verb. Canonica portio*. Mirand. *loc. cit. art. 6 Rota in Lycien. cit. Peyrin. de Privil. ad Const. unicam Pyrrhi §. 11. pag. 11*. Et plura per extensum refert satis doctum Summarium Typis R. C. A. datum, & in allegata Mantuan. *Quarta Funeralis* Sac. C. C. per Regulares exhibitum.

24 Et quo ad hoc, notandum, Eugenium IV. sub anno 1404 Const. incipit *Ad decorem*, exemisse Cēlestinos: Nicolaum V. qui Ecclesiæ præfuit circa annum 1447. Const. incipit *Inter cetera*, Carmelitas. Julium II. quinto Kal. Augusti 1506. Const. incipit, *Et licet juxta* Minimos. Leonem X. Const. *Exponi Nobis* 25. Junii 1518. & Paulum IV. Const. *Ex Apostolica* 9. Martii 1556. Prædicatores.

25 Minores Privilegium exemptivum à quarta receperunt ab Alexandro VI. Const. *Sacra Religionis* 5. Febr. 1501. apud Roderico collect: *Privileg. Apostol. tomo 1. Bulla* 7. prout sequitur: -- Sacra &c. Vobis, ut de cætero omnibus, & singulis gratiis, privilegiis, libertatibus, immunitatibus, & indultis spiritualibus, & temporalibus, tam Fratrum Prædicatorum, quam Hæremitarum Sancti Augustini, & B. Mariæ de Monte Carmeli,

omnibusque aliis Mendicantibus per Sedem Apostolicam, vel per Legatos ejusdem, etiam per literas Apostolicas, Mare magnum nuncupatas: etiam quo ad exemptionem à solutione quartæ, locorum Ordinariis, & Parochialium Ecclesiarum Rectoribus debitæ, à qua vos potiori pro cautela eximimus (quibus directè iisdem exemptivum Privilegium cōceditur) hactenus concessis, quorum tenores, ac si de verbo ad verbum infererentur, haberi volumus pro sufficienter expressis, uti potiri, gaudere libere, & licitè possitis, & debeatis in omnibus, & per omnia, perindè, ac si vobis specificè concessa fuissent, Constitutionibus, & Ordinationibus Apostolicis, nec non omnibus illis, quæ in literis prædictis concessa sunt non obflare, cæterisque contrariis nequaquam obstantibus, autoritate Apostolica, tenore præsentium de specialis dono gratiæ indulgemus, illaque vobis de novo concedimus. Datum Romæ apud Sanctum Petrum sub annulo Piscatoris die 5. Februar. 1501. --

Idem concessit Leo X. *sub die 16. Febr. 1514. Const. incip. Affectu benevolentia*, apud eundem Roder. *cit. Const. 22. pag. mibi 253*. Et *sub die 30. Maii 1525. Const. dum fructus uberis* confirmatur à Clem. VII. Quibus Julius II. 6. Novemb.: ut tenuit Rota in *Lycien. & idem Mirand. & Casarub.* notant, itidem Privilegia aliis Mendicantibus concessa communicavit, & illa de novo concessit, ac expressè eos exemit à solutione quartæ, ut constat ex narrativis allegatæ Constitutionis Leonis. Et *sub anno 1555. 1. Julii Bull. Cherub. tom. 1. pag. 806*. Paulus IV. *Const. Ex Clementi* eorundem Minorum Privilegia confirmavit, indultumque exemptivum à quar-

ta impertitus est, ut sequitur: -- Ac ab ipsi-
impositionibus, gravaminibus, oneribus^s
decimis, quarta, & quinta, etiam funeralium²
& aliorum quorumcumque eis legatorum,
& oblatorum, ac concessorum pro tempore,
nec non Pedagiis, & Gabellis, ac omnibus, &
singulis aliis supradictis liberapenitus immu-
nia; & exempta (scilicet, loca, & Monasteria,
Superiores, Fratres, & Moniales) autoritate
Apostolica, & tenore prædictis, etiam conce-
dimus, ac statuimus, & ordinamus. --

Et § 15. apponit clausulas -- non obstanti-
bus præmissis, ac constitutionibus super Ca-
thedram Bonifacii, & dudum Conc. vien., ac
Clementinæ Religiosi de Privil. & dudum
de sepulturis, ac etiam Ex frequentibus de
sentent. Excommunicat. & Extravagante ad
conditorem Ioannis XXII. cum aliis consti-
tutionibus eandem materiam prædictæ ex-
travagantis tangentibus, seu concernenti bus:
ac Regulis Cancellariæ Apostolicæ, jam edi-
tis, & in futurum edendis, ac piæ mem. Bo-
nifacii Papæ VIII. etiam prædecessoris No-
stri, de una, & in Concilio generali de duabus
dietis, editis &c. --

Nec dicendū præfatas Pauli literas, utpote
emanatas, cum supra, sed intra quadraginta
annos ante publicationem Concilii, fuisse ab-
eodeminet Concilio abrogatas; quoniam Cō-
cilium *sess. & cap. cit.* abrogat solum, quoad
hoc Privilegia exemptiva, intra quadraginta
annos emanata, respectu Conventuum, & Mo-
26 nasteriorum erectorum supra quadraginta an-
nos ante ejusdem publicationem, & quæ per
annos quadraginta consueverint quartam Ec-
clesiæ Parochiali præstare; mandans, revoca-
tis ad hunc effectum privilegiis, solutionem

esse continuandam; ut ex ejusdem liquet i-
ctura, & tenuit Rot. in *Senogalien quarta Fu-*
neralis coram Rondanino 11. Ianuarii 1686.
& colligi potest ex Antonello *loc.cit. n.9.* non
verò ante huiusmodi tempus concessa, & po-
steà à S.Sede confirmata.

- 27 Nec Moniales, nisi adsit in contrarium cò-
suetudo legitima ad quartam solvendam te-
nentur, ut pluries S.C.C. declarasse, & præser-
tim in *una Albiganen 16. Mart. 1652. ad c. 13.*
sess. 25. de Refor. refert Pignatell. 10. 1. conf. 381.
- 28 Si postquam corpus fuerit sub sacra recon-
ditum gleba, contingat ad diem sequentem
funus transferri, majori pompa celebrandum,
debetur Parocho quarta de intortitiis, & ce-
reis, quæ occasione illius accenduntur. Et su-
per hoc referri à Barbosa *de offic. & potest. Pa-*
rochi c. 25. n. 38. decret. S.C. Episc. & Reg. sub 3.
Aug. 1621. tradit Donat. trad. 21. q. 11. num. 2.
quia præsumitur, quod pompa fuerit in frau-
dem Parochi translata in sequentem diem.
- 29 Extende etiam ad casum, quo ob fœtorem
Cadaveris celebrari exequiæ eodem die non
possent. Præsertim etiam, quia pompa exe-
quiarum sero, & mane facta per Remigium
Scrofa in examine ejusdem decreti apud Do-
nat. *cit.* una censetur.
- 30 Notandum, quod Parochus, cui quarta fu-
neralis debeat perfolvi, ille esse debet, in cujus
Ecclesia defunctus solebat Sacramenta reci-
pere, & audire Divina. Ex *cap. cum quis de se-*
pult. in 6. lib. 3. tit. 12. ubi notat glossa, quod ha-
bens duo domicilia in duabus Parochiis, ad
quæ se æqualiter transferat, adeò ut, sex men-
sibus in uno, & totidem in altero, habitet, si
in tertia Ecclesia sepulturam eligat, solvenda
portio, est inter Præfatarū Parochos dividenda.

Sicut

Sicut per medium tradit esse solvendam
eisdem, dum habens domum, quæ æqualiter
ad binas spectet Parochias, in tertia sepeliatur.
32 Et si quis, dimissis, Ecclesia Parochiali, &
Ecclesia, in qua sepulti sunt sui majores, & in
qua fuisset ipse sepultus, si nonelegisset in alia
sepulturam, istam in alia Ecclesia eligat, por-
tio canonica solvi debet Parochiali, & non ei
in qua est sepultura suorum majorum, quippe
ex observatione Glossæ *loc. cit.* §. *nota 1.* sepul-
chrum majorum non præfertur Ecclesiæ Pa-
rochiali; & portio solvitur in recompensa-
tionem laborum, quos sustinuit Rector Ec-
clesiæ Parochialis in celebrando Divina, &
ministrando Sacramenta ipsi defuncto.

C A P U T XXIX.

*Officialis quoad administrationem Sacra-
mentorum.*

S U M M A R I U M.

- 1 Fideles semel in Anno proprio debent Sacer-
doti confiteri.
- 2 Sententia non fertur nisi in subditos.
- 3 In absolvente necessaria est Jurisdictio delega-
ta, vel ordinaria.
- 4 Qui veniant nomine proprii Sacerdotis?
- 5 Qui cōfiteatur habenti licentiam à summo Pon-
tifici, non tenetur semel in Anno Paroch
confiteri.
- 6 Papa est proprius omnium Sacerdos.
- 7 Confessione, per Regulares ab Episcopo appro-
bata, audita, satisfat præcepto Ecclesiæ.
- 8 Regulares habent privilegium audiendi confes-
siones à Papa.
- 9 Sunt delegati à Sede Apostolica.

- 10 Error circa confessos apud Regulares.
- 11 Quo tempore non possint secularium confessiones audire?
- 12 Die Paschatis Resurrectionis Eucharistiam secularibus non ministrant?
- 13 Seculares tunc sumentes Eucharistiam in Ecclesiis Regularium non satisfaciunt Præcepto.
- 14 Secus si sint Parochia.
- 15 Regulares debent approbari ab Ordinario, quoad Tertiarios.
- 16 Infirmis extra Claustra, quæ Sacramenta nequeant administrare?
- 17 Quæ possint suis commensalibus?
- 18 Spinos benedicere nequeunt.
- 19 Quid dicendum quoad existentes in Grangiis?
- 20 Et quid quoad advenas apud eos infirmos?
- 21 Tempore Paschali possunt audire confessiones omnium.
- 22 Afferentes, confessiones Sacramentales factas apud Religiosos esse sacrilegas, damnantur.
- 23 Religioso agrotanti extra Monasterium Parochus ministrat Viaticum.
- 24 Clericus ministrans in Ordine, quem non habet, est irregularis.

Concilium Lateran. IV. sub Innoc. III. decrevit, ut Fideles, saltem semel in anno omnia sua peccata proprio Sacerdoti confiteantur: & eodem cap. addit: -- si quis autem alieno Sacerdoti voluerit iusta de causa sua confiteri peccata prius licentiam postulet, & obtineat à proprio Sacerdote, cum aliter ille ipsum non possit absolvere, vel ligare: Duhamel *Theol. Cler. tom. 3. de Sacram. lib. 4. dissert. 3. c. 3. n. 3.* Bail. *sum. Conc. 20. r. pag. 413. n. 21. lit. D.* Et rectè, quia confessio Sacramentalis ex Trid. *sess. 14. can. 9. de Penit.*

- Pœnit. Sacram.* est actus Judicialis, non autem nudum ministerium pronunciandi, & declarandi remissa esse peccata confitenti. Et c. 7. *habet*, natura verò, & ratio judicii illud exposcit, ut sententia, in subditos dumtaxat, feratur. -- Etenim nullus ligari, vel absolvi à non suo Judice valet; quod cap. postremo citato confirmat, statuens, - nullius momenti absolutionem eam esse debere, quam Sacerdos in eum profert, in quem ordinariam, aut subdelegatam non habet jurisdictionem. --
- 4 Nomine proprii Sacerdotis, non veniunt soli Parochi, & Curati, quibus animarum cura est commissa, sed præter ipsos, primo loco venit Papa, qui est maximus, & summus Sacerdos in Ecclesia: Episcopus, & ejus Vicarius Generalis in propria Diœcesi, aliiq; apud Fag. *c. omnis de Pœn. & rem. pag. mibi 130 sub n. 56.*

- Propterea quicumque sua peccata confitetur habenti licentiam à Summo Pontifice audiendi Confessiones, faciendas ex præcepto Concilii Later. præcepto Concilii satisfacit. Nec tenetur, etiam semel in anno, confiteri Parocho, aut alii ulli de hujus licentia; quia Concilium non vult aliud, quam, quod quis semel, saltem in anno, confiteatur proprio Sacerdoti, aut alii de ejus licentia; qui autem confitetur alicui habenti licentiam à Papa, confitetur illi de licentia proprii Sacerdotis: de licentia nimirum Papæ, qui in Ecclesia Catholica est proprius omnium fidelium Sacerdos: cujus Diœcesis ex eodem *num. 17.* est universus Orbis, cujusque jurisdictio non est restricta ad ullius Territorii limites.

- Consequenter, qui Regularibus (ab Episcopis approbatis) confitentur, præcepto Ecclesiæ satisfaciunt, quia confitentur habentibus

tibus licentiam, & facultatem à proprio Sacerdote, nimirum à Papa; à quo per Fagn. *loco adducto* recipiunt Regulares licentiam¹ audiendi Confessiones secularium. Quod etiam notarunt Confess. *sum. Privil. Ord. Mendicant. tit. 17. c. 15. concl. 6.* & Donat *praxis reg. to. 3. tract. 4. q. 33.* inter enim proprios Sacerdotes, multo iustius, connumeratur Rom. Pontifex, qui, dependenter ab Episcopi approbatione, privilegium audiendi secularium confessiones, eosque Sacramentaliter absolvendi, Regularibus impertitur, & ita, ut qui, illis in Confessarios approbatis, tamquam Papæ delegatis, confitentur, perinde satisfaciant præcepto Ecclesiæ, ac si propriis Parochis confiterentur; cum licentia Papæ maiorem, & omni ex titulo, vim habeat, quam illa Curati. Et facit glossa per ea in *c. Si Episc. de pen. & remis. in 6. verb. item 3. præsupponendum*, quod -- Quis dicitur habere plures proprios Sacerdotes; scilicet, Rectorem Ecclesiæ Parochialis, Episcopum, Legatum, & Papam, qui habet generalem curam omnium Christianorum; & sufficit habere licentiam ab altero istorum: Mendicantes verò sunt Delegati à Sede Apostolica. --

- 10 Unde errorem dicentium Regularibus Confessos, iterum Parocho teneri confiteri, etiam ejusdem Confessio testimonio, damnavit Sixtus IV. *Const. 6. & 7. Regimini, Mare magnum Predicatorum, & Minorum, respectivè nuncupatis, Bullar. Cber. to. 1. pag. 408. & 411.* Et Conc. Lateranense V. sub Leone X. declaravit, confessos Regularibus satisfacere *Constit. Omnis utriusque sexus v. Const. dum intra cap. offic. quoad privil. pag. 218. n. 2. §. 4.*

- 11 A Palmarum die usque ad Dominicam in Albis

Albis secularium Confectiones valent audire, ex S. C. C. decreto *sub die 9. Jul. 1644.* tenoris qui sequitur S. C. &c. post maturam discussionem censuit Archiepiscopum Burdigalensem non posse prohibere Regularibus habentibus privilegia Apostolica, ut à Dominica Palmarum usque ad Dominicam in Albis inclusive administrare non valeant Sacramentum Confectionis, posse tamen eisdem prohibere, ut personis secularibus in die Paschatis non administrent SS. Eucharistiæ Sacramentum, **12** etiam si dictæ personæ seculares, alia die, satisfecerint præcepto Ecclesiæ; quam determinationem *sub die 7. Februar. 1645. const. exponi nobis, relatum per Poncium cursu Theol. disp. 46. q. 9. n. 121.* confirmavit Innoc. X.

Et nedum tempore in decreto expressio secularium Confectiones audire, verum etiam iisdem pro eodem, valent Sacramentum Eucharistiæ ministrare, pro ut, proposito dubio in causa Mechlinen. *Ministrationis SS. Eucharistiæ Sacramenti: - An PP. Societatis, aliique Regulares possint ministrare SS. Eucharistiæ Sacramentum personis secularibus à Dominica Palmarum usque per totam Dominicam in Albis?* ead. S. C. C. *die 31. Ian. 1682.* respondit affirmativè, excepto die Paschatis; ita tamen, ut seculares, sumentes Eucharistiam in Ecclesiis Regulariū in aliis diebus à Dominica Palmarum ad Dominicam in Alb. inclusive, **13** nō satisfaciant præcepto Ecclesiastico Limita, nisi sint Parochiæ: & tunc soli Parochiani. **14**

Ii verò, qui de Tertio Ordine vocantur, nequeunt in Paschate sacram Synaxim à Regularibus sumere, ut *sub die 20. Decembr. 1616.* apud Peyrin. *ad Const. 4. Sixti IV. pag. 42. §. 7. n. 49.* statuit S. C. Episc. & Reg. prout sequitur,

tur, S. C. & c. statuit juxta multas ejusd. Congregationis responsiones, non posse Sacerdotes Regulares audire Confessiones Sacramentales mulierum Tertii Ordinis, quæ de penitentia dicuntur, nisi fuerint ab Ordinario approbati ad Confessiones secularium audiendas: quemadmodum nec posse illis administrare Sacratiss. Eucharist. Sacramentum in die Paschatis Resurr. D. N. I. G. decrevit etiam S. C. Conc. *Flos. Nicol. V. tertiaria* n. 3.

Quod Leo X. *Const. dum intra Bull. Cherub.* no. I. pag. 586. extendit etiam ad Extremam Unctionem, & extra Ecclesiastica Sacramenta his verbis: -- Fratres autem, & Sorores Tertii Ordinis, nec non Mantellati, Corrigiati, Pizzocharæ, Cordellati, & alii, quocumque nomine nuncupati, in propriis domibus habitantes, sed die Paschatis tantum Eucharistiam, nec non Extremam Unctionem, cæteraque Ecclesiastica Sacramenta (Pœnitentiæ Sacramento dumtaxat excepto) à proprio Sacerdote (scilicet Parocho) recipere teneantur.

Ibidem in Superioribus prohibet Eucharistiam, & Extremam Unctionem, ministrare infirmis, quorum Confessiones audierunt: --, Eucharistiæ verò, & Extremæ Unctionis aliaque Ecclesiastica Sacramenta, illis, quorum, etiam Infirmorum, ac decedentium
 16 confessiones audierint, dicentibus proprium Sacerdotem illa sibi dare denegasse, dare nequeant, nisi denegatio sine legitima causa facta, vicinorum testimonio probata, aut requisito coram Notario publico facta doceretur.

Suis autem continuo commensalibus pro tunc, & non aliàs, Extremam Unctionem, & Eucharistiam, ex ipsius verbis conceditur ministrare.

17 ministrare: eorundem verò Fratrum obsequio insistentibus, ait, Sacramenta hujusmodi nullatenus ministrare valeant, nisi illorum durante obsequio. v. cap. offic. quoad approb. v. 20.

Ubi resolvit etiam, quod absque Curatorum
18 consensu Sponsum, & Sponsam benedicere nequeant. Et non posse in suis Ecclesiis publicare matrimonia, habetur ex responsione S. C. Concilii sub die 2. Julii 1620 ad 6 dub. ad eandem à Parochis Bononiensibus, cum aliis, deductum, hujus tenoris: *se possano publicare frà la Messa gl'ordini del Sig. Cardinale Arcivescovo, i matrimonii, & altro, che occorra. Respondit publicare matrimonia non posse.*

19 Quantum autem ad famulos, aliosque existentes in Religiosorum prædiis, & Grangiis attendenda est responsio Sac. Congregationis ab Innocent. X. deputatæ super Controversiis vertentibus inter Episcopum Angelorum in Indiis Occidentalibus, & PP. Jesuitas: -- proposito namque utrum Regulares, etiam PP Jesuitæ, in suis prædiis, Officinis, aliisque suis domibus secularibus, sitis intra limites Parochiarum, ad se non spectant ium, possint administrare Sacramentum Baptismatis, solemnisi Matrimonii, Extremæ Unctionis, & Eucharistiæ in festo Paschatis, famulis, mercenariis, Rusticis, sive aliis id genus hominibus secularibus, absque Ordinarii, vel Parochi licentia? Respondit non posse. -- Quod confirmatur ab eodem Innoc. *Constis. cum sicut Bull. Cberub. tom. 4. pagin. 284. dub. 17.*

20 Et circa Advenas, qui in Monasteriis infirmantur observanda est dispositio Sac. Congregat. Concilii, quæ in una Monopolitana

27. Septemb. 1670. ut in lib. 26. decr. fol. 444. --

cenfuit non licere fratribus absque licentia Episcopi, vel Parochi administrare Sacramenta Advenis, qui in eorum Conventibus infirmantur, & si decedant, non posse sepeliri in eorum Ecclesiis.

- 21 Quoad vero Infirmorum, aliorumq; etiam tempore Paschali, confessiones audiendas sine licentia Episcopi, vel Parochi, novissimè concessit Clemens X. *Const. Superna* *sapientia* cit. *his verbis*: -- semel autem simpliciter approbatus posse in Diœcesi Episcopi approbantis, quovis anni tempore, etiam Paschali, & quorumcumque etiam infirmorum, confessiones, audire absque ulla Parochi, vel ipsius Episcopi licentia. De qua tamen confessione teneri dictos Religiosos, eorundem infirmorum Parochum illicò certiorum reddere; & hoc posse ab Episcopo sub pœna suspensionis à facultate audiendi confessiones præcipi: sufficere tamē, ut certioratio hujusmodi, fiat, saltem per scripturam, apud ipsum infirmum relinquendā.

- Est prohibitum asserere hujusmodi confessiones Sacramentales invalidas esse, vel sacrilegas, uti etiam affirmare, posse Parochianum suspicari de non recta hujusmodi Sacramenti administratione, per Mendicantes, qui eleemosynis vivunt, facta ex decret. Alexand. VIII. die 17. Decemb. 1690. à quo inter alias hæ duæ propositiones fuerunt proscriptæ.

Prima. -- Confessiones apud Religiosos factæ, pleræque, vel sacrilegæ sunt, vel invalidæ.

Secunda. -- Parochianus potest suspicari de Mendicantibus, qui eleemosynis communibus vivunt, de imponenda minus levi, & incongrua pœnitentia, seu satisfactione, ob quæstum, seu lucrum subsidii temporalis. --

23 Omit-

- 23 Omittendum non est, quod Religiosus ægrotans extra Monasterium, vel apud suos, aut alibi, debet Viaticum, & Sacram Unctionem de manu Parochi suscipere, nisi iste consentiat, ut ab ipsis Regularibus ministrentur, ut tradit Donat. *prax. Reg. to. III. sr. 10. q. 9 n. 6*
- 24 Nec tacendum, quod Clericus ministrans in ordine, quem non habet, irregularis efficitur, ut si Diaconus Missam celebret, Aquam, vel Nuptias, solemniter benedicat, & solemniter baptizet absque licentia Sacerdotis, cui nimirum competit ex officio; ad quod facit *c. si quis baptizaverit de Cleric. non ordinat. lib. 5. tit. 28.* ubi expressè Textus habet: Si quis baptizaverit, aut aliquod divinum Officium exercuerit, non ordinatus, propter temeritatem abiiciatur de Ecclesia, & numquam ordinetur. --

Verum in eo duo debent concurrere ex Laym. *Theol. mor. lib. 1. tract. 5. p. 5. c. 3. n. 2.* Primum, quod in ea re mortaliter peccet, & non excusetur ignorantia inculpabili; Etenim ut observat Thom. Tamb. *lib. 10. de Cens. tract. 4. de Irregul. c. 4. q. 3. §. 4 plurib. cit.* Irregularitas non incurritur nisi ob culpam mortalem. Secundum, ut solemniter; & tamquam ex officio, ut *cit. cap. eti. in observat gloss. verb. si quis*, exerceatur actus Ordinis, qui secundum Ecclesiæ praxim nequit ab eo exerceri, qui ordine caret Ideò apud ipsum Laym. tradunt dd. irregularem non esse, Clericum, qui etiam Dalmatica indutus canit Epistolam, vel Evangelium, dummodò Manipulum, vel Stolum non deferat; quæ sunt Insigni Diaconi & Subdiaconi respectivè.

An autem irregularitatem incurrat Laicus exercens actum Ordinis, quem non habet?

negat-

negativè dicendum, ex Nicolio *lucubr. juris Canon. lib. 1. tit. 1. de just. & jure n. 2.* referente id à Doctoribus probabiliter teneri; & licèt Textus generalis sit, restringi tamen debet ad casum Rubricæ, & secundum illam explicari. Rubrica autem sic habet; *de Cler non ordinato ministrante; & alia: Clericus ministrans in pertinentibus ad Ordinem, quem non habet, deponendus est, & amplius non ordinandus. Vid. cap. Offic. quoad celebrationē Missar. pag. 40. n. 7.*

C A P U T XXX.

Officialis quoad Sepulturas.

S U M M A R I U M.

- 1 *In Ecclesiis Regularium datur libertas eligendi sepulturam.*
- 2 *Pœna inducentium ad electionem sepulturæ.*
- 3 *Indebitè sepelientes tenentur restituere.*
- 4 *Decedentes sepultura inelecta, tumulantur, vel in ea majorum, vel in Parochiali.*
- 5 *Cū quo sepeliatur mulier, quæ pluribus nupsit?*
- 6 *Vidua sepelitur in sepulcro Martii.*
- 7 *Quando uxor non sepeliatur cum Marito?*
- 8 *Quid dicendum de Gravida moriente?*
- 9 *Annus Pubertatis qualis?*
- 10 *Pater potest filio impuberi sepulturam eligere.*
- 11 *Quando cōsuetudo debeat esse quadragenaria.*
- 12 *Quid dicendum de filio familias.*
- 13 *An filius sepeliri debeat in sepultura Patris, vel Avi?*
- 14 *Religiosi sepulturam sibi eligere nequeunt.*
- 15 *Quando sunt sepeliendi in Parochiali.*
- 16 *Dubia Sac. Cong. Conc. proposita.*
- 17 *Resolutiones.*

- 18 Decedentes cū habitu Religioso ubi sepeliuntur.
- 19 Tertiarii sepeliuntur in Ecclesiis Regularium, & quando.
- 20 Collegialiter viventes ubi tumultentur?
- 21 Decretum pro Cordigeris.
- 22 Novitius sepelitur in Monasterio.
- 23 Famuli pretio à Regularibus conducti sepeliuntur in Parochiali.
- 24 Canonica portio solvitur.
- 25 Si defunctus domicilium habeat in duobus locis, ubi sepeliendus?
- 26 Quid domicilium significet?
- 27 Quid de habente domum in confinio duarum Parochiarum?
- 28 Quid de Prelatis Ecclesiasticis?
- 29 Notantur incapaces Ecclesiastica sepultura.
- 30 Quid de duellante?
- 31 Regula respondendi provocanti ad duellum.
- 32 Sepulti in Ecclesia, quando sint exhumandi.
- 33 Carbecumene conceditur sepultura.
- 34 Jura Parochialia numerantur.

Singulis licet sibi sepulturam eligere in Ecclesiis Regularium: Ex Clem. dudum de sepult. cap. 2. lib. 3. tit. 7. ubi §. Hujusmodi, habetur: - hujusmodi quoque statuto, & ordinationibus nostris adiicimus, ut Fratres dictorum Ordinum in Ecclesiis, vel locis suis, ubilibet constitutis liberam (ut sequitur) habeant sepulturam, videlicet, quod omnes ad eam recipere valeant, qui sepeliri elegerint in locis, & Ecclesiis memoratis. Quod, & Constitutio dum intra: Moderatoria privilegiorum Regularium, edita in Concilio Lateranensi sub Leone X. sequentibus confirmat: Parochias autem cum

Cruce ad levanda funera eorum, qui apud Ecclesias domorum, & locorum eorum, ubi suam elegerint sepulturam &c. & tenuit Rot. cor. Coccine dec. 552. to. 2 p. 5. decis. recent. n. 19. licitum esse Christiano eligere sepulturam in qualibet Ecclesia, etiam si non sit Parochialis; & facit cap. Fraternitatem hoc titulo lib. 3 tit. 28.

- 2 Verum excommunicationem, Papæ reservatam, incurrunt, tam Regulares, quam Clerici *Ex Clem. Cupientes: de penis lib. 5. tit. 8. §. Sanè*, si ad eligendam sepulturam in suis Ecclesiis respectivè quempiam inducant, vel ad non immutandam electam alliciant.

Et cum Textus loquatur de inductione circa proprias Ecclesias, non subiicit censuræ, qui inducit ad sepulturam eligendam in aliena Ecclesia; pœnalia enim sunt strictè interpretanda, Engel. *Colleg. uni. jur. can lib. 111. tit. 28. n. 11.* intellige cessante fraude, & mala fide. *Donat. prax. Regul. to 11. q. 27. n. 4.*

- 3 Apud quos non sunt sepeliendi, qui contra tenorem Constitutionis in eis sepulturam elegerint: & indebitè sepelientes teneri ad restituendum, & ossa defuncti, & quidquid exinde receperint, si petatur, habetur *cap. Animarum de sepult. in 6. lib. 3. tit. 12.* addendo - quod nisi fecerint, Ecclesiæ ipsæ, apud quas sepulti fuerint; nec non & Cæmeteria earundem, ex tunc eo ipso sint, & tamdiù maneant Ecclesiastico supposita interdicto; donec ab eis facta fuerit restitutio plenaria omnium prædictorum.

- 4 Decedentes sine sepulturæ electione, in ea majorum, si existat, sunt tumulandi; si autem, in Ecclesia Parochiali, *cap. hi, qui habet in 6. loco cit.* ubi in terminis de moriente ab intestato, quantum ad sepulturam in loco,

ad

ad quem, vel recreationis causa , vel ad recol-
ligendos fructus, se contulit, di sponit, prout
sequitur. -- Is, qui habet domicilium in Civi-
tate, vel castro, quandoque ad villam ruralem
se transfert recreationis causa , vel ut ruralia
exerceat in eadem : si , non electa sepultura ,
decedat ibidem, non in Ecclesia dictæ Villæ ,
sed in sua Parochiali, vel in ea potius, in qua
majorum ipsius ab antiquo sepultura extite-
rit , sepeliri debebit : dummodo absque peri-
culo ad ipsam valeat deportari .

5 Et de muliere ; quæ pluribus nupsit, dici-
tur: -- Mulier autem , quæ plures viros ha-
buit successivè , si sepulturam non eligat , est
cum viro ultimo, cujus domicilium retinet,
& honorem, tumulanda. --

6 Sic etiam in sepulcro prædefuncti Mariti
est sepelienda Vidua ; etiam si ad domum Pa-
tris rediisset, quia hoc privilegium datum est
personæ, non loco; & quia domicilium, & di-
gnitatem Mariti retinet : Unde Regina per
viri obitum non amittit nomen, & dignita-
tem Reginæ. *Sperell. decif. 88. n. 13. & seqq.*

7 Generatim in sepulcro Viri est sepelien-
da Uxor : limita in casu , quo non fuerit
cognita, nec à Viro traducta; tunc enim non-
dum domicilium , & cognomen Viri acqui-
sit ; & in casu divortii , & separationis à
thoro, quia illud tunc amisit , *ibid. n. 17.* &
si alibi sepulturam elegerit ; *cui ex c. de Uxo-
re de sepulturis lib. 3. tit 28.* est liberum elige-
re sepulturam, sicut Viro : & nullam esse
quoad hoc differentiam inter eos notavit,
ibi Glossa *verb. de Uxore.*

8 Si Mulier moriatur prægnans, & cum ip-
sa foetus in utero , si ex ipso non extrahatur,
sepeliri debet cum Matre in loco sacro , quia

consideratur, ut pars ejusdem uteri; si verò extractus fuisset, utpotè non baptizatus, in loco non sacro tumulari debet, relicta Matre ad Ecclesiam, vel Cæmeterium. *Sperell. n. 19.*

Maritus autem non sepelitur in Uxoris sepulcro, quia non sequitur Uxoris domicilium, & dignitatem. *Antonell. de regim. Ecclesie lib. c. 12. §. 1. num 13.*

- 9 Filius impubes, hoc est minor quartodecimo anno (pubertas enim per Glossam ad caput *licet in 6. loco cit. verb. pubertatis*: in muliere duodecimum, & in Viro quartum decimum ætatis annum exigit; eosque completos per Glossam *ad c. si Pater, de testam. in 6. lib. 3. tit. 11. ver. Impuberes*;) utpotè non sui juris, sepulturam eligere non potest, ex allegato *c. licet*. Propterea si impubes moriatur ex ejusdem dispositione est cum suis majoribus, vel in Parochiali Ecclesia tumulandus.

- 10 Et intelligitur, si Pater ejusdem aliam non elegerit; quod posse ibidem conceditur. Cum restrictione; quod in loco vigeat consuetudo eligendi sepulturam filiis impuberibus legitimè introducta, quæ licet sit præjudicialis Ecclesiæ particulari, nimirum, vel ei, in qua reperitur Majorum sepulcrum, vel Parochiali; tamen non infertur esse debere consuetudinem spatio quadraginta annorum præscriptam, quia, ut observat Glossa *in cap. Cum in tua de consuetud. in 6. lib. 1. tit. 5. v. consuetudo, ubi consuetudo rationabilis est, & non contra jus, sufficit, quod sit longæva, licet quadraginta annis præscripta non sit* & juxta aliquos sufficit spatium decem annorum.

Et licere parentibus, eorum filiis minoribus, qui ad annos pubertatis nondum pervenerint, eligere sepulturam in quacunque Ecclesia,

clesia, etiam Regularium, nec à Parochis locorum impediri posse, aut debere, præsertim si in dictis Ecclesiis sepeliri consueverint, vel in eis habeant sepulchrum majorem, firmavit S. Cong. *Episc. & Regul. die 5. Julii 1675.* Quadragenaria exigitur in matre, & aliis quibus jus non assistit, sicut Patri; sed resistit, quia consuetudo contra jus Canonicum debet esse præscripta spatio quadraginta annorum. Sperell. *decis. 89. n. 20. & nota text. cap. Licet*, loqui universaliter sine restrictione ad filium vivum, aut mortuum.

11 nonicum debet esse præscripta spatio quadraginta annorum. Sperell. *decis. 89. n. 20. & nota text. cap. Licet*, loqui universaliter sine restrictione ad filium vivum, aut mortuum.

12 Secus dicendum de filio familias: ex allegato *cap. licet*, cui jus assistit, & concedit posse sine Patris assensu sibi sepulturam eligere.

13 In casu, quo filii, non electa sepultura, decederent, si Pater, & Avus, eam in Regularium Ecclesia elegissent, cæteri verò majores in Parochiali, tumulandi essent in ea, in qua sepulti essent Pater, & Avus; quia ab istis electa, dicitur sepultura Majorum, quippe consideratur filios majorem conjunctionem habere cum istis, quam cum aliis ascendentibus. Sperellus *decis. 88. num. 7. & per Antonell. loco cit. num. 3.* verisimile esset, quod nisi filii ab intestato decessissent, proximiorum sepulturam sibi elegissent.

Undè si Proavvs, Avus, & Pater in tribus diversis locis fuerint sepulti, & filius inelecta sepultura decedit, sepelitur cum Patre *ibid. num. 4.* modo Pater non ex accidenti, nec casu, sed electione sepulturam diversam ab antiquis sit sortitus. Sperell. *ibid. num. 9.*

14 Religiosis, cum velle, & nolle careant,

sibi sepulturam eligere interdicitur *cap. Religiosi loco cit. de sepult.* idè apud sua Monasteria sunt tumulandi, etiam si extra ipsa decedant, modo commodè ad ea ferri possint; aliàs sepeliendi sunt in Parochiali; & id intelligitur, si, dum sunt in loco remoto, in quo decedunt, in alia Ecclesia sepulturam non eligant. *Gloss. ibid. verb. Aliquis.*

Et ad ipsas Ecclesias per ipsosmet Regulares asportari possunt, etiam Parochis inconsultis, ex Sac. Cong. Concil. sub die 2. Julii 1620., quæ proposito dubio à Parochis Bononiensibus: videlicet: *morendo Frati: come avviene alle volte, & in particolare de Canonici Lateranensi fuori del Monastero in casa de' loro Parenti, & havendo i Curati amministrati loro i SS. Sacramenti, se possono i loro Superiori farli portar di notte alla loro Chiesa senza dirne cosa alcuna al Curato, e senza dargli le ragioni Parochiali.* Respondit ad X. *Regulares extra Claustra decedentes posse ad eorum Ecclesias deferri, etiam Parochis inconsultis.* *Peyrin. de priv. tom. 2. ad Const. V. Pii V. sub §. 10*

De Advenis, qui apud Regularium Monasteria infirmantur, si in eis decedant dictum est superiori *cap. num. 20.*

17 Aliis quibusdam difficultatibus, quæ occasione electionis sepulturæ possent oriri; per Pignatell. *to. 1. consult. 17.* satisfacta declaratione, & decretis à Sac. Cong. Concil. editis, ad infra scripta dubia.

I. An sit valida electio sepulturæ, quam quis sive sanus, sive infirmus coram Parocho elegerit?

II. An ad validitatem electionis sepulturæ requiratur testamentum in ultima infirmitate, vel sufficiat, quod eligatur antea per alium

aliud actum publicum, qui testamentum non sit?

III. An sit nulla electio sepulturæ, quando ipsa eligitur per testamentum, factum in vita, & non in morte?

IV. An, qui habet capellam suæ familiæ cum propria sepultura, aut capellam erexerit cū sepultura propria, moriens absq; sepulturæ electione sepeliendus sit in Cathedrali?

V. An validè eligatur sepultura coram duobus testibus?

VI. An electio sepulturæ per nutus, & signa in casu, quo quis loqui non possit, sit valida?

VII. An Confratres sodalitatum non electa sepultura, possint sepeliri in sepulcro suæ Ecclesiæ?

VIII. An electiones sepulturæ, quæ jure præsumuntur, sicut Uxoris respectu Mariti, filii respectu Patris, eorumque majorum, ac servorum respectu Dominorū sint validæ?

IX. An qui post mortem mandat suum corpus indui habitu Tertiariorum sit sepeliendus in Ecclesia Regulari?

Ad quæ sub die 13. Febr. 1666. respondēs, declaravit, censuit, & decrevit, ut sequitur.

18 Ad primum. Censuit esse validam; dummodo Parochus non testetur ad proprium commodum.

Ad secundum censuit non requiri necessariò testamentum.

Ad tertium Censuit non esse nullam.

Ad quartum. Non esse sepeliendum in Cathedrali.

Ad quintum. Esse validam.

Ad sextum. Esse validam; dummodo sufficienter constet de voluntate Eligentis.

Ad septimum. Negative.

Ad octavum. Censuit, quatenus electa non fuerit sepultura, Uxorem in sepulcro ultimi Viri sepeliendam, filios verò in sepulcro majorem; servos autem in Parochia.

Ad nonum. Censuit negativè.

- 19 Sed necesse est, ut in ea sepulturam eligat, ut sub die 23. Novembr. 1582. Sac. Congreg. Episc. & Regul. rescripsit Episcopo Novariensi. Pignat. 10.1. *Consult.* 17. num. 20. ad quod etiam facit alterum ejusdem Congregationis decretum, editum sub die 19. Decembr. 1615. ubi resolvit, -- decedentes cum habitu Religionis, eis à Superiore, vel alio, ex ejusdem commissione, concessio, sepeliendos esse in ipsorum Regularium Ecclesia; dummodo præmoniti fuerint, quod propter habitus concessionem, ac receptionem, eorum cadavera apud eosdem sunt tumultanda. -- Peyrin. de Privileg. tom. 3. cap. 4. n. 53. addit. ad Constit. Leonis X. ad secundum.

Et non esse de necessitate in eorundem Ecclesiis sepeliendos, bene notatur ex iis, quæ habet Leo X. *Const. dum intra Bull. Cherub.* tom. 1. pag. 586. -- volentes quoque sepeliri in habitu eorundem fratrum in clauastro non degentes, sed in propriis domibus habitantes, in eorum ultima voluntate sepulturam sibi eligere liberè possint. --

Et licet alibi sepulturam eligant, debent nihilominus Regulares esse faciles in concedenda Laicis licentia, ut cum habitu Religionis sepeliri valeant. Donat. *prax. Regul.* tom. 3. tract. 10. q. 20.

- 20 Qua Constit. idem Leo in terminis pro Tertiariis addit: -- Fratres autem, & Sorores Tertii Ordinis, nec non Mantellati, Corrigia.

rigiati, Plzochare, Cordellati, & alii, quocunque nomine nuncupati in propriis domibus habitantes, sepulturam, ubi voluerint, eligere valeant. -- Unde si eam in Ecclesia Regularium eligant, apud ipsos sepeliendi erunt. Et in casu, quo, inelecta sepultura, decederent, licet in illis commune pro eis sepulcrum existeret, in Parochiali, vel in ea majorum.

Quod certè infertur ex decreto Sac. Cong. Concilii relato à Lantuf. *verbo Tertiaria n. 3.* hujus tenoris: *Præterea si contingat aliquas ex prædictis Tertiariis* (hoc est, quæ virginalem, seu Cælibem, castamque vidualem vitam traduxerint, expresso voto, & sub Religionis habitu eisdem, in ætate saltem quadraginta annorum constitutis, & prius ab Ordinario loci licentia impetrata à Superiore Regulari concessa, (*ibid. num. 4.*) sine sepulturæ electione decedere, eas sic decedentes, ita demum in Ecclesiis Ordinis, cujus habitum assumpserunt, si in ipsis earum communis sepultura reperiatur, sin minus, in Ecclesiis Parochialibus, sepeliendas esse decernit: -- Ubi liquet decretum restringi ad solas Tertiarias, quibus præfatæ conditiones assunt, & non extendi ad alios Tertiarios Mares, feminasve in propriis domibus habitantes.

20 Sine præjudicio tamen jurium Parochialium, & requisito prius Parocho, est exequendum; quo venire nolente, etiam ipso invito ad Regularium Ecclesias transportari possunt: Sperell. *decis. 87. n. 16.*

21 Tertiarii autem, qui collegialiter vivunt, aut cum claustralibus habitant, tumulari debent in Ecclesiis Fratrum, quorum habitum gestant, etiam invito, ac mini-

mè requisito Parocho Antonel. *cit. n. 25. ex* Lavorio, & si sit consuetudo, ut Parochus vocetur, servanda.

In favorem sepulture Cordigerorū utriusque sexus, refert Lantusc. v. *Confrat. n. 12.* decretum tenoris, qui sequitur. *Demum circa*
22 *sepulturam Cordigerorum utriusque sexus S C.* Episc. & Reg. in controversia *Senogall. die 22. Novemb. 1580.* sic observari mandavit:--quod ubi adest sepultura communis pro Cordigeris in Ecclesia Fratr. Minor. ubi est erecta Confraternitas, sepeliantur in ea; ubi verò non est talis sepultura, moderentur sicut ceteri seculares, & sepeliantur in Parochiali Ecclesia, si non sibi elegerint aliundè sepulturam:--quod certè procedit in casu mortis, sepultura in electa: aliàs à privilegio nil haberent, quia est, etiam aliarum sodalitatum Confraternitatibus commune quod, si habeant in propriis Ecclesiis communes sepulturas, easque sibi eligant, in eis sunt sepeliendi.

Neque dicendum privilegium esse locale, quia loquitur de Sepultura Cordigerorum, existente, non in tali Ecclesia particulari, sed in ea Fratrum Minorum.

23 Novitius, qui sine electione Sepulturæ decedit, in Monasterio sepeliendus est; etiam si ante mortem fuisset in proposito redeundi ad seculum, quia hujusmodi propositum non extrahit ipsum à statu Novitiorum; sicut, nec voluntas mutandi Parochiam liberat à jure Parochiali; sed requiritur factum solvens contractum, quo Novitius se tradidit Religioni, ad effectum ipsam experiendi, & hæc ipsum recepit, eo fine, ut ipsum probet. Engel. *cit. n. 12.*

24 Famuli pretio conducti, cæterique mercede

de Monasterio inservientes, & alii confimiles, quamquam in Monasteriis decedant nequeunt à Regularibus, invito Parocho in propriis Ecclesiis sepeliri; qui per D. D. habet intentionem fundatam in jure sepeliendi in sua Parochia omnes suos Parochianos, quocumque loco moriantur, nisi alibi, vel Sepulturam elegerint, vel habeant: Et famulus pretio conductus ad Fratrum auxilium non desinit esse sub jure proprii Parochi, nec ex eo sit Regularium commensalis, aut in Monasterio domicilium acquirit: nisi apud eos Sepulturam eligat.

- 25 Quo casu Regulares ipsos tradere Sepulturæ nequeunt, Parocho irrequisito, & canonica portione, vel quarta, non soluta, nisi beneficio exemptionis liberentur. *Vide cap. Officialis quoad Quartam.*

Generatim si nec ipse Defunctus, neve ejus majores certum Sepulturæ locum sibi determinaverint, in sua Ecclesia Parochiali, licet extra eam decedat, tumulabitur, modo ad ipsam commodè deferri possit.

- 26 Si verò Defunctus in duobus locis æqualiter domicilium habuit, ita, ut in uno sex mensibus, & totidem in alio, moram fecerit, & Sacramenta æqualiter in duabus Ecclesiis Parochialibus respectivè perceperit, in ea sepelietur, ubi decesserit; Et si id extra utrumque locum contingat, in ea Sepulturæ dabitur ad quem Prudentum arbitrio poterit facilius deportari.

- 27 Nomine domicilii in casu venit, ne dum *verum domicilium*, locus nimirum, quem quis eligit ad ibi perpetuò habitandum, sed etiam *quasi domicilium*, & locus, in quo per notabile tempus, scilicet per majorem anni partem,

quis habitaverit, aut saltem animo habitandi advenit; & quatenus verum domicilium nolit collocare, ut evenit scholaribus, rusticis, famulis, officialibus &c. nihilominus per Doctores sufficit ad fundandam jurisdictionem fori pœnitentialis ad recipienda Sacramenta, & Ecclesiasticam Sepulturam. Engel. *sub n. 4.*

- 28 Habens domum in confinio duarum Parochiarum cum duabus portis, ex quibus æquali frequentia ad eam pateat aditus, & una, altera alteri Parochiæ correspondeat, illius Parochiæ censetur, quæ anteriorem partem domus respicit, quia hæc principalis, & nobilior pars illius judicatur. Ant. *cit. §. 3. n. 41.* & in ea sepeliendus est ejusd. Dominus.

- 29 Episcopi, Archiepiscopi, & Primates in eorum respectivè Ecclesiis Cathedralibus tumulantur, in quibus, item earundem Dignitates, Canonici, Capellani, alique Beneficiati, quamquam in diversis Parochiis, proprias domos habeant. Capellani aliarum Ecclesiarum in illis sepeliuntur: dummodo non sint Capellani amovibiles, quia tunc in propriis Parochiis debent sepeliri. Antonel. *cit. num. 28. & alii.*

Quod intelligendum, nisi præfati aliò sibi pro Sepultura locum elegerint, vel à majoribus electam reperiant.

- 30 Indigni Ecclesiastica Sepultura censentur, qui nō sunt de Ecclesia, Judæi, & Gētiles, &c.

Item Hæretici, eorumque receptatores, defensores, vel fautores: *cap. quicumque de Hæret. in 6. lib. 5. tit. 2.*

Manifesti Usurarii: *cap. quamquam de Usur. in 6. tit. 5. lib. 5. & cap. quia in omnibus eodem tit. lib. 5. tit. 19.*

Publicè excommunicati : *Clement. eos de Sepult. lib. 2. tit. 7.*

Illi, quibus est interdictus ingressus Ecclesiæ, si impœnitentes decedant : *cap. Is cui de senten. excom. in 6. lib. 5. tit. 11.*

Item Blasphemantes Deum, Sanctos, & præsertim Virginem Deiparam, & impœnitentes occumbentes : *cap. Statuimus, de Maledicis lib. 5. tit. 26.*

Monachi, & Religiosi; qui proprietarii moriuntur : *cap. Cum ad Monasterium de statu Monachorum lib. 3. tit. 35.*

Qui in Pâschate à proprio Sacerdote communionem non receperunt, nisi ante mortem pœnituerint, & de omissione notoriè constet : *cap. Omnis de pœnit. & remis. lib. 5. tit. 38.*, & qui semel in anno peccata Sacerdoti non sunt confessi : *ibidem*. Omnes in notorio peccato mortali decedentes, ut Meretrices, Concubinarij, interempti in ipso crimine, furti, vel adulterij, & alij, nullo dato contritionis signo : *ex Gloss. in cap. Qui a de usuris lib. 5. tit. 19.*

Qui sibi morte ex iracundia, & desperatè inferunt; non autem, si ex fatuitate; vel, si inflato sibi met vulnere lethali, ante mortem pœnituerit, *ibidem* : in dubio tamen præsumi debet, quod peccaminosè sibi mortem non intulerit; unde non esse negandam Sepulturam illi, qui reperitur mortuus in puteo, vel suspensus : *ex Genuensi tradit Gobat. tom. 2. Operum Moral. tract. 5. ubi sepeliendus, cap. 50. pag. mibi 416. num. 13.*, cum potuerit per vim, aut insidias in puteum proijci, aut suspendi, vel ex furore, & mentis alienatione, id facere. Et ex Zerola *nu. 15.* extenditur etiam ad repertum in camera, etiam clausa, suspensum, si prius dederit aliqua signa melancholiæ & cum

cum non certò constet de suspensione ipsi suspensio peccaminosa, & in dubio debet præsumi aliquem, potius benè, quam malè mortuū.

Item, Religioso tumulto sunt privandi in ebrietate morientes, dummodo hæc duo ex Gobat. *ibid.* nu. 6., constent: alterum illorum bibisse usque ad ebrietatem prævisam, sic, ut præviderit manifestum periculum mortis, si se inebriaret, quia tunc certè erit verum, eum sibi mortem violentam inferre, & ne dum in ebrietate, sed etiam ex ebrietate decedere; Et alterum occubuisse, priusquam rediret ad rationem, quia tunc erit notorium in statu peccati mortalis decessisse.

Qui in torneamentis cum probabili vitæ periculo, & non, vel recreationis causa, vel ad honestum armorum exercitium institutis, occubunt; *cap. Felicis de torneamentis lib. 5. tit. 13.*

Tandem ab Ecclesiastica Sepultura excluduntur decedentes in Duello, etiam privato, sine Patrinis, & Sociis, cum ordinario tamen vitæ periculo, ex cond. 3^o, statuto tempore, & in loco, ad hunc effectum, electo: *Trid. sess. 25. de Refer. cap. 19., & Bulla Gregorii XIII. Ad tollendum: Bull. Cherub. tom. 2 pag. 460., & Clementis VIII. Illius, tom. 3. pag. 13.*

Cum verò aliquis lethale vulnus in duello recipit, & extra illud cum Sacramentis Ecclesie, vel ad minus exhibitis penitentiae signis, occumbit, videtur non debere sepultura in loco Religioso privari, quia id ex Constitut. non colligitur; & Concilium dumtaxat loquitur de morientibus in conflictu: *Engel. Colleg. Jur. Can. lib. 5. tit. 28 num. 21.* Termini enim penales sunt strictè intelligendi.

Et propterea poenæ Duellantium non extenduntur ad eos, qui inopinato ex iracundia dimi-

dimicant, & non ex condicto, statuto tempore, & loco electo; quia dimicatio est potius aggressio, & defensio, quam duellum.

Eum tamen comprehendunt, qui ab altero, ad pugnandum in duello, convitiis, & contumeliis laceffit, pugnam, vel ne Principis favorem amittat, aut ne inermis notam incurrat, vel, ut à molesto provocante sit liber, amplectens, in duello occumbit; quia Christiano aptius medium ad proprium tuendum honorem, esset provocanti respondere; *paratus essem, & libenti animo certamen susceperem, si id per Ecclesiam mihi liceret, & per Pontifices non prohiberetur.* Engel. cit. nu. 22.

33 Si horum aliquis contra Sacros Canones fuerit in loco sacro sepultus exhumari debet, *ex cap. Sacris de Sepult. lib. 5. tit. 28.*

Dubium est de Cathecumeno. Layman esse privandum, tradit, *loc. & n. cit.*, verum, cum pro Cathecumenis concedat Ecclesia posse Missarum suffragia offerri, ut liquet ex *respon. Innocentii III. cap. Apostolicam de Presbyt. non baptizat lib. 3. tit. 43.* facta Episcopo Ferrariensi, prout sequitur: *& in Ecclesia tua juzes preces, hostiasque Deo offerri jubeas pro Presbytero memorato* (scilicet non baptizato) sequitur, ut notat Gobat. *Experient. Theol. tract. 2. baptismi casu 18 sect. 2. nu. 640.* non esse ei sacrum tumulum denegandum, ex eo quod, concessio principali, & majore, soleat concedi accessorium, minusque principale.

35 Jus sepeliendi Parochianos ad jura Parochialia spectat; quæ, ut etiam tenuit Rota in *Aversana Funeralium coram Coccino dec. 152. tom. 2 part. 5. decis. recent. nu. 3.* consistunt.

I. In eo, quod Parochiani diebus festivis audiant Missam in Parochia, ut habetur *cap.*

Ut

Ut Dominicis de Parochiis lib. 3. tit. 29. Verum de consuetudine hodie non servari ea decisione notatur; & Fideles satisfacere præcepto de audienda Missa diebus festis, si illam audiant in Regularium Ecclesiis, nos diximus *cap. Officialis quoad celebrationem Missarum num. 4. & 5.*

II. Quod Parochiani percipiant Sacramenta in Ecclesia Parochiali, seu à Presbytero dictæ Parochialis.

III. Quod Parochiani in Parochiali sepeliantur, nisi sibi eligant in alio loco Sepulturam; quod non negatur, cum id ex *cap. Cum liberum de Sepulturis lib. 3. tit. 28.* sit actus propriæ voluntatis; & nisi adsit in alia Ecclesia Sepulcrum majorum *cap. Fraternitatem tit. & loc. cit.*, in quo casu Parochus habet fundatam intentionem in quartam funeralem ex *Clementina Dudum §. hujusmodi*, nisi consuetudo, vel Privilegium ei resistat, *vid. cap. Offic. quoad Quartam funeralem.*

IV. Quod Decimæ solvantur Parochiali *cap. Cum contingat de Decimis lib. 3. tit. 30.*

V. Quod ei sint debitæ oblationes; ad quæ etiam spectat sollemnis Nuptiarum benedictio, & illa Domorum Parochianorum Hebdomada Sancta; sed de hoc satis, cum ex professo cæteri tractent.

C A P U T X X X I.

Officialis quoad Syndicum Apostolicum.

S U M M A R I U M.

1. *Facultas Syndici Apostolici.*

2. *Pontifices Syndicum concesserunt.*

3. *Mis.*

- 3 Ministri nominant Syndicum, & Papa instituit.
- 4 Proprie non est Syndicus Fratrum.
- 3 Quid significet nominatio à Fratribus facta?
- 6 Puritas Regula non laeditur.
- 7 Sententia Sancto.
- 8 Sancta Sedes Regulas approbat.
- 9 A quo substituti instituuntur?
- 10 Cujus nomine pecunias administrent?
- 11 Nominis cujus res etiam administrentur?
- 12 Apud Syndicos non debet permitti, ut deponantur pecunie supra necessitatem.
- 13 Quando liceat ad Syndicos recurrere?
- 14 Quid de pecuniis antequam expendantur?
- 15 Nil juris habent Fratres in pecuniis.
- 16 Computus juridicos nequeunt Fratres exigere.
- 17 Syndici non sunt personae interpositae.
- 18 Syndici dici possunt substituti Amici spiritualis.
- 19 Cur facta sit provisio Syndici.
- 20 An Guardiani possint Syndicos nominare.
- 21 Procurator, & Commissarius Generalis Curiae Syndicos nominant.
- 22 Quae personae debeant nominari?
- 23 Syndici instruendi, & de quibus?
- 24 Clemens VII. privilegia Syndici elargitur.
- 25 Unus pro quolibet Conventu conceditur.
- 26 Inn. XI. confirmat exemptiones Syndicorum.
- 27 Syndici eximuntur ab oneribus communis.
- 28 Sunt exempti Repressaliis.
- 29 Eximuntur à solutione collectarum, etiam quoad bona existantia extra districtum Syndicatus.

Nomine Syndici Apostolici venit pia quaedam persona, ex facultate Sedis Apostolicæ Ordini Minorum facta, ab ejusdem Ministris Generalibus pro toto Ordine, & Provincialibus pro Provinciis, & Conventibus respectivè nominata, eo
fine

sine, ut eisdem Fratribus res oblatas, & reli-
 ctas nomine Romanæ Ecclesiæ recipiat, ea-
 rumque pretium, si eas per eum vendi contin-
 gat, in Fratrum utilitates (pro ut eis licet ex
 Regula) quando à præfatis Ministris, vel de
 dictorum assensu, à Fratribus fuerint requisi-
 ti, convertant.

- Syndicos concessere Nicolaus III *cap. Exiit
 de verbo signif. lib 5 tit. 12. §. Si verò:* ubi dispo-
 2 sivit deputandos esse à Sancta Sede, vel Cardi-
 nali Protectore; & successivè Martinus IV.,
 & V., ac Paulus item IV. *Const. ex Clement.
 Bullar. Cherub. tom. I. pag. 806.*

- Et quamvis in terminis Const. Martini, &
 Pauli, Syndicos nominent præfati Ministri;
 3 Non inde infertur, quod ipsos instituunt, quia
 per ipsos nominati, à Sancta Sede auctoritatem
 recipiunt & à Summo Pontifice instituuntur
 Economi, & Procuratores, ut liquet per *sex-
 tum Pauli IV.* -- Quod Generales per se in
 toto Ordine, & singuli Provinciales Ministri,
 possint nominare speciales personas, quæ non
 sint de dicto Ordine Minorum, pro locorum
 indigentia singulorum, quando, & quoties
 opus fuerit, in singulis eorum Conventibus,
 quas personas totaliter nominatas, pro tempo-
 re, in iis administrationem legitimam, & ge-
 neralem, ac liberam gerere, & ipsos veros, &
 legitimos Administratores, Economos, Syndi-
 cos, & Actores esse de potestatis plenitudine
 constituendo, eadem autoritate etiam decer-
 nimus; -- quod refert priùs, à Martino IV.
 dispositum.

- 4 Nec Fratrum Procurator, & Syndicus, cum
 verborum proprietate nominatur: quod certè
 patet, ex quo ipsi sint, tam in communi, quàm
 in particulari, quorumcumque bonorum in-

capaces, adeoque Economi, qui ipsorum nomine temporalia administret; sed in sensu vero, sunt Romanæ Ecclesiæ (cujus sunt bona ipsis Fratribus relicta, si dantes sibi dominium non reservarunt) Syndici, & Procuratores, ut cætera ejusdem textus suadent; -- qui res ipsas, & rerum ipsarum pretium, & prædictas elemosynas nomine Romanæ Ecclesiæ recipiant, & recipere possint &c. --

Unde nominatio à Ministris facta, ut notat
 5 Marchant. *relect. Theol. & literal. in Regul. Sancti Francisci difficul. de institut. Synd. resolut. 1. pag. mibi 41.* est plura declaratio, quod auctoritas Papæ, ad præfata exequenda, in personam nominatam derivat: & quod legitima facultate, & Romanæ Ecclesiæ nomine, administret, quæ sibi commisit, & modo, quo mandavit, & ordinavit.

Ideo in nullo, constat ex Martini, & Pauli
 6 provisione, Regulæ puritatem offendi, cum potius temporis circumstantiis, & difficultate, Romam, vel Episcopos adeundi, inspectis (quibus ex Epistola Cardinalis Matthæi Ordinis Protectoris, *sub data quarta Kal. Maii 1280*, Syndicorum institutio committebatur, Marchant. *ibid. difficult. 2. pag. mibi 16. & 39.*) sit facilior modus ab ipsis Pontificibus pro puriori Regulæ observantia inventus. Ex dicendis *sub nu. 8. Ord. Seraph. tom. 2. lib. 6. cap. 16 §. 4. pag. 260.*

Ex alio titulo contineri in Martiniana, &
 7 Paulina dispensationem relaxativam puritatis Regulæ, tenet cum aliis *Sanctorum Coment. in Const. Sancti Francisci c. 4. stat. 4. pag. mibi 373.* & sic, ut non liceat Fratribus de Corpore Observantiæ, renunciatis privilegiis Regulæ relaxativis, uti Syndico à Martino IV., & V., & Paulo

Paulo IV. concessio; præsertim, quo ad illum actum recipiendi, nomine Romanæ Ecclesiæ, pecunias, & rerum pretium, easque in Fratrum necessitates, de Ministrorum assensu, & dum fuerit requisitus, expendendi.

Nedum, quia, ut ipse ex Patre Zimenez notat, Fratres sint veri domini, & dispositores talium eleemosynarum; cum eis liberè utantur pro quolibet usu; sed etiam, quia vix eleemosynæ pecuniariæ ad manus Syndicorum perveniant, quæ à Fratribus quæstuatæ non sint; & nulla alia quoad hoc reperiatur inter Syndicos, & Cippos (iisdem Fratribus per Clement. V. *Clement. Exivi* §. *Porro*: tum in Ecclesia, sive alibi, interdictos ad recipiendas offerentium, seu donantium pecunias) differentia, quam, quod Cippi sint inanimæ Syndici, Syndici verò animati Cippi; quos semper cum pecuniarum summa ad Fratrum necessitates paratos habere, puritati Regulæ repugnat, & thesaurizationem, Fratre Minore indignam; sapit.

- 3 Cæterum nihil concludenter inferri contra puritatem Regulæ ex dispositione Syndici à præfatis Pontificibus statuta; est certum ex ejusdem Sanctæ Sedis oraculo; in cujus manu esse ipsam Regulam declarare, modosque idoneos, & accomodos ad puram ejusdem observantiam approbare, & disponere tradit in terminis Marchant. *loco cit. diff. 3. q. 2. sess. 3. fundam primo, pag. 35. ex textu: Frater Franciscus promittit obedientiam, & reverentiam Domino Papæ Honorio, ac Successoribus ejus canonicè intrantibus, & Ecclesiæ Romanæ.* Virtute cujus promissionis approbatio Regulæ, ipsius declaratio, & expositio in manu Pontificum resignata est.

Et

Et facit quod Innocent. XI. *sub die 20. Novembris 1679.* Const. edidit, incipit *Sollicitudo Pastoralis*: super pura Regulæ observantia, in qua præmissis revocatione, cassatione, & nullitate omnium, & singularum dispensationum, concessionum, & consuetudinum, quæ Regulæ, & puritati repugnarent, subdit; -- Declarantes tamen pariter, quod per præmissa nō prohibentur in dicto Ordine Syndici Apostolici, cum eorum usus non sit dispensatio in Regula; sed modus à Romanis Pontificibus prædecessoribus Nostri provisos pro puriori illius observatione: siue ejusmodi Syndici assumantur ad præscriptum Constitutionum Nicolai III., & Clementis V., siue secundum dispositionem Constitutionum rec. mem. Martini IV., & Martini V., & Pauli IV. (& ex hoc liquet Pauli Constitutionem non esse subreptitiam, ut vult Sanctoro.) Prædecessorum pariter Nostrorum, prout illorum usus in singulis Familiis, Congregationibus, Reformationibus, aut Provinciis, Ordinis prædicti, respectivè fuerit receptus. --

Ideo constat, cum per Pontifices prohibeantur Cippi, & non Syndici, illorum usum, & non Syndicorum, puritati Regulæ adversari: & non esse inter Cippos, & Syndicos paritatem.

Imò, si ejusdem ratio subsisteret propter ejusdem identitatem, applicanda esset Syndico, per Nicolaum III. §. *Si verò res*, concessio, & personæ, §. *Quo casu*, per Fratres nominatæ, & præsentatæ: ac Donantium substitutis, §. *Sic in istis*, cum quæ his, ex Declarationibus Nicolai III., & Clem. V., conveniunt, eadem simili modo competere Syndicis appareat; nam.

I. Substi-

I. Substituti, vel ab ipso Donante, vel à Fratribus de voluntate Donantis instituuntur, prout Nicolaus §. *Quo casu*. Sic Procuratores, sive Syndici, per Pontificem, ut Dominum rerum, & pecuniarum, vel de Pontificis voluntate, per Ministros Generales pro toto Ordine, & Provinciales pro Provinciis, & ipsarum Conventibus, nominantur.

10 II. Substituti, res, & pecunias administrandas nomine Donantium, recipiunt, easque ex intentione, & Donantium voluntate erogare tenerentur in usus Fratrum, secundum Regulam licitos. prout à Ministris, & Custodibus (sub quibus comprehenduntur etiam Guardiani) fuerint requisiti; Idem §. *Ita ta-*

11 *men*, & §. *In ea non*; Syndici pariter nomine Papæ, utpotè legitimi Domini, res, & pecunias apud se depositas, recipiunt, & eas, juxta ejus intentionem, & ipsius nomine, administrant in usus, Fratribus secundum Regulam licitos, eisdem per præfatos significatos, vel, quod idem est, prout ab eis sunt requisiti.

III. Fratres scienter non possunt permittere, nec rogare, ut Donantes plus deponant apud Substitutos, quam necessitates eorum exigant; Nicolaus §. *Caveant tamen*. Pari modo si Guardiani consentiant, vel permittant plus pecuniæ apud Syndicos deponi, quam 12 Fratrum necessitates præsentis, præteritæ, & imminentes (hoc est, quæ quasi incipiunt esse) requirant, Regulæ sunt transgressores; Unde apparet contra Sanctorum non esse à Pontificibus concessos ad thesaurizationem.

IV Nequeunt Fratres recurrere ad Substitutos, quibus à Donante sunt commissæ pecuniæ, nisi pro præterita, imminenti, & præsentis 13 necessitate. Idem Nicolaus §. *Articulus istum*,

§. *Et*

§. *Et quia oportet, §. Sic in istis:* & Clemens sub §. Porro addit: -- Cum etiam recursus ad amicos spirituales expressè tantum in duobus casibus secundum Regulam concedatur: *videlicet*: pro necessitatibus infirmorum, & Fratribus induendis: idque piè, & rationabiliter, considerata necessitate vitæ; ad alias necessitates Fratrum, pro tempore occurrentes, cessantibus eleemolynis. seu etiam ingruentes, sæpe dictus Prædecessor duxerit extendendum; attendant Fratres præfati, quod pro nullis causis aliis, quam prædictis, vel similibus, in via, vel alibi currere licet eis ad amicos hujusmodi: siue sint dantes pecunias: seu Deputati per ipsos, siue Nuncii, vel Depositarii, seu alio quovis nomine appellentur, etiam si concessi per eandem declarationem modi circa pecuniam, integrè servarentur; -- Adeo ut si contra dispositionem Nicolai, dicantur per Clementem transgressores Regulæ; quia *ubi aliquid alicui generaliter prohibetur, quod expressè non conceditur, intelligitur denegatum*; Nec aliter eis permittitur ad Syndicos recursus.

V. Sicut Donans potest quacumque hora, & momento priori ad conversionem pecuniæ
 14 in rem Fratribus licitam, eam de manu Substituti repetere: Nicolaus §. *Ità tamen*: sic Pontifex potest pecunias in manu Syndici, nomine suo, depositas, repetere, & in alium usum convertere.

VI. Nil juris habent Fratres in pecunia, in manibus Substituti existente, quod tradit idē
 15 Nicol. *cit.* §. his verbis: -- In ipsa pecunia nihil omnino Fratres juris habent, nec administrationem, seu dispensationem: nec contra personam nominatam, vel non nominatam ab eis, cujuscumque conditionis existat, in judicio,

cio, vel extra, actionem, prosecutionem, aut aliquid aliudvis intentent; qualitercumque persona prædicta in commissione huiusmodi se habeat. *Et Clemens V. §. Denique addit: Curare Fratres vigilanter necesse est, quod cum ex causis prædictis, & modis, habentes pecunias deputatas pro ipsorum necessitatibus recurrere oportebit ad tenentes ipsas; quicumque hi fuerint, principales, vel Nuncii, in omnibus sic se gerant, quod se cunctis ostendant in dictis pecuniis (sicut nec habent) penitus nil habere; Quapropter præcipueque, & qualiter pecunia expendatur, computumque exigere de expensa: eam quoque repetere, sive deponere, aut deponi facere capsulam pecuniæ, vel ejus clavem deferre: hos actus, & con-
 16 simili- sibi Fratres illicitos esse sciant; prædicta enim facere ad solos Dominos pertinet, qui dederunt, & eos, quos ipsi deputaverunt ad hoc ipsum; -- sic nec in ea Syndicis com-
 missa aliquod jus, & proprietatem habent, à quibus juridicos computus exigere nequeunt, nec pecunias repetere, neque curare, quod apud eos auctoritativè per se, vel per alios deponantur; sed dumtaxat ad eos, uti ad Substitutos, & Syndicos Domini Papæ licet dirigere (si per se ipsas, vel alios nolint necessitatibus Fratrum occurrere) personas, quæ elemosynis necessitatibus Fratrum intendunt provideri; & solum possunt rogare Syndicos: ut expositis necessitatibus succurrere velint, Ut tradit Nicol. §. *Ità tamen*. Unde apparet quod requisitio illa à Paulo apposita non est auctoritativa, sed consultiva dumtaxat, & deprecativa.*

Si aliquando Syndici videantur computus reddere: actus ille non est juridicus in debito,
 ve l

vel obligatione fundatus, sed est quædam naturalis, & charitativa informatio Superioribus exhibita, ad ostendendam propriam fidelitatem (ad quam Fratres possunt eos exhortari) ut juxta eorundem instructionem, & juxta eleemosynarum notitiam, sciant, quid super recurſu, ex Regula permiſſo, quoad neceſſitates Fratrum, iidem Superiores poſſint ſecundum Regulæ puritatem agere.

VII. Subſtituti Donantium interpoſita Fratrum perſona, nec eſt, nec poteſt dici ex
 17 Nicol. ſ. *Ad majorem &c.* -- Declaramus: ait, quod Fratres (præſatis modi, ut prædicitur circa pecuniam in ſupportandis eorum præteritis, & ingruentibus neceſſitatibus obſervatis) non intelligantur, nec dici poſſint per ſe, vel per interpoſitam perſonam pecuniam recipere contra Regulam, vel profeſſionis ſui Ordinis puritatem; cum manifeſtè pateat ex præmiſſis, ipſos Fratres non ſolum à receptione. proprietate, dominio, ſive uſu ipſius pecuniæ: verum etiam à contrectatione qualibet ipſius, & ab ea pecunia penitè alienos. Sic de Syndico dicendum: -- Nam interpoſita perſona illa dicitur, quæ nomine Fratrum pecunias recipit, eas eorum auctoritate, & beneplacito expendendas.

Ille autem pecunias, quarum nedum receptio, proprietas, & dominium, ſed etiam uſus eſt Fratribus per Nicolaum interdictus, nec nomine Fratrum recipit nec ipſorum auctoritate expendit.

VIII. Subſtituti Donantium dicuntur Subſtituti amici ſpiritualis, perſonæ ſcilicet, ex amore Dei, vel devotione ad Fratres, ſpontè, vel rogatè, dantis pecuniam pro neceſſitatibus Fratrum, quibus aliter provideri

nequit, nisi mediante pecunia; sic Syndici di-
 18 cuntur Substituti amici spiritualis, Papæ ni-
 mirum, qui impotens per se ipsum expendendi
 pecunias in Fratrum usus, eas erogandas com-
 mittit personæ per Fratres nominatæ; imò &
 ipsis participativè ratione ministerii potest
 nomen amici spiritualis convenire juxta tex-
 tum Clementis *cit. §. Porro*.

Et si dubitetur: cum Syndicus Substituto
 Donantium æquipolleat, cur ejusdem provi-
 sio fuerit à Sancta Sede inducfa? Respondetur
 19 ex verbis *Const. Inn. XI. Ad puriorem Regulæ ob-*
servantiam: imò & faciliorem. *Ord. Seraph cit.*
nu. 6. Cum facilius sit, uni dumtaxat personæ,
 secundum posteriores dispositiones Martini,
 & Pauli electæ, significare, quæ ad puram Re-
 gulæ observantiam conducunt, & sunt ad
 hunc finem per personam electam exequenda,
 quam pluribus assumptis juxta alterā Nicolai.
 Possè Guardianos, obtenta ad id à Provin-
 cialibus facultate, Syndicos nominare, tradit
 Roderic *99. Regul. tom. 3. g. 39. art. 1.*; imò &
 aliis Fratribus videtur posse à Ministris con-
 cedi, per ea, quæ habentur allegata *Const. Pauli*
IV. Nimirum: -- quod Generalis per se in to-
 20 to Ordine, & singuli Provinciales Ministri,
 ac Custodes universi (*limita ad Superiores Cu-*
stodiarum) pro tempore existentes, ipsius Or-
 dinis Fratrum Minorum in suis Provinciis, &
 Custodiis respectivè, & ad hoc (*nota*) ab eis
 respectivè deputati Fratres pro tempore, pos-
 sint nominare speciales personas &c. --

Consequenter etiam ex concessione Mini-
 stri Generalis legitimè nominantur ab ejus-
 dem Ordinis Procuratore, & Commissario
 Generali Romanæ Curiae; imò id eos obti-
 21 nuisse à Martino V. refert *Sanct. cap. 8. pag.*
mibi

mibi 662. ex declaratione Eugenii IV. *ibidem* cap. 4. *statut.* 4. pag. 373. literas autem Martini, & Eugenii confirmat Sixtus IV. *Const. Dum fructus uberes. Confect. privileg. Regular.* Mend. p. 1 pag 77.

Cæterum à quovis nominentur, non sunt nominandæ, nisi personæ, quæ sint probatæ vitæ, & singularis fidei, ac aptæ, ut valeant super qualitate suscipiendi ministerium instrui, 22 ejusdemque obligationes percipere. Unde Prælati, qui sibi, quoad hoc potestate commissæ, abutuntur; vel idiotas, simplices, & ineptas nominando personas, vel debitas omittendo instructiones; cum radix, & causa sint peccatorum, quæ ob Syndicorum ignorantiam committuntur; aut per non rectam administrationem contra intentionem Papæ, vel Donantium, aut per indebitum Fratrum recursum extra casus per Regulam licitos, eos unius dumtaxat peccati reos non censet Marchant. *cir* pag. 85. Idè à Superioribus de Corpore Observantiæ per se, vel per alios sunt in praxi instruendi, ut optimè idem notavit Marchant. locis allegatis.

23 I. Qualiter ea, quæ ipsis sunt commissæ, debeant nomine Papæ, vel Donantium administrare.

II. Qualiter, si Donans pecuniam prædeterminatis necessitatibus, non liceat Syndicis aliquid immutare absque Donantis voluntate, & ejusdem condescensione; quod verum etiam est de eleemosynis testamento relictis, si legans necessitatem specificaverit; secus autem; quia tunc eam poterunt alia applicare.

III. Qualiter non possint pecuniam nomine Ecclesiæ, aut Donantium recipere ad superfluitates, & pretiositates; aut in fraudem

paupertatis, & quæ sapiat thesaurizationem in futurum; cum authoritas ipsorum per Pontifices sit restricta, ad modos per Regulam Fratribus licitos.

IV. Qualiter, cum res pro Fratrum utilitate datas, repetere, defendere, ac exigere in iudicio debeant, id solius Pontificis, vel Donantium nomine faciant, nullatenus eo Fratrum directè, vel indirectè assumpto.

V. Qualiter, quando sunt dandæ quitantia, & faciendæ receptæ, eas suo nomine, tamquam administratores Papæ, vel Ecclesiæ, faciant, eo Fratrum semper omisso; possunt tamen dicere se pro necessitatibus Fratrum, talem eleemosynam recepisse. Similiter si contractus faciant, aut spondeant pro aliqua re, Fratres concernente, id nunquam nomine Fratrum, sed suo exequi debeant.

VI. Qualiter omnes res, vel per Fratres humiliter mendicatione acquisitæ, vel eisdem quomodolibet oblatae, & relictæ (si tamen Donans sibi dominium non reservaverit, quia eo casu ipse retinet) in Dominium Romanæ Ecclesiæ transeant, ejusq; nomine administrēt.

VII. Qualiter pecuniæ in necessitates Fratrum titulo laboritii, sive temporalis, sive spiritualis ut pro Missis, Officiis Divinis Prædicationibus, Sepulturis, oblatae, nomine Romanæ Ecclesiæ à Syndicis recipiantur, & administrantur; & ad eam pertineant.

VIII. Qualiter ad Syndicos spectet rem non Fratribus utilem, in alias eisdem utilem, convertere; & pecuniam, quæ ex re, sic non utili, provenit, possint convertere in quamcumque aliam, cujus usum Fratribus, ex Pontificia declaratione Nicolai non est interdictus. Quæ omnia, cum aliis esse in praxi à Super-

perioribus de Corpore Observantiæ servanda ,
notavit Marchant. locis citatis.

Sunt à Sancta Sede præfatis Syndicis intuitu laborum, quos continuò in Fratrum beneficio, quocumque tempore, & occasione, sustinent, concessa indulta; quibus privilegio fori gaudent, & à Laica potestate eximuntur: quamquam enim, & ipsi regulariter sint Laici, tamen sunt per Roderic. *loc. cit. q. 40. art. 4.* aliquo modo spiritualibus annexi; utpotè ab eadem deputati pro servitio Fratrum, ut res, istis pro necessitatibus oblatas, nomine Romanæ Ecclesiæ administrent; apud quem *art. primo, & secundo* videri possunt ea à Regibus Hispaniarum concessa; dum alia Pontificum, & S. S. C. C. recentiora, hinc ex originalibus adducimus.

Clement VII. concedit hujusmodi Syndicis, vel Procuratoribus Privilegium fori in causis civilibus, criminal. & mixtis, motis, & movendis *Bullar. Cherub. tom. I. pag. 671.*

24 -- Dum consideramus assiduos labores, & vigiliis, quos dilecti filii Syndici, & Procuratores Domorum, & Monasteriorum Fratrum Minorum Sancti Francisci Regularis Observantiæ, & Monialium Sanctæ Claræ, Conceptionis, & Annunciationis, Ordinum, & Sororum Tertiæ Regulæ Sancti Francisci, sustinere non cessant, meritò nos obligant, ut animarum suarum saluti consulamus, ipsosque à quibuscumque molestiis, & injuriis, sibi pro tempore illatis, quantum cum Deo possumus, relevemus. --

25 -- Idcirco uni Syndico, & Procuratoribus hujusmodi, cum illius Uxore, & liberis, præsentibus, & futuro singulæ Domui, & Monasterio prædictis, pro tempore servientibus,

quod de cætero perpetuis futuris temporibus, ipsi, & eorum quilibet, omnibus, & singulis indulgentiis, & peccatorum remissionibus, favoribus, & gratiis, quibus Fratres Ordinis Observantiæ prædictorum utuntur, potiuntur, gaudent, seù uti, potiri, & gaudere poterunt, quomodolibet in futurum, uti, potiri, & gaudere possint, & valeant. --

-- Et insuper in quibusvis causis, & rebus ipsos Syndicum, & Procuratorem concernentibus, civilibus, criminalibus, & mixtis, non nisi coram Judicibus Conversatoribus Domorum illorum, quarum ipse Syndicus, & Procurator fuerit, de Justitia respondere teneatur, auctoritate Apostolica concedimus, & indulgemus. --

-- Inhibendo sub excommunicationis latæ sententiæ pena universis, & singulis Judicibus, Commissariis Ecclesiasticis, & Secularibus, quacumque auctoritate fulgentibus, ne de causis, contra dictos Syndicos, & Procuratores, motis, & movendis, directè, vel indirectè, quovis quæsito colore, seù prætextu, se intromittere quomodolibet de cætero audeant, vel præsumant. Decernentes quoscumque processum contra dictos Syndicos, & Procuratores, per alios, quam dictos Conservatores, in causis dumtaxat contra eos motis, & movendis, habendos, & sententias ferendas, nullos, & invalidos, nulliusque roboris, vel momenti fuisse, & esse, ac irritum, & inane, si secùs super his à quoquam quavis auctoritate, scienter, vel ignoranter contigerit attentari. --

-- Non obstantibus præmissis, ac Constitutionibus, & ordinationibus Apostolicis, nec non Ordinum prædictorum, juramento, confirmatione Apostolica, vel quavis auctoritate
alia

alia roboratis, & statutis, & consuetudinibus, cæterisque contrariis quibuscumque.

Volumus autem, quod præsentium transumptis manu publici Notarii subscriptis, & sigillo alicujus Episcopi, seu personæ in dignitate Ecclesiastica constitutæ, munitis, eadem prorsus fides, tam in judicio, quàm extra illud adhibeatur, quæ adhiberetur, si præsentibus originales literæ essent exhibitæ, vel ostensæ. Datum Romæ apud Sanctum Petrum sub annulo Piscatoris die 16. Aprilis 1526. Pontificatus Nostri Anno Tertio.

Ex *nu. 25.* constat privilegium fori concedi dumtaxat uni solùm Procuratori pro uno quoque Conventu, quod *sub die 27. Novembris 1650.* firmavit S.C. Boni Regiminis; Ideò si aliis ejusdem districtus literæ Procuræ concedantur, abusive, & non in sensu proprio, & per Sedem Apostolicam inducto, Procuratores nominantur.

An autem ad Hospitiorum Syndicos privilegium extendatur? videtur affirmativè resolvendum, ne dum quia Hospitia sunt Domus Fratrum Minorum; sed etiam quia Pontifex ea comprehendit sub ly *Domorum*: cum ibi non promiscuè, & synonymè accipiat Domum, & Monasterium; sed pro diversis; ad quod facit Rota *decis. 427. coram Coccino nu. 10. tom. 2. p. 5. Decis Rec. nu. 10.* tradens dictionem, & diversitatem copulatum designare.

Innocentius XI. confirmat in forma specifica Decreta variarum SS. Congreg. emanata super exemptione, & Privilegiis præfatorum Syndicorum.

26 -- Aliàs pro parte dilecti filii Francisci Mariæ Tagliaferri Procuratoris Generalis, Ordinis Fratrum Minorum Sancti Francisci, de

Observantia nuncupatorum, Congregationi Venerabilium Fratrum Noſtrorum S. R. E. Cardinalium negociis, & Conſultationibus Episcop., & Regular. præpoſitæ, expoſito, quod dudum nonnulli Romani Pontifices, & præſertim fel. record. Nicolaus III., & Nicolaus IV., Martinus IV., & Martinus V., & Eugenius IV. Prædeceſſores Noſtri, ut vera Obſervantia, Regulæque paritas in ordine prædicto vigeret, & magis augetetur. Fratresque ipſius Ordinis ab omni dominio, & proprietate alieni conſervarentur, ſtatu-erant, & ordinaverant, ut unicuique Conventui dicti Ordinis assignaretur unus Procurator, ſive Syndicus Apoſtolicus, qui omnes eleemoſynas, tam pecuniarias, quam aliarum rerum colligere, illasque ſolus in neceſſitates Fratrum præfatorum applicare deberet. --

§. I. -- Et ſubinde recor. mem. Clemens Papa VII. etiam Prædeceſſor Noſter, intuitu laborum, quos ejuſmodi Syndici in beneficio dictorum Fratrum, quocumque tempore, & quavis occasione aſſidue ſuſtinebant, eoſdem Syndicos à foro ſeculari exemerat, volens, ut in cauſis, tam civilibus quam criminalibus, & mixtis, non niſi coram Judicibus Conſervatoribus eorundem Fratrum Minorum de Obſervantia de juſtitia reſpondere tenerentur, & aliàs pro ut in ipſius Clementis Prædeceſſoris literis, deſuper in ſimili forma Brevis die 16. Aprilis 1526. expeditis, plenius dicitur contineri. --

§. II. -- Ac in eadem expoſitione ſubjuncto, quod nonnulli dicerent, privilegium hujuſmodi in aliqua ſui parte ampliùs in uſu non eſſe, alii verò prætenderent, illud Syndicis prædictis, ratione eorum officii tantum, non.

autem, uti talibus personis, competere, unde fiebat, ut Fratres prædicti non sine Paupertatis, & Regulæ, quam profitentur, suarumque conscientiarum detrimento, neminem amplius reperire possent, qui eorum Syndici, sive Procuratoris munus in se suscipere, eumque laborem assumere vellent. --

§. III. -- Ideoque pro parte præfati Francisci Mariæ Procuratoris Generalis dictæ Congregationi Cardinalium supplicato, ut non solum auctoritate Apostolica confirmaretur dictum privilegium, sed etiam illud Syndicis, sive Procuratoribus hujusmodi, uti talibus personis competere declararetur. --

§. IV. -- Emanavit ab eadem Congregatione Cardinalium decretum tenoris sequentis, videlicet: Sacra Congregatio E. E. S. R. E. Cardinalium Negotiis, & Consultationibus Episcoporum, & Regularium præposita, attenta remissione libelli per S. S. D. Nostrium facta, referente Eminentiss. Norfolk, censuit danda esse Oratori decreta, aliàs edita, nempe super præmissis servandam esse præfatam Constitutionem san. mem. Clementis VII. prout præsentis decreti tenore omninò servari mandat, & præcipit. -- Romæ 28. Martii 1686.

Gaspar Cardinal Carpineus.

B. Panciaticus Secretarius.

§. V. -- Porro cum dictus Franciscus Maria Procurator Generalis prænarrata pariter expoluisset Congregationi, etiam Venerabilium Fratrum Nostrorum ejusdem S. R. E. Cardinalium, super Immunitate Ecclesiastica, & controversiis jurisdictionalibus Deputatorum; hæc Congregatio censuit, danda

T 5 esse

esse decreta anteriora, tenoris, qui sequitur, videlicet: Sacra Congregatio super Immunitate Ecclesiastica, & controversiis jurisdictionalibus, habita sub hac die 26. Martii 1686 circa exposita in præsentis supplicis libello, dixit, danda esse decreta, ut infra die 31. Maii 1639. Fanen. Provincialis Fratrum Minorum Observan. Sancti Francisci, sacra &c. censuit, respondendum Episcopo, ut quoad exemptionem Syndici Fratrum Min. Obser. loci de Cartoceto faciat Bullam Clementis VII. observare, si in eo concurrant requisita ejusdem Bullæ. --

§. VI. -- Die 17. Novembris 1642. Perusina, Fratres Sancti Francisci Min. Obser. Sacra &c. censuit servandam esse Bullam Clem. VII. circa privilegium fori, & exemptionis Syndicorum, & Procuratorum Ordinis Fratrum Minorum S. Francisci de Observantia. --

§. VII. -- Die 4. Augusti 1654. Fanen. Episcopus: An Syndicus Fratrum Min. de Observantia S. Francisci gaudere debeat privilegio fori. Sacra &c. censuit, hujusmodi Syndicum gaudere privilegio fori juxta Constitutionem Clem. VII.

§. VIII. -- Die 23. Maii 1645. Romana Pater Commissarius Generalis Curiae querit: An Syndici, & Procuratores Apostolici Conventuum suæ Religionis gaudeant privilegio fori, etiam in causis, tam civilibus, quam criminalibus, & mixtis, motis ante institutionem officiorum virtute Bullæ Clem. fel. rec. Pape VII. Sacra Congr. respondit. Syndicos Conventuum Ordinis Fratrum Minor. de Observantia S. Francisci ex Bulla fel. recor. Clem. VII. gaudere privilegio fori, tam in causis civilibus, quam criminalibus, & mixtis, etiam motis ante eorum deputationem, seu in-

institutionem in officium Syndicatus. --

§. IX. -- Die 23. Maii 1645. Recinaten. An Syndicus Monialium Sanctæ Claræ gaudet privilegio fori, prout gaudent Syndici Fratrum Min. de Observantia, Sacra &c. censuit, hujusmodi Syndicum gaudere debere privilegio fori, in quorum fidem &c. -- Datum Romæ sub hac die 20. Aprilis 1686.

Loco † Sigilli.

I. Patriarcha Antiochen Secr.

§. X. -- Cum autem, sicut idem Franciscus Maria Procurator Generalis Nobis nuper exponi fecit, ipse decreta hujusmodi, quo firmitus subsistant, & servantur exactius, Apostolicæ confirmationis nostræ Patrocinio cōmuniri plurimum desideret. Nos ipsius Francisci Mariæ Procuratoris Generalis votis hac in re, quantum cum Domino possumus favorabiliter annuentes, eumque specialibus favoribus, & gratiis prosequi volentes, & à quibuscumque excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine, quavis occasione, vel causa latis, si quibus quomodolibet innodatus exiit, ad effectum præsentium dumtaxat consequendum, harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, decreta præinserta à memoratis Congregationibus Cardinalium respectivè emanata auctoritate Apostolica tenore præsentium approbamus, & confirmamus, illisque inviolabilis Apostolicæ firmatis robur adiiçimus, salva tamen semper in præmissis auctoritate earundem respectivè Congregationum Cardinalium. Decernentes ipsas præsentis literas semper, firmas, validas, &

T 6 effica.

efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit plenissime suffragari, & ab eis respectivè inviolabiliter observari.

§. XI. -- Sicque in præmissis per quoscunque Judices Ordinarios, & Delegatos, etiam causarum Palatii Apostolici Auditores, judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari. Non obstan. præmissis, ac Constitutionibus, & Ordinationibus Apostolicis, nec non quibulvis, etiam juramento confirmatione Apostolica, vel quavis alia firmitate roboratis, statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, & de verbo ad verbum insertis habentes, illis aliàs in suo robore permansuris, ad præmissorum effectum, hac vice dumtaxat, specialiter, & expressè derogamus; cæterisque contrariis quibuscunque. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ, munitis, eadem prorsus fides ubique locorum habeatur, quæ ipsis præsentibus haberetur, si forent exhibitæ, vel ostensæ. -- Datum Romæ apud S. Petrum sub annulo Piscatoris die 19. Junii 1686. Pontificatus Nostri anno decimo.

Syndici hujusmodi non possunt compelli ad exercenda munia publica Communitatis, nec conveniri, nisi coram Judice Conservatore.

27 ~ Itā reperitur in libro Decretorum Sacre Congregationis super Immunitate Ecclesiastica, & controversiis jurisdictionalibus sub die 10. Maii 1669: videlicet: Sacra Congregatio inherendo declarationibus alias factis censuit; Procuratorem, & Syndicum Fratrum Minorum de Observantia ex Bull. fel. recor. Clement. VII. gaudere privilegio fori, tam in causis civilibus, quàm in criminalibus, & mixtis; & insuper non posse compelli ad exercenda munia publica communitatis, neque à quoquam posse molestari, nisi coram legitimo Conservatore. Romę hac die 7. Januarii 1699.

Declaratio R. P. D. Auditoris Sanctissimi, lite contestata, & partibus auditis: quod syndici Apostolici hujusmodi non sunt comprehensi in revocatione Patentatorum; adeoque eos esse tantum subjectos Judicibus Conservatoribus.

In Nomine Domini. Amen.

28 -- Fidem facio per præsentes Ego Curiae Causarum Camerae Apostolicæ Notarius infrascriptus, qualiter in actis meis die 23. Novembris 1694. coram Illustriss. & Reverendis: Domino Auditore Sanctissimi pro Religione Patribus Minor. de Obser. S. Francisci principalibus, Canamellinus unus ex SS. D. N. Papæ Cursoribus retulit in scriptis, se die 16. Novembris 1694. domi dim: cop:

ci-

citasse D. Franciscum Mariam Panaram, ex
 adverso Procuratorem assertum Illustriss. &
 Reverendiss. D. Vicarii Apostolicæ Ripæ
 Transonæ exadverso principalis ad viden. per
 Illustrissimum D. declarari, Syndicos Aposto-
 licos Religionis Min. de Obser. non esse com-
 prehensos in revocatione literarum Paten-
 tium, sive declarationis Patentatorum & pro-
 inde eosdem Syndicos esse tantum subjectos
 Conservatoribus dictæ Religionis, & exem-
 ptos respectivè à jurisdictione Episcoporum,
 & propterea mandari Syndicum nulliter, &
 indebitè in carceribus detentum per dictum
 Reverendiss. Vicarium Apostolicum Adver-
 sarium excarcerari, & remitti ad dictum Con-
 servatorem, & interim videndum sibi inhiberi,
 ne audeat quidquam innovare, seu attentare
 sub pœnis &c. aliisque arbitrio &c. & decre-
 tum &c. ad primam diem instante Religione
 Patrum Min de Obser. S. Francisci principali-
 bus, sive &c. Qua quidem die adveniente rela-
 tione facta comparuit D. Ludovicus Buffius
 Procurator petiit, ut supra; Et tunc Illustriss
 & Reverendiss. D Auditor Sanctiss. declaravit
 Syndicos Apostolicos Religionis Minorum
 Obser. non esse comprehensos in decreto revo-
 cationis literarum Patentium, sive declara-
 tionis Patentatorum, & proinde eosdem Syn-
 dicos esse tantum subjectos Conservatoribus
 dictæ Religionis, & exemptos, respectivè à ju-
 risdictione Episcoporum: Procuratoribus hinc
 inde præsentibus omni &c. & aliàs latius, pro
 ut in actis meis &c. ad quæ &c. In quorum fi-
 dem &c. -- Dat Romæ hac die 10. Feb. 1699.

Ita est Marcus Joseph Pelusius Curia: Cau-
 sarum Cam. Apostolicæ Not. &c.

Loco ✠ Sigilli.

Syn.

Syndici gaudentes privilegio fori sunt exempti à Represaliis.

S P O L E T A N A.

- 29 -- Instantibus Monialibus Monasteriorum Sanctissimæ Trinitatis, S. Pontiani, & S. Catharinæ pro declaratione, Agentes dictorum Monasteriorum esse exemptos à Represaliis, Sac. Congreg. super Immunitate Ecclesiastica, & controversiis jurisdictionalibus habita sub die 14. Januarii 1698. censuit, Syndicos tantum, gaudentes privilegio fori esse exemptos à represaliis. -- Romæ hac die 7. Jan. 1699.

G. Card. Carp.

Loco ✠ Sigilli.

I. Vallem. Secretarius.

Sacra Congregatio Boni Regiminis declarat Syndicos Apostolicos exemptos à solutione Collectarum pro oneribus communitativis, non solum in loco Syndicatus, sed etiam, ubi eorum bona reperiuntur.

- 30 Extra. *All' Illustr. e Molto Reverendo Signore, come fratello, il Presidente di Urbino. Pesaro. Intus vero. Illustr. e Molto Reverendo Signore come fratello. Ogni volta, che à V.S. costi, che Ludovico Gabuccini sia stato legitimamente eletto per Syndico Apostolico dell' Frati Minori Osservanti del Convento di Santa Maria Nuova di Fano, e che in quella Città nò si trovino altri, che lui Deputato à tal carica, Ella farà, che al medesimo per li beni, che possiede in alcuni luoghi di questo*

436. *Officialis quoad*
testo stato venga fatta buona l'esentione dal pa-
gamento delle Collette per li pesi communitativi,
essendo stato altre volte dichiarato dalla Sagra
Congregatione, che à tali Ministri attuali di essa
Religione compete l'esentione sudetta; e Diola
prosperi Roma 24. Gennaro 1699.

Di V.S.

Come Fratello.

Il Cardinal Spada..

Francesco Caffarelli Secret.

C A P U T U L T I M U M.

Officialis quoad Tertiarios.

S: U: M: M: A: R: L: U: M:.

1. *Assignantur genera Tertiariorum.*
2. *Votum solenne Religionis non includitur in vo-*
to simplici Castitatis.
3. *Sacra Congregatio multa prescribit, quoad Ter-*
tianos.
4. *Quibus per disposita in Decreto, privilegia con-*
venient.
5. *Viri debent collegialiter, vel cum Claustralibus,*
vivere.
6. *Dictio, etiam, est ampliatio.*
7. *Collegialiter viventes, habere possunt Oratorium,*
& Campanas.
8. *Viaticum, & Extremam Unctionem quando à*
Parocho recipiant.
9. *Tertiarii subduntur Superioribus Ordinum,*
vide num. 12.
10. *Fus conferendi habitum non est apud Ministros*
seculares.
11. *Nova Confirmatio, & Concessio.*
12. *Extenditur ad Tertiarios in propriis domibus*
habitantes.

- 13 Superiores recipiunt ad professionem.
- 14 Negato minori, non conceditur majus.
- 15 Formula professionis.
- 16 Dubium super promissione facta.
- 17 Quæ contenta in regula obligent ad mortale.
- 18 Solum propositum non constituit votum.
- 19 Distinctio propositi à promissione.
- 20 Transgrediens propositum non peccat.
- 21 Super quo monendi ante professionem.
- 22 Congregationes Tertii Ordinis extra Claustra erectæ Superiori cediunt.
- 23 Capucini interdicta collatio habitus.
- 24 Continuatio litis.
- 25 Congregatio super disciplina regulari erigitur.
- 26 Decretum Sacre Congregationis super collatione habitus Tertiariis, oblatiis, &c.
- 27 Pœna in Transgressores.
- 28 Forma, & qualitas habitus conferendi iis de Tertio Ordine S. Francisci.
- 29 Habitus formalis, & materialis Religiosorum.
- 30 Heremitis & aliis conferunt habitum Superioris Ordinis S. Francisci.

Varii sunt Tertiariorum, seu eorum, qui de Tertio Ordine nuncupantur, status, quorum, omiſſis iis, (utpotè verè Clauſtralibus, & Religioſis) quibus Leo X. *Conſt. Inter cetera. Bull. Cherub. to. 1. pag. 618.* aptavit Regulam à S. Francisco pro ſecularibus inſtitutam, & à Nicolao IV. *Conſtit. ſupra Montem ibid. pag. 185.* approbatam, & auctam, idem Leo *Conſtit. dum intra*, edita in Concilio Lateranenſi, *eod. tom. pag. 586.* meminit, & plura circa eos diſponit, prout ſequitur: Fratres autem, & Sorores Tertii Ordinis, necnon Mantellati, Corrigeati, Pizocharæ, Cordellati, & alii, quocumque nomi-

nomine nuncupati, in propriis domibus habitantes, sepulturam, ubi voluerint, eligere valeant. Sed die Paschatis tantum Eucharistiā, necnon Extremam Unctionem, ceteraque Ecclesiastica Sacramenta, (Penitentiae Sacramento dumtaxat excepto) à proprio Sacerdote recipere, & onera, quæ laicis incumbunt perferenda teneantur, ac in foro seculari coram Judicibus secularibus conveniri possint. Collegialiter autem viventes, seu cum Claustralibus habitantes, ac Mulieres virginalem, seu cælibem, aut castam vidualem, expresso voto, & sub dicto habitu vitam ducentes, privilegiis, quibus Fratres Ordinis, cujus Tertiæ Regulæ habitum gestant, gaudere debeant. --

2 Et *Const. Nuper in Sacro Lateranensi Concilio*, & *infra*. -- Nos ad tollendum omne dubium, motu proprio, & ex certa scientia, & de Apostolicæ potestatis plenitudine, harum serie decernimus, & declaramus, quod in præmissis de voto solemnī Religionis minimè intelligi debeat; ita ut mulieres virginalem, seu cælibem vitam simpliciter voventes, etiam in consanguineorum, & affinium suorum, aut propriis domibus, vel seorsim habitantibus, privilegiis, & immunitatibus prædictis, in omnibus, & per omnia frui, & gaudere debeant.

3 Quibus *sub die 20 Decembris 1616*. accessit decretum S. C. Episc. & Reg. *apud Lantusc. verb. Tertiaria, & Peyrin. ad Const. 4 Sixti IV. §. 7 pag 42. Nicol. Flosc. verb. Tertiaria num. 2. infra scripti tenoris*: -- Ad tollendas omnes contentiones inter Episcopos, & Superiores Regulares super immunitate, & exemptione Tertiariarum, quæ in domibus privatis degunt, vulgo *Bizzocche*, seu alio quovis nomine nuncupatarum: in primis, & ante omnia in me-

memoriam revocat ea, quæ S.C.C. in eadem sententia respondit, videlicet

§. I. -- S. Congr. Conc. sæpius respondit, minimè posse Sacerdotes Regulares mulieres Tertii Ordinis, quas de penitentia, vel Bizzochas vocant, confessiones Sacramentales audire, nisi fuerint ab Ordinario approbati ad Confessiones personarum fecularium audiendas, quemadmodum, nec posse illis Sacrosanctum Eucharistiæ Sacramentum administrare in die Paschatis Resurrectionis S.D.N. Jesu Christi. --

§. II. -- Verum, quoad sepulturam, atque alia Privilegia, Fratres Tertiarios, Mantellatos, Corrigeatos, aliosque similes, ita demum Ordinis, cujus Tertix Regulæ habitum assumpserunt, privilegiis potiri, & ab Ordinarii jurisdictione exemptos esse, si viri colligialiter vivant, aut cum Claustralibus habitent, mulieres virginalem, seu cèlibem, aut castam virginealem, expresso voto, & sub habitu, vitam traduxerint, quemadmodum cavetur Const. Conc. Later. sub Leone X., quæ habetur sess. 21. in fine. --

§. III. -- Hoc autem voto Mulierum alia duo, scilicet, Paupertatis, & Obedientiæ, nequaquam includi, quinimo hujusmodi mulieres, si virginalem, aut cèlibem simpliciter, & expressè voverint, etiam in consanguineorum, & affinium suorum, aut propriis domibus, vel seorsim habitantes, supradictis privilegiis Ordinis, cujus Tertix Regulæ habitum deferunt, exemptioneque ab Ordinarii jurisdictione frui debere, ut idem Leo postea declaravit Constit. edita die 1. Martii 1518. --

§. IV. -- An autem prædictæ qualitates in hujusmodi Tertiariis concurrant Ordinarii loci esse judicium. --

§. V.

§.V. -- Præterea, si contingat aliquas ex prædictis Tertiariis sine sepulturæ electione decedere, eas sic decedentes, ita demum in Ecclesiis Ordinis, cujus habitum assumpserunt, si in ipsis earum communis sepultura reperiatur; sin minus, in Ecclesijs Parochialibus sepeliendas esse decernit: --

-- Superioribus autem Regularibus sufficienti facultate ad id à Sancta Sede Apostolica suffultis (Capucinis exceptis,) liberè Mulieres ad huiusmodi habitum recipere, atque ad ipsos vestiendi eas officium pertinere; non autem ad habitum admittendas, & recipiendas esse, nisi probatæ vitæ, ac bonis moribus præditas, ac in ætate, saltem quadraginta annorum, constitutas, quæ de proprio habeant, unde sufficienter vivere possint, & non cum aliis viris, quàm cum Consanguineis, vel affinibus in primo tantùm gradu sibi conjunctis, cohabitent, & ab Ordinario loci, licentia prius impetrata, qui non aliter eam concedat, nisi de prædictis, prævio examine diligenti, sibi constiterit. --

§. VI. -- Verum in huiusmodi habitu concedendo, & respectivè deferendo, omninò à velo supra caput, quod superjectum vocant, & à pectorali, quod vulgò dicitur *Sottogola*, & à patientia, abstinendum esse; quinimò eas, quæ supradicta tria, vel aliquod ipsorum, deferre comprehensæ fuerint, illa dimittere, etiam per censuras Ecclesiasticas, ab ordinariis locorum compellendas esse decernit. --

§. VII. -- Supradictis verò decretis mulieres Tertii Ordinis, quæ collegialiter vivunt non comprehendi, quinimò eas dispositioni Constitutionis Pii V editæ Romæ anni 1596. 4 Kal. Julii, quæ incipit circa Pastoralis &c.

peni-

penitus subjacere expresse declarat, non obstantibus, &c. --

Ex quibus liquet præfatorum dispositionem extendi ad Tertiarios, qui collegialiter vivunt, cum Claustralibus habitant, & in propriis domibus degunt; & privilegia item restringi ad eos, qui simul degunt in aliqua communi domo sub Tertiariorum habitu, & Regula à S. Sede approbata (sine expressa tamen professione votorum substantialium Religionis, ut à verè Tertii Ordinis Religiosis distinguantur;) & alios sub eodem habitu cum Claustralibus habitantes, ac mulieres virginalem cælibem, aut castam vidualem vitam simplici voto promittentes.

Et quamquam per ibi expresse disposita, ut viri privilegiis fruantur Ordinis, cujus Tertiaræ Regulæ habitum assumunt, exigatur, vel quod collegialiter vivant, aut cum Claustralibus habitent, & excludantur cæteri, qui in suis domibus plena libertate sub habitu Tertiariorum vivunt, utpotè puri seculares respectu tamen Tertiariarum mulierum textus non poscit, vel quod sint collegialiter unitæ, vel cum Claustralibus habitent, sed eisea communicat privilegia, & ab Ordinarii jurisdictione eximit, si habeant requisita expressa in responso Sacræ Congregationis *num. 3. allegat.* ut notavit *P. asec. prax. Episc. par. 2. cap. 3. art. 7. sub num. II.*

Et videtur loqui indefinitè, & generaliter, de mulieribus, tam collegialiter unitis, quam proprias mansiones inhabitantibus: quod concludenter probatur per appositam dictionem, *etiam*, quæ ut notavit *Lezzana summ. quest. Reg. tom. 3. verb. dictio, num. 20.* unum casum, ut magis dubium, exprimit, & alium

- aliud includit; & ut minus dubitabile, in casu tacet, & supponit, id collegialiter unitis convenire. Et expressè idem Leo *Const. Ea qua. Orb. Seraph. to 2. lib. 12. n. 175. pag. mibi 846.* infra medium in favorem Sororum Tertiæ Ordinis S. Francisci collegialiter viventium, disponit: -- Et insuper omnibus, & singulis Prælati, tam Regularibus, quam secularibus, &
- 7 Parochiarum Ecclesiarum Rectoribus, cæterisque personis sub excommunicationis latæ sententiæ pœna, inhibemus, ne dictas Sorores, juxta privilegia dictorum Fratrum, Oratoria cum Campanili humili, & Campana, ac in illis Sacramentum Eucharistiæ in loco decenti, & honesto, necnon Oleum Sanctum pro ipsarum usu tantum, & Cæmeterium benedictum habere, in quo Sororum decen-tium Corpora per earum Confessorem sepeli-ri possint, ac in eisdem Oratoriis aquam benedictam solemniter benedici, Missasque se-cundum earum devotionem cantari, & cele-brari facere liberè, & licitè possint, &c. --
- 8 Verum, ubi esset consuetudo, quod à Parocho Viaticum, & Extremam Unctionem re-ciperent, vel, de ejus licentia, à Sacerdote Regulari, servanda est.
- 9 Tertiarii alii, viri, nimirum non collegiali-ter viventes, & foeminae, non ducentes vitam cælibem, & virginalem, sed matrimonio uni-tæ, directioni, & obedientiæ Superiorum Or-dinum, quorum sunt Tertiarii subduntur, præsertim in iis, quæ ad spiritualem animæ profe-ctum spectant, *Lezz. loc. cit. n. 41.* Et specificè quoad eos Tertiæ Ordinis S. Francisci, reperi-tur pluries per literas Apostolicas concessum Ordini Minor. de Observ. & postremo *die 28. Julii 1657. Orb. Seraph. tom. cit. c. 5. num. 107.*

pag. 817. indulgit Alex. VII. *Const. Exponi Nobis*, & infra, Prædecessorum Pontificum literis enunciatis, subdit: -- Per quas omnes personæ dicti Tertiæ Ordinis de Penitentia submitunt obedientiæ, correctioni, & directioni Ministrorum Generalis, & Provincialium pro tempore existentium dicti Ord. Min. de Observ. ita quod possint easdem personas Tertiæ Ordinis hujusmodi corrigere, & delinquentes castigare ad ablationem habitus, seu mantelli procedendo, similiterque prædictis Ministris memoratis Ord. Fratr. Min. de Observ. nuncupatorum facultas conceditur præstandi illis, quos idoneos viderint, habitum Tertiæ Ordinis prædicti; nec non assignandi, & deputandi pro ipsis Tertiariis unum Religiosum de eadem Observantia in Visitatorem, & instructorem ipsorum &c. præscriptas Bullas Pontificias, nec non Constitutiones Ordinis hujusmodi, servari autoritate Apostolica tenore præsentium, mandamus, & præcipimus &c. -- Et tenuit Rota *coram Merlino in Ulixbonen juris conferendi habitum* 21. Junii 16, 6. *decis. 598. n. 24. to. 2 p. 5. decis. recent.*

- 10 Ex quibus patet jus præstandi præfatis habitum non esse apud seculares Ministros Congregationis ejusd. Tertiæ Ord. prout in terminis Rota *ibid. n. 25.* etenim ad quem spectat privatio habitus ad eundem debet spectare collatio ejusdem, atque receptio; & super hujus generis controversia allegata Constitutio Alexandri firmavit; sed cumulative apud Ordinis Minorum Superiores, tam de Corpore Observantiæ, quam Conventuales; privative etiam quoad Ordinarios, ex dispositione Sixti IV. *Const. Romani Pontific. Orb. Seraph cit. c. 12. pag. 893.* -- ubi: necnon vobis, & successoribus
ve.

vestris, pro tempore existentibus, Generali, & Provincialibus Ministris, & Vicariis, prænominati de Observantia dicti Ordinis Fr. Min. ac eisdem Ministros FF. & Sorores Tertii Ord. &c. volentesque ad ipsum Tertium Ordinem, & illius vivendi modum aggregari, recipiendi, & habitum, sive mantellum, juxta morem dicti Ordinis, eis exhibēdi; ac ipsis Ministris, Fratribus, ac Sororibus Tertii Ordinis, Visitatorem, sive Confessorem dicti Ordinis Fratr Minor. Conventualium, vel de Observantia nuncupatorum, prout eis plus placuerit, ad id, moribus, vitæ sanctimonia, & ætate, idoneum &c. assignandi, eadem autoritate licentiam concedimus, & etiam facultatem; Districtius inhibentes locorum Ordinariis, & aliis quibuscumque personis cujuscvis status, gradus, vel conditionis existant, & quacumque autoritate fungantur, ne prætextu quarumlibet litterarum, & facultatum, eisdem forsan concessarum, & pro tempore concedendarū, de præmissis, quæ ad vos spectant, se quomodo libet ingerere præsumant; ac decernentes ex nunc irritum, & inane, si secus super his per quoscumque, quavis autoritate, scienter, vel ignorantèr, contigerit attentari: nō obstantib. &c. & apud Bordon *Bull. Terz Ord Bul. 159.*

- 11 Quod ibidem confirmat Julius II. *Const. ex-
toni Nobis Bulla 189.* atque denuò concedit, cum addat: - Et pro potiori cautela vobis, in Ministros Fratres, & Sorores dicti Tertii Ordinis superioritatem, jurisdictionem, visitationem, correctionem, coercionem perpetuis futuris temporibus damus &c. Non obstantibus &c.

- 12 Nec dicendum, præfata non ampliari, nec extendi ad Tertiarios seculares, pleno jure in
pro-

propriis domibus, cum uxoribus, & filiis viventes; nam Julius II. in ea Constitutione utitur terminis illimitatis, *omnes, & singulos*; adeoque non restrictis ad collegialiter tunc viventes, sed ampliandis etiam ad præfatos, tamquam propriè institutos à S. Francisco. *Ex Casarub. in comp. Privil. verb. Tertiariorum Regula nova §. Ex prædictis.* Verum in eos seculares non habent Minores propriam, & coactivam jurisdictionem, cum repugnet puritati Ordinis S. Francisci habere jurisdictionem in eos, qui sunt meri Laici, ut sunt præfati; dependentiam tamen aliquam, & subjectionem habent erga Fr. Min. atque sub eorum protectione, & spirituali regimine vivunt, quos in viam salutis dirigunt, imbuedo spiritualibus monitis, & illos tractando, uti eorum disciplinæ alumnos, & ab eodem fonte scilicet D. Francisco descendentes, ut firmavit Rota *ciz. n. 1. & seqq.*

Et facit, quod Alexander VII. enunciata Constitutionem edidit contra secularem Ministrum Congregationis Tertiæ Ordinis, in Conventu Fratrum Minorum de Observantia Mexicanæ Urbis erectæ, qui usurpata potestatis plenitudine, & authoritatis independentia ad habitum, & professionem dicti Ordinis Fratres præsumebat admittere, eosque præfato privare, qui, tamquam verum spirituales Superiores, recognovissent ejusdem Congregationis Visitatorem, ex Religiosis Conventus electum, ut ex narrativis ejusdem patet, & refert *Orb. Seraph. cit. pag. 816.*

- 13 Ne dum ad habitum præfatorum Ordinum Superiores admittere, eoque juxta qualitatem delicti privare valent; verum etiam, eis jurisdictio conceditur recipiendi ad Profes-

professionem eos, quibus habitum præstiterè ,
 quod exprimit Sixt. IV. per ea *ad illius vivendi modum aggregari*: Quod quidem professione
 obtinetur, non emittenda in manibus secularis, & improprie Ministri, sed potius Aeconomi, & Administratoris ejusd. Tertii Ord: cui, cum habitus sit interdicta collatio; concludenter sequitur omni prorsus autoritate carere ad recipiendos Fratres consodales ad Professionem; Quia ex adnotatis à Marcant. in Reg. S. Francisci c. 2. tit. 2. q. 2. concl. I. *Guis, quod minus est, nimirum recipere ad habitum, non conceditur; nec quod magis est, concedetur, nimirum recipere ad Professionem*; Sed in manibus eorumdem Superiorum, vel aliorum de ipsorum licentia, ut tradit Lezz cit. n. 21. vid. Offic. quoad Confraternit. n. 10.

Et in terminis habetur in Constit. Adfructus Pauli III. Director. trium Ord. pag. mibi 26. continente statuta, specificè edita pro Tertiariis proprias domos inhabitantibus, ubi, c. 2. -- Fratres, & Sorores, postquam per unum integrum annum, habitum probationis detulerint, si conversatio laudabilis fuerit, per habentem facultatem Ministri Generalis, recipiendi ad hunc tertium statum solummodò, & non per alios, ad Professionem recipiantur. -- Et novissimè observavit P Petr. de Alman-drello Escudo Seraphico art. 7. pag. mibi 515.

Formula Professionis à Consodalibus in manibus Prælati, seu Visitatoris facienda.

- 15 Io frà N. prometto à Dio Onnipotente, & alla B. Maria sempre Vergine, & al B. S. Francesco, & à tutti i Santi del Cielo; & à voi Padre, d'osservare tutto il tempo di mia vita la Regola de' Frati di Penitenza, instituita dal P. S. Francesco, e per Papa Nicolò IV. confermata:

mata ; & i comandamenti di Dio, e di soddisfare come conviene , per le trasgressioni , che commetterò contro questo modo di vivere ogni volta , che sarà dimandato dal mio Visstatore .

Tunc Prælatas ad Professionem recipiens : *Et io , se questo offerverai , da parte di Dio ti prometto la vita eterna .*

Quæ formula est ad tenorem dispositionis capituli secundi ejusdem Regulæ à Nicolao IV. approbatæ .

- 16 Sed dubitatur, an per eam promissionem inducatur nova obligatio ad observanda Præcepta Divina ; adeò ut, si aliquod ex eis Professus transgrediatur, committat duplex peccatum : alterum causa præcepti transgressi , & alterum ratione voti violati ; & de hac promissionis circumstantia teneatur se accusare, ubi sua approbato Confessori manifestaverit peccata?

Et videtur affirmativè resolvendum . Quippe , cum sit promissio Deo facta , voti obligationem inducit ; consequenter contra eam peccatum mortale committitur qualificatum circumstantia sacrilegii, utpotè contra Religionem aperiendam idè in Confessione, ex quo novam speciem malitiæ contineat .

- 17 Negativa tamen est verior, & communior per Lezz. *cit. n. 19. Peyrin. de Privil. ad Const. 18. Julii II. §. 2. Donat. prax. reg. to 2. p. 2. tract. 16. q. 8. Et ad tenorem c. 20. Regulæ à Nicolao IV. confirmatæ, ubi ipse Pontifex firmat : -- Cæterum in præmissis omnibus, ad quæ Fratres vestri Ordinis, non ex Divinis præceptis, vel statutis tenentur Ecclesiæ, nullum ipsorum ad mortalem culpam volumus obligare, sed impositam sibi penitentiam pro transgressionis excessu, prompta humilitate recipiat, & efficaciter studeat adimplere. -- Et sub*

iisdem terminis repetit Paulus III. *cit. c. 10.*

Ideò ad rationem in contrarium, ex allegatis dicitur, illud *Promitto*, quo profitentes utuntur, votum non significare, sed purum
 18 propositum. Per quod solùm ex observatis à *Thoma Tamb. explicat. decal. lib. 3. c. 11.* votum non constituitur, etiam si millies firmissimè repetatur, ex Gobat. *10. 3. oper. mor. 1. p. casu 1. n. 7.* quia: Ad votum non sufficit deliberata voluntas aliquid faciendi, vel omittendi (per propositum significata) sed ulterius est necessaria promissio, voluntas nimirum, se Deo
 19 obligandi: Quod exigitur ab ipsa specifica natura voti, obligationem, ad aliquid omittendum, vel faciendum, per Doctores importantis. Quam in casu non induci, est certum, ex intentione Pontificum præfatum vivendi modum approbantium, & nolentium ad culpam, ex dictis, obligare.

Ideò constat, promissionem verbis expressam, à proprio significato esse alienam, & cum proposito confundi, similemque esse ei, qua quis confessario promittit, se imposterum amplius non peccare; quia confunditur cum proposito, per quod certè juxta communem, nova non inducitur obligatio. Et si furando, v. g. peccet, non ideò id contingit, quia propositum transgreditur, sed quia, contra Præceptum *non furandi*, operatur.

21 Unde monet Almandrelius, quod priusquam Professionem emittant, debent à Prælati instrui, ut sciant, præfatos Pontifices noluisse eos ex vi Professionis, & Regulæ obligare ad culpam mortalem, vel venialem, ne propter ignorantiam, & errorem existiment, se ad promissa in vim promissionis sub culpa obligari.

Nec

Nec obstat, quod Nicolaus culpam venialem taceat; quia notat Lezz. cit. Regulā Tertiariorum, sic fuisse receptam, ut nec ad venialem obliget, quod per expressa in Regulis pro Tertiariis Dominicanorum, & Servitarum deducit. Et tradit Leo X. c. 10. Regulæ ab eodem pro Tertiariis Claustralibus editæ *Const. n. 1. cit.* ubi -- omnia, & singula in præfenti Regula contenta, sunt consilia, ad facilius salvandas animas viatorum: & nulla sunt obligatoria ad peccatum mortale, vel veniale, nisi humano, vel divino jure, aliquis aliàs esset obligatus. Obligantur tamen F. & Sorores facere penitencias sibi à Superioribus impositas, quando super hoc requiruntur; ad tria vota essentialia, & tenentur ad clausurā illę, quæ ipsā expressè servare voverint, prout ibi clarè.

22 Et, siue Congregationes Tertii Ordinis erigantur in Oratoriis existentibus intra Claustra Conventuum, vel in Ecclesiis Fratrum, aut in loco tertio, & extra illa, semper habitus necessariò conferendus est à Superiore, vel Visitatore electo, & in eorum manibus Professio emittenda; ut ex dictis satis patet.

23 Capucinis est absolutè à Sede Apostolica hujusmodi habitus interdicta collatio, ut *sub die 20 Decembr. 1616.* à S. C. Conc. Et quamquam *sub die 31. Januarii 1620.* obtinuerint favorabile decretum, id tamen non aliter, quam cum clausula: *Dummodo Mulieres à Tertiariarum Capucinarum habitu admittenda ad formalem, materialemque ejusdem Religionis habitum, servato in reliquis omnibus Decreto, admittantur.* Quia tamen nunquam ad Sacræ Congregationis notitiam adduxerunt privilegia, quæ offendi, & restringi priori decreto asserebant, revocata iterum li-

24 te ad examen, *sub die 29. Novembr 1653. ead.*
 S.C. decrevit: *Non licere eisdem Capucinis Mu-*
lieres ad habitum Tertiariarum recipere, sed id
competere Fratribus Tertii Ordinis (cum qui-
 bus liserat) Et appellatione per Capucinos in-
 terposita, contra eos, decretum hujus tenoris
 emanavit: -- In causa Gallix inter Fratres
 Tertii Ord. S. Francisci, ex una, & Capucinos
 ex altera *die 15. Maii 1655. S. Cong. Conc om-*
nibus maturè perpensis, censuit servandū esse
decret. S. Congr. editum die 20. Decemb. 1616.

Et cum iterum conquererentur Capucini
 prædictum Decretum adversari posteriori
 edito *1620. die 5. Junii 1655. S. Cong censuit*
standum esse in decreto sub die 15. Maii præte-
riti: Quod sub die 30. Junii 1655. confirma-
vit Alex. VII. Const. emanavit nuper. Et sub
die 9. Julii 1656. S. C. Episc. & Reg præfatis
Capucinis præcepit esse servanda, & Breve
Alexandri, & S. C. Conc. Decreta.

Tandem cum tot Apostolicis decretis pa-
 rere renuerent, *sub die 30. Martii 1672. ite-*
 rum eis strictè præcipitur, ut à munere ad-
 mittendi ad Tertii Ordinis habitum, præfer-
 tim Mulieres, easque spiritualiter dirigendi,
 impofterum omninò abstinere, quibus *sub*
die 10. Octob. 1672. accessit confirmatio Clem.
X. Const. Exponi Nobis, qui in terminis dispo-
nit, ut infra: -- Præfatis Fratribus Minori-
bus, Capucinis nuncupatis, ne impofterum in
admittendis Mulieribus ad habitum Tertii
Ordinis S. Francisci, sive in ipsis dirigendis,
se ingerant, autoritate Apostolica tenore
præsentium interdiciamus, ac prædictis Fra-
tribus Capucinis perpetuum super præmissis
silentium imponimus Orb. Seraph. loc. cit pag.
803. & seq.

Super

Super admissione ad habitum, ejusdemque concessione Tertiariis, cum Claustralibus habitantibus, servari debet Decretum Congregationis super statu Regularium (quam licet Innocentius XII. *sub die 4. Augusti 1698 Con-
stit. Debitum* extinxerit, & suppresserit, singulas tamen facultates, eidem quomodocumque à Prædecessoribus concessas, illis exceptis, quas Congregationi super disciplina Regulari, præfatis literis institutæ, impertitus est, in
25 Congregationem Episcoporum, & Regul. transtulit) ex speciali mandato san. mem. Clementis X. *sub die 16. Maii 1675.* ea de re editum, tenor's, qui sequitur.

26 -- Et si decretis Sacræ Congregationis super statu Regularium de mandato Summorum Pontificum Innocentii X. & Alexandri VII. iam pridem editis pro Novitiis recipiendis, statutum sit, ut omnes, qui ad habitum probationis se recipi postulaverint, diligenter examinentur, ac per vota secreta approbentur, quotquot idonei reperti fuerint, ætate, aliisque requisitis ad præscriptum Apostolicarum Constitutionum, ac statutorum Ordinis; nec quispiam censeatur habilis ad hujusmodi habitum suscipiendum, ut Clericus, nisi annum ætatis suæ decimum quintum, neque ut Conversus, nisi annum vigesimum expleverit: nihilominus in pluribus Religionibus Italiæ, & Insularum adjacentium, aliquibus ab hinc annis introductum est, ut recipiantur adolescentes Laici, non quidem pro Conversis, ut annum probationis incipiāt, & finito tempore Novitiatus admittantur ad Professionē, sed pro Tertiariis, vel oblati, seu donati, eisque tradatur habitus, ut vocant, sine Caputio, illis dari consuetū, ut sic inserviant alicui

Religioso particulatim , aut pluribus, vel omnibus communiter: & multoties pueri, & adolescentuli recipiantur in Monasteriis, non ut Novitii , sed ut hospites , seu postulantes se recipi pro Clericis ad habitum probationis, & parva veste induti, plures menses, quinimo, & annos, sic detinentur intra Claustra, donec compleverint annum ætatis decimum quintum, Clericis, ut supra præscriptum ad annum Novitiatus inchoandum, idque prætextu, ut interea fiat experimētum de ipsorum indole, & aptitudine ad Religionem: & aliquando etiam in eadem veste iidem pueri, adolescentuli admittantur in Novitiatibus, & cum Novitiis degant, ad hoc, ut eorum voces pueriles in Choro cum vocibus Professorum misceantur, dum Divina peraguntur officia, quoniam verò secundum Canonicas sanctiones, & juris regulas, cum quid una via probibetur alicui, & ad id alia non debeat admitti, & memorati abusus irreperint in fraudem legis, & elusionem decretorum, ut supra editorum, in Religionum dispendium, ac non sine multorum admiratio. 3, & scandalo: idcirco eadem Sacra Congregatio, ut in dies crescat in Ecclesia Dei Sacrorum Religionum splendor, & veneratio, ex speciali mandato Sanctissimi D.N. D. Clementis Divin. Prov. PP. X. hoc præsentī Decreto, in virtute S. Obedientiæ præcipit omnibus, & singulis Superioribus Generalibus, Provincialibus, & localibus, quocumque nomine, ac titulo appellatis, quorumcumque Ordinum, & Congregationum, tam Mendicantium, quam non Mendicantium, ut de cætero neminem pro Tertiariis, vel oblatiis, seu donatis, aut commissis, vel

vel servientibus, nec pro hospitibus, seu postulantis, vel cantoribus, aut alio quocumque nomine nuncupatis, aut quovis habitu indutis, vel induendis, sub quovis prætextu, vel causa, aut quæsito colore, recipiant, seu admittant ad habitum intra Claustra, nisi vigesimum ætatis suæ annum expleverint; omnesque sic receptos, seu admissos (iis tantum exceptis, qui completa ætate annorum quindecim pro Clericis, seu Choristis in habitu Novitiorum annum probationis agunt) à Monasteriis, seu domibus Regularibus omnino amoveant, & eiiciant infra terminum duorum mensium, inchoandum à die intimæ præsentis Decreti, faciendæ Procuratoribus eorundem Ordinum, & Congregationum in Romana Curia existentibus. --

27 -- Quod si prædicti Superiores præsentis decreto per omnia non paruerint, aut in aliqua ejus parte contravenerint, penam privationis dignitatum, & officiorum, quæ tunc temporis obtinebunt, ac perpetuò inhabilitatis ad illa, vel alia impostero obtinenda, vobisque activæ, & passivæ ipso facto, absq; aliâ declaratione incurrant, non obstantibus, quoad omnia suprascripta, privilegiis, indultis, & consuetudinibus, cæterisque contrariis quibuscumque. Dat. Romæ die 16. Maii 1675.
G. Cardinalis Carpineus.

P. Fagnanus Secretarius.

Die 12. Mense Julii, & anno, quibus supra, supradictum decretum affixum, & publicatum fuit ad Valvas Curie in acie Campi Floræ, ac aliis locis solitis, & consuetis Urbis, per me Io: Baptistam Faina.

Pro D. Marco Aurelio Pulicea Mag. Cur.

28 Forma, & qualitas habitus conferendi Ter-

tiariis Ordinis S. Francisci in propriis domibus manentibus præscribitur à Nicolao IV. & Paulo III. & iste addit iis esse concedendam Chordam, & esse servandam locorum consuetudinem, *vide c. Officialis quoad Confraternit. n. 10* nec posse Fratres de Corpore Observantiæ cogi ad præstandum, siue viris, siue mulieribus habitum materiale, & formalem propriæ Religionis, firmavit S. C. Episc. & Reg. *in una Reatina, die 12. Aug. 1689. ut in Regest. 27. Cismontana Curia pag. 68. & sub die 27. Martii 1700. coram A. C. Petra, Causa Patrono Roccho Matthaucci,* fuit pronunciatum in causa Sarnen. observationis Bullarum, in terminis similis controversiæ.

-- Christi nomine invocato. Pro tribunali sedentes, & solum Deum præ oculis habentes, per hanc nostram definitivam sententiam, quæ de juris Peritorum consilio in his scriptis ferimus, in causa, & causis, quæ primo, & in prima coram Nobis versæ fuerunt, & vertuntur instantiis inter RR. PP. Fratres Min. Observ. Convent S. Francisci Civitatis Sarni, Actores ex una, & RR. PP. FF. Conventuales Convētus de Fuce dictæ Civitatis reos Conventos, ex altera, partibus de, & super observatione Bullarum ab Innocentio IV. sub dat. 13. Junii 1246. incip. Vota devotorum Ecclesiæ, Nicolao IV. sub dat. 8. Augusti incipien. Unigenitus Dei Filius, & Sixto IV. sub dat. 15. Decembris 1471. incipien. Romani Pontificis providentia circumspecta, & ab Alexandro VII. sub dat. 18. Julii 1657. incipien. Exponi Nobis &c. emanatarum, ac respectiva executione earundem super facultate iisdem PP. Min. Obser. concessa induendi, & regendi Fratres Tertiæ Ordinis Seraphici P. S. Fran-

Francisci, de penitentia nuncupatos, seu Tertiarios, & illos induendi habitu, & cingendi cingulo, seu corda, ad formam prædictarum Bullarum concessio seu concessa, necnon juxta formam, & usum communem Religionis juxta Pontificias Constitutiones, nec non ad tenorem literarum Monitorialium per prædecessorem nostrum expeditarum, dicimus, declaramus, decernimus, pronunciamus, & definitivè sententiamus, dictas Bullas superius recensitas observandas, & exequendas fore, & esse, prout exequi, & observari volumus, & pro effectu hujusmodi exequutionis dicimus, declaramus & definitivè sententiamus dd. RR. PP. Observantes manutenendos, & quatenus opus sit, rei integrandos fore, & esse ad quietam, & pacificam possessionem induendi dd. Fratres Tertii Ordinis de penitentia, seu Tertiarios nuncupatos, illosque regendi, ut supra, mandatumque de manutenendo, & reintegrando, decernendum & relaxandum fore, & esse, prout decernimus, & relaxamus, & ita dicimus, pronunciamus, decernimus, & declaramus, ac definitivè sententiamus, non solum isto, sed & omni alio meliori modo &c.

Item pari nostra sententia dicimus, declaramus, decernimus, pronunciamus, & definitivè sententiamus DD. PP. FF. Conventuales Conventus de Fuce d. Civitatis, nisi intra 15. dies intimationis præsentis nostræ sententiæ, seu infra scripti mandati de manutenendo, respectivè eis facien. computandos, realiter, & cum effectu eidem sententiæ, ac nostro mandato de manutenendo paruerint, ex nunc, prout ex tunc, suspensionem à Divinis, interdicti ingressus Ecclesiæ,

aliasque Ecclesiasticas sententias, censuras, & pœnas in præfatis Bullis contentas, & comminatas damnabiliter incidisse, & incurrisse, ipsosque ita suspensos, & interdictos, & censuris Ecclesiasticis suppositos, ac declaratos, publicè denunciandos, & ab omnibus Christifidelibus, uti tales habendos, & evitandos, prout arctius evitari mandamus; literasque declaratorias desuper necessarias, & opportunas decernere, relaxare fore, & esse prout declaramus, decernimus, concedimus, & relaxamus, victosque victoribus in expensis condemnamus, quorum taxationem Nobis, vel cui de jure, impofterum reservamus: Et ita dicimus, declaramus, pronunciamus, & definitivè sententiamus; non solum isto, sed etiam omni meliori modo &c.

Die 27. Martii 1700.

Ita pronunciavi V. Petra.

Bellus Notarius.

Non video, ex quo inferatur Fratres de Corpore Observantiæ debere mulieribus, & viris, conferre Tertiæ Ordinis habitum, & Cordam, materiale, & formale propriæ Religionis, ut nequeant eisdem eundem, & eandem præstare ejusdem coloris, & materiæ, cum eo, & ea, quem, & quam deferunt
 29 Conventuales; si enim similis coloris, & materiæ, (seu eadem, ut dicitur *Saya*) qua ipsi vestiuntur, habitum deferunt Tertiæ Ordinis S. Francisci Claustrales, viri, & mulieres, & eodem funiculo cinguntur; quare ea deferret, cum ipsis univocè, in qualitate, & grossitie; eis, qui de Tertiæ Ordine dicuntur, non licebit; eisque à præfatis Observantibus conferri non poterint?

Religiosos, non materia, sed forma habi-

tus extrinsecè distinguit . Sic Clerici Regulares sunt , etiam quoad habitum , inter se distincti : tametsi pro eo eadem materia utantur . Distinguitur Dominicanorum habitus ab eo Servitarum , Augustinianorum , Carmelitarum &c. at non in qualitate materiæ : nec dici potest Servitas eo Augustinianorum uti , licèt similem in materia , & colore gestent , quia in forma non conveniunt ; sic ad casum nostrum ; & tunc esset contra Observantes juris remediis agendum , cum Tertiariis materiale , & formalem habitum , Conventualibus proprium , conferrent , vel præstare prætenderent .

- 30 Nulli habitum Ordinis Franciscani, siue sint Heremitæ, siue Tertiarii, nisi in scriptis à præfati Ordinis Superioribus licentiam obtinuerit, deferre conceditur, prout disposuit Gregorius IX. *Const. Quia confusio* : Paulus II. *Const. Regularem vitam*, qui illum deferentes censuris & penis supponunt, & Urbanus VIII. *sub die 5. Octobris 1638. Cum sicut dilectus* omnibus, & singulis locorum Ordinariis, & Nunciis, ubivis terrarum constitutis, & degentibus, decreto præcipit, ne de cætero quemquam Tunicam oblongam Tertii Ordinis S. Francisci, cum, vel sine mantello, absque Superiorum prædicti Ordinis licentia in scriptis obtenta, quoquomodo deferre permittant : utque si aliquem præmissorum transgressorem repperint, illum carceri mancipandum, & tali habitu exeundum, & arbitrariis pœnis multandum irremissibiliter curent .

Ex quibus apparet jus conferendi habitum competere prædicti Ordinis Superioribus, privativè quoad alios omnes, etiam Ordinarios ;

Super enunciatarum Constitutionum observantia *sub die 21. Martii 1686.* decretum edidit S Cong. Episc. & Regul. cui Innocentius XI supplicem remisit libellum, eidem ea de re exhibitum à Procuratoribus Generalibus Minor. de Obser. Reformatorum, & Capuccinorum, cujus tenor est.

Sac Congr. &c. stante remissione libelli per SS.D.N. facta, & attentis narratis censuit, injungendum, prout præsentis decreti tenore injungit Ordinariis locorum, ut supradictas Constitutiones Apostolicas juxta earum tenorem executioni omninò demandent *Regeff. 26 Cismont. nu. 384.*

Et hæc sint satis, quæ omnia, & singula in Superioribus titulis contenta, infallibili Sanctæ Romanæ Ecclesiæ, quæ est columna, & firmamentum veritatis, judicio, & auctoritati submitto.

F I N I S.

RERUM NOTABILIUM REPERTORIUM.

Videantur Titulorum Summaria.

Primus numerus paginam, secundus marginalem innuit.

A B B A T I S S A.

Vide Summarium pag. prima.

Cum Ordinarius non vult interesse electioni, facta subsistit, p.8.n.15.

Potest interesse per se, vel per alium, non alios, ibid. & p.204.n.64.

Quid importet præsidere, p.10.n.20.

Sub titulo Præsidentis potest absoluto triennio regere Monasterium, p.11.n.24.

Ægrotantium suffragia recipiuntur juxta consuetudinem, p.204.n.63.

Electioni Abbatissæ non potest interesse Notarius ibid.n.64.

Sine ejus præsentia facta subsistit ibid.

A B S O L U T I O.

Vide Summarium pag.12.

Sacerdos in Ordinatione recipit jurisdictionem absolvendi solum in actu primo ibid.n.1.

Absolutio à venialibus sine approbatione est nulla p.30.n.23.

Regulares nequeunt absolvere à censuris quoad forum externum p.330.n.14. §. 17.

A L I E N A T I O.

Est Regularibus interdictum bona Ecclesiastica alienare p.46.n.25.

Alienatio facta sine solemnitate non subsistit. ibid.

Nec dominium directum, nec utile alienare possunt. ibid.n.26.

Nec per vim transactionis p.47. n.27.

Quid de rebus exigui valoris. pag.48.n.28.

Mobilia pretiosa quoad alienationem æquiparantur
im

Rerum Notabilium

immobilibus p. 48. nu. 29.

Unde res dicantur mobiles. ibid.

Fratres de Observantia non possunt per se ipsos alienare, & vendere p. 52. n. 32.

Quid de Capellis, & sepulturis p. 53. n. 34.

Res Sacristiæ à Fratribus Min. de Obs. quomodo commodanda p. 311. n. 30.

A L T A R E.

Privilegia celebrandi in Altari portatili, sunt revocata p. 93. n. 27.

Nec in Claustro super eo celebrari potest. p. 94. n. 30.

Altare portatile non est Oratorium. p. 94

A N N U S.

Annus quadragesimus in eligenda in Abbatissam, debet esse completus. p. 4. n. 7.

Annus naturalis, & artificialis. p. 358. n. 7.

Duo dies in Bissextili pro uno reputantur. p. 257. n. 6.

Dies spatium lucis significat, quod est inter ortum, & occasum Solis. p. 199. n. 55.

Annus præscriptus ad eiiciendos incorrigibiles reducit. p. 373. nu. 35.

A P P R O B A T I O.

Vide Summ. pag. 18.

Quid sit approbatio. p. 13. n. 1.

Non sufficit se præsentare Episcopo. p. 21. n. 4.

Approbatione Episcopi relaxatur jurisdictio. p. 23. nu. 9.

Sacerdos, cui confitetur Regularis extra Ordinem, debet esse ab Episcopo approbatus. p. 31. n. 24.

Regulares generaliter idonei reperti absque limitatione admittuntur. p. 23. n. 10. & p. 328. n. 14. §. 10.

Generaliter admissi, non possunt ab eodem Episcopo iterum examinari. p. 329. n. 14. §. 13.

Licentias audiendi Confessiones potest revocare Capitulum sede vacante. p. 27. n. 18.

Sine Superioris licentia non potest Regularis Confessiones secularium audire. p. 31. n. 24.

Licentia audiendi Confessiones non expirat morte concedentis. ibid. & p. 339. n. 26.

B E N E D I C T I O.

Vide Summ. pag. 32.

Regulares benedicunt Candelas, Cineres, & Palmas.

Repertorium.

mas. pag. 37. num. 19.

Possunt mulieres ad purificationem admittere. p. 27. n. 18.

Nequeunt Sponsum, & Sponsam benedicere. p. 316. n. 2. §. xi.

BONA MOBILIA, ET IMMOBILIA.

Vid. Sum. pag. 38.

C A M P A N A.

Die Sabbati Sancti prius pulsant Campanæ Matricis. pag. 56. n. 2. p. 316. n. 2. §. xii.

Campanæ tempore interdicti quando pulsari possunt. p. 262. n. 10. & ibid. n. 11.

CASUS RESERVATUS.

Reservare casus quid importet? p. 12. n. 2.

Actus reservationis est localis. p. 13. n. 2.

Differentia inter casum, & excommunicationem reservatam. p. 14. n. 4.

In Articulo mortis nulla est reservatio. p. 23. n. 10

C E N S U R A.

Regulares servant censuras ab Episcopis latas. p. 172. n. 10. p. 316. n. 2. §. 13.

C I T A T I O.

In citatione non omittitur dies certa. p. 180. n. 6.

Citatio continens tempus ad comparandum non sufficiens, pro non facta censetur. ibid.

Regulares ab Episcopis citati, quando comparere debeant. p. 221. n. 43.

C L A U S U L A.

Decreti irritantis, actum secus gestum annullat pag. 3 n. 4. & p. 183. n. 13.

Omnem consuetudinem tollit. ibid.

Clausula *dummodo quotidie septem Missæ celebrentur*. p. 256. n. 28.

Clausula ad septennium. p. 257. n. 29.

Intellectus rescripti quoad clausulas petitur ex mente Principis. p. 242. n. 10.

Indulgentiæ cum clausula *Universis Christi Fidelibus*. p. 244. n. 13.

Clausula *non obstantibus Privilegiis* removet ordinariæ jurisdictionis obstacula. p. 209. n. 7.

Dispositio Concilii generalis continet clausulam derogatoriam ad futuras dispositiones. p. 214. n. 21.

Clau.

Rerum Notabilium

- Clausula *quovis Privilegio non obstante*. p.213.n.21.
Clausula *salva justitia, &c.* p.375.n.2 & p.379.n.14.
Clausula *sine strepitu judicii* exponitur. p.372.n.33.
Clausula *ex certa scientia*. p.295. n.20.
Clausula *exceptiva dummodo Decretis Conc. Trid.*
non adversentur. p.320.n.7.
Clausula *Sacrisque Canonibus*. p.322. n.12.
Clausula *motu proprio*. p.331. n.16.
Clausula *ipso facto &c.* p.300. n.5.
Clausula *absque declaratione*. ibid. n. 7.

C L A U S U R A.

Vide Sum. p.895.

Jurisdiclio circa clausuram non competit Regularibus privative quoad Episcopum. p.105. n.16.

C O N C I O N A T O R.

Vide Sum. p.109.

Quæ Prædicatio habeat tractum successivum ? p.111.n.5.

Regulares debent se conformare Evangeliiis, & Epistolis. p.221.n.42.

CONFESSARIUS MONIALIUM.

Vid. Summ. p.117.

CONFRATERNITATES.

Vid. Summ. p.122.

C O N S E R V A T O R E S.

Vid. Summ. p.132.

C O N V E N T U S.

Vid. Summ. p.141.

D E C I M Æ.

Regulares tenentur ad Decimas prædiales. p.174. n.21.

Excipiuntur non possidentes. p.175. n.22.

Quando teneantur Moniales. ibid. n.23.

Regulares non tenentur ad Synodaticum. p.174.n.19.

Nec ad charitativum subsidium. ibid.n.20.

D E L I C A T A.

Vid. Summ. p.157.

D I C T I O.

Dictio *forte* est dubitativa. p.48.n.28.

Dictio *statim* moraliter intelligitur. p.162. n.8.

Dictio *ante* exponitur. p.381.n.19.

Dictionis *respective* sensus. p.367.

Dictio

Repertorium.

Dictio specialiter non extendit concessionem. p. 334. nu. 19.

Dictiones obreptio, & *subreptio* explicantur. p. 332. nu. 18.

Dictio tantum est taxativa, & exclusiva. p. 295. n. 19

Dictionis etiam sensus. p. 441. n. 6.

D I E T A.

Continet viginti milliaria. p. 34. n. 7.

E C C L E S I A.

Non sunt impediendi Fideles, quin diebus Domini-
cis Divina audiant in Ecclesiis Regularium. p. 57.
nu. 4.

Fideles satisfaciunt præcepto de audienda Missa in
Ecclesiis Regularium. p. 58. n. ibid.

Presbyteri seculares recipiendi à Regularibus be-
nignè. p. 60. nu. 8.

Ecclesia Romana est cæterarum Caput, & Magi-
stra. p. 207. n. 2.

Quælibet Ecclesia nascitur subiecta Ecclesiæ Ro-
mænæ. ibid.

Extra Ecclesiam nullus omninò. p. 223. n. 48.

Una est exemptorum, & non exemptorum Eccle-
sia. ibid.

Non potest Parochus ingredi Ecclesias Regular.
cum Stola, & Cruce. p. 226. n. 5.

Est in Ecclesia potestas concedendi Indulgentias.
p. 234. n. 2.

Regulares in propriis Ecclesiis tenentur Episcopis
erigere Baldachinum. p. 215. n. 24.

Episcopi possunt ad Ecclesias Regularium accedere
cum Cruce, & alia in eis exequi. p. 214. nu. 20. &
sequentibus.

E L E C T I O.

Vid. Summ. p. 176.

Electio est assumptio unius ex pluribus. p. 187. n. 26.

Electio est libertatis, & confirmatio necessitatis.
pag. 226.

Per confirmationem confertur jurisdictio. ibid.

E X C O M M U N I C A T I O.

Excommunicantur alienantes Bona Ecclesiæ. p. 46.
nu. 25.

Excommunicantur ingredientiæ sine licentia Clau-
suram

Rerum Notabilium

- furam Monialium . p.104. & 105.n.15. & 17.
Excommunicantur Moniales exeuntes à Monasteriis extra casus permisso . ibid.
Excommunicantur Mulieres ingredientes Monasteria Virorum. p.147. n.11.
Excommunicantur Regulares eas admittentes. pag.148.n.12.
Nequeunt Episcopi censurare exemptos, nisi in casibus ab Jure expressis. p.216.n.28.
An possint eos excommunicatos declarare. p.218.n.33.
Regulares ligantur excommunicatione lata ab Episcopo contra accedentes ad Monasteria Monialium, & quando . p.219.n.36.
Excommunicatio major fertur pro culpa mortali . p.364.n.21.
Actus facti ab excommunicato tolerato sunt validi. p.306.n.19.

E X E M P T I O.

- Vid. Summ. p.205.
Formula, qua exemptio conceditur. p.207.n.2.
Qui Regulares non sint exempti ab onere interfendi lectioni casuum conscientiarum. p.172.n.12.

E X E Q U I Æ.

- Vid. Summ. p.224.

F E S T U M.

- Vid. Summ. p.228.

H A B I T U S.

- Habitus eorum, qui de Tertio Ordine S. Francisci dicuntur. p.130. n.10. & p.453.n.28.
Habitus extrinsecè Regulares distinguit . p.460.nu.12. p.455.n.29.
Heremitis soli Superiores Ord. Minorum habitum concedunt. p.456.n.30.

I M M U N I T A S.

- Qui Immunitatem offendit, Immunitate non gaudet. p.337.n.21.

I N D U L G E N T I A.

- Vid. Summ. p.233.
Indulgentia Portiunculae Anno Jubilei non suspenditur . p.244.n.15.
Indulgentia Privilegio communicationis sunt communes inter Minores . p.334. n.20.

I G N O-

Repertorium :

IGNORANTIA.

Decretum irritans, etiam ignorantes ligat . p.4.n.5.,
& p.184.n.16.

Ignorantia excusat à pœna . p.184.n. 18.

Ignorantia præsupponitur in Muliere , & Minori.
p.4.n.5.

INTERDICTUM.

Vid. Summ. p.258.

JURISDICTIONO.

Regulares habent jurisdictionem à Papa . p.23.n.9.,
& p.390.n.8.

Jurisdictiono, alia delegata, alia ordinaria . p.30.n.23.

Non approbatus caret jurisdictione . ibid.

Episcopi in Ecclesiis Regularium non possunt sine
eorum licentia actus jurisdictionis exercere . pag.
214.n.22., & 23.

Mendicantes sunt delegati à Sede Apostolica. p.390.
nu.8.

Ufus Pluvialis non est signum jurisdictionis . p.349.
nu.15.

Coactiva jurisdictiono in Laicos repugnat Puritati
Regulæ S. Francisci. p. 445.n.12.

Episcopis in exemptos aliquando delegata, aliquan-
do ordinaria datur jurisdictiono . p.208.n.7.

Ex actibus à Delegato exercitis non probatur juris-
dictio . ibid.n.8.

Jurisdictiono proprio adhæret Territorio . p.208, n.7.

JURAMENTUM.

Præmittendum electionibus. p.190.n.34.

Juramenti causa . p.190.n.35.

De incognito jurare non licet . ibid.

L E X.

Vid. Summ. pag.168.

Lex extra Territorium non ligat. p.171.n.7.

Per leges Synodales cogi possunt Regulares, curam
Animarum habentes, ad interessendum lectioni
casuum conscientiæ . p.172. n. 12.

Quælibet lex ad bonû publicû ordinatur. p.170.n.6.

Lex jurisdictionis, & diæcesana. p.173.n.14, & n.16.

Cum lex generaliter loquitur, etiam minimum in-
cludit, p.355.n.4.

Rerum Notabilium

L E G A T A.

Vid. Summ. p. 267.

L I C E N T I A.

Ad licitum ingressum in Clausuram Monialium, requiritur Ordinarii, vel Superioris licentia. p. 104. nu. 15.

Ubi consuetudine conceditur simul ab utroque, observetur. p. 104. ibid.

Facultas eas concedendi non competit Regularibus privativè quoad Episcopum. ibid. n. 16.

L I B R I.

Extrahentes furto libros è Bibliothecis Fratrum Minorum excommunicantur. p. 310. n. 30.

L I T E R Æ S. P O E N I T E N T I A R I Æ.

Vide Summ. p. 280.

M I S S A.

Vid. Summ. pag. 54.

Episcopi possunt in Ecclesiis Regul. Miss. in Pontificalibus celebrare. pag. 113. n. 20.

N O T O R I U M.

Juris, & facti. p. 303. n. 12.

N O V I T I U S.

Novitii Min. de Obs. instruendi etiam, quod Professei ejusdem Regulæ est interdicta contrectatio pecuniæ. p. 372. n. 32.

Contrectare pecunias politicè, & civiliter, quid sit. ib.

O F F I C I U M D I V I N U M.

Communicatio Privilegiorum non extenditur ad Officia Divina. p. 332 n. 19.

O R D I N E S.

Vid. Summ. pag. 287.

Diaconi, & Subdiaconi insignia propria, Stola, & Manipulus p. 395. n. 24.

Clericus exercens actum Ordinis, quem non habet, irregularitatem incurrit. p. 60. & p. 395. n. 24.

P O E N A E C C L E S I A S T I C A.

Vid. Summ. p. 297.

P R Æ S C R I P T I O.

Ad præscribendum quale spatium temporis exigatur. p. 175. nu. 24.

Bona fides ad præscribendum est necessaria. ibid. num. 25.

P R I-

P R I V I L E G I U M.

Vid. Summ. pag. 311.

Privilegia acquiruntur per communicationem .
p. 332 n. 18.

Communicatio Privilegiorum non trahitur ad ea,
in quibus specialiter est provisum. ibid. n. 19.

Sub generali communicatione Privilegiorum, non
veniunt ea, quæ raro, & cum difficultate conce-
duntur. pag. 265.

Amittuntur Privilegia per non usum. p. 338 n. 24.

Quando Privilegium non expiret morte conceden-
tis. p. 338. n. 25.

Regularis non potest renunciare Privilegio exem-
ptionis. p. 208. n. 4. & p. 337.

Nec Clerici Privilegio fori. ibid.

P R O C E S S I O.

Vid. Summ. p. 339.

Mulieres tempore Processionum possunt ingredi
Claustra Conventuum. p. 249 n. 13.

P R O F E S S I O.

Vide Summ. p. 352.

Ante, & post Professionem prohibitum est Con-
versis ad Sacerdotium transire. p. 373. n. 34.

Professio à Secularibus de Tertio O. dine emittitur
in manibus Superioris, & non Ministri Secularis.
p. 130. n. 10. & p. 446. n. 13.

Professio, & non habitus, facit Monacum. pag. 360.
nu. 12.

Q U A R T A F U N E R A L I S.

Vid. Summ. p. 373.

Q U Æ S T U A T I O.

Ordo quæstuandi inter Conventus. p. 150. n. 27.

Quando Regul. teneantur ostendere Ordinario li-
centiam Superiorum, dum velint eleemosynas
quærere. p. 279. n. 38.

Potest Episcopus impedire immoderatas quæstua-
tiones. p. 220. n. 40.

Possunt Regulares colligere Uvas, & Frumentum
&c. prius Parocho. p. 220. n. 39.

S A C R A M E N T O R U M A D M I N I S T R A T I O.

Vid. Summ. p. 387.

Rerum Notabilium Repertorium;

S E P U L T U R A.

Vide Summ. p.396.

S I M O N I A.

Simoniacè electus Prælaturam dimittere debet .
p.193.nu.41.

S Y N D I C U S A P O S T O L I C U S.

Vid. Summ. p.414.

T E R T I A R I I.

Vid. Summ. p.437.

Distinctio Confraternitatis Cordigerorum à Tertio
Ord.S.Francisci. p.130. n. 10.

Tertiarii coram Judicibus Secularibus conveniuntur . p.313.n.2.

Si causam dederint interdicto non admittuntur ad
Divina &c. ibid. nu. 2.

Viventes intra Claustra dicuntur verè de familia.
pag.29.n.22.

V I S I T A T I O.

Possunt Episcopi visitare Confraternitates Laicorum
existentes in Ecclesiis Regul. p.125.n.4.

Quando possint ipsarum Altaria. p.126.n.5.& 6.

Conventus non suppressi quando Visitationi Episcopi
subiint . p.155. n.23.

Episcopi nequeunt visitare Ecclesias, Sacristias &c.
exemptorum . p.220.n.41.

Possunt ipsorum Ecclesias visitare in concernentibus
curam Animarum, & Sacramentorum administrationem.
p.209.n.10. p.313.n.2. §.1. p.323.nu.13. §.1.

V O T U M.

Non constituitur solo proposito . 447.n.18.

Differentia inter propositum , & promissionem.
ibid.nu.19.







